







曇

花

民國廿五年六月初版發行  
民國廿五年八月二版發行

全十二册實價國幣八元

(外埠酌加寄費)

“曲種十六”

[本及普]

編者 閱世道人

發行者 章錫琛

印刷者 美成印刷公司

總發行所 上海福州路開明書店  
電報掛號 七路〇二五七八

分發行所

廣州惠愛東路  
南京太平路  
北平楊梅竹斜街  
漢口交通路  
長沙南陽街

開明書店分店



目錄

第一齣 本傳開宗

第二齣 定興開讌

第三齣 祖師說法

第四齣 僊伯降凡

第五齣 郊遊點化

第六齣 辭家訪道

第七齣 僊佛同途

第八齣 雲遊遇師

第九齣 從師學道

第十齣 夫人內修

第十一齣 檀施積功

第十二齣 羣魔歷試

第十三齣 天曹探訪

第十四齣 奸相造謀

第十五齣 士女私奔

第十六齣 讎邪設謗

第十七齣 羣僊會真

第十八齣 公子尋親

第十九齣 遊戲傳書

第二十齣 夫人得信

第二十一齣 超度沈迷

第二十二齣 嚴公寃對

第二十三齣 眞君顯聖



第二十四齣 西來遇魔

第二十五齣 魔難不屈

第二十六齣 聖力降魔

第二十七齣 公子思親

第二十八齣 公子受封

第二十九齣 面聖辭官

第三十齣 冥官迓聖

第三十一齣 卓錫地府

第三十二齣 閻君勸罪

第三十三齣 遍遊地獄

第三十四齣 冥司斷案

第三十五齣 普度羣生

第三十六齣 衆生業報

第三十七齣 郊行卜佛

第三十八齣 陰府凡情

第三十九齣 窺園遘難

第四十齣 禮佛求禳

第四十一齣 眞君驅邪

第四十二齣 上遊天界

第四十三齣 尼僧說法

第四十四齣 羣僊會勸

第四十五齣 凶鬼自嘆

第四十六齣 討賊立功

第四十七齣 木侯夜巡



第四十八齣 東遊僊都

第四十九齣 凱旋見母

第五十齣 西遊淨土

第五十一齣 義僕遇主

第五十二齣 菩薩降凡

第五十三齣 西來悟道

第五十四齣 還鄉報信

第五十五齣 法眷聚會

# 曇花記

明屠隆箸

## 第一齣 本傳開宗

〔玉女搖仙珮〕〔末上〕千秋壯氣。一點靈臺。踏蹬風雲世態。貝葉香廬。桃花僊塢。急辦英雄退步。妝閣陳歌舞。歎風流一往。都無深趣。請細看璫宮繡戶。盡屬衰草寒烟荒土。何物最傷情。墓上牛羊。天邊烏兔。追省楚宮掩袖。漢殿裁紈。總是蛾眉生妒。燒卻彩毫。鮑郎才盡。何事又拈綺語。身在清虛府。須不是當日雕龍繡虎。試媿媿光明慧月。廉纖法雨。涅槃甘露。人應悟。別開一種金函部。

〔瑞龍吟〕英雄漢。清泰裂土封王。朝歡暮宴。西郊寶馬鈿釵。片言契合。警遊汗漫。真堪羨。感悟夫人回首。蓮花菴院。二姬亦卸濃妝。焚香掃地。永辭絃管。正遇天王鑒考。施恩救苦。衣珠盡散。曠野一身淒涼。千種魔難。尋蹤訪跡。孝子悲雲翰。歸來踵尊公勳業。扶王定亂。西竺蓬萊苑。天堂地府俱遊遍。百鍊靈光現。衛氏亦逢師。三車盡演。一門同證。曇花重見。



會撒手的定興王金精鐵鍊。

蚤回頭的衛夫人玉潔冰清。

建功業的大小侯麒麟並畫。

秉堅貞的兩裙釵龍象同行。

第二齣 定興開讌

〔滿庭芳〕〔生扮木清泰旦扮衛德棻貼扮郭倩香小旦扮賈凌波生冕服上〕胡馬南來翠華

西幸衣冠盡染腥羶手提一劍長嘯靖烽烟贏得金書鐵券玉玲瓏冠珥貂蟬

陳歌舞鈿釵繡襖行樂且當年靈武變興入帝宮咸陽依舊滿歌鍾功臣亦自開朱邸妙舞

清歌燭影中木清泰表字西來太原雲中人也姿貌魁秀膽智沈雄幼習韜鈴略涉經史授劍術於

白猿變幻風雲之態傳素書於黃石包藏神鬼之機邇者唐祚衰于中葉天子久厭萬機豔妃煽禍

羯虜乘危六飛雲奔百官星散三靈失位九廟震驚下官與汾陽王郭子儀同起節鎮戮力王家逆

賊芟除變輿返正天子告廟郊天論功序爵封子儀爲汾陽王下官爲定興王皂帽金貂東朝賜第

袞衣玉帶南面稱孤富貴爵賞極矣下官思量起來戰爭良苦足少饗其歡娛盛滿難居政不妨於

奢慾九死十難致有今日百年迅速爲歡幾何下官愚見與汾陽王意頗同夫人衛氏名曰德棻

羽逮下。雞鳴相夫。貴以無驕。美能不妒。侍妾郭倩香。迴眸掩扇。春風楊柳。嫋嫋難禁。賈凌波。顧影拂衣。秋水芙蓉。亭亭獨照。真個是當歌憐子夜。爲樂及丁年。不免請夫人喚侍妾們。後堂開宴一番。夫人有請。

〔菊花新〕〔旦上〕紅樓歌吹若爲妍。青鏡年華私自憐。急管與繁絃。可道流光如箭。

〔前腔〕〔貼小旦〕纔勻眉黛曉妝前。又着羅衣上舞筵。日照百花然。花色何如人面。〔旦〕相公萬福。〔生〕夫人拜揖。〔貼小旦〕倩香凌波叩頭。〔生〕二姬起來。〔衆〕衆侍女叩頭。〔生〕夫人。今日春景融和。鶯花韶麗。正宜與夫人宴賞。侍女將酒過來。

〔梁州序〕〔生〕風清皇路。雲迴帝輦。依舊堯封禹甸。秋槐宮井。千官此日朝天。還想我捐軀赴難。泣血勤王。隻手把天河挽。君王開爵土。畫凌烟。不負金釵玳瑁筵。〔合〕紛舞袖。搖歌扇。丹脣素手紅牙按。天不夜。酒如泉。

〔前腔〕〔旦〕金刀腥在。征袍血濺。身上瘡痕猶滿。間關誓死。收回百二河山。堪

羨你補天浴日。攬雨擎雲。九廟孤忠見。功成身合退。老林泉。雁柱鸞箏送暮年。

〔合前〕

〔前腔〕〔貼〕盛擺列綺席瑠玕。儘着送金齋玉饌。賜天廚珍供。內部梨園。眞個是紅雲不度。絳月全低。仙子清都宴。雙成隨阿母。下瑤天。六甲靈飛五岳篇。

〔合前〕

〔前腔〕〔小旦〕瑤階下碧草芊綿。芳樹上黃鸝睨睨。喜晴和風日。正好流連。雅稱的華堂錦鬪。寶埒香塵。羅襪靈妃淺。上公花底坐。暈朱顏。都道華陽句曲僊。

〔合前外庭作樂〕

〔節節高〕〔合唱〕笙歌戶外傳。鎮喧闐。珠簾似隔蓬萊院。王家宴。十萬錢。朝朝辦。酒中恩賞人人徧。綺縑金燭連珠串。〔合〕今日清尊共看花。人生莫遣花如線。

〔前腔〕淋漓錦瑟邊。亞雲鬟。臨風玉樹嬌扶倩。衙官散。夜色闌。春星燦。監奴撒

席收金盞。侍兒拂枕鋪羅薦。〔合前〕

〔餘文〕時清更喜逢身健。得歡娛且開笑顏。老去何人再少年。

〔生〕劍藏玉匣箭弋房。

〔旦〕粉黛盈盈列兩行。

〔貼小旦〕解得百年終日醉。

〔合〕祇應三萬六千場。

### 第三齣 祖師說法

〔外扮西天祖師賓頭盧上〕阿僧祇劫修行。剎那時間瀟灑。六時貝葉經中。五體蓮花座下。誰識泥牛渡河。又道石人騎馬。有則萬法俱來。無時一絲不掛。貧僧乃釋迦如來大弟子西天祖師賓頭盧是也。祇緣叅劫修行。得遇給孤良會。金鏡扶翳。全蒙迦老鉗錘。玉杵降魔。亦仗韋馱抖擻。貫頂一針。言下便超有漏。當機半句。立時頓悟無生。只因大事因緣。來此娑婆世界。我想世上這些衆生好苦也。沈酣世味。渾如酒蠻尋酸。苦戀火坑。一似燈蛾赴燄。爛臭底一副皮袋。說俊說美。骷髏紅粉。名爲糞裏鑽香。好險的兩字功名。說富說貴。傀儡戲場。真是刀頭餆蜜。戀着處一味口裏流涎。直待漏乾。娑竭海。怒來時一霎眼中出火。便欲燒卻須彌山。古今淪墮。無非爲鬧攘攘的六慾牽纏。晝夜奔忙。



總只是黑漫漫的三途路徑。如電如霜。最迅速不住停的是百年光景。爲蕉爲沫。極危脆不堅牢的。是四大身軀。牀席上分明一個死屍。還說爭名爭利。喉嚨裏纔有半點氣息。尙思報怨報讎。直日功曹。是固有記人。上善惡簿子裏直書。定盤星分文不爽。閻家老子是個無情漢。盡罪福業鏡中照出。至公堂毫髮難容。人世難升易墜。上得一步。骨碌碌滾將下。好一似跛鼈爬深缸。人身難得易失。頭路一差。白茫茫何處尋。好似盲龜撞浮木。但使自沈苦趣。落塹投坑。一去永無回轉日。縱然再得人身。改頭換面。重來不識自家人。咳。誰信此一件大事。人人本有個個不無。迷則佛是衆生。穿瓔珞的也會披毛戴角。悟則衆生是佛。被枷扭的立可坐象騎獅。大衆。你們不信哩。你不聞釋迦佛子未成佛日。逐輪迴徧歷諸趣。廣額屠兒放下屠刀。不半晌立證菩提。迷時寸步千里。風塵踏破鐵鞋。悟時千里目前。日月高懸金鏡。衣珠而一向行乞。咳。誰知道衣裏有珠。提燈而鄰家借炊。呸。卻原來燈卽是火。莫說成佛在靈運後。單了個無明無無明。便趨寂滅。莫說生天在靈運前。直爬上非想非非想。難免輪迴。若是不悟本心。隨他絕代聰明。過人學問。只播弄得三世精魂。倘然不知佛性。任教格天事業。蓋世英雄。到頭來是一場春夢。會得的好似關將。百萬軍中。單鎗直入。手刺顏良。不會的好似

項羽。八千兵散。正馬逃亡。身迷大澤。有如執有死生。怎脫得胞胎驢馬。假饒撥無因果。又未免業報。獼猴。大凡要種福田。先除業識。莫求聖解。且盡凡情。天上一般樣的雨。天宮落的是珍寶。修羅宮落的是刀鎗。人間落的是雨。元隨法界業因。地下一般樣的水。天見是琉璃。餓鬼見是膿血。魚見是窟穴。人見是水。總屬衆生情見。業因不盡。縱如摩醯異相。報盡還來。情見未忘。便如鶩子辯才。終非了義。理因頓悟。機鋒合下承當。如破數節之竹。事以漸除。階級必有次第。如登九層之臺。字必前阿而後茶。地必化城而寶所。自了非普度之聖。雖神通變化。不是住頭。恐黃蘗砍吾雙足。苦行非圓頓之門。卽德行孤高。尙難歇脚。笑懶融輸彼三車。舟行大海。風波裏牢把定舵竿。馬臨峻坂。危險中急收回韁勒。萬人坑裏。打破疑團。纔喜得離窠臼。千丈崖巔。踢翻筋斗。這遭永脫輪迴。將此身心奉塵刹。是則名爲報佛恩。定興王木清泰。乃是西天散聖焦鏡圓。因微過謫于人間。爲唐朝節度使。安祿山反叛入都。唐天子播遷幸蜀。清泰與郭子儀翦滅妖氛。肅清宮禁。變輿返正。唐室中興。論功進爵。裂土封王。勳名何加。富貴已極。但恐其沈身苦海。失足迷途。祇執現在之身。忘卻來時之路。如來遺貧僧點化此人。早還淨土。須索走一遭也。〔弔場〕

第四齣 僊伯降凡

〔末扮山玄卿上〕靈峯高嵯峨。貝闕中天起。青霞繡柱外。白霧凋窗裏。娑娑凌歎塵。乘化觀無始。朝遊碧山阿。暮還清溪沚。鸞輪無去來。天地相終始。自家蓬萊仙客山玄卿。寂寞棲幽。清虛遠俗。尋師了道。度世登真。玄竅開通。鍊得三花聚頂。河車升降。養成五炁朝元。知念中無念。黍米結子。混沌如綿。了生外有身。神化脫胎。虛空若粉。霧縠霞衣。何用寒披。櫛葉天廚玉饌。豈須飢采山花。碧落飛行。雲路霎時萬里。滄波清淺。仙期少別千年。定與王木清泰。原是東華仙卿。後證西方散聖。近因微過。被謫塵寰。破賊立功。封王受爵。太上虛其祇貪後福。遂昧前因。遺貧道下凡。點化此子。須索走一遭也。遠遠望見一位聖僧來了。〔相見介末〕呀。元來是西天祖師賓頭盧。祖師稽首。〔外〕仙子免禮。〔末〕請問祖師。到此何幹。〔外〕你不知道。吾奉如來法旨。來此娑婆世界。點化木清泰。〔末〕祖師元來如此。貧道亦爲此而來。〔外〕如此同往。

〔清江引〕閻浮世人真苦惱。爭似我西天好。貧迷衣領珠。賊劫吾家寶。怕你失卻人身何處討。

〔前腔〕〔末〕茫茫百丈紅塵道。爭似我仙家好。胸中膏火煎。鏡裏容顏槁。你看古塚纍纍盡荒草。〔並下〕

### 第五齣 郊遊點化

〔傳言玉女〕〔生領將士女伎騎吹上〕春滿皇州。車馬西郊馳驟。雨拋金鎖。苔臥沈鎗時候。英雄閒卻。且消受紅妝翠袖。試尋芳出郭。水明山秀。十隊紅妝結束齊。馱笙載酒出郊西。佳人金縷青絲髻。駿馬銀鞍碧玉蹄。芳草平鋪官路軟。垂楊斜罨畫樓低。踏歌連袂紛遊女。一曲襄陽過大隄。下官閒居無事。值此勝景良晨。風日熙明。山川秀朗。分付左右將士準備鞍馬。優童侍女打點笙歌。山西郊外尋春行樂一番。祇候何在。〔祇候上〕前隊貔貅衝曉色。後車鶯燕雜春聲。稟大王。寶馬鈿車。銀鞍玉勒。步障隱囊。花氈繡毯。縷衫檀板。錦瑟瑤笙。悉皆齊備。請大王出郭尋春。〔生〕傳入後堂。令郭賈二姬帶領隨行女使一班同往。〔貼小旦帶領女使攜笙簫將士弓劍鼓吹上〕

〔疎影〕蛾眉描就。試輕添粉黛。重整衫袖。緊紮弓彎。頻揜繡帶。又將金紐牢扣。

〔合〕石榴裙罩桃花馬。生只怕寶釵欲溜。請看柳媚花嬌。正是尋春時候。〔相見介生〕分付衆人一齊上馬。

〔畫眉序〕勝日好郊游。一帶山川錯如繡。看霞紅樓閣。水綠汀洲。虹梁照縹渺。仙都鴛瓦。映參差雲構。〔合〕麗人齊鬪春風面。家家繡戶簾鉤。

〔前腔〕〔貼小旦〕玉勒傍銀疆。笑捉金鞭怯纖手。道蓮生寶凳。別樣風流。春山遠黛色初勻。野水淨縠痕微皺。〔合前生〕左右。前面甚麼所在。〔衆〕前面山下。平坡如掌。細草

濃花。諸貴戚王公臺榭都在此處。可以下馬散步。〔生〕快到那邊停車下馬。

〔前腔〕柳外繫驂驪。一曲清歌一尊酒。喜妖童嬌女。錦瑟箜篌。園林遠宛轉銀塘。亭榭嵌玲瓏巖岫。〔合前〕

〔前腔〕〔貼小旦〕含笑復含羞。無奈人來疾回首。儘頻看約指。佯整搔頭。雕鞍上暖日融和。香袂裏汗衫溼透。〔合前〕

〔前腔〕〔生〕錫土列王侯。帶礪山河聖恩厚。願君王行樂。萬歲千秋。瞻城闕薄



暮言歸。徵歌舞明朝還。又〔合前齊上馬科〕

〔滴溜子〕〔衆〕風日好。風日好。共成勝遊。人生裏。人生裏。歡娛不久。名姓史書儘有。現前未老身。頻開笑口。不挂無端世上憂。

〔鮑老催〕車馳馬驟。王孫行處人烟轉。鳳簫細續鸞笙奏。歎英雄回首。中藏機穀。試問燕秦丘隴。何人守。韓彭蒞醢。君知否。這盛衰須參透。

〔雙聲子〕郊西路。郊西路。桑葉亂羅敷。首城南騎。城南騎。柳絲拂王孫袖。人如織。人如織。擁道周。擁道周。看樓前蹴鞠。花裏藏鉤。

〔餘文〕風光歲歲還依舊。青鬢俄驚又白頭。便是明日陰晴也未可謀。〔外扮醉

僧上攔路〕平生醉裏顛厥。醉裏卻有分別。明朝酒醒歸何處。楊柳岸曉風殘月。〔左右呵喝不動

介〕稟大王。前面有一個醉僧攔路。〔末扮風魔道人上攔路〕倒翻銀河半灣。撞碎崑崙一角。上帝

罰我害風。四海蓬頭赤脚。〔左右呼喝不動介〕稟大王。前又一個風魔道人攔路。〔姓〕和尚道人過來。你兩人既爲僧道。怎麼不守戒律。飲酒風狂。攬吾去路。〔外〕我不參禪不說法。終日醺醺醉麴蘖。

假饒撞着老迦文。當頭一棒便打殺。〔生〕道人你爲何如此風狂。敢是有病麼。〔末〕人人道我有風症。卻是風魔不是病。世間多少假惺惺。不識自家真性命。〔生〕這僧道說話雖狂。卻似有意。和尙近前來。我問你住在何方。是何名字。〔外〕我虛飄飄雲水。何處是我家鄉。圓陀陀本身。那裏有甚名字。大王。我且問你。你今自叫做木清泰。太原雲中人氏。你前生是甚麼名字。住在何處。〔生怒〕這禿頭。我怎麼知道。〔外〕你卻不知。〔生〕道人。你的風病何年染成的。如何不醫治他。〔末〕我自混沌初分得病。也不記得起自何年。我怪世人惺惺。因此不醫此病。〔生〕這兩個風魔僧道。在我王侯面前無禮。敢說這等大話。〔外〕大王得罪了。你說是王侯。你聽我道者。

〔混江龍〕你道是王侯位高。千年胙土錫分茅。眞個是堂迎珠履。戶擁旌旄。帳下義兒懸玉帶。襁中孺子插金貂。響一派裊裊遏雲歌。列兩行楚楚如花貌。受用的畫添桂釀。夜續蘭膏。〔生〕我蕩寇立功。取黃金印如斗大。懸之時後。好不富貴也。

〔油葫蘆〕〔外〕只道是富貴黃金鑄得牢。又誰知一旦拋。須臾少壯成衰老。身子裏紫綬雖堪貴。頭兒上白髮不曾饒。悲來有今夜。運去沒明朝。恩情那得戀。

歌舞爲誰嬌。容華謝桃李。憔悴掩蓬蒿。恨無情。杯土斷送幾英豪。今古價有誰逃。

〔天下樂〕〔末〕當日功名仗寶刀。掙爵土與兒曹。到頭來湯雪消。從此後枉持杯向墳上澆。冷落了宛轉吳謠。消停了娉婷楚腰。又何須上銅臺。那魂怎覺。

〔生〕我抱負經綸才調。通今博古。那些不曉來。你那僧道知些甚麼來。

〔北節節高〕〔外末〕抱負了經綸經綸才調。只不曾悟禪悟禪開道。偌大英雄正好得意時。無常來到。挽了夫人。覷了愛妾。將兒孫囑着。捨了金寶。撇了愛寵。辭了聖朝。獨自個苦伶仃黃泉路遙。〔貼小旦〕大王。這兩個風狂僧道無禮。一味胡言。大王不要聽他。燃了他去罷。〔生〕不須燃。且聽他再說。

〔元和令〕〔外〕這兩個分明孽妖。直害得人眼光落。準備着管弦夜夜與朝朝。儘人前賣弄俊嬌。有一日水流花謝。粉褪香消。你風情那里討。

〔上馬嬌〕大王。你是個大丈夫。怎迷戀兒女曹。呀。只逞目下莽雄豪。卻等閒忘。

卻來時道。怎不覓舊根苗。

〔勝葫蘆〕〔末〕你只看古塚新墳侵野潦。有多少貴官僚。早見狐狸穿墓道。珠

襦玉柙。桐棺瓦器。一樣草蕭蕭。〔左右〕天色已晚。請大王回府。〔生〕且消停。這個僧人還有

話。〔外〕料此際錦席華堂燈燭耀。待歸去好良宵。綽約金屏珠翠繞。歌開檀

口。玳攏纖指。河漢轉星杓。〔生〕你這僧道可知我府中風景麼。

〔後庭花〕〔外〕只愛着錦堂春風景好。那裏管月華沈天色曉。假饒千載常如

是也。便儘風流將擔子挑。不逍遙。猛可裏做水痕兒微泡。戲棚兒收拾早。弄虛

脾糊猴圈套。有幾個夜與朝。報閻王柬帖兒招。形骸瘦。鬢髮焦。一場兒沒下梢。

〔生〕和尚。這個都說的是。你既是這等有道有識。怎麼自家喫得這般兒醺醺兒醉。可也不照管自

己。

〔柳葉兒〕〔外〕呀。你笑我自家不照。恁醺醺終日酩酊。妝喬做喬。怎便肯洩真

消耗。待梅香噴雪兒消。那時節纔和你說不醉的心苗。〔生〕你出家人有什麼好處。

〔末〕有好處。〔外末合〕

〔寄生草〕三花樹開應遍。九蓮臺路不杳。把僧伽換卻烏紗帽。雲衣瓔珞香烟罩。金沙細路幢幡導。只這個天宮七寶佛莊嚴。煞似王家五等官封號。

〔尾聲〕蠹蝕桂花凋。鼠嚼枯藤倒。便從此撒手回頭欠早。莫等到席冷筵殘人散了。一沈苦海中永劫難撈。但靈消誰認皮毛。鬼窟翻身知幾遭。平生意氣豪。只爭一些兒不到。這時節那裏尋貴王公官品兒高。〔並下生〕左右。我被這兩個僧道說得一片熱腸冰冷了。快收拾回去。

〔生〕邂逅逢僧話。

〔貼小旦〕狂言卻指迷。

〔左右〕早知燈是火。

〔衆〕飯熟已多時。

## 第六齣 辭家訪道

〔小生扮木龍駒院子上〕昨日繁華。今日冷淡。苦海無邊。回頭是岸。俺老爺從西郊回來。忽然分付小人製一副道衣。說要雲遊出去。夫人公子知道。好生驚訝。不免在此伺候則個。〔生道裝上〕



〔憶秦娥先〕西天近。金繩覺路明勾引。明勾引。道情頓起。壯心消盡。誰把金錐劈面撇。明人不用多饒舌。丈夫胸懷烈火燒。沃我醍醐冷如雪。化去知他黃鼠肝。嚼來多少青蠅血。弩下逃生急不收。一朝便與妻兒別。我木清泰世間奇男子。濟世愛民。扶危定難。忠助不小。爵位已高。青史許我標名。紅妝可以送老。世事到此足矣。只是我這一點靈性。無處追尋。一副骨頭。沒有下落。昨日在西郊遊覽。遇着兩個醉和尚風道人。說一片言語。機鋒頗對。觀面相擦。撥得我心花頓開。毛骨盡悚。我如今思量起來。終日戀這個火坑中。何時有出頭日子。早上修成一本。封進與皇上。辭了爵位。別了妻孥。我待逍遙雲水。訪道尋真去也。不免請出夫人公子和侍妾們辭別則個。〔旦貼小旦上〕

〔憶秦娥後〕東君若個傳春信。眉端一夜添新恨。〔小生上〕添新恨。且倩取舞衫佐酒。名花消悶。〔相見介旦〕相公。你今日怎麼忽然這般打扮。〔生〕夫人。我思量百戰功成。五衰

相現。年光有限。盡皆野草荒墳。閻老無情。不問王公貴戚。麟脯龍肝。早起仍還枵腹。蛾眉鸞鏡。轉盼已是衰容。恩情寵愛。百年未免分離。富貴榮華。一夢都成虛幻。泉路茫茫。那得親知在眼。遊魂渺渺。

惟有罪業隨身。狐蹤兔穴。儘教草土縱橫。馬腹驢胎。一任冥司差遣。眼下欲逃生死。惟有學道修禪。我如今特請夫人兒子們出來辭別。去雲水之間。尋一條出世的大路。倘得成道。日後自有相逢。兒子龍駒。伶俐老成。可以襲封繼後。不墜家聲。侍妾郭倩香賈凌波。青年難守。我有貧交二人。同郡秀士呂非熊。蒲東秀士令狐翹。並年壯負才。家貧未娶。夫人可做主張。將二女嫁與兩生。勿索其寸絲爲聘。我從此逝矣。〔旦驚介〕相公如何忽生此念。莫不是驚殺我也。倩香凌波過來。相公昨日帶你們往郊外遊玩回來。從何忽有此話。〔貼小旦〕昨日老爺在西郊外行春。偶遇兩個醉和尚風魔道人。講了一片說話。卻不知老爺怎的便生此念。〔旦〕相公不要說這個話。功成名遂。正好爲歡。若要修行。在家亦可。分情破愛。遠別何之。快不要。〔小生〕爹爹年力未衰。朝廷倚重。兒子春秋尚幼。孝養全虧。怎便捨得撇了母子。飄然遠去。聞言驚詫。請爹爹三思。〔貼小旦〕老爺雲遊遠涉。辛苦怎禁。僧道風狂。語言難信。侍妾輩不足論。怎忍撇了夫人。棄了愛子。永辭榮貴。獨受淒涼。雲水之言。請勿再道。〔生〕吾意已決。不必多言。

〔園林好〕辭榮去。母子休得要怨嗔。辭榮去尋師問津。思量起流光何迅。我怎

肯戀紅塵。我怎肯戀紅塵。〔旦哭介〕

〔前腔〕君本是天朝貴臣。怎做得雲遊道人。平白地飄零一瞬。好教我痛傷神。好教我痛傷神。

〔江兒水〕〔貼小旦〕頃刻添離緒。低頭掩淚痕。無端饒舌把闍黎恨。花言暗地裏將人引。漁翁釣罷金鈎褪。骨肉如何投奔。〔合〕悔去尋春。須信歡爲禍本。

〔前腔〕〔小生〕堂上歌鐘在。階前萊綵新。一朝分手把天涯問。遼陽路遠也難通信。鶴歸千載無憑準。父子恩深怎忍。〔合前〕

〔五供養〕〔生〕鐘鳴漏盡。轉眼衰殘鬢髮如銀。萬緣俱是假。一法幾曾真。〔旦〕相公。你如今要往那裏去。〔生〕從此去雲水間東西休論。流沙應有路。弱水豈無垠。

〔合〕縱使歸來。怕道容難認。

〔前腔〕〔旦〕君無出門。俺娘兒倚傍何人。一生逢泰運。此日遇災屯。你飄飄只此身。何處去風霜淒緊。旅邸誰爲伴。衣冷誰與溫。〔合前〕

〔玉交枝〕〔貼小旦〕心中暗忖。盼天涯已在脚跟。佳人薄命應先隕。從茲眉黛羞  
勻。君今脫身歸白雲。妾寧易主調紅粉。〔合〕最可憐生前永分。最可憐別後斷  
魂。

〔前腔〕〔小生〕煙姿霞韻。也應知生來往因。把金章紫綬看塵坌。霎時剖愛分  
恩。如今叔卿行采真。他年度世難尋問。〔小生〕爹爹苦要去訪道。如何一人獨行。小心勤  
慎的家奴帶一個。客中也好伏事。〔生〕我出家要修苦行。豈可帶家奴伏事。不消不消。〔旦〕妾有  
金珠八寶。乃皇后娘娘賜與妾身的。將此盛一小囊。縫在相公衣裏。聊表夫婦之情。前途亦可濟急。  
〔生〕濟急二字說得卻好。夫人。這個到使得。〔旦取金珠縫囊科〕

〔前腔〕孤身前進。怎生禁淒涼路貧。把雄貲鉅萬都拋盡。一家陌上遺塵。〔旦停  
針拭淚科〕衣間寶珠妾自紉。眼中紅淚如線滾。〔合前生〕夫人。我家曇花閣下。有曇花  
樹一株。我折一枝插在庭前。此是西土佛樹。東土難栽。若此行得證道果。後會有期。曇花無根。生長  
茂盛。若是無成。曇花萎死。留此爲記。〔折取插科〕

〔前腔〕西方奇品。看曇花婆娑映人。一枝手插留幡信。願東皇暗長靈根。從知  
白花皆有神。況兼諸佛來相印。〔合前生〕夫人。大丈夫既興出世之心。豈復存兒女之戀。欲  
超苦海。先斷愛河。我去也。我去也。〔下衆哭倒科〕

〔川撥棹〕〔合唱〕君行緊。一家人俱哭損。但願得果證三身。但願得果證三身。  
早歸來曇花正春。〔合〕怎教人不恨神。便途人也不忍聞。

〔前腔〕從此羅衣空疊塵。從此薰籠香不焚。急面君王將此情陳。急面君王將  
此情陳。把玉帶貂蟬還與君。〔合前〕

〔餘文〕封王拜將懸金印。陡然間山林遠遁。始信英雄自不羣。

〔旦〕采菱歌斷木蘭舟。

〔貼〕嫁得蕭郎愛遠遊。

〔小生〕日暮未知投宿處。

〔合〕滿天風雨下西樓。

### 第七齣 僊佛同途

〔外末同上外〕道術分三教。源流本一家。〔末〕仙人拾瑤草。佛子坐蓮花。〔外〕南瞻州堪度。西天路



不賒。〔末〕悟時冰泮水。迷處飯蒸沙。〔外〕仙子。我與你商議。六度萬行。我祖渡河寶筏。全在慈悲。八百三千。你家升天靈梯。亦先功行。弘慈普度。你我宿心。爭奈此世界衆生。罪累深重。根器淺薄。沈沈黑業。碌碌紅塵。不信法輪。轉生疑謗。以故地府惟專治有罪。佛祖不能度無緣。可歎可歎。你我並奉祖師法旨。來度世人。定與王木清泰。被我二人三言兩語。撥轉他心。飄然辭家。尋真訪道。果是個有宿根的善知識。猛回頭的大丈夫。但恐其塵緣久汨。道念難堅。我和你須教他徧歷諸境。磨鍊身心。要積福田。先修苦行。〔末〕祖師所見極是。仙道清虛。佛門廣大。弘慈普度。原讓如來。祖師此後大闡門風。弟子在傍拱聽法旨。〔外〕真空妙有。無生不說長生。忠孝淨明。仙道原非外道。菩提妙覺。最上無倫。高真上玄。亦自可貴。仙道清虛不染。若要再起。須用皈依三寶。佛門廣大無邊。既云普度。豈得獨舍諸仙。如來與上真在虛空中。道法相與。師徒甚歡。只是無知的野道人。不聞佛法。詆祖位爲精靈。不廣的禪和子。未究仙宗。罵真人是外道。兩家聚訟。積漸成仇。此是後世子孫所爲。並非當時老祖之意。我如今與你同在一塊。正是欲明此事哩。木公將到。可以迓之。〔末〕待木公到來。善巧方便。祖師無恡撩牙。藝壓當行。弟子不須開口。

〔外〕莫怪老僧饒舌。

〔末〕此僧老婆心切。

〔合〕願希普門大士。

不作辟支菩薩。

### 第八齣 雲遊遇師

〔一枝花〕〔生道裝上〕籠裏家雞初放。雲中野鶴翱翔。且喜凡身尙無恙。木落歸根一夜霜。尋師道路長。兒女牽衣泣淚頻。丈夫此處度關津。仰天大笑出門去。我輩豈是蓬蒿人。木清泰棄官爵富貴。撇妻子家筵。眼見得脫了火坑也。只是孤身渺渺。前路茫茫。求道未有入門。進步不知去向。昨日撞遇這兩個方外人。尙未知他是凡是聖。只言語可也不凡。他旣撥我出家。因緣必有個下落。大丈夫業已出世。一身便是浮雲。且信步聽天。再作道理。

〔新水令〕一朝揮手謝君王。脫朝衣把布袍兒穿上。纔離了歌舞地。蚤來到水雲鄉。兩袖飄揚。兩袖飄揚。覺耳畔天風響。

〔步步嬌〕苦海茫茫深千丈。今古皆淪喪。英雄沒主張。誰駕慈航。穩載我離風浪。今日裏一日悟無常。神魚跳出青絲網。

〔折桂令〕出華堂。拜別糟糠。離了青閨。撇卻紅妝。還想我沐雨經霜。身中鎖甲。手裏沈鎗。博換得玉帶金章。忽然間野服新裝。這纔是猛烈英雄。小可的凡腹難量。

〔江兒水〕煙水千層碧。雲山一帶蒼。忘機的野鳥閒來往。好風吹去蘆花舫。娟娟月照在漁竿上。物外年光。別是一般情況。

〔雁兒落〕待尋個老衲子。薜荔房。怎戀着粉骷髏。芙蓉帳。磬聲中。蘆蔔香。幡影外。優曇放。終日裏稽首向空王。親眼見玉毫光。參師祖。經威棒。問天醫。借藥方。何妨。衝一味混俗的風魔樣。相當。我且去訪雲門叩石霜。

〔僥僥令〕昨日金針手內藏。明挑出繡鴛鴦。觀面相逢肯廝放。撩撥得兩投機。心自想。兩投機。心自想。

〔收江南〕呀。明說道好筵席定散。歡樂過轉爲殃。夢甫覺邯鄲。一枕熟黃梁。瞥然回首悟無常。因此脫功名戲場。怎等到身兒衰朽鬢兒蒼。

〔園林好〕老闍黎知他那廂。病風魔多應是假狂。口吐出金莖蔗漿。頓使我熱心降。頓使我熱心降。

〔沽美酒〕踮芒鞋走道旁。提托鉢乞齋糧。誰識當今侯與王。雖然侯與王。渾不是舊行藏。舊行藏。改卻僧伽樣。潮汐有晨昏消長。烏兔有東西來往。我啊從此永辭畫堂。遠離故鄉。要歸來除非是擁幡幢在蓮花座兒上。

〔尾聲〕孤雲野鶴身飄蕩。大地山河纔一掌。便西去恆沙也只半餉。〔下〕

### 第九齣 從師學道

〔外末同上〕天上英雄豈無故。富貴功名草頭露。金針一撥轉瞞人。回頭便指西天路。木清泰被我兩人喚醒。辭家入道雲遊來了。仙子。我和你不免接引他一番。遠遠望見來也。〔生上〕雲山烟水路茫然。竹杖芒鞋散誕仙。繡帶鴛鴦留得在。金針知落阿誰邊。遠遠望見二位僧道。想必就是前日西郊相遇的了。〔相見介〕二位師父。木清泰昨日蒙二位師父點化。猛然省悟。回家即便別了妻子。棄了功名。來隨師父修行辦道。出門信步。岐路茫茫。無處尋覓高人蹤跡。正在此苦楚悞惶。幸得邂逅

相遇。只望真師接引。了道歸真。出離生死。〔外〕我兩人邈過雲遊。止求衣食。豈能度人。昨日酒後狂言。何必深信。大王你怎麼就起這個念頭。莫非錯了。〔生〕師父。你休要瞞我。你昨日言言良藥。句句慈航。豈不是有道的高人。我弟子既已出家。理無退轉。伏望慈悲。指引路頭。〔下拜科外〕大王。你既真心出家。吾當指引。我且問你。你今辭榮遣愛。能不悔麼。道門清苦。戒律甚嚴。你能持否。儻或不能。出家也無用。〔生〕大丈夫既已捨樂就苦。決定甘心受戒持齋。必然不犯。當發誓願。請勿過疑。〔外〕可喜可喜。你能如是。何患大道不成。我等敢辭拔濟。〔末〕大王。你便當拜大和尚做本師。〔外〕大王。你當拜道者做導師。〔生拜外科〕一自蒙師指授。驀然針芥相投。伐薪給水。願從遊。長侍蓮花。夜漏。〔生拜末科〕宿世因緣。輻輳雲駟。遠自丹丘。金匙銀籥。片言抽合。下玄關開透。〔外〕原自西方法友。〔末〕偶然失足。闔浮。〔外〕一言半句。便回頭。〔末〕鞭影良駒。馳驟。

〔駐馬聽〕〔生〕印度西方。玉界金沙。路渺茫。全仗明師指導。暗室香燈。苦海慈航。願離五濁。向雲堂。長依七寶遊龍藏。〔合〕選佛名場。梅檀座下。跏趺合掌。  
〔前腔〕〔外〕一入禪房。壞色麤衣。薰戒香。須要削除煩惱。打滅塵勞。深念無常。



一朝了悟見靈光。幢幡導引在蓮花藏。〔合前〕

〔前腔〕〔末〕洞府仙鄉。授汝長生不老方。須要九還七返。凝神絳府。積炁黃房。皮毛脫落木經霜。此時便是如來藏。〔合前外〕西來修行之事。理雖頓悟。功必漸修。要鍊身心。須歷境界。佛國仙都。天堂地獄。俱是遊到的。你卻不可不知。〔生〕憑師父指引。

〔外〕莫問一花開五葉。

〔末〕且修禪土住香臺。

〔生〕山中昨夜西風急。

〔合〕擷落羅浮萬樹梅。

### 第十齣 夫人內修

〔逍遙樂〕〔旦道裝上〕自君之出矣。檠戟門庭清似水。年華何況鬢邊催。收除釵釧。褶疊羅襦。結束緇衣。少小住華屋。複閣連雕簷。良人耀蟬冕。妾亦榮鸞簪。但知召歌舞。何嘗親桑蠶。邀人傅脂粉。不自着羅衫。一朝光景異。惠風扇囂炎。良人脫朝服。稽首事瞿曇。賤妾亦何爲。孤棲戀香奩。願學優婆夷。三寶同修參。妾身衛氏。嫁與木郎。夫君棄室尋師。辭榮入道。鐘鳴鼎食之家。一旦冷如冰雪。妾身思量起來。男子既能省悟。我婦人何獨癡迷。鸞誥龍章。錦衣玉食。數十年於

我足矣。如今已令人築一淨室。名曰蓮花菴。皈依三寶。薰修六時。優塞亦有優夷。龐婆要追龐老。既  
可了我生死。亦不玷辱夫君。豈不美哉。相公臨行。囑付將倩香凌波二妾出嫁秀才。不免喚孩兒二  
妾出來。分付則個。〔貼小旦上〕

〔遠地遊〕紅妝盡洗。蟬鬢無心理。盼不到天邊夫婿。〔小生上〕雲山烟水。何處尋  
遊履。流不盡思親雙淚。〔相見介旦〕倩香凌波過來。老爺臨行囑付。將你二人出嫁秀才。便可

遵老爺嚴命治裝。我盛備房奩相送。孩兒。你可將此意好生傳與呂非熊。令狐翹二秀才。玉成好事。  
免誤青春。〔小生諾貼小旦跪云〕好告夫人得知。老爺既辭家訪道。夫人亦在宅修行。二妾雖裙釵  
賤流。葑菲下體。豈無道念。亦有人心。身披羅綺。口喫膏粱。一向受老爺與夫人撫養深恩。未能報答。  
老爺既脫履挂冠。持瓶鉢而遊方外。二妾豈忍施珠浥粉。抱琵琶而過別船。願做兩個道姑。在淨室  
中伏事夫人。焚香掃地。一同修行。一則表犬馬戀主之情。一則希蛤蜊生天之福。二人意已決矣。望  
夫人矜容。〔旦〕說那裏話。你二人青春尙幼。白日難挨。豈能受此清苦。〔貼小旦〕夫人現受淒涼。二  
人願同甘苦。想夫人不信我二人至誠。不免對天設誓。天地三光。若郭倩香凌波二人修行息思。

不信不誠。情願生受災殃。死墮地獄。〔旦〕好好。你二人能如此。我心甚喜。修行是好事。卻大家與老爺爭口氣。我如何不聽從。眼見得蓮花菴中三淨尼也。

〔集賢賓〕蓮臺寶刹新構起。雲冠嚴淨毗尼。瓔珞如來幢蓋裏。看紺髮參差螺髻。曇花旖旎。紅閣外爐烟裊細。〔合〕天似洗。塵不到竹牀髮几。

〔前腔〕〔貼〕歌樓舞榭局不啓。生疎子夜前溪。清梵斜陽金磬裏。正水綠霞紅鮮霽。香薰戒體。新學得青蓮半偈。〔合前〕

〔琥珀貓兒墜〕〔小旦〕莊嚴七寶。木樵對軍持。同向蒲團禮六時。跏趺未慣整霞衣。休疑死抱芙蓉。冷落荒陂。

〔前腔〕〔小生〕香殘日晚。明月伴琉璃。一卷楞嚴手自披。迦陵啼過竹林西。堪悲寂寞龐家。盡向菩提。母親一家俱已入道。教孩兒獨自一個支持門戶。好生苦楚。父親雲遊。

杳無下落。孩兒明日要出門尋訪。儻得一面。死亦甘心。〔旦〕孩兒。乾坤落落。雲水茫茫。那裏去訪。就是尋訪不着。也盡你一點孝心。儻天憐念。得一相逢。也不見得。這個我不阻你。但你父親飄零。你又

出去。怎教爲娘的不憂念。倘得父親消息。須急早回來。慰我懸望。孩兒。你便可收拾行李。明日起身。

〔合唱〕

〔簇御林〕尋消息盼路歧。訪松林傍竹扉。行蹤多在清涼地。若相逢問取歸來未。〔合〕遠天涯。桃花源水。雲樹恐淒迷。

〔前腔〕驂玄鶴駕赤螭。杖爲龍舟是杯。好風颯颯吹雙耳。遣凡情不灑臨歧淚。

〔台前〕

〔旦〕一家骨肉各西東。

〔貼小旦〕脚底雲山千萬重。

〔小生〕聚散人生應有數。

〔合〕浮萍大海也相逢。

### 第十一齣 檀施積功

〔浪淘沙〕〔貼扮黃妙瓊淨扮呂翁外上〕說法墜天花。寶積楞伽。言言妙義是摩他。

悟得青蓮生足下。彈指恆沙。

〔前腔〕〔末上〕洞口碧桃花。棗大如瓜。石梁仙鼠白於鴉。要得青鸞雲裏跨。一

粒丹砂。

〔前腔〕〔生上〕隻履踏天涯。西去誰家。回頭不戀舊繁華。白馬青牛看並駕。覺路無差。〔外〕西來。我們三人雲水同遊。不須問路。且信步閒行。散誕逍遙則個。〔生〕師父。如此卻好。〔貼哭上〕羅敷遇千乘。提筐在桑間。鼠牙速我訟。都只爲紅顏。三位師父稽首。〔生〕娘子何處人氏。是甚姓名。緣何獨行路途啼哭。〔貼〕師父。不敢相瞞。妾乃閩鄉人黃氏妙瓊。嫁與同邑鄭生爲妻。巨豪洪貫。貪妾姿色。百計謀占不遂。陷夫死罪繫獄。家貧如洗。資糧盡絕。巨豪欲以計斃妾。于獄中。只得沿街求乞。且圖控告世間豪俠丈夫。意氣男子。出力相救。師父們慈悲方寸。容妾一言。

〔小桃紅〕紅顏薄命。白璧堪嗟。妾禍從天降也。相逢狹邪。要我重婚嫁。豈做出牆花。願配一鞍跨一馬。忍又抱琵琶也。總爲蛾眉生鼠牙。死葬青陵下。泉路未賒。肯學無言息國娃。〔生〕這娘子說得好苦。師父。激起我生平千秋俠氣。一片熱腸。娘子。我不是道人。乃定與王木清泰是也。喬裝到此。我與閩鄉令交好。作書一紙。救你丈夫。我衣裾中帶有金珠八寶一小囊。盡行布施與你。去救取丈夫。不免借道旁客店修書者。〔入修書上〕書與金珠在此。

娘子你收了去。管教你夫婦重圓也。〔貼拜謝〕多謝相公。妾身有眼不識貴人。〔拜外末〕拜謝二位師父。灰心只道逢禪客。擡眼誰知是貴人。〔下淨上〕無兒恨伯道。有女如中郎。嫁女與征夫。不如棄道旁。前面來的道士。我認得是定興王木公。緣何道裝在此。待我向前試一問他。〔相見介淨〕相公是定興王。緣何這等打扮。〔生〕不要閒說。請問老翁何人。〔淨〕小老是章丘呂翁。家貧無子。止生一女。老景飢寒。只得將女賣與西征將士。今日去與媒氏通言。

〔下山虎〕苦逢厄運。垂老無家。生得娉婷女。年纔破瓜。將他遠嫁邊城。眼見飄零路花。馬上明妃悲塞笳。忍聽淒涼話。晚景何人送歲華。形影孤燈下。怎禁得霜冷月斜。死有青蠅來弔咱。〔生〕老翁如此年邁。止生一女。怎忍遠嫁邊塞。你既識我。我作數字與你。到我家中。取白金百兩相助。我頭上道巾。有玉環一枚。身上道衣二件。盡數與你留下。此女從容嫁與本處人氏。老景有靠。〔淨泣拜謝〕怎當得相公如此深恩。殺身難報。昔魏妾父老人杜回之鬼結草以報魏公。衰朽遊魂。願附此義。〔生〕區區小事。不足掛懷。請了。〔淨下外〕西來你慈悲拯物。功德甚好。只是既已出家。須當埋名滅迹。如何又與人說出舊日行藏。〔末將佩瓢取水噴〕



〔生面〕師父西來是王朝貴臣。天下何人不識。雲遊往來不便。弟子將法水噴面。頗改容顏。師父你還認得否。〔外〕我慧眼如何不識。但可以瞞過肉眼凡夫耳。西來我有一事與你商量。我在西天爲如來構大殿一所。功程浩大。費用數十萬金。久不能就。你家產盡捐。便可完成美事。你捨得麼。〔生〕師父出家之人。檀波爲上。頭目腦髓。尚且要捐。何況區區家產。便當盡數布施。不敢留下分毫。〔外〕這等卻好。只是日後你妻子未免飢寒。如何是好。〔生〕骨肉假緣。恩愛枷鎖。學道之人。豈顧妻孥。〔外〕旣如此。你可修書一紙與我。去對你兒子取用。卻不可悔言。〔生〕一言旣出。決無追悔。〔入修書科〕師父請收。何日去領。〔外笑〕貧僧那裏要錢。西方何嘗造殿。不過試西來本心耳。善哉善哉。你本心如此。入道如箭。〔生〕多謝師父教道。

〔蠻牌令〕甘冷澹。棄榮華。參幻泡。覷空花。黃金如土塊。白璧等泥沙。儻然一物都無罣。只尋覓道種根芽。望師尊金鞭蚤加。妙轉孤輪。速證三車。

〔憶多嬌〕〔外未合〕心可嘉。行不瑕。六度檀波具落伽。一念慈悲印釋迦。記取龍華。記取龍華。自度還須度他。〔同下〕

第十二齣 羣魔歷試

〔生上〕迦葉聞箏起舞。阿難聽樂心狂。宿世曾司曲部。始知結習難忘。木清泰從師入道。世念漸灰。昨日被黃妙瓊訴巨豪作橫。妙瓊夫婦深冤。不覺雄心勃興。故態復見。慨行拔救。自道姓名。被師父覷破。當門一針。不覺茫然自失。今日同師父行到曠野。天色漸晚。人影盡絕。止有古廟一所。教我在。此住着。二位師父往前村乞食去了。看看紅日沈山。黑雲布野。空堂寂寂。香火寥寥。鼯鼠緣階。怪鴟啼樹。好淒涼光景也。不免在石凳上少坐。待師父回來。

〔脫布衫〕想當年提劍遐征。掃狼煙手斬長鯨。殄豺虎收復神京。畫麒麟儘留名姓。

〔小梁州〕到如今一悟翻然出火坑。木落霜清。英雄氣盡薄浮名。還思省。風靜浪花平。

〔么〕烏啼日落空山暝。走蟻虻狐兔交并。樹葉鳴。人烟靜。殘陽古廟。藤竹亂縱橫。

〔上小樓〕婆婆疎影。跣跣石磴。想着我朝宴華堂。畫出荒郊。夜宿寒垆。這是俺出家人修身苦行。當日雪山叟也從茲得證。更深夜靜了。二位師父還不見來。

〔么〕他可禮如來。依淨瓶。乞香積。搖金磬。不念我野曠天寒。日暮人稀。隻影孤形。〔內作雷電科〕呀。卻怎麼雲乍合。風轉勁。靈籙布令。霎時電掣與雷轟。四野裏

山鳴谷應。頃刻間大雷擊碎廟門。烈火燒我衣袂。雷神。我木清泰是個豪傑。平生不曾作負心事。何怕你天丁力士六甲四哥一齊來也。

〔耍孩兒〕蠻雷使者威權盛。挾仙火邵陽爲政。如拳雪雹打疎櫺。古叢祠棟宇將傾。莫不是投壺帝笑天孫女。竊玉神追太白精。我慮澹神還定。道心何切。性命何輕。〔巨蟒上科生〕又有巨蛇數頭。張牙露吻向我。

〔五煞〕看巴蛇吞象能。鋸爲牙骨若陵。腥風毒霧彌蒼嶺。莫不是階前郤后生前報。林下妖童擣藥靈。業趣還相應。只世高能度。料劉寄何驚。〔猛虎上科〕巨蛇已去。猛虎又來。此山今夕怪事何多也。

〔四煞〕這於菟跑地鳴。先驅到鬼俵。山君舊號何凶獍。叱威會說巢居叟。解鬪猶傳峯頂僧。業畜迷真性。你有雛自愛。忍食啖衆生。〔鬼上科〕呀。又有許多鬼物來了。你看奇形異狀。百怪千妖。曠野之中。風雨之夜。安得無此。吾心秉正。汝輩奈我何哉。猶記古德云。山鬼之技。倆有限。老僧之不見。不聞無窮。我木清泰雖不才。願學此老。

〔三煞〕向更深。敢現形。嘯空梁。颯有聲。山魃木魅紛蹤影。妖狐九尾能爲祟。老表千年亦作精。何心照張華鏡。自信我靈光不動。一任你伎倆相呈。〔鬼作語科〕

我輩是戰場上鬼兵。生前被木清泰殺死。今日特來索命。〔鬼向近生科生〕咄。小鬼。休得無禮。我是世上奇男子。今日雖孤身曠野。豈肯怕汝鬼物。就是戰場上廝殺。一鎗一劍。非你卽我。我爲王家出力。那怕索命。

〔二煞〕沙場苦戰爭。刀頭決死生。這是爲王家出力殲梟獍。迦文殺盜曾超劫。軒后成仙亦用兵。我和你覷面還相證。定知是黃泉不負。堪笑你白骨空靈。

〔鬼又作語介〕戰場對壘相殺。猶可解者。我輩是被你這廝枉殺的。自然要償命。〔生笑〕你說枉殺。

我卻不知也罷。明日到陰府殿前證明。果是枉殺你。我何難償汝性命。君不聞釋迦猶報金鎗。師子尙償宿債乎。我木清泰是頂天立地的丈夫。斫頭陷胸的男子。那怕死來。〔鬼退科〕

〔一煞〕想因宿障多。懸知道力輕。一身歷試當諸厄。手中未有降魔劍。心內彌堅出世情。猛可里來深省。假饒是千魔不動。不負我百戰豪英。

〔煞尾〕終夜怪已消。東方天漸明。雲開依舊是晴和景。想著我師尊。團瓢兒上在那裏。〔外末上〕萬境俱是幻。諸怪豈爲真。幻中了卻幻。始見本來身。木公夜來失陪了。〔生〕二位師父不在。弟子在此廟中。被千魔萬怪。師父你怎的也不來搭救我。〔外末〕善哉善哉。諸魔沓來。一心不亂。炯炯靈明。真個是好男子也。

〔外〕認取道高一尺。

〔末〕莫問魔高一丈。

〔生〕小舟曾遊大海。

〔合〕那怕拍天風浪。

### 第十三齣 天曹採訪

〔末朱衣幘頭扮毗沙門天王使者領衆神將力士曹使上〕上帝神霄迴。天王使者尊。巡行周四部。

轄治徹三輪。位遜須彌頂。光應日月鄰。平衡毫不爽。明鏡照無垠。小聖乃毗沙門天王部下探訪使者是也。帛幘金銷。南天隸籍。緋衣玉帶。吾王貴臣。掌天上之威權。書人間之善惡。閻浮男女。廣作愆尤。怙終不改。天界君臣。互相巡察。賞罰無差。每月初八二十三是我天王使者。十四二十九是天王太子。月望月晦。是天王自身。下來世界。逐一考察人間所作不忠不孝。謀反劫盜。貪虐殺生。暴殄淫邪。嫉妒嗔恨。欺妄陰謀。侵凌讒害。謗毀聖賢。仙佛。褻瀆天地神明等罪。若是清心寡慾。正直慈悲。重功德。悉記善曹。以須賞激。假饒濁亂貪污。奸回殘忍。重重惡愆。直書惡簿。聽候行誅。或現前花報。或死後果償。善者生邁吉祥。死還昇濟最上。遂成佛道。次亦不失人天。一往日躋覺路。惡者生逢凶禍。死溢沈淪。漂轉於三塗。纏綿於八難。萬劫不得翻身。秉公明而察善惡。大圓鏡毫髮難逃。按善惡以行賞誅。定盤星毫釐不爽。如屋上的雨。大雨大溜。小雨小溜。一點一滴。神靈極是分明。又如地上的種種粟得糧。種蘭得香。一根一苗。造物豈差公案。不獨是俺們天王部。諸佛菩薩。上帝高真。真官仙長。及諸天曹使者上將。逐日逐時。下世界考校。善惡賞罰。因果報應。盛水也不漏哩。可恨世人尙自迷而不悟。今日是月之初八。小聖不免下世間考察一番。分付神將力士曹吏隨行。(衆諾末)曹



吏過來。我下人世考察。或親自按臨。或憑各境直日功曹城隍土地申報。須要逐一登記分明。毋有差錯。取罪不便。〔曹吏諾末〕聞得定與王木清泰。他原是東華仙卿。後證西方散聖。偶因微過。謫降人間。破賊立功。封王受爵。近爲西方祖師賓頭盧。蓬萊仙人山玄卿點化。棄官入道。根器原好。德行甚高。吾奉天王勅命。令我一併查他果是如何。須索走一遭也。〔並下〕

### 第十四齣 奸相造謀

〔淨扮盧杞藍面上〕利大機應險。官高勢自炎。名花扶繡轂。華燭映珠簾。氣奪三光暗。威行萬口鉗。人知心不赤。天使面常藍。自家唐朝大丞相盧杞是也。地尊元輔。禮絕百僚。天性貪殘。機謀險譎。簧鼓一搖。萬乘播吾舌底。劍鋒雙蹙。千人死我眉端。生前富貴。不問社稷之安危。死後浮名。那管史書之香臭。才運有方。星斗難逃其布算。謀深無底。神鬼莫測其機關。雲奔霧集。衣冠曉候門屏。山積泉流。金寶夜輸庫藏。酣宴則坐擁金錢。趙女燕姬。盡皆列屋。出入則道陳兵衛。王公貴戚。誰不迴車。只叵耐那尙書顏真卿這廝。自負先朝老臣。粗立名檢。強項骨骸。不肯順從。卻又在人前說我家君被難時。這廝親舐頸血。本無此事。故造狂言。一班奸名躁進狂生。附了他與我作對。大小文武。約略三

百餘人。若不翦草除根。一網打盡。難消我胸中忿氣。抑且後患須防。今日退朝無事。不免步入書齋。屏除左右。思量妙計。傾害衆官。多少是好。〔入書齋科末帶將吏上暗察科淨〕顏真卿這廝頗有名聲。百官倚重。且這廝每事執拗。面折下官。各官觀望所係。首當翦除。〔思量科〕有計了。李希烈背叛朝廷。法當征討。只說真卿重望老臣。遣他去說。希烈可不煩兵而下。奏過官里。就差這廝。不怕他去。希烈凶惡異常。真卿倔強猶昔。眼見得斷送這老兒也。其餘文武官員。重則誣他謀逆。輕則坐以奸貪。或打掬其酒筵詩文言語之罪。或摘發其帷簿牀第曖昧之情。或赤其九族。或去其首領。或削籍清朝。或竄身荒裔。此時誰不落膽驚魂。誰不箝口結舌。富貴長保。後患永消。好計好計。諸公諸公。不要道我太狠。利慾美物。味類嚼蚊。權勢危機。事同騎虎。不得不然耳。

〔卓羅袍〕莫怪心懷坑塹。奈觸機太險。嚼味還甜。刀頭切玉未云銛。火光燒海。方爲燄。口中鼓舌。身誅族殲。手中搖筆。投荒弔炎。真卿晚景遭吾陷。有人說功名

富貴。天命安排。暗室陰謀。神靈監察。這個也不管他。天道難明。神靈誰見。縱然有之。我也只圖目前罷了。〔末怒科〕

〔前腔〕〔淨〕天道神明無驗。且身披綺繡。口饜肥甘。一輪車轂紫騮驂。兩行花燭紅妝豔。百年富貴。將人口箝。千秋史冊。由他筆尖。死圖珠玉還含殮。吾計已就。明早上本坐政事堂就行事了。

管取眞卿歿賊庭。

百官以次受非刑。

誰言天表有神察。

且喜垣邊無耳聽。

〔末大怒〕盧杞這賊。功曹地司時時報他罪業。今日我親臨。不想他險惡如此。將吏。你們可將盧杞陰謀。直筆細書。回奏天主。顏眞卿賢良君子。討賊立功。懷忠抱道。不幸以正直忤杞。眼見得老死奸臣之手。我們可以出力救他麼。〔神吏〕顏眞卿夙慕大道。名列仙班。祇以宿愆。當陷賊庭。尸解得道。遂證上仙。大數已定。不必拔救。〔末〕這說得是。

人間私語。

天聞若雷。

暗室虧心。

神目如電。

第十五齣

士女私奔

〔一翦梅〕〔小生扮顧雕龍小旦扮陳木難小生上〕少年吐語氣成虹。名字雕龍。才自

雕龍。月明有女約房櫳。地是臨邛。人是臨邛。小生顧雕龍。西蜀成都人氏。薄有才華。頗饒風韻。雲箋彩筆。擅才子於西川。翠羽明珠。懷佳人於洛浦。與比鄰女子陳木難。才色相憐。心期自許。約以今夕乘月來奔。只得燒燭焚香。薰衾拂枕。以俟玉人。只見星疎銀漢。檀燼金爐。桂魄漸低。蘭膏半滅。緣何尙不見來。好生盼殺人也。

〔前腔〕〔小旦上〕亭亭秋水照芙蓉。心許題紅。心愧題紅。欄杆花影月朦朧。欲赴桑中。怕赴桑中。妾身陳木難是也。針挑刺鳳。工蘇蕙之錦機。曲寫求凰。慕相如之綠綺。與文士顧雕龍有約。月夜赴之。陽臺非遠。結想爲雲。桑濮可期。敢辭多露。行到這裏。就是顧生門首。不免叩門則個。〔小生開門相見科小生〕女娘揚娥極態。允稱南國佳人。小生倚馬未工。深媿西園才子。今者握雨攜雲。未睹卿面。迎風待月。實勞我心。重門雖掩。雙睫不交。數視明河。頻聽清漏。幸惠玉趾。香閣生春。使小生喜而欲狂矣。〔小旦〕兒之不才。不能徵禮雁奠。乃爾託志鶉奔。非止動于麗情。亦雅慕其才藻。故將圖百歲之好。非僅邀一夕之歡。既見君子。我心則悅。

〔香柳娘〕想星河路通。想星河路通。巫山有夢。疎簾絳蠟。微風動。慕君才。蟬。慕君才。蟬。羅襪露華濃。輕綃月痕重。〔合〕恐相逢。夢中。恐相逢。夢中。銀缸正紅。繡衾初共。

〔前腔〕〔小生〕羨金蓮步工。羨金蓮步工。月華相送。東鄰好事成。窺宋。看柔姿妙容。看柔姿妙容。秋浦落驚鴻。朝陽麗丹鳳。〔合前同下末同將吏上〕衆將吏。你看文士。

顧雕龍心惟好色。同巫臣之竊夏姬。女子陳木難情起懷春。效卓氏之奔司馬。並牽愛河。不以禮義。同沈慾海。自作罪愆。顧雕龍命合早中巍科。官登九列。今有才無行。以情慾私良家女子。合當削祿減算。請奏天主施行。〔衆諾齊下〕

## 第十六齣 讎邪設謗

〔丑扮孟豕韋外扮關真君丑上〕念我心非毒。讎人眼自憎。生來點白玉。死去做青蠅。下官散騎常侍孟豕韋是也。與司農卿蕭黃流有不共之讎。日夜忿他。不過思量設一計策。害了他一家兒。造計不難。只恐謀事無成。反遭大禍。我衙門中有關真君祠。不免去卜問一靈籤。成敗如何。〔拜科〕拜告。

眞君。下官孟豕韋。與司農卿蕭黃流有不共之讎。眞君所知。此讎不可不報。下官欲造一大謗。奏知皇上。害了他一家。不知此事成敗如何。望眞君報應。卜籤呀。此籤大凶。眞君。我豕韋終不然就罷了。此生誓不與仇人同朝。還當再卜。祠後大聲響籤盡飛出筒裂呀。祠後大聲。籤飛筒裂。眞君大怒。不許我行此事。眞君。眞君。你與蕭黃流有甚分義。直恁這般庇護他。難道我豕韋就不做了。自古道。矢在弦上。不得不發。眞君。有罪了。丑回至書齋。末暗上。介丑來到書房。不免掩上房門。尋思計較。有了。安慶緒既死。史思明新叛。我不免誣奏蕭黃流交通逆賊。同與反謀。前日蕭黃流與我同席。席上曾說史思明也是一員良將。朝廷不能驅使。以致披猖。此語同席上的士大夫盡聞。不免將此情扭捏。寫在本內。事便實了。侍女捧茶叩門丑開門丫鬟。你送茶來門外幾時了。女相公關門。不敢便叩。門外等待多時了。丑你可聽得說些甚麼話。女也聽得些。相公要將謀反情由。謀害蕭黃流哩。丑背語此語怎麼好令丫鬟聞之。自古道。謀及婦人。宜其敗也。不得不除了他。取劍科丫鬟。你先進去回覆夫人。我隨後就入臥房也。女行丑從後砍殺科。女子。女子。這也是你命該如此。不先不後。來湊在危機上。誰令探虎口。贏得送蛾眉。不免修下奏章。末怒科



〔玉胞肚〕〔丑〕陰謀祕計。禍臨門蕭郎怎知。那關真君呵。縱拏雲隻手從空。料通天羅網難提。來朝一紙叩丹墀。教他七尺云亡九族危。只是可憐無辜殺了這丫鬘呵。

〔前腔〕珠沈玉碎。怕漏春光梅英柳絲。偶然間來叩房櫳。怎知他誤蹈危機。韶顏稚齒送蛾眉。血污遊魂何處歸。〔下末大怒科〕孟豕韋這賊子好狠也。〔外上〕落落英名

蓋世。昂昂義膽包身。玉帝殿前拜命。金仙座下問津。朗陵西臺執法。玄元北極歸真。定見靈明作佛。豈終英烈爲神。某關真君是也。毗沙門天王使者下來世界。考察人間善惡。不免與他相見一番。〔相見平禮科末〕真君久別。孟豕韋這賊子。毒過蛇虎。奸深鬼狐。既造大謗。謀殺忠良。又以無辜。戕殺婢子。真君可見麼。〔外〕使者。我怎麼不見。方纔此賊以謀害蕭黃流事問卜於我。我以大凶籤報之。欲沮其凶謀。他不肯悛改。再行問卜。我稍顯威靈。籤飛筒裂。他竟不回頭。方當設計下手殺婢子時。我便欲手誅此賊。奈他陽算未終。蕭生大難數定。是以躊躇耳。〔神吏上〕稟覆使者。據各處功曹地司諸神申報。下界衆生。造惡彌天。種種不一。中間作善者雖有。不如造惡者多。只有定與王木清

泰。勤王討賊。竭忠建勳。入道辭榮。清修苦行。從師雲遊。見闔鄉婦人黃妙瓊夫婦受冤。行乞道路。修書與闔鄉令。力救冤民。罄賜囊中金寶。見章丘呂叟家貧年老。鬻女遠方。作書到家。賜他白金百兩。又解頭上玉環一枚。脫身上道衣二襲。盡賜老人。單身露體。全然不顧。西天賓頭盧尊者欲試其本心。假以造殿。盡取家貲。一筆立書。不顧妻孥凍餒。陽間作善。無如此人。〔外〕使者可識此人麼。此人原是西天散聖焦鏡圓。以微過得謫。今功行將滿。道品轉高。可敬可敬。使者考察已完。將回奏天主。小聖奉別者。〔下末〕分付將吏。將世間善惡。開載黑白二簿。逐一分明。毋得朦朧遺漏。就還上界。回奏天主去也。

〔好事近〕絳節下雲霄。萬國山河臨照。金幢繡蓋。仙音一派繚繞。斑龍先導。御飛輪瞬息。寥天杳。破青痕滄海猶微。帶黑點神州何小。

〔前腔〕職司採訪領功曹。總一切大地閻浮考校。貞邪善惡。寶鏡當空明了。巡行四部。奉天王宣化揚丹詔。錄金書善者褒嘉。仗斧鉞惡行誅討。

〔千秋歲〕陷官僚。奸相陰謀巧。七尺危。九族難保。賣國欺君。任賣國欺君。隻手

把日月等閒籠罩。瞿塘峽深機竅。太行險藏嘖笑。富貴千秋好。儘家盈金寶座。擁娥媼。

〔前腔〕逞風騷。美姿色多才調。桑濮上目挑心招。月下花前。向月下花前。偷韓窺宋荒淫不道。彌天謗關門造。殺身禍憑空掉。作孽真非小。千生不赦。萬劫難逃。

〔越恁好〕〔合〕幽房密室。任幽房密室。看炯炯察秋毫。百神森布列。張電目垂天表。鐵錚錚俊髦。鐵錚錚俊髦。赤灑灑撇紅妝脫了紫袍。虛飄飄水雲。冷淒淒百衲衣。挂着瘦瓢。甘冷澹。棄繁華。苦行因求道。宜名書帝闕。寵膺真誥。

〔前腔〕遍巡還遍察。離紅塵返絳霄。霞旗映空舉。馭日馭指星杓。響璫璫珮搖。響璫璫珮搖。翠巍巍玉螭。竦駕着綵橋。轟亭亭帝居。濟蹌蹌白玉階。千官正朝。吹龍箏。咽鳳簫。玄豹蒼虬遶。紛鑿聲出戶。桂香夾道。

〔紅繡鞋〕至尊御殿臨朝。臨朝。紅雲紫霧飄蕭。飄蕭。覆金函。回玉詔。呈寶錄。奏

雲璈經睿覽散仙曹

〔尾聲〕大明六合無私照。蕩滌清虛理自超。因緣果報莫謂天公沒分曉。

〔末〕一日巡行四部中。

飛輪萬里御罡風。

饒他暗室瞞天計。

〔合〕怎脫雲霄照膽銅。

### 第十七齣 羣僊會真

〔金瓏璫〕〔末扮李泌外扮羅公遠小外扮邢和璞末上〕匡扶迴帝輦。乞恩再返衡山餐。

絳雪駐朱顏。門多鸞鶴駕。討論服炁還丹。題寶籙。列仙班。夜抱九仙骨。朝披一品衣。

不食千鍾粟。惟餐兩顆梨。李泌字長源。神童應舉。荷上皇卬角之知。藩邸遊從。蒙今上布衣之好。抱

道懷才。蚤期公輔。餐霞辟穀。幼慕長生。不幸羯胡逆命。上皇駕幸於西川。將士咸推。太子卽位於靈

武。下官猥以舊驩。遂參帷幄。力贊廟算。克復神京。乃以性愛烟霞。志輕絳組。乞恩拜表。復歸衡山。自

眷丘中之賞。永謝車馬長安。益多物外之交。半是雲霄伴侶。羅公遠方士。邢和璞真人。近日遠訪下

官。山居盤桓良久。今日是下官賤降之辰。安排酒脯。奉約二仙清燕。想必來也。〔外小外上〕

〔前腔〕鸞驂雲路遠。道衣盡染蒼烟。眠海月。祝融巔。艱侯仙骨就。來商出世因緣。探祕檢。訂真詮。〔相見科外〕今日是長源華誕。貧道有度索金桃爲公壽。〔小外〕貧道有瑤池

玉李爲壽。〔末〕金桃玉李。人得食之。壽當萬歲。下官何德以當之。感謝感謝。祇候將酒過來。

〔排歌〕〔末〕守靜存虛。忘情斷緣。霎時開透玄關。河車升降入丹田。結就靈珠黍米圓。〔合〕加溫養。鍊汞鉛。琴心三疊舞胎仙。抽添好。火候全。迴陽換骨得長年。

〔前腔〕〔外〕絕智忘形。虛無自然。窗塵片片飛烟。鍊教混沌軟如綿。粉碎虛空別一天。〔合〕崑崙頂。太乙巔。陽神八極任周旋。驂玄鶴。跨白鸞。木公金母去朝元。

〔前腔〕〔小外〕列職清微。書名玉編。暫居洞府蓬玄。積功八百與三千。金闕虛皇丹詔宣。〔合〕飛形上。拔宅仙。雞鳴犬吠白雲間。寥陽殿。香案班。逍遙永劫謝紅緣。〔外〕二公知道麼。定與王木清泰辭官棄家。從師學道。將證佛果。超出仙宗。其子龍駒遠來尋

父。今日未時。謁見長源也。〔小外〕定興從師。已往登萊海邊去了。其子遍覓無蹤。好生苦楚。長源可指示他往文登界上。雖不得遇。必有消息。〔末〕我輩見他不必明言。只指他東行便了。〔外小外〕我二人暫時別去。明日或者再會。〔末〕多謝二位真人。

〔末〕名山仙果助長生。

〔外〕自是丹臺注姓名。

〔小外〕相業已成辭帝闕。

〔合〕仙風初播指瑤京。

## 第十八齣 公子尋親

〔金蕉葉〕〔小生道裝上〕朝思暮思。爲嚴親奔波路岐。行不盡山間水涯。止不擇茅菴野寺。父似雲中鶴。兒如陌上塵。茫茫天地裏。何處訪吾親。龍駒離家尋父。蹤跡杳然。路上有人說。同方外僧道。往衡山來了。行到此處。已是衡州地方。一路開宰相李泌隱居衡山下。大開玄門。門多雲水。或者他家有甚麼消息。尋問至此。已是李公門首。不免隱下姓名。只作雲遊道人。求見則個。門上有人麼。貧道雲水間人。聞相公大開玄門。特來求見。〔門上通報科末上〕山中芝草長。爐內藥苗新。座少乘軒客。門多控鶴人。道者何來。〔小生〕相公尊坐。容貧道訴稟。貧道雖託迹方外。卻有苦



情。一言難盡。〔末〕我看你眉宇朗秀。器質溫良。卻像大家子弟。不類草野道流。你實對我說。〔小生〕家鄉姓名。未敢便對相公說。且容訴苦情。

〔二郎神〕心中事未開言先垂雙淚。念貧道呵。自幼朱門嬌養子。今來岐路。那曾慣受淒其。只爲嚴父遠從方外侶。訪遊蹤乾坤無際。枉歔歔。恨天涯盼斷迷離。〔末〕道者。你緣何尋訪到這裏來。

〔前腔〕〔小生〕悲啼逢人借問說南遊湘澧。衡岳峯頭捫隻履。又聞公相天然道骨仙姿。門外時時到雲水。儻萬一知些因依。尋消息。沒奈何來叩階墀。〔差官

上〕稟上老爺。小官是汾陽王郭老爺差官。老爺華誕。特具薄禮。祝賀千秋。〔末〕生受你遠來禮物。權且收下。教祇候送差官耳房裏坐。安排酒飯待他。〔官見小生科〕呀。這是定興王木爺公子。怎麼道家裝扮。來在此間。〔末〕原來是木公子。差官你認得麼。〔官〕定興王老爺是家老爺極厚同僚。通家往來。小官怎麼不認得。〔小生〕相公。貧道不是甚麼公子。此差官莫非認錯了。〔官叩小生頭科〕小官常隨家老爺到木老爺府中。相見公子。怎麼會錯。是了是了。近日木老爺棄官訪道。雲遊無信。

公子想必出外尋覓到此〔末〕我原說此道者像一個大家子弟。不類草野道流。適纔差官叩頭。你不答禮。卻不覺露出貴介行藏了。公子請以實情告我。我知你尊公消息。不必再諱。〔小生〕相公既知家君消息。小生不敢諱了。便望相公指示去向。〔末〕公子請坐。老夫雖不曾識荊公子。卻與尊公同朝相厚。你把令尊訪道情由。一一見教老夫。要知他的行蹤。這裏也不難。〔小生〕相公在上聽稟。

〔轉林鶯〕西郊車馬春日裏。瞥然遇個閑黎。金針片語還相契。明朝道服撒手去天涯。牽衣執袂。做冥鴻難繫。冲霄翅。記庭幃。優曇手插。花發是歸期。〔末〕尊公

去後。家中事體如何。令堂夫人安否。〔小生〕

〔前腔〕門庭一旦涼似水。我慈親靜室禪棲。晨昏只與蒲團對。爲兒怎忍安坐戀香闈。跟尋到此。顧不得萬山千水。總堪悲。流萍飛絮。父子各東西。〔末〕你是貴遊公子。自小嬌養。如何僕從也不帶一二人。孤身獨行。〔小生〕相公聽稟。

〔啄木公子〕我那家君呵。穿芒屨擁衲衣。萬里孤身無所倚。我爲兒敢帶家奴也。只獨走天涯。瘦怯風霜愁欲死。行路相憐空浪指。指向前途到又非。望公相說

因依〔末〕不瞞公子說。今日有二位雲水高人見訪。他知尊公消息。同方外僧道。雲遊往登萊海邊去了。你可急追到彼處。必有下落。〔小生〕多謝相公。

〔前腔〕舒愁況指路岐。東望蓬萊只杖底。怎敢辭雨帽風巾。又何論重繭胼胝。玉鳥安期尋故里。蜃氣樓臺海市裏。又怕三山雲嶠迷。便去莫稽遲。小生就此拜別相公。〔末〕公子大孝尋親。不敢稽留。想不曾攜甚路費。左右。取白金數笏。奉贈公子。〔贈金科小生〕本不敢受。奈長者之賜。敬拜領一金。多則爲累。〔末〕這也是不敢相強。

〔末〕孝子尋親實可憐。

〔小生〕芒鞋蹤跡遍山川。

〔末〕要知杖履仙遊處。

〔合〕只在微茫雲海邊。

### 第十九齣 遊戲傳書

〔丑扮半天遊戲神繡襖上〕小子生來伶俐。性情有些狡獪。輕鬆舌似絲綿。細滑身如油膩。少年場裏馳名。歌舞行中得意。慣能射覆藏鉤。又會折白道字。謳歌讓我祖師。蹴鞠尊我把勢。也只對景逢場。不用陰謀設計。金銀到手不貪。花柳幫閒少睡。何常學問秀才。到底風流子弟。上帝說道此人。佛

僊無甚大罪。酆都地獄虧他。蓬島仙鄉難去。特敕六部諸曹。署我半天遊戲。愈加好耍好頑。落得無拘無制。那問往北來東。頃刻上天下地。銀河偷覷天孫。蟾宮調弄月姊。曾陪方朔偷桃。又看麻姑擲米。太白無賴老兒。偷拐嫦娥侍婢。被我宰地拿姦。雙雙磕頭下跪。昨到東海遨遊。龍王留我一醉。戲將鼉鼓打穿。又把珊瑚擊碎。擲掄分水夜叉。稱贊織綃娘子。蝦將嫌他長鬚。鼈吏嘲他短尾。大王怪我無知。龍女笑我有趣。也曾爬上天門。九關虎豹猛厲。銀瓜武士狼形。金甲將軍粗氣。被我兩語三言。大笑絕倒無地。撞遇上帝弄臣。小可受他罵詈。(內叫)弄臣緣何罵你。(丑)道我恁地聰明。平地便生妬忌。生怕上帝喜歡。奪了他的權位。小子乃半天遊戲兒郎是也。昨日蒙西天祖師賓頭盧尊者分付。太原定興王公子木龍駒來尋父親。雲山烟水無處跟尋。道路啼哭。甚般苦惱。祖師與我一緘。說是他父親的手書。教我到山東文登縣海邊。交與木公子。對他說。父親隨西天祖師蓬萊仙客雲遊。十分快樂。不必掛牽。及早回家。唐天子查問定興。要將公子封王襲職也。小子扮作樵夫。迤邐行來。已到文登界上。木公子不知那裏。(小生哭上)

〔霜天曉角〕嚴親何處。道路迷雲樹。無限傷心悽楚。臨岐望自躊躇。好苦。我木龍

駒辭別母親。出外尋訪父親雲遊消息。天涯海角。四處跟尋。並無蹤跡。鄴侯李公。前日說與兩個僧道東遊蓬萊海邊。急忙追來。此是山東文登界上。怎麼得有父親消息。遠遠望見一個樵夫來了。不免問他一聲。〔相見介小生〕樵夫哥。你可曾見有三個僧道。在路上行走麼。小生借問。〔丑〕小人見來。借問官人何處。高姓大名。〔小生〕小生姓木。名龍駒。山西雲中人氏。父親定興王。近日辭家入道。隨着兩個僧道雲遊。小生放心不下。四處跟尋。行了數月。不知經過多少路程。並無消息。好苦也。〔小生哭科丑〕官人不須啼哭。原來是一位王侯貴公子。如何不攜僕從。單身獨行。〔小生〕樵夫哥。我家豈少僕從。只是父親孤身雲遊。不帶一人。小生誓同艱苦。亦是單行。〔丑〕元來是行孝的官人。有緣有緣。令尊大人。小人曾會來。前日我自山中負薪入城。在客店中邂逅令尊大人。對小人說。我有家書一封。託付與你。儻遇我家小兒跟尋至此。可爲我一轉付與他。說我從師遠遊。孤雲野鶴。茫無定蹤。急早回家。封王襲爵。不必苦追。有書在此。〔丑付書小生看科〕原來是一首詩。野鶴元無定迹。孤雲到處爲家。直待蓮生足下。他年相會曇花。這詩果是我父親手筆。曇花亦是我父親臨別手栽。是了是了。樵夫哥。但不知我父親見你之後。卻又從何處去了。樵夫哥。你可憐我孤身流落。實對

我說個去向。〔扯住丑科丑〕公子休癡。你父親業從雲水之遊。豈肯便返。既有曇花之約。何必多憂。須索快回去也。

〔香遍滿〕〔小生〕遠來東土。迢遞裏訪蓬壺蹤迹。我嚴父。誰想道雲海茫茫。欲覓知何處。歎咫尺不見。空留下一紙書。這書札空留在也。轉教我心頭苦。

〔前腔〕〔丑〕勸君休苦。你父在異鄉雲外侶。知他是白鵝凌霄羽。蓮臺得證日。曇花有時聚。這書札應留在也。好轉慰你高堂母。〔小生〕樵夫哥。你說我的母親起。越教我好苦也。

〔青歌兒〕我母親朝夕裏相盼覷。懊恨我當初不便相隨去。到如今何處去追尋。報深恩做未得慈烏反哺。便能如丁令威化鶴歸。怕遼陽人民非故。樵夫哥。自從我父親出門求道。我母親傷感也。奉佛修行了。

〔前腔〕我父親脫朝服去遠尋印度。我母親卸花誥禮佛持齋素。我父諸姬並解羅襦。甘守着梁家的荆布。三寶香清還洞府。我一身冰冷支門戶。〔丑〕原來如



此一家都已入道。難得。難得。公子修行是好事。不必苦苦傷情。令尊大人眼見得成道也。

〔前腔〕你至親骨肉並離垢污。汝父有慧根蚤見靈光透露。況有明師引金繩指修行徑路。又何如龐居士散寶珠。一家兒同登蓮土。〔小生〕樵夫哥。是則是修行好事。爭奈父子情深。此情難忍。

〔前腔〕〔丑〕情關父子心自苦。且回家列職承茅土。願你精忠報主努力起雄圖。父擁幢幡趨紫府。兒榮冠蓋昌朱戶。公子。你尊公既有下落。又得手書。快回去慰你令堂太夫人。努力功名。豈不是好。〔小生〕如此別了回去。多謝帶書。請問樵夫哥姓名。異日重逢。可以相謝。〔丑〕我山林野客。不留姓名。偶爾致書。何勞稱謝。公子請了。〔下〕

〔小生〕嚴親雙足追飛電。

遠自空中墮雲翰。

上窮碧落下黃泉。

兩處茫茫尋不見。

〔下丑上〕我小子一生遊戲。六合飄零。到底無歸。終成淪墮。昨日在三天門下。見天王使者對將士說善惡因果。今日又聞木清泰一家入道。使我悔心頓起。道念勃興。遊戲門中。如何是了。不免將遇

見木公子致書一節。回覆西天祖師。便求度脫者〔下〕

## 第二十齣 夫人得信

〔菊花新〕〔小貼扮房瓊瑤旦上〕朝來合掌叩蓮臺。親見蓮花葉葉開。〔貼小旦〕金粉褪香腮。久矣不勻眉黛。〔相見科〕郭賈二姬。我和你們在此菴中。焚香洗鉢。禮佛參禪。甚覺清幽。只是相公雲遊無信。孩兒尋訪未回。好生牽掛。人縱有楊枝水。怎生消此離恨。〔貼小旦〕夫人。我老爺蓋世英雄。雲遊必有下落。公子青年純孝。皇天必相吉人。想目下回來。不須愁悶。〔小貼上〕

〔意難忘〕鏡匣慵開。看門庭似水。綦履誰來。幽禽鳴玉砌。文石繡蒼苔。遊子去幾時回。雲水路濛濛。消不盡蘼蕪帶。恨瑤瑟含哀。妾身房氏。小字瓊瑤。乃太尉房瑄之女。嫁與木公子爲妻。公公訪道無音。夫婿尋親未返。門戶好生淒冷。婆婆在菴中禮佛修行。不免省候則個。婆婆萬福。〔旦〕媳婦到來。〔貼小旦相見小貼〕婆婆。公公訪道無音。夫婿尋親未返。婆婆又與二姬在菴中修道。偌大門戶。如何教媳婦女流。獨自承當。〔旦〕媳婦。其實生受你。你丈夫尋親去了數月。公公見與不見。好歹早晚回來。你且寬心。

〔紅衲襖〕〔旦〕我想着賦遊仙郎杳然。又可奈去尋親兒未返。望雲山不知人近遠。倚空門都着忘歲年。他待要駕金鰲踏寶蓮。又待要驂白鶴乘瑤輦。因此上揮手紅塵泛紫烟。

〔前腔〕〔小貼〕堪笑他訪庭幃途路艱。只是我守房櫳緣分淺。但願取覓孤鴻有信傳。又何須畫雙蛾諧繾綣。自與他折垂楊春路邊。轉眼是冷蒹葭秋浦滿。只落得一水銀河兩眼穿。

〔前腔〕〔貼小旦〕我當日按笙歌紅象板。今日裏頂星辰碧玉冠。蚤晚間靜焚香清可憐。也未免夢爲雲難自遣。知他去禮慈容在兜率天。又未知抱仙骨在蓬萊院。只落得銀海茫茫路幾千。〔淨上〕仙風超八極。俠氣重千秋。義愧啣珠報。恩將結草酬。

我老兒蒙定與王木公憐我家貧賣女。贈我玉環一枚。道衣二領。又賜一帖。教我到他府中領白金百兩。我老兒得此。儘可過活。愛女免嫁遠方。不當得隴望蜀。但木公雲遊家中必無消耗。我既得遇如何不去報個信兒。來到此間。訪得夫人們一輩都在蓮花菴中修行。不免竟到那門首一看。呀。元

來菴門緊閉。不免高叫一聲。裏面有人應。〔旦〕情香。菴門外有人高叫。敢是公子回來。你快出門前一看。〔相見科淨〕娘子拜揖。小老路上得遇你家定興王老爺。特來報信。要見夫人。〔貼〕原來如此。夫人在菴內。待我進去稟過。召你相見。稟夫人。外面有個老翁。說在路上曾見老爺。傳得有信。要見夫人。〔旦〕既有老爺信息。快召他進來。〔召見科淨〕夫人。小老跪見。〔旦〕老者不必行禮。你在何處得見我老爺。快說。〔淨〕稟告夫人。小老是章丘人氏。家貧年老。單生一女。事出無奈。只得賣與征西將士爲妻。正在路上啼哭。偶然撞遇定興王老爺。道家裝扮。同兩個方外人行來。小老原認得定興老爺的。就上前去相見動問。因而告訴苦情。老爺惻然動念。就把玉環一枚。道衣二領。賜與小老。又賜一帖。教小老徑到潭府。領取白金百兩。供養老景。免使有女此離。小老兒思量起。老爺恩深如海。義重如山。只此已是難酬。怎敢得隴望蜀。只是思量老爺雲遊消息。想府中未知。小老既得遇老爺。如何不來一報。非是爲無厭之求。〔旦〕生受你老人家。既來報老爺路途消息。我這裏金銀不難。我且問你。老爺有何憑據與你。見後又往何處去了。〔淨〕夫人。小老別老爺時。也曾問老爺去向。他說孤雲野鶴。何有定蹤。有書一紙。送上夫人看驗。〔旦〕拆書看悲介。媳婦二姬。你看這書果然是老爺

手蹟。只教發銀百兩。給助呂翁。並不會說起家中事情。與路上風景。你看他一味道念。一片剛腸。我看此書。轉添愁悶。老爺善行。不可食言。我在菴中久不理家事。媳婦。你可去取白金百兩。給助此翁。以全老爺信義。〔小貼取金奉旦旦〕老者。你可領此金去。儻日後再得老爺消息。你可再來一報。

〔淨〕夫人與老爺大德。小老怎麼又可叨冒。不是報信。只求求金了。〔旦〕不必固辭。快領了去。〔淨拜謝科〕祇傳一紙信。又得百金還。〔下旦〕媳婦二姬。老爺雖有書來。依舊不知去向。如何是好。

〔江頭金桂〕纔喜得天邊魚雁。又誰知冥鴻竟杳然。只待檀波六度。廣種悲田。斷恩情骨肉緣。隔萬水千山。行行更遠。贈別時有繡囊珍寶。教你緊帶身邊。又誰知你不留一錢。料飢寒難免。料飢寒難免。淒涼怎遣。謾憂煎。你本是相府貂蟬客。怎做得沿門託鉢禪。

〔前腔〕〔小貼〕報一幅雲箋乍展。早已向遙天滅霧烟。他則怕有人物色。轉生留戀。因此行蹤更遠。〔貼小旦〕雖則是訪佛求仙。別離鄉縣。也須念的親骨肉。直恁大飄然。又不知東遊海山西闔苑。枉臨風哀怨。枉臨風哀怨。龍鬚席捲。和那

雁柱箏寒。好一似藕斷絲難斷。萬里關河一線牽。

〔不是路〕〔小生上〕踏遍雲山赤縣。神州脚底穿。波清淺。蓬萊海畔。阜鄉邊。有書傳。只逢片紙難逢面。鶴背安期不可攀。空勞倦。壽昌尋父無由見。只恐慈親又淚漣。教我怎生宛轉。〔相見科旦〕孩兒。你回來了。可曾得見父親麼。〔小生〕母親聽稟。孩兒一

路打聽父親消息。有人說我父同兩個雲遊僧道往山東登萊海邊去了。一路追趕到文登縣。遇着一個樵夫。偶然詢訪。誰想這樵夫在旅店之中。正好曾遇我父親。與他一封書札。教遇孩兒時。交付與我。書現在此。〔旦〕你既遇此樵夫。說遇你父親。寄有書札。便好問他父親下落。可曾得相會麼。〔小生〕孩兒此時急問父親去向。樵夫說交付書札。即便別去。那裏知他去向。因此不曾得會。〔旦悲科〕止見書札。不見父親一面。卻也枉然。取書來看。〔小生〕書札在此。〔旦看科〕原來是一首詩。野鶴元無定跡。孤雲到處爲家。直待蓮生足下。他年相會曇花。這是你父親親筆書。既見此書。也便知雲遊真消息了。你父臨行手插曇花爲記。如今書中又道及此。必有緣故。自你父親去後。我一向不曾到曇花閣前。我們大家同去一看。你父親手插。榮枯何如。〔行科看曇花科旦〕好奇怪。好奇怪。



曇花果然生長。長葉抽枝。西方佛樹。東土難栽。且又無根。如何得活。書中道及。事豈偶然。我再思量起來。你父親寄書。怎麼就知道樵夫必然遇你。更不寄與他人。同行僧道兩人。或者就是前日郊遊撞遇的。若非聖賢。焉能片言點化。你父親此時多應成道也。

〔憶多嬌〕見此札。心轉切。曇花果茂枝與葉。是我夫君留爲別。〔合〕采眞問法。采眞問法。看取如來記別。

〔前腔〕〔小生〕空遠涉。親怎覓。苦欲渡河無寶筏。猶喜曇花經時茁。〔合前〕

〔鬪黑嫲〕〔小貼〕丈夫。你萬里孤身。迢遙遠撇。我一日三秋。相思怎歇。箋鴻到。鏡鸞合。轉念高堂。淒風凍月。〔合〕悲笳暮咽。東鄰機杼。軋縱有寒衣。關山何處可達。

〔前腔〕〔貼小旦〕老爺。你浪逐萍蹤。芒鞋自挈。我冷落花房。被紋自疊。心應斷。意難說。強把金爐名香夜爇。〔合前〕

〔旦〕雲海路沈沈。

〔小生〕家書抵萬金。

〔小貼〕無從天外覓。

〔貼小旦〕好去夢中尋。

## 第二十一齣 超度沈迷

〔丑扮陳瑚小外扮汾陽王小貼扮紅銷花神外末上〕滾滾紅塵天外碾。絲絲白髮鏡中催。〔生上〕牀別了鞋和襪。天曉知他來不來。弟子好告師父。弟子昔日奉肅宗皇帝命。往西蜀奉迎上皇鑾駕。回京。因與西川節度使嚴武有八拜之交。此人豪俠好義。似有宿根。弟子願往彼勸化此人。同來入道。不知師父高見如何。〔外〕此人外節可觀。內行多缺。近被冤家訴告上帝。惡業纏身。你既與他交好。急去救度。亦見你朋情。我兩人不須同往。送到潼關相別。待你回去。又在潼關相候。那時同赴天堂地獄。一度衆生。〔生〕多謝師父。如此同行。〔丑騎驢上〕日暮蒼山遠。天寒白屋貧。柴門聞犬吠。風雪夜歸人。今日天氣寒冷。好風雪也。〔外看丑科〕萬形雖有異。一性本無差。對面不相識。孩兒騎阿爺。〔丑怒〕這禿廝可惡。你看我騎着驢子。怎麼對着我說這個話。〔外〕你不要罵我。且自問他。〔驢子忽作人語介〕我陳瑚之父陳贊是也。這是我兒子。我爲這畜生苦掙家產。多使機關。廣行侵害。以是罪業。受報驢身。畜生無知。既騎了我。又罵菩薩。天豈容你。〔丑驚下痛哭拜外科〕原來如此。凡

夫昏迷。既不知父親墮在畜生。又不知和尚是個菩薩。罪該萬死。只望菩薩慈悲。救脫吾父。〔悲淚叩顙科末生〕愚夫無識。苦惱可憐。惟願慈悲。不悛說法。〔外〕也罷。陳贊今生造業。應墮此胎。宿有善根。故得遇我。我將西天梵語。與他說四諦十二因緣度脫他。〔作梵語科〕陳贊陳贊。我適纔與你說萬形雖有異。一性本無差。對面不相識。孩兒騎阿爺。我問你甚麼叫做有異。甚麼叫做無差。對的是何人。識的是何物。〔掌拍驢背一下〕你省得麼。〔驢作人語科〕我省得了。省得了。拜謝菩薩度脫。〔磕頭謝跌死科外〕好了好了。陳瑚。汝父乘吾法力。已脫驢身。上生忉利天去也。〔瑚泣拜謝介〕多謝菩薩拔濟父親。如此深恩。萬劫難泯。弟子從此回去。亦辦道修行矣。〔下末生〕師父如此慈悲。不惟陳氏父子含恩。我弟子兩人不勝感激。〔外〕西來。我三人雲遊。次第乞食。前面高門大宅。就是郭汾陽家。我們進去。一化齋。何如。〔生〕師父。弟子與汾陽舊僚相善。或者不好去得。〔外〕不妨不妨。他如今也不認得你面龐了。〔生〕如此同行。〔同到郭府科守門將上〕棨戟侯王第。沙堤宰相家。你這三個僧道到此何幹。〔外〕要見郭老爺化齋。〔門將〕老爺在。待我替你們稟過。〔小外上〕大將三朝老。中書二十秋。兒孫俱尙主。子壻盡封侯。把門將吏。門外何人。〔門〕稟上老爺。門外有三個僧道化

齋。求見老爺。〔小外〕僧道化齋。不須見我也罷。叫進來相見。〔外末生〕相公拜揖。〔小外〕好不知禮。從何方來。〔外〕貧道們是從西方來的。只如世法。大將軍原有揖客。若論佛法。沙門不拜王者。〔小外〕這和尚不凡。看坐。〔外上坐科小外〕和尚。看你氣貌。必是有道高僧。請問佛法。〔外〕佛法者無佛可做。無法可說。若云有佛可做。是名謗佛。若云有法可說。是名謗法。無佛無法。是爲佛法。〔小外〕講得有理。果是高僧。道者。請問仙道。〔末〕仙道長生。對彼短命。凡夫學仙。須學長生。及至成仙。生亦不用。生既不用。長短何爲。暫住玄門。終趣覺路。〔小外〕也講得好。這一位道者。像似新出家的。我且借問。我有一僚友。定興王木清泰。辭榮入道。蹤跡杳然。你三位既在雲水。可曾相遇麼。〔外〕曾相遇來。他如今從師往西川去了。〔小外〕他是蓋世英雄。破浪乘風。急能迴棹。我已暮年衰朽。臨崖勒馬。尙未收輻。可歎可歎。〔外〕他能迴棹。須云早。公便收輻也未遲。〔小外〕這又說得好。叫左右看齋來。葷素各備。還將酒來。惟三位師父所用。〔左右設酒席科小外〕三位師父。用素用葷。〔外〕葷素都用。只不戒酒。〔小外送酒與三師父科〕

〔八聲甘州〕逢場對景倚畫屏。把酒何妨乘興。朱門香逕。達人看做柴荆。今朝

喜無軒冕迎雲水相逢分外清。〔合〕寫情慙相將綺席瑤京。〔外末飲酒噉肉科生不

用小外〕這一位道者何獨不用酒肉。〔生〕貧道有戒。〔小外〕難道這二位師父是不戒的。〔生笑〕

此非公所知。

〔前腔〕〔外末生〕王門偶然掉臂行。看金屏繡褥不礙壺冰。污泥清水香發蓮花  
瑩淨。流風徐度歌管聲。殘雪初迴舞袖輕。〔合前小外〕叫左右。後堂喚侍姬紅綃白紵帶

領一班女樂侑酒。〔左右呼姬侍衆上〕

〔不是路〕鸞鏡翠蛾輕。蟬鬢玉釵橫。宋禕翹風歌舞分行逐隊行。絃初整。玉人  
指冷怯銀箏。喚卿卿。花氈繡毯安排定。羅襪香塵莫蹙停。嫋婷婷。紅綃白紵舊  
知名。爲誰承應。〔左右〕今日老爺宴三個雲水僧道。喚你們承應哩。〔衆姬笑介〕僧道出家人。怎

麼要我們歌舞。稟上老爺。侍姬紅綃白紵帶領一班女樂叩頭。〔小外〕見了三位師父。〔衆姬〕三

位師父萬福。〔小外〕衆姬歌舞。替三位師父送酒。〔衆姬諾送酒與外末接科送生不接生〕貧道不

敢。

〔解三醒〕〔衆姬〕雪花飛光搖金鏡。梅英綻香撲銀罌。篋篋彈傍疎簾冷。雲水士烟霞性。誰令來聽絃上聲。又只見玻璃盞盡傾。雕欄凭。雕欄凭。蕩春心似不轉雙睛。

〔前腔〕〔小外〕是高人玉壺相朗映。他自對景解忘情。未可評將看做行雲流水都不定。歌宛轉舞輕盈。歌宛轉舞輕盈。歌舞場中邀得仙人下玉京。真僥倖。真僥倖。小可的疑是天樂蓬瀛。

〔黃龍滾犯〕〔外末生〕你看步搖輕條脫冷。步搖輕條脫冷。簾蒜屏綃隔障生。蘭麝銷金鼎。蘭麝銷金鼎。又聽響一派別院簫聲。斷送晚天將暝。

〔前腔〕調鳳管炙鵝笙。調鳳管炙鵝笙。又見銀臺絳蠟明。卻被雪風吹酒醒。雪風吹酒醒。最喜良會未央清。宵正永。怕的是斗轉參橫。

〔滾遍〕〔衆姬〕繡闥瑠櫚。雪色燈光相並。只聽得城上譙樓。角聲嗚嗚。初報嚴更。主人分付。舞衫休冷。歌喉重整。〔合〕華堂添許多風景。華堂添許多風景。



〔前腔〕銀蟾耿耿。素手亭亭。一片寒香疎影。夜深何處落梅聲。夜深何處落梅聲。江上飄來鐵笛橫。〔合前〕

〔前腔〕雪銷殘嶺。雁度寒汀。鴛瓦棲鳥不定。〔指外科〕山僧布衲冷如冰。山僧布衲冷如冰。宿火琉璃映膽瓶。〔合前〕

〔前腔〕嬌癡不醒。女觸金屏。臺上銀缸半暝。〔指末科〕道人倦枕蕊珠經。道人倦枕蕊珠經。縱有青鸞跨未成。〔合前〕

〔鵝鴨滿渡船〕〔外末生〕只見歌殘玉樹傾。粉褪胭脂冷。風入燈。霜侵鏡。漏盡聞鐘磬。可惜好花枝。春去也。誰管領。無多良宵好光景。從古歌樓舞榭皆荒徑。

〔尾聲〕眼前盡詫豪華盛。流霞飛電眞俄頃。不如回首尋清淨。〔小貼〕稟上老爺。

那僧道臨了的說話儘有道理。只是他們既爲僧道。如何不持戒行。飲酒食肉。〔小外笑〕師父。這是那妮子說得是。〔外末〕相公說不食。不食的就是。貧道們奉還。〔外末吐介衆驚科〕老爺大怪事。這二位師父吐出魚兒。變做活的。肉轉鮮美。酒卻噴香。〔小外〕可知二位師父不是凡人。下官適聞收

鞭之語。心頗有省。雖不能如木公離家學道。從此以後當稍減聲妓。在舍修行也。左右整三處館舍。留三位師父宿了。明日還要請教。

〔外〕歌罷筵收夜色闌。

〔末生〕天廚香積一般餐。

〔貼〕珊瑚吐出渾無恙。

〔合〕始信江南有膾殘。

〔生弔場〕一從雲水已蕭然。何意重登歌舞筵。舊日風情磨滅盡。這回真個火中蓮。師父相挈到郭汾陽家。汾陽都不復識我面貌。神仙妙用。如此妙哉。行雲流水。不妨便宿王家。且待我打坐片時。免生昏散。〔花神上〕百花娘子占芳菲。萬紫千紅好讓誰。獨憐青帝能相護。妒殺封家十八姨。妾乃汾陽園中花神是也。奉西方祖師命令。我假扮作汾陽府中侍妾紅綃。去試木西來道念。來此就是他的宿館。不免叫開門開門。〔生〕何人叩門。〔開門科〕呀。小娘子何來。〔神〕妾乃汾陽侍女紅綃是也。絃歌選伎。竊自恨於朱顏。琴瑟和聲。願求諧于白髮。今見師父道素襟懷。英雄氣色。使妾半生愜願。一見輸心。妙選才調。非止如卓女之奔相如。渴慕英賢。敢自附紅拂之歸李靖。惟師見容。〔生〕說那裏話。貧道雄心盡剗。慾念全消。既歸道門。更持僧律。任他天女。覷爲革囊。豈放摩登。毀吾戒體。汾陽

乃一世豪傑。三事大臣。汝爲其家姬。豈可犯此宵露。敗彼門風。便當速回。勿貽後悔。〔神〕師父差矣。豈不聞婆須唎舌。不礙成真。羅什吞針。猶然畜婦。何況我師乎。朱門甚密。清漏已沈。妾旣呈身。理無退步。惟師裁之。〔生〕胡說。彼大菩薩如污泥蓮花。妙在不染。我初學人如洪爐點雪。豈敢試嘗。便請速回。遲必取悔。

〔金谷園〕〔神〕朱門閉歎終無下梢。青鬢老問幾時還少。徵歌舞何年是了。因此我這紅綃待學紅拂訪英豪。

〔嘉慶子〕你雄姿秀骨風度好。瞥然見把人魂消。又不是琴心相挑。一意願詠桃夭。諧白髮附青霄。

〔忒忒令〕〔生〕託身在烟巒霞嶠。那管你風情月調。旣撇卻兔絲了。旣撇卻兔絲了。豈復惹閒花草。虛勞你神女陽臺。自信襄王夢寂寥。

〔伊令〕〔神〕知君當日原是濟時豪。女蘿嫋嫋願得附松喬。況值此清漏正沈。朱門悄。錦衾羅薦。問明日天涯遠道。燕約鶯期。百歲鸚鵡在此宵。

〔品令〕〔生〕你花容月貌。空自逞妖嬈。我守着寂寞禪心。我守着寂寞禪心。衡一味冰清玉皎。梅花信香。桃源路遙。好收拾錦堂中風月。好收拾錦堂中風月。休賣弄朱顏。只把蛾眉自描。

〔玉交枝〕〔神〕于飛堪效。雨雲期休辭暮朝。念奴亦是連城寶。一宵兒千金怎消。已來河畔鵲填橋。空歸洞口花相笑。諧鳳侶寒更正寥。怕雞叫房櫳清曉。

〔豆絲黃〕〔生〕休撥琵琶別調。我這裏真心怎撩。只道你是蘭蕙堅操。只道你是蘭蕙堅操。郭府紅綃。誰知你是花柳風騷。侯門女妖。休恁苦相邀。休恁苦相邀。纏枝葉轉生禍苗。

〔江兒水〕〔神〕玉鏡人歸嶠。秦樓女嫁蕭。仙家種玉藍田好。金屏牽線紅絲巧。桃花引入天台妙。勸你不須推調。成就一夕雲翹。須仗五百年前月老。

〔川撥棹〕〔生〕令人惱。我鐵石心怎變了。可惜你柳媚花嬌。可惜你柳媚花嬌。沾惹了烟藤露梢。玷侯門犯正條。污鸞釵羞鳳簫。

〔尾聲〕繁華棄擲因求道。論絃歌吾家不少。爲甚孤身雲外飄。女子快迴避。你主人知道。看你爲何如人。若稍遲延。吾當取壁間寶劍斬汝。〔神〕元來木公道念清潔如此。可敬可敬。不免回覆祖師去罷。海水可竭。泰山可傾。彼道人者。秉志堅貞。〔下生〕這女子忽然不見。想是花月之妖。我說汾陽府中必無此事。

可是花妖可是狐。

崔家玉盃只歸盧。

革囊見試無勞爾。

心比蓮花愛水枯。

### 第二十二齣 嚴公冤對

〔夜行船〕〔淨扮嚴武挾侍兒上小旦扮王婉娘〕手握貔貅身似虎。嗟一病喘息殘軀。粉黛慵看。絃歌厭聽。早晚黃泉舊路。下官西川節度使嚴武。磊落雄姿。昂藏俠骨。西蜀擁旄。身當虎將。南山射獵。手格熊羆。不想近日偶染一病。遂至郎當。昏曠難支。淹延待盡。侍兒一切人事。且都不要報我。待我靜攝一番則個。

〔前腔〕〔生上〕纔出潼關經蜀土。過棧閣已到成都。城閃朱旗。衙開畫戟。千里

轅門訪故。木清泰芒鞋託鉢。已到成都。此間就是嚴公帥府。不免叩門求見。則個〔內宅舍人上生〕貧道是嚴老爺故友。特從長安來相訪。煩爲通報一聲。〔舍〕俺老爺有病。怎麼敢報。也罷。難爲你迢遞遠來。待我替你一報。相見可也不定。你在門上伺候。〔鬼卒帶王婉娘鬼魂頸帶琵琶弦上〕

〔前腔〕〔小旦〕脈脈冤魂沈水府。親叩闕得請天都。寶劍清霜。牙旗旭日。且向

高人泣訴。〔與生相見科〕木相公萬福。〔生〕娘子何來。〔小旦〕妾乃鬼也。本姓王氏。小字婉娘。長安

人氏。乃金吾小校王驥之女。頗諳音樂。素善琵琶。西川節度使嚴武未第時。流落長安。與妾鄰居。窺見妾姿色。用計誘挑。妾不合允從。竊帶宵奔。西出潼關。妾父訴之金吾大將軍。奏聞朝廷。差羽林軍星夜追拿。嚴武負心。見追勢甚急。將琵琶絃勒死妾身。沈屍川江。追軍拿獲。查無實跡。僥幸脫免。官至節鎮。妾在泉下。沈冤二十餘年。近日始訴冤上帝。許妾索命報讎。來到此處。幸遇大師。將冤情控訴。妾要見負心人。乞大師帶我一進去。〔生〕原來如此。待我先進去。替你轉達。〔舍〕稟上老爺。門外有一道士。說是老爺故友。特從長安來相訪。求見老爺。未知容否。〔淨〕我有病不見客。既是方外道士。或者是個異人。有海上奇方。可療我病。請他入來。〔舍〕諾。請。〔生進見科〕嚴節度相公。貧道不敢



稽首了。與相公別來許久。有何貴恙。〔淨〕素不曾相識。有勞光顧。〔生〕曾與相公有舊。想貴人忘了。請問尊體如何。〔淨〕下官一向強健。近日偶染一病。十分沈重。道者有甚奇方。可療賤恙。〔生〕奇方頗有。貧道有一言唐突。適纔候見。門首有一女鬼。顏色甚麗。向貧道行禮。說也要求見相公。報仇索命。不得不以奉告。〔淨怒介〕這妖道胡說。下官負意氣人。平生不曾作甚虧心事。焉得有此。〔生〕相公。貧道焉敢妄言。此女頸帶琵琶絃。血尙淋漓。想必就進來了。豈是浪語。〔淨驚懼就几上叩頭求救科〕是了是了。大師聖人也。果有此事。本末已露。焉敢相瞞。既蒙通言。便望大師救拔。〔生〕倘可相救。貧道不敢辭。你看女子進門來了。〔小旦入門見科〕嚴公別來無恙。妾爲女子。失身從公。是妾之罪也。千里宵奔。豈無恩愛。官軍追急。棄妾而逃。亦無不可。奈何殺妾。沈屍川江。公心不太忍乎。好色則竊女而潛奔。急難則殺人以自免。公真負心人也。渺渺重泉。沈沈長夜。冤魂不散。屢泣江波。近日始得伸冤于上帝。許我索命報讎。吾奉天敕而來。頸血未消。鷓弦尙在。可速就死。毋得稍遲。〔淨又叩頭科〕不才知罪了。當時事勢窘急。計出匆忙。負卿深恩。情罪甚的。一死何辭。不才意欲爲卿修懺誦經。裝佛造塔。廣作功德。超度冤魂。庶幾彼此兩利。貸我一死。娘子意下如何。煩大師爲不才

善言方便。〔生〕娘子。是則是嚴公負你。今來索命。嚴公難辭一死。然於娘子無益。不如容他廣作功德。超度。誠爲彼此兩利。娘子請細思之。〔小旦〕大師。這個卻使不得。

〔桂枝香〕重泉無路。幽魂誰訴。靈隨夜月波濤。泣斷寒江烟霧。羅衣盡消。玉骨都無埋處。愁來千緒。謾歎歎。縱有琵琶調。湘靈不共居。〔生〕娘子說來。其實慘戚。事已往矣。請自寬懷。〔小旦恨科〕

〔前腔〕宵行多露。恩情忍負。試看頸上鷓鴣。是妾傷心痛處。家鄉又遙。家鄉又遙。空望一江雲樹。誰澆椒醕。望成都。猿嘯連腸斷。鶻聲帶血呼。〔淨乞哀科〕娘子。

不才罪惡深重。不消說了。只望娘子寬貸。後恨難消。前情可念。〔小旦又恨科〕賊事已至此。還講甚麼情分。你本是個最歹心人。方在髫年。便手刃父妾。拾遺杜老。曠世逸才。遭逢兵難。以窮歸你。一言不投。便欲按劍。屢次將拾遺綁赴市曹。若不是冠纓屢挂籬鉤。你母親急救。一代才子。死在汝手久矣。你久鎮西土。枉殺平民。不計其數。我得請上帝。先發難端。後來索命者紛紛尙衆。你勿謂死者無知。我今現在。上帝分明。汝豈能逃死。

〔剗歛兒〕天宮高聳紅雲護。冤情上徹紫霄居。蛾眉一伸訴。英雄告徂。鶴鷗晝呼。妖蛟夜舞。蚤赴酆都。難逃地府。〔淨又乞哀科〕功德超度。必然有益。便不報前仇也罷了。

〔小旦〕賊子遲了。

〔前腔〕雖然佛力能超度。何當怨鬼在冥途。昔彭生枉死。黑豕人啼。如意酖亡。蒼狗晝現。司馬捐生。凌達爲厲。桓溫絕命。殷涓當車。鼃錯不忘十代之讎。楚王難免六世之烈。自古報冤。豈止於我。從來盡償負。冤深怎通。血痕尙汚。哀情正苦。急辦紅羅。安排黃土。〔下淨〕

罷罷罷。我嚴武也是個好漢。怎麼苦苦向裙釵手中求活。分付家人。急辦後事。大師遠來。好生受你。多慢了。侍兒着人相送。

英雄蓋世氣橫秋。

一旦淹淹作楚囚。

寄與世人休造罪。

冤冤相報幾時休。

〔生弔場〕嚴公嚴公。木清泰遠來。指望點化你入道。誰想墮落至此。空負我一場好意。臨行之時。我祖師將此事早已說破。吾師真聖人也。不免回到潼關相會則個。豈無寶筏駕玄津。爭奈裙釵意轉。

眞。正是藥醫不死病。祇應佛度有緣人。〔生欲下小旦去頸絃整衣巾上介〕大師大師賤妾重泉下鬼。難遇至人。幸借天緣。敢求一言超拔。〔生〕你報怨雪仇。嗔心正盛。我奉齋持戒。道力尙微。佛法人我雙忘。冤親平等。若要消除災障。晨昏一句彌陀。〔小旦〕大師。世人那個不曉得。念一句彌陀。〔生〕世人口念彌陀。心馳雜想。有如口口彌陀。心心淨土。何患不蓮生足下。旛現眼前。〔小旦〕多謝大師指教了。〔下生〕眞個藥醫不死病。果然佛度有緣人。〔下〕

## 第二十三齣 眞君顯聖

〔瑞鶴仙〕〔外帶將卒上〕青史錚錚者。論英雄義烈。眞傾夷夏。炎精欲灰也。待隻手風雲。雙擎日月。古今正氣不消磨。列名天闕。只靈臺一點。皈依三寶。蓮花座下。三天上將萬神欽。仗劍皈依功德林。淘洗得來惟淨業。消磨不盡是雄心。蕩妖馘怪天曹事。救困扶危烈士襟。隻手拿雲飛電去。魔軍戈戟正陰森。自家關眞君是也。寸心萬死。從眞主於顛危。一劍三分。吹炎劉於將燼。日月山河。長存正氣。嬰兒女子。咸識英名。暫留曹魏。竟謝奸雄。急知己而奔劉。用仲臣節。坐鎮荆襄。威揚華夏。奈天數之去漢。豈曰人謀。生握銅符。望麾蓋者魂銷。氣壓三分虎將。死

歸金闕。登將壇而氣肅。威行八部龍神。天曹列爲大帥。緋袍玉帶。久著蕩鹹之勳。上帝錄我微勞。青札瑤編。遂證真人之位。誦貝葉真經。入彼土栴檀之林。討其淨行。參蓮花寶座。取佛前楊枝之水。灑我壯心。今日在雲端。照見唐朝定興王木清泰。棄官入道。持戒修行。禪心甚堅。道果將證。近從西蜀回來。被小魔王這廝。嫉妒高人。懼其成道。中路發十萬魔軍。圍住木公。木公雖雄概千古。力敵萬夫。止有一身。怎當魔軍十萬。眼見困厄。我爲佛門大護法主。豈容坐視。不免點起天兵十萬。一面奏聞上帝。一面征勦則個。分付衆將校。點起天兵。勦滅魔軍。就此前去者。〔衆應科〕

〔北新水令〕〔外〕手提一劍掃羣邪。見空中陡興妖孽。怪風吹八表。黑雲彌四野。敢肆凶劣。逗引我怒懷起壯心熱。

〔南步步嬌〕想當初國難從昭烈。一片精忠竭。羣雄亂似麻。誓死間關大江百折。驅馳劍戟走龍蛇。蒼茫南北無寧帖。

〔北折桂令〕嘆王孫四海無家。把錦繡江山做瓜果分裂。好教人苦費周折。鞍不離馬。路不停車。捱過多少百戰豪傑。那一時不拚了胸中熱血。纔掙得鼎足。

勲業不爭差一些英雄送也。又奈可五丈原將星宵滅。

〔南江兒水〕往事休題者。潛然情慘切。夷陵黑土銷兵鐵。永安黃草平宮闕。蜀山空顯軍書峽。白帝城餘暮堞。先主祠荒。那裏覓翠華玉柙。

〔北雁兒落帶得勝令〕不爭道萬夫敵。不下的雄威傑。單收我一點擲。不折的忠心烈。擔乾坤挂日月。姓名兒注帝闕。仗蕩魔朗陵鉞。建執法西臺節。休。假。饒是逆天心。我便待行天罰。手兒裏定盤星太分別。

〔南僥僥令〕那英雄駢正轍。邪鬼漫相遮。疾速點起天兵者。自古道救人時須救徹。

〔北收江南〕呀。雖則是蓋世大英傑。奈衆寡不敵些。則怕補天浴日手受磨滅。虛負咱們護法急打疊。磨旗擂鼓發丁甲。

〔南園林好〕明晃晃剛刀偃月。密札札長戈耀雪。排陣勢軒轅法。禡大牙玄武訣。飄屋瓦走飛沙。



〔沽美酒帶太平令〕看蜀道蠶叢路。妖氣暗三巴。大漢天師曾殄絕。今日還猖獗。抖撒起衝冠怒髮。用得着舊時俠烈。指顧間把魔軍抹掇。不霎時將高人救拔。忙發疾發。若是稍遲些。那重圍怎生得撤。

〔尾聲〕天兵十萬親提挈。一道流星飛電躡。雷撼天關龍戰野。〔並下〕

## 第二十四齣 西來遇魔

〔淨扮小魔王領衆上〕生平愆怒逞豪雄。貌似修羅氣吐虹。一與諸天鏖戰後。至今擁衆住魔宮。自家小魔王之神是也。在三界稱雄。住七寶宮殿。聚百萬之鬼兵。抗衡上帝。乘五行之敗氣。蠱毒生靈。赤臉獠牙。盛列前隊。花容麗質。充滿後宮。樂戰鬪而行威。極荒淫而娛志。與天界爲敵國。視佛子猶水火。下方但有成道者。則我魔宮震動。闔室不寧。以此不得不八口飛精。多方撓敗。近日窺見下界定興王木清泰。棄家學道。勇猛精進。屢經磨鍊。大道將成。大不利於我。不得不除之。聞其獨身自西蜀還潼關。不免點起十萬魔兵。中路圍而擒之。又聞此人雄概千古。力敵萬夫。雖然驍勇。孑然一身。怎當得我雄兵十萬。衆寡不敵。必成擒矣。分付將校。點起衆兵。疾往西蜀路上。生擒木清泰。論功行

賞〔衆應下生上〕西州迢遞返潼關。棧閣巍巍不可扳。若要度人先自度。身無寶筏只空還。木清泰從成都返潼關。崎嶇千里志願不酬。空勞跋涉呀。忽然間黑霧漫天。陰風刮地。飛沙走石。好生怪事。又見陰兵十萬。彌山寨野而來。不知何故。〔淨統兵上大叫科〕大小衆軍。齊力向前生擒木清泰。〔衆持兵仗前捉生奪仗鬪科生〕你們何處陰兵。誰爲主帥。素無仇怨。何故見侵。〔淨〕我乃小魔王之神是也。久慕雄風。欲收你在部下相助一臂之力。怕你不從。特起大兵劫你。你可望風納款。當署爲大將。掌握重權。倘或不從。立爲齋粉。〔生〕吾已入道爲佛弟子。焉肯陷入魔軍。有死無二。吾師佛祖仙卿。道力弘大。我天生豪傑。旣歸佛門。何懼汝小魔。〔淨怒大戰二合淨大叫〕木清泰果英勇絕倫。分付十萬雄兵。合圍圍住。定要生擒此人。〔又戰生被擒科淨〕好好。木公。你旣已被擒。料得難脫羅網。可便降順。必當重用。勿自取危亡。〔生〕我一代英雄。皈心三寶。今日有死而已。豈肯降魔。〔淨怒介〕這廝無禮。叫衆將校。可將木清泰上了銅枷鐵肘。押送黑山獄中牢禁。〔衆諾〕

〔淨〕戰敗成擒尙不臣。  
教伊頃刻化微塵。

〔生〕頭顱腦髓憑君取。  
一點靈光是佛民。

第二十五齣 魔難不屈

〔淨上〕帳下貔貅雄似虎。宮中粉黛美如花。行樂宣姪聊快我。泥犂阿鼻且由它。自家小魔王之神。拿得木清泰。果是英雄好漢。押入黑山獄中。要他降順。今日不免親到黑山。大張威勢。不怕他不從。來此就是。叫黑山獄將。押犯人木清泰出來。〔獄將押生扭肘上〕

〔生查子〕〔生〕本待度迷津。誰料逢衰運。猛拚死魔軍。誰肯輕降順。〔淨〕木先生。你是個蓋世英雄。非常豪傑。我這裏富貴上擬天宮。威權不讓玉帝。你肯降順。管教官封上將。富敵侯王。〔生〕胡說。我木清泰棄家學道。苦志修行。大唐天子的王公。也不願做。做你魔鬼的部將。〔淨怒〕可惡。料你網中窮鳥。釜底遊魚。一犯吾威。立教齋粉。你敢在我跟前大言違抗。〔生〕小魔。我辭家出門那一會兒。也將性命置之度外了。飢鷹可喂。餓虎可餐。那怕你來。

〔錦纏道〕我本是大丈夫。回頭采真。行萬里只孤身。出門來已將性命浮雲。俺也曾扶王室。定江山。掃清虜塵。那怕你逞凶威。妖鬼魔神。看浩氣塞乾坤。這頭顱兒屬英雄數盡。我丹心耿耿存。拚七尺何妨齋粉。肯無端俛首作魔民。〔淨〕

這廝無禮。教將士綁出去斬了。

〔普天樂〕〔生〕盼師尊。潼關近。望不得雲端信。這是我這是我命合災屯。願捨我水泡波痕。作青天鬼燐。單保得這靈臺一點無塵。〔淨〕左右。一刀殺了他。到便宜了。

教擡萬鈞鼎鑊。滿中置油。大火燒起。又這廝活烹了。〔衆〕諾。設鼎爇火科。

〔古輪臺〕〔生〕任魔人。總然一死又何分。烹當五鼎。男兒事陰陽熾炭。大冶洪爐。分明是釜底遊鱗。頭斬春風吹光割水。緣知四大本非真。也強似熬煎慾火。竭脂膏翠黛紅裙。還想那金鎗迦老。刎頭師子。宿冤安世難。至豈無因。從今去蓮花一路涅槃門。

〔尾聲〕形骸糜爛何須恨。燒卻虛空幻影塵。纔證毗盧不壞身。〔下〕〔探子〕報報報。大王禍事到了。〔淨〕探子報何事。喘息稍定。慢慢說上來。

〔北雁兒落〕〔探子〕顛巍巍。旌旗風雨翻。莽騰騰。號令雷霆迅。忽喇喇。江翻地軸搖。撲瑟瑟。鼓響天關震。〔淨〕那裏兵來。

〔北鴛鴦煞〕〔探子〕關真君親掛先鋒印。領天兵大擺軒轅陣。六甲隨車。五丁夾盾。更兼那八部從征。蠻雷齊奮。要剪強梁。聲聲道扶持危困。飛虎躍。火龍奔。大王呵。急戒車徒早征進。〔淨〕獄將把木清泰依舊收監。傳令將士。火速點起神兵。迎敵則個。〔衆應科〕

〔北倒拖船〕〔淨〕傳號令。點三軍。點三軍。抽戈躍馬走風雲。走風雲。那怕天兵雄十萬。管教一戰化微塵。〔合〕頭觸不周山亦破。至今天雨漏秋旻。

〔前腔〕〔衆〕刀似雪。劍如銀。劍如銀。前驅戈戟後車輪。後車輪。將領區區何足論。從來上帝戰波旬。〔合前淨〕分付十萬神兵。將三萬分爲左右二翼。二萬牢把中軍。三萬留作

後隊。更進迭退。二萬在險處設下埋伏。吾自有神通法術。制伏天兵也。〔衆應〕

〔淨〕五行乘其敗氣。

〔衆〕劫運肆我羣魔。

〔淨〕從古橫行三界。

〔衆〕天兵其如予何。

第二十六齣 聖力降魔

〔外領衆上〕叫衆將校。前面陰風黑霧之中。是魔軍屯劄所在。木道者已戰敗成擒。我們放陣殺上去。〔兩軍相接科外〕你那魔鬼。生前依憑血氣。播惡生靈。死後自署魔王。宣姪宮殿。嫉妒熾盛。罪惡貫盈。廣積罪愆。必入無間地獄。萬劫不得翻身。尚不思悔改。侵害大德高人。天兵到此。火速投降。去邪歸正。稍若遲延。立爲齋粉。〔淨〕不必多言。俺這裏只管廝殺。〔混戰不分勝敗外與淨對陣〕

〔北出隊子〕〔外〕你可也道天兵來到早。則見你魂已消。尙兀自刀仗陣前挑。怎當我青龍偃月刀。呀。管教你餘生斷送了。〔戰科外〕

〔偷秀才〕那怕你神妖鬼妖。則教你魂消膽消。俺八面威風透九霄。遭逢爲碎粉。觸着化塵囂。你波旬怎逃。〔又戰魔兵放火科外〕

〔慶東原〕那怕你滿口吹將妖火燒。也不須吞江吸海把水來澆。只憑俺龍泉三尺。那怕鬼計千條。只將刀頭兒一搖。妖光隨手滅。烈焰一時消。〔又戰淨〕火被滅了。〔魔兵作大風科外〕

〔雁兒落〕你待使林下封家嫂。我則見枝頭少女逃。我旌旗不動搖。你瞬息旛



竿倒。〔又戰淨〕風又息了。〔魔兵作大霧科外〕

〔沈醉東風〕作氛霾將乾坤暗罩。五里霧你待學張超。俺胸中氣星辰耀。手中刀將日月挑。只一晃早見青天如掃。堪笑你鬼妝喬。弄甚圈套。只怕伎倆窮時。手脚兒露了。〔又戰淨〕大霧又散了。怎麼好。〔作驚介外〕

〔十憂傳〕俺喝一聲喝得天關掉。掂一下掂得地軸搖。指頭兒將你瞳神子攪。刀尖兒將你天靈蓋敲。把鑕鐵兒剖你尻。將水晶兒鹽你腦。殘軀兒難藏藕竅。斷魂兒送入鐵圍牢。千年好漢風烟盡。一世英雄湯雪澆。這是你自取也難饒。〔又戰淨大敗走科外生擒魔部將綁科〕魔兵大敗。小魔王遁走。餘衆星散。不必追拿了。

〔滾繡球〕你看魔軍四散逃。旌旗滿路拋。血淋漓髑髏猶跳。聲慘切新鬼號咷。委屍骸藉道旁。折肝腸塗野草。俺鼓笳連凱歌正鬧。流矢疾捷騎飛跑。宣九天絳霄金闕號。代三寶神將藥又勞。委實雄梟。

〔醉太平〕歎木公人品高。那魔子枉爲妖。英雄百鍊秉堅操。喜麼麼盡勤奉揚。

帝命張天討。扶危濟困行天道。功成振旅覆天曹。不負俺奔波這遭。帶那魔將過

來。如來弟子木清泰。如今現在那裏。〔魔將〕稟上真君。小魔王將他上了銅枷鐵肘。禁在黑山獄裏。

〔外〕叫將士。押了這魔將。急到黑山。救出木公。〔行到黑山取生放枷肘科與外相見科生拜謝科〕

貧道塚中枯骨。獄底遊魂。幸蒙真君天兵救拔。此恩何時得報。〔外〕公王室熊羆。佛門龍象。應證上

果。豈陷魔軍。小聖位列天曹。職掌護法。擒勦稽遲。致驚大德。惶恐惶恐。〔生〕再生之恩。萬劫難泯。

〔尾聲〕除妖蕩怪功非小。一霎時乾坤朗耀。準擬金書爵位超。〔同下〕

## 第二十七齣 公子思親

〔謁金門〕〔小生上〕自歎生來魔障。展轉添惆悵。四海尋親空策杖。慚恨乾坤俯

仰。有父裹布袍。單身走空谷。有子披羅衣。僮奴侍華屋。父既巢雲松。子當念風木。哀哀蓼莪篇。把詩不

可讀。木龍駒生身不辰。骨肉萍梗。父既遠遊訪道。母亦矢志孤棲。止有不肖之兒。終日守妻子。饜膏

梁。尋思二親。慚愧天地。如之奈何。荆人房氏。頗有孝心。見舅姑飄零。夫君愁苦。他亦早晚同戚。了無

歡容。父親久無音耗。寢食何以自安。不免與娘子共嘆一番。娘子何在。〔小貼上〕

〔前腔〕何處芒鞋一緹。雲水愁難訪。定省晨昏今久曠。子婦同懷悒悒。朱門豈不貴。何事長離憂。姑久掩一室。舅也愛遠遊。良人以苦。妾心能不愁。棄脂復捐粉。含淚下妝樓。〔見介小生〕娘子。你公公遠遊久別。隔絕無音。婆婆縞素清齋。幽棲良苦。你我綺羅梁肉。心豈能安。卑人欲待再出去尋訪。爭奈雲海渺茫難覓。母親寂寞無依。展轉悲愁。如何是好。〔小貼〕官人力行孝道。欲窮雲水之蹤。賤妾亦有人心。敢戀房幃之愛。只是四海無家。一時難覓。足下此身。木氏關係不輕。君再思之。

〔風入松〕〔小生〕我少年生長在華堂。幾時解淒清境況。綺羅叢裏笙歌響。又早進金盤嘉釀。今日裏洊罹禍殃。親骨肉兩參商。

〔前腔〕〔小貼〕堂空客散燭無光。歎門闌暗結蛛網。依然鼎鐘和繡牀。又不是生災生障。一霎時梧桐凋葉黃。秋雨後轉悲涼。〔舍人上〕仙客遠從雲外去。天恩近自日邊

來。稟上公子。小人是汾陽王郭爺舍人。俺老爺將木爺棄家學道。及公子文武全才。一一奏聞聖上。聖上褒獎老爺。拜公子官爵。早晚必有玉音下了。老爺特差小人來奉報。〔小生〕叫手下送郭舍人

廂房茶飯。〔內應科舍人下小貼〕原來有此事。寂寞之中。得此一喜。〔小生〕娘子。聖上褒獎公公道德。誠爲可喜。封拜卑人。此心不願。你公公無過。是雲遊訪道。我兒子怎麼襲職受封。果有此事。還要上本力辭。〔小貼〕官人所見極當。

〔鎖南枝〕〔小生〕聞新命心轉傷。我父親雲遊知那方。祿不逮高堂。官封怎安享。願布衣甘草莽。明日面君王。把此情去奏上。

〔前腔〕〔小貼〕夫受爵妻有光。翟冠鳳翹垂襦襜。聞命意倉皇。躊躇暗思想。榮可羨親怎忘。好去面君王。君心定相亮。

〔小生〕紫綬金章不敢當。

一封明早奏君王。

〔小生〕親爲萬里烟霞客。

子願終身田舍郎。

### 第二十八齣 公子受封

〔粉蝶兒〕〔小生上〕奕葉貂蟬。報國方當年少。看家傳豹略龍韜。錄忠勳。褒隱逸。聞道璽書將到。奈親恩罔極。君恩難報。老臣已逐漁樵去。聖主難忘麟閣功。延賞又沾門。

蔭貴。敕書新下未央宮。小生木龍駒是也。伯父汾陽王郭公。將我父親棄官學道事情。具本申奏聖上。聖上不忘靖亂之勳。深惜老臣之去。將以蔭敍錄用小生。今早汾陽着人來報云。詔書將到。只得設案焚香。在此伺候。〔左右上報云〕稟上公子。朝廷遣汾陽王郭老爺齋詔勅封公子官爵。已到門首。〔小生迎接科小外上〕奉天承運皇帝詔曰。據中書令汾陽王郭子儀奏稱。定興王木清泰。當安史之逆節。丁王室之流離。力翦元凶。蕩平大難。功莫茂焉。爵頒茅土。盟指山河。綿祚永福。朕方當與卿共之。爾乃引分知幾。辭榮入道。遠追子房之迹。近紹鄴侯之風。世所罕聞。良足嘉尚。可賜號圓照大師。其子龍駒。才兼文武。秉志忠良。授驃騎將軍。襲封定興侯。嗚呼。輕珪組而踐大道。臣子之高標。獎隱逸而錄忠勳。朝廷之盛典。爾其不忘猷告。益務操修。欽哉。毋斲。謝恩。〔小生〕萬歲萬歲萬萬歲。〔小生〕伯父請上。容小姪拜謝。〔小外〕賢姪免禮。〔小生拜小外答拜科小生〕老父黑頭遠引。聊以全生。小姪黃口無知。謬膺簡命。蒙朝廷作養之賜。荷伯父推薦之恩。不任戰矜。何勝感激。〔小外〕尊公辭榮晚節。味道清真。賢姪砥行茂齡。承家忠孝。喬梓同躋。令聞老夫。幸竊餘光。望你勉竭臣勞。務酬主德。〔小生〕多謝伯父訓誨。但小姪尚有苦情相告。老父訪道未回。爲人子受爵何安。還要面聖。

辭官。望乞伯父張主。〔小外〕尊公既已辭爵。賢姪理合受封。這也不消辭。聖上一定也不准。中書省中有事。老夫就此告別。鳳穴雖真美。龍門客又新。〔下小生〕不免喚出妻子。同到蓮花菴中。拜謝母親。左右。請新夫人出來。〔小貼上〕

〔西地錦〕紫禁新來天詔。青閨乍整雲翹。封侯夫婿年猶少。早看玉帶橫腰。相公萬福。〔小生〕夫人拜揖。〔小貼〕相公新拜小侯。龍章承寵。賤妾亦因夫貴。鸞誥分榮。可喜可喜。〔小生〕下官新承寵命。常圖捧日之忠。老父久賦仙遊。轉切望雲之想。奈何奈何。我和你同到蓮花菴中。拜謝母親養育之恩。〔小貼〕正該如此。〔同行科〕

〔前腔〕〔旦上〕日氣全澄蓮沼。香烟初散松寮。〔貼小旦上〕上方諸品圓明照。花陰曉日團瓢。〔旦〕紺目澄清四大海。玉毫宛轉五須彌。〔貼小旦〕大士普門隨物現。願教得度比丘尼。

〔小生小貼同拜〕孩兒新承門蔭。拜將封侯。衣緋腰玉。容孩兒拜謝母親養育之恩。〔旦〕孩兒免拜罷。孩兒你做官好。只是你父親雲水無蹤。使爲娘的終日掛念。〔小生〕稟告母親。爹爹人中豪傑。又遇方外異人。大道可成。仙遊無恙。這曇花無根茂盛。料必不是偶然。適纔朝廷詔敕。旌獎父親清高。



恬退。賜號圓照大師。〔旦〕好好。聖主知重。道號顯加。這也不負你父親清修苦行了。

〔降黃龍〕雲外逍遙。地北天南。遊蹤皆到。門庭冰冷。幸吾兒新拜五侯。綸詔明朝。謝恩北闕。好去彤墀。微道。須勉圖顯親報主。承家忠孝。

〔前腔〕〔小生〕劬勞。屢葉金貂。黃石遺編。赤松無耗。承家開國。念親恩主德。總來難報。須教枕戈汗馬。努力塞雲邊草。幾時得功成大漠。鶴歸華表。

〔前腔〕〔小貼〕峇嶢。日麗丹霄。夫婿朝回。御爐香遶。東方千騎。看鬢髮白。哲人都道好。還教秉忠竭節。不負金裝裘帽。好追蹤辟疆傳祚。留侯不老。

〔前腔〕〔貼小旦〕蕭條。戶網蠨蛸。看鳳雛龍種。郎君清妙。恩波優渥。拜何家驃騎。門閭重耀。靈苗曇花正盛。相映階庭芝草。願函關真人紫氣。歸來須早。

〔黃龍滾〕〔旦〕珊瑚犀革。寶劍龍紋鞘。〔小生〕舊日囊鞬。部曲還來到。〔合〕紅雲天表。朱旗日照。榮簪笏。寵林壑。加封號。

〔前腔〕〔小貼〕麒麟通袖袍。鸞鳳泥金誥。〔貼小旦〕羅雀門前。朱履今重到。〔合前〕

〔尾聲〕仙郎結束登廊廟。轉念慈親修道。依舊蓮花伴寂寥。〔小生〕好告母親得知。爹爹雲遊。定有還家之日。孩兒如何受爵襲封。顯是忘親慕祿。稟過母親。明日少不得上表。爲爹爹謝恩。併辭封爵。〔旦〕孩兒。你這個所見亦是。

〔旦〕年少郎君初拜侯。

〔小生〕思親不見轉添愁。

〔小貼〕明朝具疏陳情去。

〔貼小旦〕爲道新恩未易酬。

## 第二十九齣 面聖辭官

〔唐多令〕〔小生上〕新命下丹青。封章謝聖朝。親闈何處路迢遙。多少烟波雲嶠。辭印綬。訪漁樵。拜爵王朝寵渥優。況兼道號賁林丘。白雲望斷千山遠。紫綬何心萬戶侯。木龍駒。叨蒙聖恩。旣拜定興小侯。賞延世胄。又以圓照大號褒寵家君。恩數無以復加。但老父暫行訪道。必遄返于家園。爲子輒受爵襲封。置嚴親于何地。趨庭之念方切。立朝之意何安。夜來修下一疏。伏闕面君。一則爲老父拜謝寵褒。一則爲下官固辭新命。來到此處。已是朝門。不免伺候聖主升殿。呀。朝鐘已動。文武皆齊。不免隨班朝見。則個萬歲萬歲萬萬歲。〔內叫科〕大小官員。有事則奏。無事退班。

〔小生〕臣有短疏。冒奏天顏。〔內侍上〕既有奏章。送上來替你轉奏。〔小生〕臣有下情。還求口奏。〔內侍〕奏來。

〔步步嬌〕〔小生〕臣父當年辭榮蚤。遠去因求道。寬容荷聖朝。不罪逋逃。更加封號。煌煌勅命。寵林皋。君恩如海。真難報。〔內侍問科〕皇帝問。卿父清泰。壯年慕道。黑髮辭榮。朕既仰遠引高風。又惜老成去國。時塵於懷。不審雲遊有信否。〔小生悲科〕

〔沈醉東風〕感君皇尚思遺老。使微臣不勝悲悼。一自遠遊。遨。做撒手冥鴻去。杖履久無消耗。臣走天涯。遍尋海島。咫尺間。奈三山路遙。

〔忒忒令〕遇樵夫有雲牋。順梢問何之。仙蹤又杳。因此上把黃泉碧落都遊到。念微臣兩虧忠孝。只落得瞻帝闕。望親舍。時時暗地裏淚拋。〔內侍〕皇帝有旨。卿父遠遊。既有報書。足知山中無恙。徐訪仙蹤。退班。〔小生〕臣還有下情。面奏聖上。〔內侍〕奏來。〔小生〕

〔好姐姐〕天朝。侯封寵褒。錫微臣一封丹詔。臣父雲遊定返。臣官何太早。忍叨冒。金章紫綬。雖榮耀。慕祿忘親罪。怎逃。〔內侍〕皇帝有旨。卿父雲遊。必有還期。但既已辭

榮豈肯再受勳臣封爵。不可久虛。卿青年異才。允宜擢用。已有成命。不必固辭。

〔嘉慶子〕〔小生〕念臣親山林養高。捨一官棲遁欲老。甘着那澹薄修道。臣未得晨昏問寂寥。

〔雙蝴蝶〕臣父呵。穿着百衲的藍布袍。繫着一條的黃束縑。喫着苦菜與藜蒿。隨着苦行的水雲僧道。晚來隨處宿殘菴古廟。到得曉來托鉢走荒郊。

〔園林好〕臣怎忍官尊爵高。臣怎忍垂纓珥貂。臣怎忍一身榮耀。餐美食。進香醪。因此上訴皇朝。〔內侍〕皇帝有旨。卿父全身入道。卿能盡忠報國。豈不兩全。

〔川撥棹〕〔小生〕恩非小。豈不願竭忠報效。儻忘親自立功勞。儻忘親自立功勞。那些個求忠於孝。願辭官守草茅。願尋親去問採樵。

〔錦衣香〕若論臣才呵。文不能經廊廟。武不能先征討。何由上補龍光。只落得下慚烏鳥。哀鳴君父訴心苗。望鑒臣微悃。免賜官寮。便芒鞋苧襖。敢辭那水曲山椒。誓把天涯遠。東窮蓬島。南尋衡岳。西抵河洮。

〔漿水令〕臣稽首謝恩丹微。臣稽首拜還紫誥。望君王寬容寵包。犯雷霆神魂戰搖。天恩定擬捐軀報。也有時朝端環珮。塞上弓刀。年猶少。氣未消。他年七尺輕於草。又何辭。又何辭。碎塗肝腦。千萬歲。千萬歲。頌德唐堯。〔內侍〕聖旨下。木龍駒身初拜爵。心不忘親。可稱純孝。據口奏情詞。良可矜憫。但朝廷旣重酬勳。臣子分當許國。所封官爵不准辭。卽當擇吉供職。叩頭謝恩。〔小生謝科〕

〔尾聲〕辭官不允重頒詔。從此衣冠候蚤朝。叢桂何緣再見招。

一心只要訪遊蹤。

爭奈辭官上不從。

自是朝靴換芒履。

宵衣初聽未央鐘。

### 第二十齣 冥官迓聖

〔小丑扮綽消丸小外扮顏杲卿小丑笑上〕閻王殿下綽消丸。三寸爛斑珠走盤。撮哄銅肝王太尉。笑開鐵臉馬靈官。帝孫見我渾忘織。仙子開言也送丹。只爲舌端留地府。至今長夜黑漫漫。小子黃旛綽是也。以謳歌琴弈。伏事玄宗皇帝。出入宮禁。三寸舌尖兒好。一似五色繡毬。滴溜溜滾將去。說

得楊妃破顏。六宮絕倒。三郎饒他十分大惱怒不快活時。但聽我三兩句巧舌頭。也就開懷了。太真娘娘十分喜我。我曾與皇帝對局。他碁輸了不好意思。太真放出康國獃子上几兒亂了碁局。皇帝大悅。此時太真身上薰外國龍腦香的繡帶。被風飄在我巾兒上一拂過去。那巾兒整整香了三個月。這也不在話下。死見閻羅天子。考校罪惡。道此人雖巧弄舌尖。出入宮禁。卻不曾招攬勢利。且有諫微勞。饒他拔舌。署我在地府做個傳送官兒。誰知宿業難忘。依舊花言巧語。地府中受苦衆生。鐵丸當食。入口火起。苦不可言。愁眉淚臉。無一刻歡容。但聽我清話一場。愁顏便展。地府中人都說。聽黃旛綽說話。胸中鐵丸兒也消了。因此上都叫名綽消丸。近日傳聞西天祖師賓頭盧。蓬萊仙客山玄卿。帶一個新度弟子。乃是定興王木清泰。來遊地府。想祖師之意。一則要將地獄衆苦。警省木公。堅其道念。一則要隨緣方便。度脫地獄衆生。目下將到。閻羅天子命曹吏差官迎接聖僧。曹吏與我相善。就差了我。順便往陽間花花世界遊耍一回。好快活也。呀。遠遠望見敢司連苑宮大將顏公來了。〔小外上科〕日落常山鼓力微。孤城矢盡鬪兵稀。陰風獵獵旌旗暗。血染遊魂未得歸。自家常山太守顏杲卿。安祿山逆賊之叛。罵賊而死。玉帝憐我精忠。拜爲大夫。敢司連苑宮大將。尊貴權勢。



代天行化。思量起來。生爲烈士。死作天神。雖然正氣英名。終是不了生死。近聞得西天祖師寶頭盧。發大弘願。度化衆生。不免去參禮聖僧。求道問法。多少是好。〔小丑〕冥府傳送官綽消丸。叩見大將軍。〔小外〕怎麼叫做綽消丸。〔小丑〕小子在冥府以口舌得官。花言巧語。能使衆生聞者消卻胸中鐵丸。以此得名。〔小外〕胡說。爲人不做正人。話正話。怎麼花巧舌頭。〔小丑〕是大將軍舌頭會罵賊。小子舌頭會消丸。也爭不多哩。〔小外〕又胡說。以後改過不爾。吾當以三尺劍親斷汝舌。〔小丑〕不敢。〔外末生同上〕三點疎星曲。一灣新月斜。披毛從此得。作佛也由他。我們三人相約同到地府一遊。看那地府風景如何。木西來。假如不成大道。不了生死。這處所是你我安身立命的窩兒。怎麼不來一看。〔小丑相見科〕大師。弟子叩首。閻羅天子聞大師三位來遊地府。差傳送官綽消丸迎接。〔外〕生受你。旣如此。你可相送隨行。〔小外上〕故常山太守。今拜敢司連苑宮大將。弟子顏杲卿。參拜西天祖師山仙伯木先生。見禮了。〔外〕檀越此來何事。〔小外〕弟子特來禮祖師。參請佛法。〔外〕檀越是忠烈丈夫。丈夫元只有一點靈明。迷則小束形骸。悟則大包沙界。將靈明作惡業。便是惡人。將靈明作忠烈。便是烈士。將靈明作佛事。便是佛子。若對奸佞。忠烈是大善因。若入佛門。忠烈也用。

不着。寂寂無事。烟燭常明。〔小丑〕我綽消丸是巧舌。祖師能化盡三千大千世界。須化不得我三寸舌頭。〔小外〕怎麼你舌頭就化不得。〔小丑〕世界衆生有心故可化。我舌頭是無心的。以此化不得。〔外〕錯了。三寸長的是舌。那會說話的不是舌頭。〔小外拜謝介〕弟子省得了。〔小丑謝介〕弟子也省得了。

〔外〕二子一言並悟。

投機良馬神鞭。

〔小外〕從此心空白刃。

還應舌長青蓮。

### 第三十一齣 卓錫地府

〔小生扮閻羅天子冕旒神將曹官左右侍從上〕玉階金殿森羅。鐵面銅頭來往。善惡幽隱悉知。報應毫釐豈爽。人言地府幽冥。日月大明高敞。業眼看做冥冥。道眼看做朗朗。愁人見月淒涼。歡士對之欣賞。天宮雨是寶珠。修羅雨是兵仗。名爲循業發現。福業各隨情想。閻羅本性大慈。忍把羣靈答榜。父祖痛撻兒孫。元要兒孫成長。衆生苦痛一番。臨別諄諄誘獎。誰知一去便迷。更長無明伎倆。可憐纔脫火坑。轉眼又投羅網。業因似影隨形。果報如聲應響。閻羅何有成心。至戚也難阿黨。我今奉

勸世人慎勿迷真逐妄。自家閻羅天子是也。今蚤升殿視事。且要迎接西天祖師。此時想可到也。

〔曹官吏跪白〕稟上大王。罪人過惡多端。案卷一一奉呈大王覽決。又有白起一案。曹操一案。崔浩傳弈一案。事體重大。屢年未結。望大王上裁。〔小生〕一切案卷。俱發各殿各曹勘問回覆。這三大案。寡人親自裁決。〔吏〕又有新收各犯公案。酷吏周興來俊臣一案。淫毒篡唐武氏一案。強姦誤國李林甫一案。反叛安祿山一案。專權召亂楊國忠一案。謀害忠良盧杞一案。宜淫蔑檢顧雕龍一案。挾仇造謗孟豕韋一案。並求大王勘問。〔小生〕武氏安祿山李林甫三案。事體重大。寡人親問。盧杞事情。上帝先勅仙官顏真卿等會勘。其餘并發各殿曹勘明回覆。明日先勘結曹操等三舊案。〔吏諾小丑上〕稟大王。西方祖師。蓬萊仙客。定興王木清泰。已到殿前。〔小生〕快迎接。〔小生出迎相見科小生〕祖師稽首。〔外〕大王稽首。〔小生〕仙伯拜揖。〔末〕大王拜揖。〔生〕大王尊坐。容木清泰拜見。〔小生〕公已入道。戒行清高。殊爲可敬。只常禮罷。祖師上坐。弟子與山仙伯木定興分東西。〔坐科小生〕幽冥下界。粗濁凡夫。幸蒙聖師卓錫。望弗悵金鐘。開我昏翳。蠢茲大衆。咸望慈航。〔外〕衆生迷墮。爲縛凡情。但盡凡情。別無聖解。貧僧心存普度。道愧弘慈。大王宿德上根。何難頓悟。我三人

此來欲借觀大王考校肅爽靈威。徧閱陰府泥犁。用堅初學耳。〔小生〕仙伯長生不老。清虛絕塵。願假三清。解我五濁。〔末〕僕玄都下品。北面聖僧。第轉法輪。無煩鄙教。〔小生〕分付曹官。潔具香齋。清供請祖師三位到別館安居。寡人粗了今日公案。卽當奉陪。〔別科曹吏送三師詣別館同下小生〕  
叫吏卒帶白起一班罪人過來。〔衆諾〕稟大王。白起一班罪人當面。〔小生〕白起。長平之坑。四十萬人同日併命。枯骸山積。冤氣滔天。情罪甚明。本非疑獄。承問官並少風力。何有稽遲。可卽便驅入阿鼻獄中。不須再勘。〔小生〕再帶崔浩傅奕兩起罪人過來。〔衆諾〕稟大王。崔浩傅奕兩起罪人當面。〔小生〕崔浩傅奕。佛是西方大聖。精微廣大。妙湛圓明。三界獨尊。萬劫不壞。不惟酆都濁世。同切皈依。卽上界諸天。盡皆頂禮。汝是何人。敢行誹謗。不曾窺見佛門之一斑。輒肆口舌于三寶。闡提重罪。阿鼻何辭。諸司所以不決者。以此二人薄有文藝。頗著名節。殊不知謗佛罪深。小節莫贖。速入無間。不必再推。曹操極惡通天。奸深如鬼。殺人甚多。尤多名臣義士。戕殺國母一節。尤爲公論所痛忿。明日請祖師三位同坐殿上。鞫問元凶。以爲一快。吏卒且散去。〔衆諾〕

〔小生〕目電九幽明皎日。

手提三尺凜秋霜。

卽將嚴訓爲慈訓。

〔衆〕始信囹圄是福堂。

### 第三十二齣 閻君勘罪

〔齊天樂〕〔丑扮曹操小丑扮華歆貼扮伏后小生上〕殿堂業鏡高懸。虛明朗照。轟雷閃電。蓋世雄心。偷天巧手。到此俱成冰炭。〔外末生同上〕陰風晝慘。歎熱鐵烱銅。渴飲飢餐。撫景淒然。好清齋香供禮金仙。〔相見科外〕大王。你今日勘事。須升殿南面正坐。

我三人略退在王座之後。借閱公事。〔小生〕如此有罪了。叫吏卒請三位尊師後面看坐。官吏帶曹操。華歆。漢后伏氏。一起過來。〔衆諾帶見科小生〕曹操。你圖謀漢鼎。殺害忠良。多少豪傑。何限軍民。斷送在你手裏。只圖一身富貴。那管四海遭殃。我且問你。你爲人一世。春秋最高。不過百年。衣食男女。受用幾何。何苦使盡心機。作盡凶惡。貪百年之受享。貽萬劫之災殃。你也可想有今日麼。你一定剷除因果。抹撥神明。把上帝與俺閻王的公坐輕輕兒撤過了。纔敢是這等肆行無忌。〔丑〕大王。曹操到此地位。怎敢相瞞。平生雖是奸雄。其實粗莽。全不知有上帝閻羅。善惡因果。道是生前且圖得志。死後冥漠無知。若早知有今日。怎麼敢肆志如此。〔小生〕這等說。你一發可笑了。你臨死之時。囑

付銅臺諸伎。每日奏樂上食。若死者無知。誰來受饗。如其有知。你罪惡深重。受報不遑。何暇來聽樂饗祭。〔丑〕罪人果然是千般奸狡。一味糊塗。〔小生〕孔融楊修禰衡諸君。遭你荼毒事。並已勘明。只弑伏后一節。你屢有辭展辯。從實供招。勿再饒舌。〔丑〕弑伏后一事。實是華歆逢迎罪人。輒行弑逆。操未曾知。〔小生〕華歆怎麼說。〔小丑〕大王。曹操以伏完之事。遷怒伏后。召歆于密室之中。屬歆帶將吏入宮行事。事成之日。官陞九列。直至三公。華歆一時畏禍。只得勉強應承。若操不使華歆。華歆也是個愛名節的人。怎敢一旦狼藉至此。〔小生〕華歆好一個愛名節的人。破壁取后。揪髮跣足。行過上前。伏后呼上求救。上曰。我命不知盡在何時。此時慘動天地。不知你這賊子。還也少動心否。此等大事。若不奉曹操之命。誰肯擅行。這也不消照業鏡。直須以理斷之。曹操快招。如尙展辯一詞。鐵鞭亂下。〔丑驚懼科〕罪人這番招了。〔小生〕伏后過來。我固憐你一死。卻還惱你。主上不才。人生至此。堂堂國主。不能庇其一妻。猶然在奸賊手中求須臾之命。何其無丈夫氣也。按劍而起。與汝同死。豈不快哉。伏后。你可手執鐵鞭。親行箠楚。〔貼〕告大王。妾一裙釵女子。兩臂無力。不能刑。〔小生〕行叫階下金瓜武士。借神力助他。〔貼忽生大力鞭科小生〕伏后。你還罵他。〔貼〕謝大王。容妾慢慢細



數其罪。

〔山坡羊〕日曛曛宮簾乍捲。鏡團圓妝臺初展。髻歲蕤鸞釵未簪。粉輕盈新拂蛾眉淺。朱戶喧宮娥忽亂傳。帶兵直入。直入昭陽殿。玉碎香殘頃刻間。我在深宮。外庭事體怎麼知道。銜冤芳魂泣蜀鵑。誰憐湘靈斷楚弦。想起當時光景。好不痛殺人也。

〔前腔〕歎鬆鬆香雲青亂。更淋漓啼痕紅濺。走蒼茫鞋弓褪蓮。衝搖拽肉袒花枝顫。過帝前。含悲不敢言。六宮掩涕。掩涕迴妝面。眼見生離結髮緣。朱顏銷來不記年。黃泉今來始雪冤。賊你爲臣子。忍戕國母呵。

〔二郎神〕你流毒徧。多少忠良命蚤捐。誰不思爲主分憂除國難。我裙釵何用。忍將粉黛摧殘。嚇得君王心膽寒。剛說道存亡蚤晚難留戀。枉斷送了鳳姿鸞頸。霧鬢風鬟。華歆賊子。你假修行義。要與管幼安齊名。一旦狼狽。爲奸相作鷹犬。手弑國母。僥倖

三公。你平生名檢安在。幼安家狗。豈肯食汝之餘。〔小生〕伏后。你也自持鐵鞭。鞭華歆這賊子。〔貼

鞭科〕

〔集賢賓〕你假修名行心太奸。要與高士齊肩。割席分金情已見。一朝裏富貴垂涎。把王家力翦。甘做了權門鷹犬。今日空悲怨。恨切齒讎人相見。曹操。你當時翦滅王室。荼毒生靈。覷天子如小兒。辱公卿如奴隸。你今日英雄那裏去了。〔丑〕苦今日還講甚麼英雄。〔小生〕曹操。你也知道當時得志的日子短。後面受苦的日子長麼。〔丑〕大王。我那裏知道。當初利比貪狼。勢成騎虎。也只管向前做去了。早知今日。悔不當初。

〔黃鶯兒〕〔貼〕一手掌河山。挾風雷指顧間。誅鋤義士把羣雄翦。神機鬼關。難逃老奸。陰謀晝夜無停算。我那漢天子呵。枉爲萬乘之主。不能庇其一妻。淚潸然。睜睜兩眼。看我去送紅顏。〔鬼卒跪科〕稟上大王。小人聽那娘娘說起來。感激小人十分苦楚。十分忿怒。容小人痛打這曹操一場。萬死無悔。〔小生〕這個使得。看這人倒有些義氣。華歆。你爲名士。到也不如他。〔卒打丑科丑哭介〕我曹操時不利。恁般人也來欺我。〔貼〕賊。你掌握了天下。百官受你牢籠。將士出你麾下。四海財帛入你府庫。天下歌舞美麗歸你房帷。號爲魏王。身加九錫。出入建天子旌旗。只不曾正皇帝的大號。留下與兒子爲之。還要瞞當時。欺後世。自比周文王。吾誰欺。欺天乎。

〔啄木兒〕人堪給。天可瞞。萬乘旌旗九錫壇。已做了王莽吞劉。兀自比文王佐漢。如花二八紅妝選。如流四海黃金輦。到如今落得淒風伴冷煙。賊子你欺人說。天下若無孤。不知幾人稱王。幾人稱帝。以此爲你的功勳麼。我家高祖創劉。力掃秦項。光武興漢。亦蕩羣雄。並名正言順。救世安民。你這賊縱能翦滅諸侯。不得稱王稱帝。只成就得你一個享用。茶毒生靈。生靈受你的茶毒。與受他人茶毒一般。假令他人爲之。凶惡未必如你。你說此話。謂是有功於誰來。〔小生〕伏后此言。一發有理。說得是。

〔二段子〕〔貼〕你道是雄才大展罩乾坤。猛可里諸侯悉殄。這的是炎精氣散。歎生靈數應塗炭。惡魔神獨把凶威煽。刀鋒觸着無能免。覷滅姓夷宗。何曾眨眼。賊。你平生負心太多。常怕人陰害你。自言能噉野葛。睡中殺人。身後之計。直設七十二疑塚。開闢以來。奸人未有如你這賊子者。

〔啼鶯兒〕生前何人窺汝奸。身後遺機尤險。怕戮屍破塚伸冤。七十二所難辨。黑心腸都無上天。也抹此閻君五殿。享千年。誰知今日剗地受迤邐。〔丑〕娘娘設

了。饒了我罷。〔貼〕曹操。你當初肯饒了那個來。賊子。你銅雀臺上。多收美人。羅列粉黛。死後尙要奏樂上食。皇帝一結髮妻子。也不容他白頭到老。你這賊好狠也。人都道。今古奸凶。並有惡報。只曹操極惡。反被他年終厲下。不知你生曹丕這一個逆子。毒死母弟。不許卞氏營救。你宮中妃嬪。悉被丕烝淫。無一得免者。當時花報。不爲不慘矣。曹髦之死。刃出於背。自古亡國之旤。未有慘于斯者。誰謂天道不分明也。

〔御林鶯〕別妻孥赴九泉。囑銅臺奏管弦。只指望一靈依舊同歡宴。酆都鐵鞭。泥犁苦煎。縱然歌舞何由見。勿多言。生不二子。儘足報曹瞞。〔小生〕伏后數曹操之罪也。殺了。操罪旣明。着同華歆押赴無間地獄。伏后冤死無辜。合早生善地。只因執對。久滯冥塗。着轉輪司將他速轉男身。安享富貴。請三位尊師出來。〔吏諾貼〕多謝大王。女身今喜變男形。千古沈冤一洗清。善惡到頭終有報。皇天上帝眼分明。〔下外〕曹操奸凶。滅絕天理。大聖問斷。甚快人心。望王遣一使者。送我三人一觀地獄。〔小生〕快着的當人役。送三位尊師。〔鬼衆上科〕衆鬼是東京戰卒。被定與王計給枉殺。特來訴冤。定與現在。望大王勘問施行。〔吏〕稟上大王。木清泰旣被訴冤。

法當拿下〔小生〕拿了。〔衆就座上拿牛去巾幘跪科小生〕木清泰既被衆鬼訴冤。未知虛實。着判官照業鏡。併取直日功曹報帖。查明回覆。〔判官帖上〕稟大王。據直日功曹報。至德二載。郭子儀等恢復東京。木清泰將所部軍。斬安慶緒兵一千五百。今訴冤衆鬼。悉是陣中合戰斬戮。與業鏡照出相同。並非枉殺。〔小生〕這衆鬼不知逆順。爲叛賊力戰被誅。今又妄訴不實。着各打鐵鞭一百。押入刀山地獄。木清泰無罪。以禮相待。仍給衣巾。〔生〕謝大王。〔外末生〕我等三人暫別。〔小生〕請了。〔並下〕

### 第三十三齣 遍遊地獄

〔外末生同上〕諸惡從心生。竟亦從心滅。緣境俱欲空。因果不可撥。使者。你把輕重地獄。一一指點我們一看。〔使者指科〕這是八寒地獄。這是八熱地獄。這是號叫地獄。這是刀山地獄。這是劍樹地獄。這是火車地獄。這是鑊湯地獄。這是沸屎地獄。這是銅柱地獄。這是鐵機地獄。這是鐵丸地獄。這是尖石地獄。這是飲銅地獄。這是炭坑地獄。這是黑砂地獄。這是釘身地獄。這是火井石臼地獄。這是黑暗地獄。這是拔舌地獄。這是遊增地獄。這是鬲子地獄。這是灰河地獄。這是阿鼻地獄。這是假

地獄〔外〕佛說經上不會有假地獄之名〔使〕祖師這是我大王近日新創的獄名。只因近日士大夫迷真逐假。矯飾欺人。一切道學氣節。詩文仙佛。往往多是作假的。我大王惡之。故新創是獄。以處此輩。〔外〕我知道這是使者惡此輩贗物。故設是語。大王不創新獄。〔使〕實不相瞞。此是大叫喚地獄分出的。小叫喚地獄。弟子戲言耳。但作偽諸公。相應另有此獄。〔外〕哀哉。此輩衆生。都是佛子。只因迷卻本性。廣起無明。故墮此趣。要脫苦趣。須滅罪根。要滅罪根。須知懺法。懺分事理。不外一心。事懺者。朝夕禮拜祈哀。不敢再犯。理懺者。端居而念實相。罪業性空。懺悔精勤。罪根自滅。罪根既滅。福慧自生。豈止永免于苦趣。便可修證乎道果。〔末生拜謝科〕多謝大師指教。〔下〕

### 第三十四齣 冥司斷案

〔小生上〕苦填不滿火坑。屢償難了冤債。安得三輪盡空。化作蓮花世界。自家閻羅天子。日夜爲衆生造業。勘磨公案。判斷罪獄。不得安閒。世人造業。不論廣衆大庭。暗室屋漏。不論施爲行事。動念舉心。這裏幽隱悉知。毫髮畢照。人都道是照以業鏡。燭以火珠。查考功曹。對驗文簿。如此而已。不知我自家神光。悉能照見。今日有許多罪囚。不免查問一番。判官吏卒何在。〔判官吏卒上〕稟上大王。



第一起清河張媽兒謀殺親夫夏璜事。〔問媽媽辯〕稟上大王。丈夫其實病故的。如何冤枉奴家。〔夫辯〕此婦人與奸夫黃振合謀。以索絞小人至死。〔小生〕令取業鏡來照。〔照科吏〕稟上大王。業鏡照出張媽兒與黃振通情。醉其夫以酒。二人合謀。用繩索絞死夏璜是實。〔小生〕是了。將重犯各用扭肘。押入地獄。〔吏〕稟大王。第二起絳州參軍范博平將妻金氏推溺淮河身死事。〔小生問金氏答〕大王。妾農家之女。委果出身微賤。范博平布衣時。娶妾爲妻。貧窮相倚。妾紡織裁縫。資夫學業。清秋寒夜。妻織夫讀。相共一燈。後博平得官。身榮心變。嫌妾寒微醜陋。豈堪爲士大夫之妻。韓平章有女。許嫁博平。載妾行至淮河。誘妾乘夜開窗玩月。門後推墮溺死。竟贅平章之家。〔范〕大王。金氏其實登艫望月。偶誤失足墮水。博平頗讀書知大義。豈敢作此負心事。〔小生〕也罷。叫鬼卒火速去召淮河水神來問。〔卒諾下吏〕稟大王。第三起太原王延叟告人謀子占產事。〔小生問王延叟答〕稟上大王。小人王延叟。家富子幼。以家產託友人陳神愿家僕臧義兒。兩人謀死兒子。盡占家財。產業盡空。宗祀遂絕。負義不仁。莫大于是。〔陳〕此皆臧義兒做的事。小人頗知其謀。屢屢戒止。反辱罵小人。不仁不義之事。小人其實不曾同謀臧義。〔臧〕都是陳神愿造謀。小人區區一個家奴。怎

做得逆天大事。〔小生〕這也不難。令兩人以手自摸其心。負心者手黑。不負者手白。〔卒命兩人摸心科卒〕稟上大王。陳神愿的手白。臧義兒的手黑。〔小生〕義兒。你如今怎麼說。〔臧〕小人今番招了。〔小生〕叫判官。把這斷着實用刑一番。押入地獄。〔判諾押下卒帶淮水神上神〕淮河水神叩見大王。〔小生〕絳州參軍范博平妻金氏溺死淮水。你知道麼。〔神〕小神知道。大王聽稟。范氏博平貧士。金家女子寒微。少小娶爲結髮。夫妻頗號齊眉。伉儷紅顏相得。誓死白首同歸。多少青燈夜雨。共捱淡飯黃齋。不是夫君薄倖。爭奈勢異時移。小家兒女可厭。相國婚姻又催。撇此荆釵裙布。戀他翠繞珠圍。名士尙慕富貴。賢相亦棄屢屨。給此登鱸遠望。因而舉手輕推。不是嫦娥尋伴。還因河伯娶妻。菰葉雲沈黑米。蓮房波冷紅衣。一曲湘靈寫怨。千年精衛含悲。大主要知此事。君其問諸水湄。〔小生〕我知道了。淮神就此請回。〔神諾下小生〕將范博平押入重大地獄裏去。〔吏〕稟大王。第四起散騎常侍孟豕韋謗。司農卿蕭黃流交通逆賊事。〔丑〕稟上大王。蕭黃流其實交通史思明。不是小官造謗。〔小生〕胡說。這件事也不照業鏡。也不問功曹。只以我神光照你。你那一日欲造謗謀害蕭黃流。卜之關真君。關真君報汝大凶籤。你尙不肯止。再求再卜。神明大怒。筒裂籤飛。這是有的麼。

〔丑驚〕大王。這是有。〔小生〕你回到密室。閉門造謀。婢女送茶到門。聞你凶謀。懼恐事洩。手刃此婢。這是有。〔丑驚〕大王。這是有。〔小生〕你造言謗蕭黃流。交通史思明謀逆。說蕭黃流曾在客坐上說史思明也是一員良將。朝廷不能驅使。以致猖獗。卽此言語。捏捏成謗書。這是有。〔丑驚〕大王。這有情罪已露。神靈無私。罪人不敢再置一辯了。〔小生〕孟豕韋造此彌天大謗。致蕭黃流身死家破。骨肉仳離。着判官押去。先拔讒人之舌。然後送入地獄。〔吏〕稟大王。衆生多犯姦慾。共若干起。求大王判斷。〔小生〕此輩爲慾火所煎。可入湯火及八熱等地獄。〔吏〕稟大王。衆生多犯殺生。共若干起。〔小生〕此輩合入刀山劍樹等地獄。〔吏〕稟大王。衆生多犯慳貪。謀奪強占。瘠人肥己。毫釐不捨。共若干起。〔小生〕此輩貪習生水。結水爲冰。合入寒冰。吒吒波波羅羅等地獄。〔吏〕稟大王。衆生多犯驕慢輕凌。不敬天地三光。褻瀆聖賢。欺侮尊長師友。共若干起。〔小生〕此輩驕逸馳流。奔騰放縱。合入血河灰河熱沙毒海融銅灌吞等地獄。〔吏〕稟大王。衆生多犯噴怒。至於相殺相讎。冤對無已。共若干起。〔小生〕怒火交攻。鑄氣爲金。宜入刀劍鐵捆斧鉞鎗鋸等地獄。〔吏〕稟大王。衆生多犯奸詐欺誑。共若干起。〔小生〕欺誑之人。精神幽暗。心志飛揚。宜入黑暗械鎖塵土屎尿等

地獄。〔吏〕稟大王。衆生多犯罵詈詛誣誣謗等罪。共若干起。〔小生〕此等矯枉壓人。橫作口舌。宜入拔舌犁耕合山合石碾礮春磨等地獄。〔吏〕稟大王。衆生多犯五逆十惡。及謗經毀佛等。共若干起。〔小生〕此輩名爲極惡大罪。宜入阿鼻地獄。直待劫終。乃得出獄。其謗經毀佛者。此劫雖終。復寄在他方地獄。永無出期。〔卒押下科小生〕判斷公事已完。請三位尊師相見。〔卒請科外末生上外〕三途渺渺苦無邊。〔末〕長夜漫漫幾時曉。〔生〕閻王努目折萬靈。〔合〕菩薩低眉悲六道。〔小生〕公事在身。失陪三位尊師。有罪了。〔外〕大王鑒觀有赫。公判無私。可敬可服。〔小生〕衆生屢劫受苦。只是執迷。如之奈何。望尊師普度。〔外〕千聖證道。俱發大弘誓願。衆生善度不盡。誓不自證菩提。爭奈罪業難盡。地獄不空。佛亦無如之何也。貧僧回至西天。當稟過如來。大轉法輪。使地獄衆生。小蘇苦報。就此奉別大王。〔小生〕不敢久留杖錫。容弟子奉送。地府冥冥無日月。尼珠何幸照迷途。〔外末生〕願移天地爲金界。便攪長河盡酪酥。〔並下〕

## 第二十五齣 普度羣生

〔外末生同上外〕陰府遊遍。風景可悲。初學之人。永當念此。已別大王。我三人不免回閻浮世界去。

罷。苦海茫茫不盡流。慈航只在一回頭。聖賢元是凡夫做。爭奈凡夫不肯修。〔同行科〕

〔嬾畫眉〕〔外〕冥冥地府遍經過。晝夜衆生苦折磨。愚帆癡網自張羅。欲將盡置蓮花座。爭奈迷情不了何。〔醜女上〕昔爲人所愛。今爲人所憎。人憎與人愛。顏色總無憑。好苦好苦。伏望聖師救度。〔外〕汝是何人。〔女〕奴家越國西施。〔外〕西施天下絕美女子。怎麼是這樣醜的。〔女〕師父。這皮囊原是假的。閻羅怪我妖媚。惑亂吳王。以致亡國。故罪作醜女。羞我。實無顏見人。〔外〕你的業障。全在美貌。今日衰醜。人不愛你。你安能惑人。業障去了。可喜可喜。〔女〕多謝聖師指教。〔下〕

〔前腔〕〔末〕刀山劍樹與灰河。羅刹阿旁來往多。悲心不忍再經過。凡夫好把無明破。回首天堂只刹那。〔老病人扶杖上〕一息不來時。英雄立枯槁。哀哉強弩末。不能穿魯縞。好苦好苦。伏望聖師救度。〔外〕汝是何人。〔老〕弟子西楚霸王項羽是也。〔外〕怪哉怪哉。項羽拔山舉鼎。如何這等羸弱。〔老〕生前拔山舉鼎氣力。只爭喉嚨裏一線兒。一線不來。蓬草也舉不得了。閻王惡我雄壯。殺人太多。故罰做一個最羸老兒。在地府裏做個榜樣。如今一步兒也離拄杖不

得好苦〔外〕只怕你離得拄杖時。又作偌大的罪業。〔老〕師父說得妙。知道了。弟子拜謝。〔下〕

〔前腔〕〔生〕茫茫苦海萬層波。多爲生前墮愛河。蒙師指我退羣魔。假饒不蚤離韁鎖。難免無常此處過。〔二乞人上〕業重難辭苦。金多不鑄身。黃泉無富室。何處去求人。好

苦好苦。伏望聖師救度。〔外〕你兩人是誰。〔丹〕弟子是范丹。〔崇〕弟子是石崇。〔外〕范丹先生。我知道你是貧士。行乞是該得的。石崇。你極富之人。因何故也。做此營生。〔崇苦科〕不瞞老師父說。家中儘有。此處帶不將來。〔外〕大凡人苦趣多起慳貪。勸你再轉陽世時。慈悲喜捨。力行六度檀波。牢記吾言。〔崇謝〕多謝大師指教。〔下〕

〔醉羅歌〕〔外〕美好美好能爲禍。老醜老醜不招魔。歎西施綽約似仙娥。傅粉薰香坐。朱顏綠鬢堆雅擁螺。耶溪笠澤。殘陽逝波。一堆膿血紅羅裏。釵繡蝕。骨嗟峨。吳王泉下可知麼。

〔前腔〕〔末〕啞啞啞啞諸侯奪。叱咤叱咤萬夫挫。倚英雄赤手割山河。自取彭城坐。青絲匱匣黃金叵羅。健兒送酒。虞姬進歌。一朝軍敗爲逃虜。豪氣盡。壯心



磨拔山舉鼎尙能麼。

〔前腔〕〔生〕史雲史雲貧無那。季倫季倫富敵國。奈皇天分得不均何。司命權應錯。山莊水碓。田園占多。香塵步障。王侯怎過。悲來身死家仍破。容瘦損。鬢摩挲。黃金去也再來麼。〔同下〕

### 第二十六齣 衆生業報

〔丑扮楊再思叩頭上〕自家唐朝楊再思是也。閻羅天子惡我生平爲人諂佞。罰我做個叩頭蟲。逢人便叩。〔內叫〕叩頭蟲是會說話的。〔楊〕你們不知道。大凡衆生有聲的都是說話。人自不省。你們不省得。福建人鄉談。難道不是言語。〔祝欽明跳上〕自家唐朝祝欽明是也。閻王惡我輕跳。罰我做個乞蚤。到也快活。虱行十步。不如我一跳。〔內叫〕任你會跳。也終日不出人褲襠裏。〔祝〕你不曉得。那孫行者神通。一個筋斗打八萬四千里。也終日不出觀世音手掌中。〔李林甫上〕自家李林甫是也。只爲生前心腸太毒。被閻王罰作大毒莽蛇。別樣也罷。只是餓得荒。〔內叫〕林甫。你自知太毒。何不改變了心腸。〔李〕咳。這是我的舊業障。自古道無毒不丈夫。〔伯嚭上〕自家吳國伯嚭是也。只因

生前專一讒謗忠良。陷害伍子胥。被罰做個杜鵑鳥兒。口中終日流血。〔內叫〕你那口血幾時流得乾。〔龔〕幾時得乾。這也是一千年來流不盡的英雄血。〔張昌宗上〕自家張昌宗是也。只因生前無行。姪穢宮禁。被罰做個糞蛆。這糞也覺好生香美。〔內叫〕糞是爛臭之物。如何到說香美。〔張〕這是我宿業所招。你今日移我在沈檀麝腦中。教我好不自在哩。〔元載上〕自家唐朝元載是也。一生貪婪。酷好積聚。財利迷心。不顧後患。被罰作個撲燈蛾兒。狠死向前。不到焦頭爛額。也決不肯止。〔王戎上〕自家晉朝王戎是也。一生貪恠。不捨一個錢兒。只一個李子。也鑽了核兒與人。被罰做個蜣螂。終日抱着糞團兒。抵死也不肯放哩。〔宋之問上〕自家唐朝文士宋之問是也。一生文采。只是性行不端。躁進勢利。做了明河篇詩兒。妄想非分。閻王愛我文采。惡我無行。被罰做個鸚哥鳥兒。毛羽儘好。說話儘伶俐。只不離了匾毛。〔司馬懿上〕自家晉朝司馬懿是也。平生爲人奸險幽暗。深藏不測。被罰做個癩黑蟆。終日只躲在泥坑裏。好生氣悶。〔曹丕上〕自家曹不是也。生前憑藉父親威勢。害盡骨肉。殺盡好漢。淫盡美色。一生享用。富貴滔天。閻王道我也忒受用。忒凶狠過度了。被罰做一個水牯牛。一生耕田拖犁。負重走遠。好生辛苦。臨了也還要償人一刀。好苦好苦。〔楊〕列位請了。我

們皆因宿罪。墮在苦趣。〔衆生〕聞西天祖師來遊地府。都要去相見。求他度脫。大家追到這裏。怎的不見。借問路上人。西天祖師那裏去了。〔內應〕祖師回陽界去了也。〔楊〕苦我輩俱無緣。不得一見聖僧。奈何奈何。雖然苦惱。我們苦中作樂。大家唱個曲兒回去罷。

〔降黃龍〕〔衆〕一辭人世黃泉路上少親知。形骸離我。業識相隨。白玉黃金將不得。兒啼子哭也爲誰。四時麥飯枉傳杯。一堆荒土空標紙。壘嘉城只爲狐狸造室。疊羅綺單替螻蟻裁衣。

〔油葫蘆〕泉路茫茫鎮慘悽。何曾分晝夜。那裏辨東西。從前作過自知虧。平生冤債都來至。怎能逃光明業鏡臺。怎出得檢校功曹吏。只道是磨燒千樣形骸。毀卻。怎知黑風一陣又吹回。

〔天下樂〕造業身軀只一堆。難當衆罪歸。質對分明事。怎推銅搥兒只亂搥。鐵鞭兒只亂揮。唬得人魄散魂飛。

〔上馬嬌〕誰知道各衆生都會言。肉團兒也有知。一靈與我不差池。又乘着業

力爲冤對。謀性命。取家貲。殘骨肉。啗膏脂。心棘刺。口戈殳。廣造無明。一味貪癡。到此方知悔是遲。任阿旁又入泥犁。

〔寄生草〕受苦無寧息。號聲不住嘶。劍和刀當做衣穿體。魄和骸一似糧春碓。水和漿那得充饑餒。更可憐形粗七尺廣。又可奈日長一夜如年歲。

〔後庭花〕想當初只憑着莽見識。又倚着粗血氣。爭名利直做千年計。道光陰相延萬歲期。綺羅堆。田宅美。官高身貴。眼前花且受些。身後事不須提。說天堂你好癡。論地獄在那裏。毀如來絕影迹。撥因果沒巴臂。

〔青歌兒〕呀。誰想道善與惡有人有人密計。因與果到頭到頭難避。無漏無差毫與釐。脫得泥犁。掙得輪迴。面目雖殊。業趣還隨。披毛帶角總堪悲。下場頭看我輩。

〔尾聲〕叩頭蟲體疲。毒蟒蛇腹餒。跳蚤兒幾時出得人視褲內。蛆蟲兒怎當惡滋味。黑蟆兒受用些土氣息。燈蛾兒戀火坑。蜣螂把糞丸兒當做了寶貝。水牯

牛拖犁負重無休息。只有鸚哥兒毛羽美。杜鵑兒說曾爲蜀望帝。可也沒個憑據。勸世人及早回頭策厲。莫待失了人身呵。那裏去還尋你。〔並下〕

第二十七齣 郊行卜佛

〔梁州令〕〔末扮木輜小生扮郭曖旦上〕春光不改舊門牆。爲何事淒涼。〔貼小旦上〕

遊仙人去冷華堂。塵掩鏡。妝褪粉。被銷香。〔旦〕一從仙子去天涯。何處蓬萊是爾家。白日

有人乘野鶴。青天無路入桃花。二姬自從老爺去後。音信杳然。又不知他尋仙訪道。東泛蓬萊。又不

知他禮佛參禪。西遊天竺。你我久住菴中。好生放心不下。聞得都城宜春門外大悲禪寺。觀音菩薩

屢著胎變。籤詩極靈。我和你三人坐綠輿。往彼隨喜。問一靈籤。求個消息。老爺至心訪道。當爲大士

悲憐。必有感應。你去叫老蒼頭木輜。帶幾個家僮。隨從一行。你二人意下如何。〔貼小旦〕太夫人此

行。一則頂禮名山大士。一則叩問老爺福音。有何不可。二妾願從。〔喚末帶從人上貼小旦〕院公。太

夫人要到宜春門外大悲寺求靈籤。問老爺消息。你們可隨行。〔衆應旦貼小旦升車行〕

〔黃鶯兒〕〔旦〕出郭探春陽。帶青樓紫陌長。晴空日暖游絲颺。林花薦香。山鶯

奏簧鞦韆架出垂楊上。委傾筐。城南少婦。羅袂拂柔桑。

〔前腔〕〔貼小旦〕士女競尋芳。卻教儂魂暗傷。笙歌猶記前春賞。衣飄繡襦。騶垂紫韁。如今轉眼成惆悵。別檀郎。名花無主。寂寞度年光。〔末〕稟太夫人。來到此處。已

是大悲寺前了。請進拈香。〔尼僧出迎科〕大悲寺尼僧迎接太夫人。〔尼引旦入拈香拜科貼小旦

以次拜介〕

〔前腔〕〔旦〕夫婿定興王。翦凶妖立廟廊。功勳圖畫麒麟像。風波飽嘗。煙霞興長。一朝道服飄然往。去何鄉。願求寶炬。好爲照迷方。

〔前腔〕〔貼小旦〕遠望玉毫光。禮慈容拈戒香。良人汗漫遊禽尙。何曾裹糧。蕭條布裳。不知西尋天竺東蓬閩。水雲鄉。渺茫難覓。因此上叩雲堂。〔旦求籤科詩云〕由

來仙佛是天生。有志須教事竟成。莫道優曇難得見。學人功到自圓明。原來得此籤。號爲上上。尼姑。你曉得優曇是何物。〔尼〕稟上夫人。優曇花產西方佛國。佛經上說道。優曇花難見面。〔旦〕奇哉奇

哉。原來優曇就是曇花。倩香凌波。如來分明說出我家事情。如來果靈。老爺求道可望矣。不免謝了。



如來同回去罷。〔拜謝科旦〕郭賈二姬今日春日甚好。我和你二人且不要升輿。步行一程。散悶回去。〔貼小旦〕太夫人如此卻好。〔步行科〕

〔山坡羊〕〔旦〕煖醺醺春光如釀。碧溶溶波紋微漾。蘸裙邊鋪裊草纖。襯弓彎堤路平如掌。映綺疏朱樓大道旁。江州新綠。新綠靡蕪長。何處王孫。天涯惆悵。洋洋河魴泳水鄉。雙雙鴛鴦遇野塘。

〔前腔〕〔貼小旦〕峭層層山圍青障。細茸茸麥翻翠浪。試單衫遊人漸多。載芳樽車騎紛來往。怕相逢將身柳外藏。新妝無復。無復當時樣。仙履雲鑲。道衣霞斃。思量。花源隔阮郎。淒涼。佳時負豔陽。〔同下科小生騎馬帶隨從上〕出郭問遊驂。青驄映紫衫。垂楊人似蟻。春色在城南。自家汾陽公子郭曖是也。今日春色甚佳。城南遊覽。你看林花似繡。車騎如雲。真個好光景也。

〔步步嬌〕紫陌青驄駢輪鞅。處處亭臺敞。平蕪錦翼翔。日射花光。香滿春衫上。便欲解明璫。隔一派笙歌響。呀。遠遠望見一隊女兒行春來也。〔旦貼小旦上小生偷覷科〕

〔前腔〕〔旦貼小旦〕南陌盈盈聊遊賞。徐步還凝望。空門守歲長。夜漏琉璃。何限離人況。春日小徜徉。月痕依舊梅花帳。〔下小生〕誰家女子。國色天姿。如西施耶溪出浣。

日照新妝。羅敷南陌採桑。風飄素袖。不由人不目送也。

〔五更轉〕浣溪沙西施樣。似羅敷出採桑。又是這等雅素道裝呵。瑤臺仙子。仙子幢幡降。靡蕪惹恨長。芍藥難懷想。漢渚人解珮誰承望。爲雲爲雨。爲雨高唐上。去覓夢裏襄王。爭得明珠入掌。〔下〕

〔江兒水〕〔旦貼小旦上〕郭外人如蟻。輪蹄直恁忙。琳宮半插青霄上。城隅斜刺丹霞傍。杏花微拂青帘颺。無數隱囊步障。喚客當壚。妝點春郊景象。

〔園林好〕想夫君雕鞍繡裳。侍姬們羅裙錦襠。正此日牙旗列仗。追往事嘆滄桑。追往事嘆滄桑。〔小生上觀科旦貼小旦下〕

〔玉交枝〕〔小生〕雲冠鶴氅。是天人偶來下方。雙成萼綠雲中降。影蹁躑並侍西王。不將脂粉污澹妝。天然丰韻非凡相。更羨他容端貌莊。更敬他人柔意良。

侍兒輩。這分明是董雙成。萼綠華。隨侍西王母。降下凡世也。〔衆〕公子休癡。這想是大家宅眷。有綠輿從人。俱在後面。〔小生〕侍兒們。想我家不少三千粉黛。八百嬌娥。那裏有這二位女郎。丰韻定應天上仙姬。豈是塵中豔質。〔衆〕公子。俺們府中豈少此二人。久居華屋。轉羨茆菴。饜飮珍饈。反思青菜。文字是自己的強。美色是他人的勝。此亦人情耳。請公子尊重。

〔玉胞肚〕〔小生〕 珮輿翠帳。大家兒如何素妝。細看他道骨仙姿。時露些豔態。嬌龐。吾心暗想。府中粉黛列成行。那得花間二女郎。〔下〕

〔玉山頽〕〔旦貼小旦上〕 天青日朗。看朱戶花陰過牆。踏青苔軟印鞋跟。落紅多薰染衣香。城隅薄暮。轉鬧馬蹄車鞅。歸路橫塘上。綠微茫。水晴沙煖。映垂楊。

〔二學士〕 西指香臺久相傍。羞言南國明璫。齋心蓮土參開士。何意桑園遇貴郎。好去雲房仍下鎖。雲封戶月在廊。〔小生又上撞遇科旦怒〕叫左右。前面是誰家蕩子。敢行無禮。只管往來偷覷。唐突王侯宅眷。着人查來。左右。看後面車馬。我們待升輿回去者。〔升輿科〕

〔末問介〕 前面誰家蕩子。敢行無禮。只管偷覷。唐突王侯宅眷。〔郭使〕咄。我們是汾陽王郭老爺公

子。郊外行春到此。你們甚等樣人家。敢來查問。〔末〕我們是定興王木太夫人同二位侍姬。往大悲寺燒香回來。〔郭使稟知小生作羞愧科〕咳。不好了。那裏曉得是木府通家伯母。唐突了。父親知道。何以爲人。不免向前告罪。〔與前跪科〕小姪郭曖。是汾陽王長子。偶在西郊。醉酒疎狂。不知是通家伯母車從。唐突尊嚴。罪該萬死。望伯母太夫人亮其無知寬宥。〔且在輿中答〕爲貴家子弟。不應如此疎狂。既是郭公子。失于不知。此亦無妨。請回罷。〔小生〕伯父辭榮入道。世仰高風。伯母亦掃室清修。古今罕有。家尊正要上本。表揚令德。且推轂世兄。小姪喜得在此處邂逅伯母軒車。便當回去稟知家君。速入朝上疏了。〔旦〕這也不勞。公子請回。蓮花幾載比丘身。偶訪名山叩淨因。寄語王孫休住馬。提筐不是採桑人。〔下小生〕我郭曖也是個老成人。從來不曾放蕩。偶然學看女子。看出禍來了。怎麼好。

〔解二醒〕走春郊偶來遊賞。適邂逅仙姝路傍。一時間心招目挑神魂蕩。做來桑濮行藏。誰知道通家一老堂。攜着雙姬叩法王。羞難向羞難向。只恭身屈體。露罪娘行。〔衆〕公子豈不聞夫婦同行陌上者。夫挑人婦。人亦挑其妻。願公子以此爲戒。

〔川撥棹〕〔小生〕休閒想。莫輕彈陌上桑。況蓮心已守在空房。況蓮心已守在空房。斷巫雲何知楚襄。羨仙卿道未量。恨凡夫慾未降。恨凡夫慾未降。

〔人月圓〕想寂寞空門歲月長。一盞寒燈一炷香。虧煞他夜雨秋霜。虧煞他夜雨秋霜。鐘罷紅殘漏未央。況良人去渺茫。斷音塵雲水鄉。

〔僥僥令〕莫登青雀舫。好繫紫騮韁。怎做大道青樓喬劣相。少年行沒下場。少年行沒下場。

〔尾聲〕望吾家烏衣朱桁。不少金釵紅粉妝。且回去鸞鏡奏響。蠟炷生光。〔下〕

### 第二十八齣 陰府凡情

〔小丑扮北幽太子上〕寶馬銀鞍南陌頭。誰家少婦踏青遊。鈿釵邂逅垂楊下。惱亂春風不自由。自家北幽太子是也。姿容秀異。性格風流。昨日帶騎從在長安宜春門外閒遊。陌上遇兩個女子。一個名郭倩香。一個名賈凌波。乃定與王木清泰侍姬。國色天姿。不數石家之宋禕。歌喉舞態。絕勝漢武之麗娟。令小子一見動情。神魂飄蕩。聞得木公雲遊在外。二姬廝守空房。不免教一女使。假充作昨

日相遇。公子郭暖家婢。徑到他菴中說合。二姬心動見許。便當迎娶。恐他不從。隨差鬼使。將二人神魂纏倒。不怕不從。又聞那木夫人以家事暫離菴中。正好行事。女使胡媚兒那裏。〔胡上〕後宮多粉黛。惟有妾專房。此鄉真可老。何事別思量。太子呼喚奴家何幹。〔小丑〕不瞞你說。我昨日在南郊遊春。見兩個女子。一個名郭倩香。一個名賈凌波。乃定與王木公侍妾。天然國色。八世罕有。聞得木公雲遊在外。二姬廝守空房。差你假充作汾陽郭公子家使女。徑到他菴中說合。道郭公子昨日南郊相遇。渴慕芳姿。欲娶二位爲次夫人。你可盛道郭公子家富貴。令他心動見許。我便當迎娶。〔胡〕太子貴妃利害。況妾又是專房。眼中儘設寄情。何故又生別念。我不去。〔小丑〕胡說。看你嘴臉。說此話好不知羞。〔胡〕也儘去得。〔小丑〕你不去時。發在重囚獄中。〔胡〕我去我去。南陌佳人色豔。北幽王子情濃。蜂媒蝶使入花叢。只恐花心難動。〔下小丑〕鬼使何在。〔鬼使二人上〕太子有何分付。〔小丑〕你二人可隨胡媚兒徑到木府菴中。將郭賈二姬神魂纏倒。我隨後到也。〔鬼〕理會得。〔下小丑〕夜雨青燈映綠蕉。可憐人度可憐宵。同來陰府供歌舞。絕勝空房守寂寥。〔下〕

## 第二十九齣 窺園遣難



〔唐多令〕〔貼上〕春色滿名園。千花齊鬪妍。〔小旦上〕偷閒好去倚雕欄。枝上幽

禽何限。〔合〕人不到。景悠然。〔貼〕經年一室對禪棲。門外春光總不知。〔小旦〕聞道階前紅藥

長。芳園元只隔簾兒。郭姐姐。昨日我們同夫人郊外回來。頗覺春遊亦暢。只是被那輕薄公子唐突

一場。這也不在話下。我二人同夫人在菴中三年。春去秋來。花園只在門兒外。並不會出去一玩。昨

晚公子迎夫人。整過舊宅。我二人自家在此園中。花事正盛。同出門去。一看如何。〔貼〕略到園中一

看。就回不妨。〔同行鎖門科貼〕賈妹子。你看園中芳樹交加。名花爛熳。人跡不到。幽鳥自啼。想桃源

僻處。不過如此。〔小旦〕姐姐。真個好幽閒景致。

〔石榴花〕〔貼〕偷移蓮步。片餉看名園。風日好。百花妍。青苔紅藥媚雕欄。暗垂

楊橫過樓前。含風嫋烟。境全幽盡。日無人見。泛胡麻。難入漁郎。隱仙妹絕勝桃

源。

〔前腔〕〔小旦〕相攜女伴。消遣豔陽天。剛數步。卽家園。花紅水綠映澄鮮。聽幽

禽芳樹間關。啼聲可憐。看蘼蕪。驚動王孫怨。蝶蜂兒自領春風。送年光誰伴韶

顏〔胡媚兒上〕朱門寂寂鎖嬋娟。春色緣何到此間。爲認桃香因得路。止循源水卻逢仙。二位娘子萬福。〔貼小旦驚科〕候門如海。人迹罕到。汝是何人。輒得至此。〔胡〕妾身唐突。知罪了。適纔見貴府花園門開。大膽直入。不想有幸。得遇天仙。〔貼小旦〕汝是誰家宅眷。爲何到此。〔胡〕實不相瞞。賤妾是汾陽王府中一個女婢。昨日公子郭曖。偶出南郊遊春。得邂逅二位娘子。國色天姿。整整思想了一夜。俺公子說木老爺雲遊不返。二位娘子寂寞空房。白日如流。青春有幾。俺公子願以明珠一斛。聘娶二位娘子。二位娘子是知道的。俺汾陽王府權可傾朝。富堪敵國。豪華絕世。受用非輕。伏望娘子慨許。〔貼小旦〕公子之言差了。俺老爺暫去雲遊。焉知終身不返。你公子通家子弟。安可輒萌此心。況郭府粉黛盈房。豈少我二人之容色。我二人洗妝入道。怎遂變三載之初心。就請抽身。勿勞饒舌。〔胡〕二位娘子聽賤妾一言。

〔泣顏回〕南陌遇神仙。使王孫意惹情牽。舞裙歌扇。忍淒涼斷送芳年。金釵翠鈿。論豪家富貴誰不羨。莫空辜秋月春花。好追歡暮管朝絃。

〔前腔〕〔貼小旦〕羅敷守志在郊園。使君有婦休問桑間。紅銷翠減。卸鉛華寂寞。

枯禪空門種蓮。肯當歌又逐桃花扇。況豪家不少紅妝。又何須老去朱顏。〔胡〕

我實對你說。那裏是郭府。是北幽大王太子。昨日見了二位姿色。要娶你們。少刻鬼兵就到。不怕你不從。〔貼小旦〕原來是妖鬼。我們仰仗三寶之力。那裏怕你。〔鬼卒二人上陰風衝倒貼小旦科鬼卒下胡扶回至菴中胡下貼小旦〕來到花園。不想是妖鬼。我兩人不覺身體昏沈。如何是好。且入臥房睡去。待夫人來。再作區處。偶然園裏看花。自信花心不動。謾說妖由人興。可是神衰鬼弄。〔同下〕

第四十齣 禮佛求禳

〔似娘兒〕〔旦上〕只合守空菴。怎教他私出房奩。無端鬼病誰招攬。問因何得此蓮心未淨。柳性猶拈。我昨日以家中急務。被孩兒迎過舊宅。住了一時。不想郭賈二姬。私到花園玩賞。惹成一病。說有鬼怪相侵。神魂不定。怎生是好。已着小鬟去請孩兒龍駒。想必就到。男子來時。病或者就好。

〔遶地遊〕〔小生上〕朱扉常掩。皓月清池湛。怪玉人何事懺懺。〔相見合旦〕孩兒。昨日

我暫過家。郭賈二姬到花園中閒玩。驀地染成一病。說是鬼物相侵。我思三寶門中安得有此。同去一看他病果是如何。〔二小鬟扶貼小旦上〕

〔前腔〕清閨夢覺。曉黛愁蛾斂。漸香肌瘦損腰纖。〔旦〕二姬。你昨日到花園閒玩。怎的

忽染此症。快說一個緣由。〔貼小旦〕昨我二人因太夫人不在。不合私到花園閒玩一回。只見一個女使。忽從外入。問從何來。說是郭曖公子差來的。因南郊一見。驀然起意。要娶我二人。峻辭正色以卻之。此婢忽變容顏。云那裏是甚麼郭府。乃北幽大王太子。昨在南郊撞遇。要娶你二人。頃刻鬼兵且至。不怕你不從。說猶未了。只見兩個鬼卒。藍面獠牙。徑衝至面前。我兩人忽然昏暈倒地。又是此婢。扶我二人回至菴中。都不見了。因此得病。〔旦〕是何妖怪。敢無狀如此。〔小生〕木龍駒是個剛猛義烈男子。豈容妖物橫行。俟其再來。當仗劍斬之。〔鬼忽作人語不見形〕木小侯。知你是個好漢。但我輩神通變化。出有入無。汝雖有劍。安能斬我。〔小生〕妖物。汝既能言。何不速現汝形。與我相持。斷鬪。分個勝負。〔取壁上劍科鬼〕君神力義勇。不減尊公。如何敢與你相鬪。你只無奈我何。〔旦〕這是三寶淨地。有天神護法。汝輩何得至此。〔鬼〕佛是大慈悲聖人。有則充滿沙界。無則對面不逢。菴中

此時不見有佛。故我輩得以至此。可速送此二姬與俺王子成親。免受騷擾。〔旦〕如來不臨。伽藍不護。想是弟子修行尙少精虔。待我焚香頂禮。懇求如來則個。〔焚香禮拜科〕

〔金索挂梧桐〕毫眉染鬱藍。海日揚清紺。丈六金身。烈火雙肩燄。焚香辦至誠。叩莊嚴。二女窺園乍捲簾。忽驚一病成消滅。道有妖神向此探。真冤濫。風情月思幾曾諳。魂夢都懨。言語都謔。仰望龍天鑒。

〔前腔〕〔小生拜科〕金仙住寶龕。那許妖邪瞰。敢肆神姦。欺侮裙釵孱。梁間下藻廉。語喃喃。風雨花枝弱不堪。因此上投誠三寶來修懺。他說北府幽都太子銜。真靈驗。公然白晝現香奩。頂禮瞿曇。稽首伽藍。願借降魔劍。

〔前腔〕〔貼小旦〕春光只隔簷。夜月慵窺檻。是不合潛行。繡履西園站。雕牀強自扶。暗羞慚。剗地妖來病轉添。花容憔悴難鑑。體不勝衣髻未簪。身如痞。風流擔子那曾擔。紅粉寧懺。黃土寧淹。定不把清名玷。〔旦〕二姬。你們運偶衰弱。心實堅貞。

料得邪魔終不能爲害。我與公子叩求三寶。必有冥佑。你且安心養病則個。

〔東甌令〕休自憾。莫生嫌。一點虔心佛可參。天神必定相憐念。豈墮妖坑斬。韋馱玉杵手中拈。會見鬼形潛。

〔前腔〕〔小生〕慚勇敢。愧兒男。三尺龍泉空自銛。欲提將魔子頭顱砍。罪孽應須勸。天兵得請下塵凡。妖黨一時芟。〔並下〕

### 第四十一齣 眞君驅邪

〔高陽臺引〕〔外扮許旌陽眞君帶將吏金童玉女上〕奉道明王。授書誥姆。淨明忠孝爲則。綰授旌陽。符籙神丹。施德救災。卹苦蘇黔。首漸三千八百崇積。斬蛟螭。手握青蛇。大江波赤。

〔前腔〕叨蒙上帝金冊。拜高明太史。上清仙客。碧落遙空。紅霞暮雨千尺。石函遺記游帷觀。識地仙龍沙生塞。喜功成龍車鳳輦。一門拔宅。神人授訣鍊丹砂。濟世

功圓躡彩霞。千載柏枝能拂地。萬年生鐵不開花。九江秋冷妖蛟哭。三楚天清劍氣賒。但願時人修入道。他年定許會龍沙。自家旌陽許眞君是也。淨明忠孝。大道本於人倫。救病除妖。功行先於拯物。



故得出一飛形。騁鸞鶴于天上。升真拔宅。鳴雞犬于雲中。絳闕神霄。班高仙長。金書玉冊。位證真君。定與王木清泰宿世上根。今勤修鍊。其妻衛氏勵志雙修。感化二姬。亦誓同苦行。前日從大悲寺回家。道遇北幽大王之子。少年無度。遂起邪謀。欲以勢力強娶二姬爲妾。衛氏子母虔禱如來。觀音大士勅吾拔救。北幽大王性行公平。宣勞冥府。子雖不肖。太上有議功議貴之典。北幽之功。所謂以十世宥者。未可輒行誅戮。只宜嚴示訓懲。王子地尊勢重。難以遣人。小聖親往。一問其罪。不免扮做一法官道士。徑往木家。呼吸之間。便可到彼。將吏侍者。暫且散去。衆應下外扣門小生上。何人扣菴門。原來是一位道者。從何處來。外。貧道從豫章來。小生。有勞高人遠顧。何以見教。外。貧道聞貴府有二位娘子被邪魔侵害。貧道頗有法力。能制此魔。故此遠來。小生。寒家果有此事。多謝法師光降。小丑領衆上。親迎神女到陽臺。烏帽緋衣雲錦裁。不是黃姑先駕鵲。帝孫爭肯渡河來。自家北幽王子。聘娶木家二姬。推調不允。只得親到奉迎。不怕他不去。呀。來到其家門首。緣何有金甲神將重重圍繞。鬼卒。稟上王子。許旌陽真君降臨木府。小丑驚科。他來做甚麼。此公雖然道法最高。我乃玉葉金枝。地尊禮絕。以禮聘娶姬妾。王家常事。與他無干。不怕他撓阻。直入則個。叫左右。

好生伏事郭倩香賈凌波升輿而去。〔衆應小丑與外相見小生亦見王子科外仗劍科〕咄。小兒休得無禮。汝父位列冥君。粗立功效。汝不思懷公秉正。勉繼前修。何乃倚勢作妖。強奪良婦。上得罪於玉帝。下玷辱於祖先。本當飛劍立斬汝首。姑念汝父薄分。權貸汝死。可速斂戢。改過自新。若再不悛。身首異處。〔小丑〕真君差矣。吾非下鬼小妖。堂堂王子。正位東儲。連姻帝族。精兵百萬。神將千員。以禮聘娶。姬人王家常事。何預於君。妄行呵斥。若不得已。而至于用兵。豈遂出君下。〔外〕小妖敢爾。見色迷心。宣其淫德。是爲不仁。定與王至德人豪。無故欲奪其二姬。是爲無禮。不念爾考。以姪隱敗其家聲。是爲不孝。不畏上帝之大命。不顧真官之三尺。是爲不智。有此死罪四。尙敢飾辭逞辯。汝豈謂吾劍不利耶。〔仗劍作法科小丑大懼欲遁不得科〕小妖。吾金甲神將密匝圍汝數十重。豈能逃脫。可速納款。改過自新。不爾無及。〔小丑跪告罪乞哀科〕

〔高陽臺〕〔外〕駕霧鞭霆。破山伐廟。蕩掃修羅鬼國。玉節金幢。恭行上帝符冊。麾斥。手提神劍。誅邪黨。假饒是犯。正條違天律。那怕你神通六臂。插天雙翼。〔前腔〕赫奕。金甲神人。銅頭猛將。密密滿空戈戟。霹靂飛光。妖氛何處藏匿。奸

慝。絳闕丹霄頒詔旨。況如來更傳佛勅。早教你驚魂破膽。竄身辟易。

〔前腔〕堪惜。冥府崇階。神明貴胄。如何不行正直。作橫宣姪。等閒妄逞胸臆。輕擲。把金枝玉葉斷送了。還累你家尊清白。想王家娥媼不少。忍干三尺。

〔前腔〕女德。陡洗鉛華。力依三寶。你卻要汚他白璧。大將藥叉。護法韋馱肯釋。蕩滌。古人知過皆能改。早懲愆賢賢易色。〔小丑〕不肖知罪了。望真君寬宥。〔外〕我代天

行化。寶劍在手。于汝孺子何有哉。顧念慈悲好生。貸汝一死。還當取吾皇詔旨。量行戒飭。也罷。釋汝回去。洗心改行。永作正神。行正事。〔小丑〕多謝真君。〔下外〕木侯過來。汝家二姬被鬼氣所侵。病勢沈重。賜汝神丹一顆。可中分食之。疾可立愈。就此告別。〔小生〕多謝天師。救此二命。快請

母親小鬟扶二姬出來。一同拜謝天師者。〔外〕不必致謝。吾去也。寶劍當空除大魔。神丹入口起沈疴。竦身忽指雲霄去。下見滄溟浸白波。〔下旦貼小旦上小生〕好告母親。適纔仗劍除妖道者。事畢騰空而去。元來是一位天上聖師。想是佛天差來的。我們大家望空拜謝。〔衆拜謝科小生〕天師臨去時。留下神丹一粒。教與二姬分食。沈疴立愈。〔貼小旦分食科〕呀。果然纔入口時。神氣頓爽。真仙

丹也。

〔二犯傍妝臺〕〔旦〕稽首謝天師。雲端降下。剗地救災危。多應仗三寶力。宣法旨。五丁隨。早見北幽王子威風滅。免得南國佳人粉黛摧。〔合〕真君仙仗。浮空羽旗。七星冠映九霞衣。

〔前腔〕〔小生〕鸞笙鳳吹響參差。神符寶印。六甲帶靈飛。風雲掃妖氣滅。雷電閃劍光馳。只見魁臺使者明戈甲。又有叱火天丁聽指揮。〔合前〕

〔前腔〕〔貼小旦〕狂風驟雨妒花枝。拏雲隻手。救取兩蛾眉。望子恨蔣帝廟。太乙撿華山祇。幸仗青霜寶劍降魔事。又賜絳雪神丹續命絲。〔合前旦〕孩兒。二姬這場

災禍。原從郊外禮拜觀音大士惹得來的。我又同你苦求佛力救護。真君此來。必是菩薩差遣。我和你們還當拜謝如來。〔回身拜如來科〕

〔下山虎〕〔旦〕龍天護佑。佛法加持。勅遣真君至。驅邪片時。全憑大士弘慈。恍惚金容在茲。不枉蓮花兩淨尼。合十投五體。但見青螺紺髮齊。轉覺形骸穢。何

年脫離。彈指迦毗盧國西。

〔前腔〕〔小生〕渡河香象。擘海金鵝。絳闕青鸞使。雲端一磨。只見神仗散葳蕤。冥帥走離披。玉葉王孫泣路歧。何處求佳配。羞殺銀屏繡幄期。鴉鳳原非類。終難並棲。到底蓮花不染泥。

〔小桃紅〕〔貼小旦〕紅妝久洗。翠館長辭。不復御羅衣也。禪心淨持。明月瑣窗知。何事遇狂且。自分香可殘。玉可碎。甘做琉璃脆也。忍去王宮再畫眉。仰賴龍天庇。扶衰濟危。幸免如來戒體虧。〔旦〕孩兒。這一位天師。既除妖孽。又賜神丹。法力甚弘。恩德

非小。只不知他是何仙真。臨行又不敢動問。奈何奈何。〔小生〕孩兒在邊廂聽得那北幽太子從人說。是許旌陽真君下降。〔旦〕原來如此。旌陽真君。拜上帝金印寶籙。神劍靈符。總統羣真。仙品最貴。不是此一位上仙。如何有這等法力。〔貼小旦〕好告太夫人。二妾蒙上真如此大恩。無以為報。意欲裝塑真君一金像。供養如來之旁。一同朝夕禮拜。夫人尊意若何。〔旦〕知恩報恩。這個正該如此。

〔長拍〕〔衆〕許氏真君。許氏真君。高明太史。授寶籙仙班極貴。除凶蕩穢。曾禹

步快斬蛟螭。拔宅上天梯。又留下一行行石函金字遺記。龍沙妖孽在。寶劍當空霹靂飛。鎮長江玉隆留鐵柱。萬神擁繡蓋華旗。〔旦〕孩兒二姬。我們今日蒙如來感應。又蒙真君降臨。若不是老爺修行證道。福德弘深。怎能感格仙佛。顯應如此。我仔細推詳起來。老爺雲遊消息可知矣。此又是一大喜事。〔小生貼小旦〕夫人所見極是。

〔短拍〕〔衆〕佛印曇花。佛印曇花。仙蹤函記。雲遊消息真奇。抉賢有金鍊。又降靈官劍珮。定不是偶然來至。此去西參耆峴。歸來日已證摩尼。

〔餘文〕〔衆〕天香裊。仙音沸。遙瞻帝闕隱璇題。想見真君奏玉墀。

〔旦〕破暗慧燈須佛法。  
〔小生〕驅邪寶劍仗仙人。

〔貼小旦〕既披戒服參西聖。  
〔衆〕又頂星冠朝上真。

## 第四十二齣 上游天界

〔小生扮香案吏小外扮雷師皓翁小生上〕晃晃彌羅宮。巍巍鬱蕭殿。始劫幹延康。大道超龍漢。玉榜青霞標。金闕紅雲爛。上帝肅神霄。侍衛無昏旦。玲瓏七寶牀。綽約五明扇。上主初利中。下轄須彌



半。無私宰羣方。玄機妙吹萬。握鏡象昭回。平衡化敷誕。祕檢啟金箱。靈文一何燦。迹隱蝌蚪書。理顯龍鳳篆。幸哉列清班。詞曹領香案。下官玉皇掌書香。案吏是也。舊隸下方之仕籍。今叨上界之仙官。修文積學。稍長靈機。砥行積功。兼栖真宅。故得位列清班。職司祕檢。常侍寶座。日近至尊。身心轉虔。夙夜匪懈。世人不知天界景象。下官略道數語。流傳人間。須知上帝高居。不比人王宮殿。玉階金埒。非玉非金。乃元氣淋漓而結就。龍車鳳輦。真龍真鳳。亦陰陽苞絡而化成。桂樹叢生夾道。左右護以蒼虬。桃花蘂蘂當門。上下守多赤豹。靈官佩印。青絢之履飛雲。嫫女搗筓。碧玉之冠偃月。花中之雨。繽紛時演法于梵唄。殿上之光晃射。非借耀于璘儀。太乙領翠娥而來朝。金闕盡推五丁之火輪。天尊偕雷師而講道。玉虛齊啓九天之電鑰。玄都開大洞之章。芒纏象緯。仙伯簡清微之錄。聲軋雲韶。學道始自鞭心。登真必由澡行。九晨七御。遞相統轄。尊卑體秩森嚴。千官萬靈。各有司存。政務紀綱。悉舉。常憍持鬢。大赤禹餘分。玉清列太霄。名號種種不同。同隸于上帝。清景索真。明晨侍書。掌瓊笈。檢瑤編。職掌紛紛不一。一屬于天曹。大道廓而無央。何限出無入。有神工運而不宰。但見時行物生。上界之考校勸懲。斟酌權衡。玄機莫測。大要貴在清虛。下方之治亂興亡。主張劫運。妙用難窮。只視

人間罪福。得道者鞭霆駕電。坐麟跂鳳。逍遙于碧落霞宮。失道者層雲雕雪。檄龍命鴉。勞苦于紫虛雷部。道無色象玄黃。出思議見聞之表。修有等倫階級。總虛無寂嘿爲宗。九關使者來報。西天祖師賓頭盧來遊天界。佛理願聞。聖僧難遇。下官恐上帝欲請見。只得在此伺候。遠望聖僧飛錫來也。

〔外末生同上外〕玉府瓊宮帝闕高。〔末〕青書琳札列諸曹。〔生〕真人幸假雲霄翼。耳畔天風泛海濤。〔外〕貧僧與仙伯西來一同來遊大界。萬靈咸仰。九闕不同。且喜已到帝居了。〔末生〕真個好清虛境界也。〔小生相見科〕西方祖師。弟子掌書香案吏稽首。〔外〕掌書。仙子少禮。〔末〕掌書。仙長拜揖。〔小生〕蓬萊仙客拜揖。〔生〕掌書。大仙客。下界木清泰參拜。〔小生〕奉道高人。不勞行禮。天界清虛。罕聞西教。幸祖師儼然卓錫。願暫留天宮。大轉法輪而去。〔外〕貧僧志願弘慈。道慚無上。未窺一乘之極則。敢忝三界之師模。新度弟子。久溷塵勞。因迷宿本。善心雖發。道念難堅。先引入鄩都。歷觀苦趣。再拽升天界。參究樂因。用以鞭策凡流。成就新學耳。此來未奉如來法旨。不敢輕會帝君。常見天主輩沖挹太盛。執禮過恭。以此不便參承。潛觀天界景象去也。〔小生〕佛法難聞。聖僧難遇。祖師此來。不會我上帝。恐上帝罪及下臣。奈何。〔外〕貧僧偶爾微行至此。若會帝主。事體重大。非奉佛旨。

不宜輕舉。帝心必亮。爾亦何辜。請別了。〔小生〕如此。弟子亦不敢私請佛法。恐重得罪。〔外〕佛無多法。只修一心。若要修心。無過寂照。〔小生〕多謝祖師教誨。〔相別介〕小生下。小外白鬚上。〔職列清班侍玉樞。琅編曾訂太霄書。玉皇駕幸長生殿。手板親扶白鳳輿。下官雷師皓翁是也。奉上帝勅命。來見西天祖師。〔相見科〕祖師稽首。〔外〕雷師稽首。〔小外〕天宮有幸。得蒙聖師光臨。上帝聞聖師卓錫大喜。欲屈登寶座。講楞伽寶積金光明等經。今日適駕幸高上神霄宮。會長生大帝。紫微大帝。青靈大帝。六波天主。太極真人。會議唐朝劫運事。未得燕閒。明日奉屈。拂席焚香以待。〔外〕講經說法。廣利人天。大是美事。往時西方沙門。赴天宮講經。必奉如來法旨而來。此番貧僧偶同新度弟子。潛遊天宮。欲以開化新學。未奉佛旨。不敢輕易登壇。容貧僧回西天稟過如來。卽當至此。叨冒講筵。幸爲多謝上帝。〔小外〕下官敬依尊命。回覆上帝去也。〔下生〕蒙祖師相攜。先遊地府。後到天宮。吾師大恩。人生良邁。但弟子未知天堂地獄。何以苦樂之懸殊。善惡因緣。路徑從何而分別。望大師指教。〔外〕苦樂之途。分于善惡。善惡之介。起自一心。純善無惡。是爲天堂。純惡無善。是爲地獄。善惡均等。是爲人道。五戒十善。則生天堂。五常五戒。則生人中。盡破五戒。廣行十惡。則入地獄。天人路徑。大要

以五戒爲本。五戒不持。人天路絕。至于一心既了。萬行俱純。由修行而得戒。由解法而悟道。頓悟至理。漸滿萬行。空有兩妙。善惡雙忘。則爲無上菩提。貧僧稍識路窺門。愧未登峯造極耳。〔末生同拜科〕多謝大師指教。

〔玉芙蓉〕〔外〕罡風兩鬢颺。灑氣雙臚耀。耳氣氤忽吹一派笙簫。眾罽玉字瓊香罩。累歷金牀寶扇高。塵不到。信清虛穹昊。咫尺間看羣靈來往擁雲璈。

〔前腔〕〔末生〕丹幢嫋女飄。絳節芝童導。驀然來殿前香案清曹。琅書寶字祥光遶。玉版幪緗祕檢弢。誰能道。信清都玄奧。天榜中間班行何處列吾曹。〔並下〕

### 第四十三齣 尼僧說法

〔掛真兒〕〔旦上〕寂寂雲堂今幾載。跌坐裏金磬飄來。〔貼小旦〕瓶水初澄。爐香

正裊。〔合〕簷角風篁清籟。〔重疊令〕〔旦〕地無人跡精藍靜。頻伽鳥下花枝定。〔貼小旦〕旭日

散松陰。涼颺浣竹林。〔旦〕函經金字好。寶軸霞光遶。〔貼小旦〕誰爲演三車。身堪與散花。〔旦〕倩香。

凌波。我和你三人在此菴中焚修。不覺三載。禮佛持齋。且喜禪心稍寂。繙經閱藏。爭奈妙理未詮。此間絕無來往。便有高僧講師。不敢延見。我和你們且精修戒律。以俟機緣。〔貼小旦〕太夫人所見極是。〔靈照上〕難難難。十石油麻樹上攤。易易易。百草邊頭祖師意。也不難。也不易。飢來喫飯困來睡。貧道襄陽龐公之女靈照是也。從吾父學禪。同證道果。蓮花上品。已見如來。貝葉真詮。頗通了義。在西方淨土中。照見太原本清泰之妻衛氏。及其二姬。禮佛一菴。參禪三載。奉齋持戒。雖能收攝身心。屏迹孤棲。無從參請佛法。我嘉其有志。扮作雲水尼僧。特來相訪。稍稍開示他法門大略。開門開門。〔旦〕何人叩門。凌波去一看。〔相見科照〕貧道雲水尼僧。求見太夫人。〔小旦〕稟太夫人。門外有一雲水尼僧。求見太夫人。〔旦〕適言佛法無處參求。既是尼僧。不妨相見。或者他知道些法門。〔請見科照〕太夫人稽首。〔旦〕師父稽首。〔貼小旦相見科旦〕師父雲水浮蹤。遠蒙垂顧。必有見教。弟子請問佛法。〔照〕貧道頗知佛法一二。但不知太夫人尊意要從何處說起。〔旦〕請問何爲十法界。〔照〕十法界者。佛菩薩緣覺聲聞天人阿修羅餓鬼地獄畜生。上四界乘有大小。總入聖位。名爲四聖。下六界趣有苦樂。不離凡情。名爲六凡。衆生只一心。分爲十法界。一心若自了。十界一齊忘。佛界

亦不立。九界又何有。〔旦〕講得好。多謝師父。再問何爲十善十惡。〔照〕十惡者。貪嗔癡殺盜淫妄言綺語兩舌惡口。戒去十惡。便是十善。十善還有止作二義。既止其惡。還行其善。如止貪行布施。止殺行放生之類。上善生天。中善生人。十惡三途。極惡地獄。〔旦〕何爲止觀。〔照〕止者。外除雜念。觀者。內照靈心。心要靈悟。須止非心。止若不成。須用覺照。止而不觀。恐有昏憤。觀而不止。恐致紛飛。〔旦〕何爲定慧。〔照〕定從戒得。外邪不染。內境自寧。慧從定生。定水不波。心珠自現。用止觀工夫。纔到定慧境界。所以道止觀是因。定慧是果。〔旦〕請問如何便罷了心。〔照〕了心之法。不是無心。不是有心。寂寂不動。何得言有。惺惺常照。何得云無。有無雙冥。心又何了。〔旦同貼小旦拜謝科〕多謝師父指教。使弟子輩心地豁然。〔旦〕請留師父清齋。〔照〕貧道不用齋的。就此告別。偶爾來閻浮。頃刻還淨土。生則決定生。去則實不去。〔下衆驚介〕呀。忽然就不見了。這師父原來不是凡人。聖賢可憐我們在。此清苦。下來指教我們。不免望空拜謝。〔同拜科〕

〔一江風〕〔旦〕奉香齋。還受優婆戒。淡飯黃蘗菜。感如來特降雲輦。遠自清涼界。妙義寶蓮開。天花落講臺。剖真詮。頓使生深解。



〔前腔〕〔貼小旦〕掩蒿萊。靜室聞清唳。雲外飄幢蓋。是如來現比丘尼。說法垂玄誨。不用拂塵埃。菩提種自栽。駕慈航一路超香海。

〔不是路〕〔生上〕徑滿蒼苔。盡日無人戶不開。舊形骸。別來面目使人猜。暢奇哉。前度劉郎此日回。羨他清淨女裙釵。持齋戒。只愁相見淚盈腮。情緣猶在。蕭

索秋江木葉乾。鐵鞋踏破褐衣單。前村依舊無梅信。贏得孤身徹骨寒。自家木清泰。雲遊三年。回家一看。此處就是蓮花菴了。開門開門。〔旦〕門外又有人叩門。快去一看。〔貼開門驚科〕太夫人老爺回來了。〔旦〕有這等事。快請進來。〔旦貼小旦相見各悲喜科旦〕別來三載。雲水飄零。無時不念。且喜回來。〔生〕夫人聽稟。不才因一時爲風狂僧道所誤。草草出門。萬里山川。孤身流落。高人不遇。大道無成。受盡飢寒。一身襤褸。只得歸來。

〔好姐姐〕雲水無端三載。走天涯踏破芒鞋。海中何處有蓬萊。無聊賴。西方佛國今安在。只落得形容瘦似柴。

〔醉扶歸〕〔旦〕自君行不復勻眉黛。兩裙釵也自拋羅帶。瑣窗裏壁月掩房櫳。

佛龕前金磬和清籟。仙蹤今日喜歸來。朱門依舊生光彩。

〔油葫蘆〕〔貼小旦〕人歸日門庭未改。徑荒涼菊松猶在。遼陽何必經千載。好相守佛日香臺。〔生〕夫人。我想出家艱苦。仙佛渺茫。黑髮未衰。朱門無恙。不如依舊享爵土之封。諧

夫婦之好。無空流落他鄉。身死草野。〔旦正色白〕相公差矣。相公英雄本色。可無出世修行。既已修行。豈可半途退轉。不惟仙佛之大道無成。抑且一生之人品亦壞。進退何憑。萬口之嘲怎免。戒行毀破。三塗之業難逃。況孩兒已受侯封。甫勤王事。朝廷賜號圓照。欽挹高風。一旦墮落。將若之何。賤妾既別相公。業託身于三寶。二姬亦守苦志。共焚修於六時。不惟相公當愛蕉沬之體。妾亦豈肯再污蓮花之身。君是賢豪。豈不亮此。

〔解三醒〕美津津雲生金界。白泠泠月浸瑤階。飄然一往青天外。怎生般墮落塵埃。你香消蒼蘆真堪誠。我泥污蓮花事可哀。君須愛。君須愛。怕難逃五濁。自取三災。

〔前腔〕〔生〕我只道樂邦可待。又誰知苦事難捱。窮途受盡淒涼態。不由人意。

冷心灰。莫思量。銀海三千界。且受用金尊十二釵。重相會。重相會。恁關情慘澹。顧影徘徊。夫人適纔言語。甚是有理。但我雲遊無遇。以窮來歸。夫人安得無伉儷之情。難道復教我逐飄零之迹。〔旦〕相公回來。妾不勝歡喜。何謂無情。但當念彼無常。破戒可懼。又當裁以大義。物論須防。今日勸相公勿復雲遊。在家修道。相公請別開靜室。賤妾則仍守此菴。一宅分居。各修淨業。庶幾可耳。〔貼小旦〕老爺夫人之言甚是。相公只宜如此。

〔前腔〕既然是萍蹤無賴。又何苦浪蕩天涯。傍家好把茆菴蓋。一樣的清梵香齋。辦翹勤各向三尊拜。儻異日同登九品臺。真無養。真無養。鎮雙修雙證。永脫輪迴。〔生〕罷罷。夫人既不相容。我亦何顏戀此。依然浪遊去也。妻孥不相容。依舊尋雲水。成道他鄉。

仙不成他鄉鬼。〔下旦貼小旦悲科旦〕相公。相公。非我無情。直以大義有所不可耳。三年遠別。一旦歸來。既無好眼看他。又以峻辭唐突。相公匆匆忿氣而去。相見之間。勉爲正色。出門之後。能不傷心。〔貼小旦〕老爺之行。又不知何往。多是不好消息了。

〔一江風〕〔旦悲科〕趁芒鞋。三載天涯外。斷影分恩愛。暫歸來。正喜相逢。驀地將

他怪。伉儷忍輕開。徘徊轉自猜。怕人言又怕犯了如來戒。

〔前腔〕〔貼小旦〕歎歸來。履破衣衫敗。落得形骸在。好淹留火宅蓮花。消取相思債。蹤跡又天涯。淒涼事怎捱。料今生無復重相會。〔旦〕郭賈二姬。相公怪我不把好言相留。匆匆懷恨去了。如何是好。你二人快去對孩兒說。備些路費衣裝。急追往前路送與他。也是我一點情分。〔小旦〕理會得。

〔旦〕憔悴歸來道未成。

〔貼小旦〕飄然又去逐浮萍。

〔旦〕高僧說法無憑準。

〔合〕閣下曇花也不靈。

〔生又上科〕自家不是木西來。乃木府土地是也。奉菩薩龐靈照法旨。着我化形假作西來。回到蓮花菴中。試取木夫人及二姬修行道念如何。誰想那夫人冰清玉潔。義正辭嚴。真是成道之器。不免回覆菩薩去也。〔下〕

### 第四十四齣 羣仙會勘

〔外扮顏真卿末扮李長源小生扮李太白外金冠錦袍隨將吏上〕丹心直與山河壯。赤手能扶社

稷傾。曾餌神丹陶八八。天教尸解證仙卿。自家魯公顏真卿是也。秉節立朝。抗忠勳于國難。清心好道。授神丹於異人。晚景以直道忤盧杞。爲其所陷。遣使李希烈。矢志不屈。畢命賊庭。上帝優敘。死事之忠。遂證神仙之位。丞相盧杞。懷奸罔上。蠱國害賢。以致德宗駕再蒙塵。祚幾傾覆。奸險無極。罪惡貫盈。南天王探訪使者。親考過惡。回奏天王。近勅下官同蓬萊仙卿李長源。李太白會勘其罪。二位仙長來也。〔末上〕九仙骨就差堪快。一品衣披未足云。曾以抱懷蒙帝寵。卻因枕股動天文。自家宰相鄴侯李泌是也。天樂來迎。奈家人之搗蒜。相臣學道。煩天子之燒梨。暫衣紫而定國難。動紀旂常。終脫屣以歸衡山。名書丹籍。上帝命下官與顏魯公同勘盧杞。不免去走一遭。〔小生上〕百篇草就人猶醉。八極神遊去不還。帝命蓬萊署仙伯。欲留綵筆照人間。自家翰林供奉李白是也。憑陵才氣。蒙賀老之吹噓。瀟灑丰神。遇子徵之賞識。捧硯調羹。發麗藻於沈香亭北。騎鯨捉月。送英靈于采石江邊。上帝命下官與顏魯公同勘盧杞。不免去走一遭。〔相見科外〕二位仙卿作揖。〔末小生〕顏仙長拜揖。〔外〕長源一代異人。標神奇於童卯。兩朝輔相。樹勛烈於艱危。太白天才超邁。詞藻冠於寰中。道韻蕭疎。冲情寄于物表。並登仙籍。同住蓬萊。可敬可敬。〔末小生〕魯公抗節晚景。洵青萍百鍊。

之剛。慕道髻年。授絳雪九還之術。宜躋上秩。願拜下風。〔外〕二公過獎。愧不敢當。請問太白有近作見教一篇。〔小生〕下官近稍習靜。以詩爲戒。篇章寂寥。頃謁東華大帝君。適值大帝新宮成。命白賦一詩。應制口占。請爲二公誦之。東華結真炁。塊北浮無央。玄精蕩析木。青旭麗博桑。帝宮倚太霄。玲瓏合旁唐。大材儼鵬運。崇構颯龍驤。峭舊聳雲棟。天矯飛虹梁。未經丹聖手。忽閃金碧光。三山修遠近。五緯逼低昂。洪濤春自如。元氣翕以張。神澹豁敞宇。臚瞬搖精芒。霞褰翡翠幄。日照珊瑚牀。真官紛來落。瑤城文履跄。瓊管叫紫烟。瑤姬列翠房。別有小西室。靈臺祕檢藏。洞章發玉版。琅書度金廂。帝暇跌九鳳。香華散廣堂。斯堂灰不劫。滄海塵或揚。〔外〕大是妙什。非此詩不稱此宮。〔末〕太白詩故飄灑。今更沈鬱。當是道進耶。〔小生〕二公勿笑。〔外〕下官與二公奉上帝勅旨。會勸盧杞。不免帶此囚過來。〔將吏〕稟三位大仙。盧杞帶到。〔外〕盧杞。你立心不端。懷好事主。我慮你始而食人。終當爲人所食。外禍四海。內亦不保其九族。我每事奉勸。固也愛君。亦是愛你。尊公死難時。我親舐其頸血。此是實情。你說我故造此語。我顏真卿好男子。豈肯造此等大妄語。不相體亮。反行仇恨。陷我于死。我死何足惜哉。此不過一人私仇。只是你作相奸險。罪過多端。這是怎麼說。〔淨〕罪人性既稟於



奸回。後又迷于大利。悔之無及。〔末〕盧杞。你的罪過。擢髮難數。只是那李懷光千里勤王。破賊靖難。卻以私恨。力阻他不得朝見天子。遂致勳臣轉爲叛賊。國復多難。駕再蒙塵。只這一場公案。怎麼了得。〔外〕南天王探訪使者報你幽室密計。謀害文武官員大小三百餘人。計雖不曾盡行。你心也太狠了。〔小生〕莊子云。兵莫慘于忍。鑊鄒爲下。杞之此舉。三百人雖不盡死。殺機已發。罪業遂成。〔末笑科〕這說得是。太白不獨長於詩篇。且又精于律法。〔外〕你造謀時。說道天道難明。鬼神誰見。誰知天王使者此時正在旁看你。會勘已明。將罪人押赴大獄。具文回奏天曹。〔將吏諾下外〕二位仙卿在此。難得相會。我們三人各把自家心事略說幾句如何。〔末小生〕如此甚好。

〔惜奴嬌〕〔外〕國步艱危。歎二十四郡望風皆靡。我懷忠義。肯惜一身螳臂相持。面折奸雄。老陷封疆。餘生猶寄。〔合〕天意幸曾餌異人丹。得證上清仙史。

〔前腔〕〔末〕童時志在幽棲。願餐霞絕粒。闖風瑤水相遭際。王室翦焉中否。驅馳靈武承祧。西蜀迴鑾。艱難誰倚。〔合〕遺世看珪瓊似浮雲。便脫宰臣衣紫。

〔蛤蜊序〕〔小生〕新題宿酒淋漓。賦名花傾國。禍生妃子。歎朝辭供奉。暮投煙

水顛顛。倉皇走六飛。神京九廟移。〔合〕轉淒遲。只得託酒清狂。消取壯心塊壘。〔前腔〕〔外〕今日喜脫塵羈。共驂鸞跨鶴御風騎。任災期劫運。幾番興廢。得意縹緲碧霞衣。迴翔赤玉墀。〔合〕莫淒其。請看東第侯王。轉眼北邙蒿里。

〔錦衣香〕〔末〕絳闕隈。玄都裏。滄海湄。清溪沚。火棗交梨。金桃玉李。〔小生〕羣仙來往疾如飛。纔朝阿母又會安妃。〔合〕想長安世事政如碁。是非鋒起。不到清虛地。雲階月屐逍遙。自領無邊況味。

〔漿水令〕〔衆〕奉天符勸明奸杞。共回朝奏申公事。瑤空日晚月痕微。簫聲嫋嫋。旛影垂垂。詩如織。才何綺。明朝應制還嘉麗。龍墀下。龍墀下。千官舊侶。鸞箋掃。鸞箋掃。百幅新詞。

〔尾聲〕賢良並列仙班貴。香案前頭侍起。不負精忠報主時。〔並下〕

### 第四十五齣 凶鬼自嘆

〔鬼卒押淨枷杻上淨〕虎狼生性應難改。富貴迷人不自由。墮馬前頭還墮馬。沈舟側畔又沈舟。自

家盧杞生前儘着力量。無惡不爲。今日受此苦楚。地獄之中。那一樣刑罰不受過。也虧我受。也虧我受。我盧杞還是個好漢受得。〔鬼卒打一下〕不怕你不受。〔淨〕我好漢受刑。不向你小人告免。〔卒痛打科淨哭乞哀科卒〕盧杞。方纔好漢受刑。怎麼又做這個模樣。〔淨哭〕獄卒哥。我盧杞皮肉也是娘生父養的。怎麼不痛苦。想着我做唐朝大丞相時節。皇帝在我手掌心裏翻身。文武百官在我嘴脣皮兒上過活。但眉峯兒蹙一蹙。直令千里流血。筆尖兒搖一搖。教他九族遭殃。喝水成冰。排山倒海。誰想有今日哩。這會兒獄中略得蘇息。不免自嘆一番。

〔耍孩兒〕搥胸跌脚。恓惶淚。到今日懊悔何追。追思當日秉權時。片言不合千條計。一計纔成九族危。曉夜裏無休息。直弄得個三光晦蝕。萬乘流離。若論我當時的榮華富貴呵。可也不輕。

〔五煞〕宴華堂睡得遲。臥紅妝門未啓。千官伺候如流水。人人着眼看顏色。個個挨親討面皮。到今日成何濟。只落得形骸枯瘦。骨肉離披。我盧杞用盡機關。苦掙富貴。也無非爲妻妾兒孫。到今日妻妾雖亡。兒孫尚在。他們還是承籍我。享用我。紅燭兒點起。花筐

鼓兒打起直恁的歡樂。怎知我在地獄中受這般苦楚。佛也不替我念一聲。便是春秋二祭。擺着幾碗菜。掛着幾鍾酒。我這魂靈兒欲待要一救飢腸。爭奈我罪業深重。一霎時都化了火焰。把我好燒得七零八落。頃刻成灰。奉勸世人。爲那妻妾兒孫也全無用處。

〔四煞〕鬧攘攘爲甚的。急煎煎子與妻。思量衣食能消幾。我千般黑業皆因你。今日裏萬苦黃泉你怎知。永劫沈阿鼻。祭都無益。哭也何爲。當初謀害顏真卿等文。武官員三百餘人時。我在密室中說天道難明。鬼神誰見。不想這一會兒天王使者正在旁邊覷着。聽着。咳。人在世時。絕不知有此地獄。有此果報。及至到這地位了。又寄不得個信兒與世間人。好苦好苦。

〔三煞〕只道是皇天暝暝的。又誰知神明密密窺。纖毫善惡難逃避。眞官考較能詳細。獄卒行凶苦禁持。〔卒怒科〕盧杞。你造極惡。倒說我獄卒行凶。〔淨〕縱有信也難稍寄。儻得個翻身掙脫。只恐怕依舊還迷。閻羅天子說道。衆生受了地獄極苦。日久之後。得個轉身。臨行拳拳囑付。切切提撕。教此去要學好爲人。誰想纔喫孟婆湯。又入迷魂陣。被十個月。

血水浸得人一靈兒昏了。甫掙出去。依舊作惡。咳。可憐可憐。所以王莽之後。又有曹操。司馬懿之後。又有桓溫。李林甫之後。又有我盧杞。我盧杞做秀才時。也曾罵過李林甫來。不知怎的輪得到我。卻又迷了。糞蛆嚼糞。火蛾赴火。直是身不由己。只怕從此以後。罵我盧杞的不少。做我盧杞的還多。

〔二煞〕地獄苦難自支。史書罵沒了期。誰知依舊多盧杞。那顏真卿。二李爲人。正直善良。卻做了大仙。逍遙快樂。昨日座上坐起。將我奚落禁持。嚇得我一言無對。備爲座上客。布爲帳下虜。好氣好氣。原來爲善終昇濟。到底行凶必受虧。追悔也今何及。只落得一身狼狽。兩淚波瀾。

〔煞尾〕世人還未明。如今我已知。若要世人似我能追悔。除非是一旦無常到這裏。〔內叫科〕查獄判官老爺來了。〔盧與卒驚下〕

### 第四十六齣 討賊立功

〔菊花新〕〔小外扮李晟丑扮姚令言淨扮源休小外戎裝領將士上〕逆奴犯闕播變輿。鳳子龍孫泣路衢。強寇滿皇都。只把丹心報主。故宮禾黍欲離離。政是忠臣畢命時。誓掃妖

氛清帝闕。營門灑泣對王師。下官神策河北行營節度使兼平章李晟是也。百戰威名。久聞夷夏。一腔忠義。仰貫蒼穹。茲者姚令言激衆興兵。鴟張京邑。朱泚乘機竊命。虎據長安。百官染汚于賊庭。萬乘流離于草莽。下官聞變投袂。泣血禱牙。兵出飛狐。聲先秣馬。孤軍深入。二寇正強。下官用奇謀。間賊營。以忠義激將士。衆雖單弱。銳氣不衰。故定興王木清泰之子木龍駒。將門英傑。年少知兵。下官特奏舉爲副帥。協同討賊。擇今日起兵收復長安。左右待定興侯到帥府通報。

〔前腔〕〔小生上〕君恩世受誓捐軀。報國縱橫見丈夫。一旅願前驅。逆賊誰當旗。

鼓〔左右報到科〕定興侯老爺到。〔相見科小外〕副元帥。將門出將。腰間久佩龍泉。官上加官。肘後定

懸鵠印。副帥好當前隊。老夫願步後塵。〔小生〕元帥親帥六師。運奇謀而制勝。小將願當一隊。撥甲胄而先登。張英風于虎牙。附功名于驥尾。〔小外〕將校過來。木將軍領步騎先登。我統大軍齊發。設伏張奇。四路俱進。雲梯地窖。百道攻城。俱要死戰立功。以一當百。先斬令言。後擒朱泚。掃清宮禁。奉迎鑾輿。退縮不進者斬。〔衆諾起兵科〕

〔紅繡鞋〕〔小外〕雄兵十萬長驅。長驅先登列戟橫。橫。摧勁敵。擣孤虛。殲



鬼賊翦妖狐。〔合〕寧士庶靖皇都。

〔前腔〕〔小生〕前鋒手執鼙弧。鼙弧中軍親自援枹。援枹山嶽震。海濤呼。張義旅奮天誅。〔合前探子〕稟上二位老爺。姚令言督兵拒戰。〔小外〕向前打話。

〔前腔〕〔丑領兵上〕雄威席卷東都。東都貔貅控帶羌胡。天子遁。百官逋。誰復敢抗戎車。〔合前小外〕姚令言這廝。身爲節鎮。手統強兵。不思盡忠報國。卻乃首倡逆謀。震驚至尊。暴犯陵寢。二軍切齒。萬姓寒心。衆軍努力向前。先斬逆賊。〔小生與丑戰斬丑賊軍敗〕

〔縷縷金〕〔衆〕騰殺氣。展雄圖。前軍殲賊將。覆車徒。乘勝擒元惡。功成一鼓看都民垂泣漢宮儀。壺漿滿歧路。〔探子〕稟上二位老爺。朱泚遣源休督大兵前來拒戰。

〔前腔〕〔淨領兵上〕扶帝業。創皇都。山河歸指掌。盡誅鋤。誰復張螳臂。敢當鬻虎管教一戰血模糊。橫屍暴霜露。〔小外〕源休這廝。官爲少卿。職列清要。享朝廷之大祿。受主

上之弘恩。何故背國忘君。造謀佐逆。寢祖宗之神器。致主上于蒙塵。天兵問罪。汝逆賊難逃。大小三軍。一齊乘勝。〔小外與淨戰斬淨淨兵齊哭投降科〕稟上元帥老爺。小人等皆是節鎮官兵。羽林衛

士被朱泚迫脅與師。情願投降。再見天日。〔小外〕你衆人不知道順。本當重處。姑念脅從。許爾自新。衆將士們。將斬軍降。賊膽已破。誰爲城守。就此整旅入城。生擒朱泚。〔探子上〕稟上老爺。逆賊朱泚帶妻子出都城北門逃走了。〔小外〕副元帥可領鐵騎三千。追擒朱泚。老夫入城。掃清宮掖。奉迎聖駕還朝。〔小生諾下〕

〔縷縷金〕〔衆〕開北戶。走狂奴。乘風追鐵騎。盡芟除。號令須嚴肅。京城按堵急。掃清宮禁。奉鑾輿。宮幃喜如故。〔小外〕請掌書記于公異。〔于上〕上將兵如風雨。參軍筆掃虹霓。不習長鎗大劍。有時用着毛錐。〔相見長揖科〕且喜逆賊已平。公可草露布一通。飛報天子。借爾雕龍之手。且須倚馬之才。〔于諾小外〕分付將士。火速整衆入城。則個。〔衆諾〕

〔小外〕蕩寇已展雲旗。

〔于〕擗管先成露布。

〔小外〕報道鐘簾不移。

〔衆〕更言廟貌如故。

### 第四十七齣 木侯夜巡

〔北正宮端正好〕〔小生扮健兒上〕鼓聲高。兵氣壯。驅鐵騎追捕逃亡。妖星夜隕。

營門帳。一派銅焦響。下官奉元帥將令。領三千鐵騎。追擒朱泚。泚賊屯營龍首山下。地形險阻。猝難攻打。今夜天氣寒肅。霜月微明。扮做健兒。私向朱泚營壘觀看地形。明日進兵攻圍。一鼓擒之。行到此處。只見邊風颯颯。野草茫茫。萬竈偃旗。數聲殘角。好悽慘光景也。呀。遠遠望見一人在烟月微茫中行來了。不免閃身樹林。看是何人至此。〔鬼上〕陰房鬼火青。壞道哀湍寫。野曠寂無人。獨嘯霜月下。小鬼乃臨洮人氏。身充禁軍。被叛賊朱泚駢脅從亂。與李節度對壘。戰敗被殺。前後二陣。死者三十萬人。血濺黃沙。身膏白草。天青月慘。鬼哭神號。向年安祿山之亂。吾父死于亂軍。今我又喪身鋒鏑。君王無道。萬姓當災。數也命也。窈窈冥冥。一靈不昧。思鄉念故。好生悽楚。趁此月夜。嗟嘆一番。有何不可。

〔滾繡球〕三靈降禍殃。萬姓當災障。健兒們都送在邊疆上。天遣惡魔王。煽動刀鎗。東平難釀宮闈。太尉禍起蕭牆。蹂踐得神京板蕩。兩番兒捲旌旗血戰沙場。無端壯士刀頭喪。多少英雄劍下亡。說起悲傷。

〔叨叨令〕壞神器無道的莽君王。亂朝綱誤國的權奸相。將祖宗的社稷輕搖。

宕。致使小么麼僥倖圖非望。兀的不恨煞人也麼歌。兀的不苦煞人也麼歌。害得俺裹創飲血皆淪喪。

〔偷秀才〕新鬼呵覓頭顱。哭夜霜。舊鬼呵傍陰厓啼宿莽。盼家鄉何人酌酒漿。暴屍骸有誰爲埋土壤。委實恓惶。

〔滾繡球〕隴西宿將強。河北軍容壯。殺得那朱泚軍投戈棄仗。百忙裏擁妃嬪。奔走倉皇。旌旗曉色昏。櫓槍夜無光。似龍虎追來飛將。明日裏軍敗身亡。只可憐宮闈粉黛捐荒野。文武衣冠委道旁。暮雨斜陽。

〔□□子〕俺只見漠漠寒煙迷紫塞。又只見獵獵陰風□□楊。收不迭萬衆冤魂。磨不盡千秋靈爽。

〔煞尾〕山圍古戰場。月黑元戎帳。連營的空倚着龍首爲屏障。木將軍策一道流星鐵鞭兒響。〔下神錦袍擁衆上〕分付神吏。吾奉九幽大帝命。點收陣亡將士姓名。送入陰府。須逐一查點明白。登記簿籍。明日朱泚敗死。還有許多陣亡將士。須另行點收。呀。此處那得有生人。

氣。手下替我查來。〔小生仗劍喝科〕吾乃征勦逆賊副元帥木龍駒是也。何物小鬼。敢來查問。〔神吏衆驚下小生〕呀。鬼神之事。原來不可不信。霜月之下。有鬼獨嘆。言語朗朗可聽。神明擁衆來此曠野。點查陣亡將士。被我仗劍一喝。即時星散。鬼與神通。都說朱泚明日敗亡。我也不必再看地形。明日進兵。擒泚必矣。

野曠天高霜滿空。

夜深鬼語月明中。

來朝一鼓擒逃虜。

麟閣標名第一功。

### 第四十八齣 東遊仙都

〔紫蘇丸〕〔生上〕三山半落青天外。挾仙遊乘風差快。月明人語在瑤臺。真是清涼界。〔小重山〕一縷芒鞋到處行。天風生兩腋。上瑤京。玉童花下奏鸞笙。風物好。徒倚盼層城。凡骨鍊難成。願教餐絳雪。吸金莖。丹臺石室早藏名。東華闕。誰遣鶴書迎。清泰蒙二位師真相挈。來遊蓬萊山。玄卿師父教我且在洞府門外伺候。他與西方祖師先進去會列仙。良久不見出來。想是列仙留住祖師。求他講了佛法。我伺候許久。腹中飢餒。你看絳桃文杏。仙果纍纍。清泰是個謹慎人。雖

忍飢不敢偷取一枚。遠遠望見一位仙女來也。〔仙女上〕仙班充下陳。靈境閒且適。時約女郎嬉。清溪弄白石。此處焉得有這個俗人。三尸濁亂。腥穢觸人。分明是一堆白骨。何由得到此清都地界。守壇神將在那裏。何不令蒼虎驅出。〔蒼虎撲生科生〕我木清泰來此。豈是孟浪。亦有因緣。西方祖師寶頭盧蓬萊仙伯山玄卿。挈我至此。〔仙女〕胡說。祖師是西方聖人。玄卿是清都仙長。豈肯挈你這個穢物。二師現在清冷臺上。與衆仙講道。既然挈你來。何故不令進入洞府。卻逗遛此間。叫金瓜將士打落山去。〔金瓜將士欲打科外末同上科外〕休打休打。金瓜將士。你不認得此人。此人是唐朝定興王木清泰。勇冠千古。力敵萬夫。你怎麼出得他手。他只爲至心求道。不露雄風。你休錯了。〔仙女神將並下末〕西來候久腹餒。待我取絳桃一枚與你。〔末取桃與生噉科生〕絳桃入口。腹中不飢。神氣更爽。〔外〕貧道有西方黑棗。食之可以永辟飢腸。兼知過去未來事。一向不曾與你一枚。今以相贈。〔取黑棗與生噉科生〕黑棗入口。心地更清。果知過去未來事。原來弟子前身是西方散聖焦鏡圓。數十年來一場夢也。多謝二師濟度。〔末〕師父與西來既到此間。遊覽一遍如何。〔外〕如此卻好。〔生〕師父。你看萬山黛色。青削芙蓉。一水澄泓。碧涵明鏡。金堂玉室。盡嵌峯巒。玲瓏耀日。翠樹



紅亭半出晴昊。縹緲飛霞。奇花瑤草。夾道叢生。蒼兕班麟。當門偃臥。紫府中起。白波外抱。遠睇神州。茫茫黑點。仰看星漢。澹澹微痕。仙都之境。勝妙如此。祖師。西方比此處如何。〔外笑〕我那西方境還好些。〔生〕弟子此時也省得些了。

〔甘州歌〕〔外〕茫茫銀海。走洪波一帶。遠抱丹臺。金堂玉室。繚繞頰霞蒼靄。月痕斜控瓊簾捲。水色虛含繡戶開。〔合〕行迷處。路轉迴。中峯忽起更崔嵬。長松下。古洞隈。爲憐疎影立徘徊。

〔前腔〕〔生〕峯巒碧水洄。似新磨明鏡。倒窺青黛。絳桃花外。靈禽幾個飛來。東華何事鸞驂候。南嶽相邀鶴使催。〔合〕青童送。桐柏陪。靈妃仙帔紫烟裁。鵝笙奏。龍籥諧。人間弦管不須哀。

〔前腔〕〔末〕清都曾住來。歎紅塵一別。俄驚千載。喜君重到。瑤窗無恙瑤階。新開覺路今纔識。舊長靈根不用栽。〔合〕餐桃實。飲露杯。三偷方朔謝仙材。金棺葬。玉柙埋。憐他白骨盡寒灰。

〔前腔〕〔衆〕波聲吼似雷。想幾番成敗。桑田滄海。朱顏委謝。早鏡中素髮。暗稔。百年陽九難逃算。一粒神丹可脫胎。凌歊地。絕點埃。清虛東土說蓬萊。超生死。免劫災。恆沙西去有蓮臺。

〔尾聲〕俗情消。凡容改。仙人相挈采真回。只怕城郭人民安在哉。

〔外〕海山舊日是君家。

〔生〕一別清都幾歲華。

〔末〕仙籍長生真可學。

〔合〕樓前近已種曇花。

### 第四十九齣 凱旋見母

〔小生戎裝將士隨上〕虎體熊腰將相孫。金貂家世受君恩。亂軍盡入含元殿。天子宵奔苑北門。身督六軍倡銳氣。心知九廟鑒忠魂。天清宮闕迴鑾日。父老人人掩淚痕。木龍駒腰有青萍。家傳黃石。身當國難。志立功名。茲者姚令言倡亂。朱泚乘危。遂據長安。篡移鼎祚。節度使李晟謂下官人豪將。年少知兵。上疏特薦。朝廷用其言。遂拜下官前部先鋒。將兵討賊。再戰再捷。遂破長安。泚賊走死。聖駕回京。李節度表上功次。優序下官。想必有爵賞。今日回軍。已到家了。不免到巷中相見母親。則

個〔旦貼小旦上旦〕夫婿尋真去不還。有兒仗劍赴行間。〔貼小旦〕王師徑出蜚狐口。戰士齊屯倒馬關。〔旦〕何處流雲隨竹杖。每因明月想刀環。〔貼小旦〕風塵不到禪棲處。門掩琉璃盡日閒。〔卒叩門報貼〕太夫人。小候回來了。〔小生進見科旦〕孩兒回來了。前者有人來菴中報你平服靖亂。克復神京。麟閣之勳。踵美汝父。可喜可喜。〔小生〕孩兒蒙李公推轂。擐甲先登。令言喪元。朱泚傳首。聖駕遍復。宮禁肅清。李公表上功次。優序孩兒。想朝廷必有爵賞。只是父親離家十載。音信杳無。教孩兒日夜思念。〔旦〕孩兒。你且寬懷。慢慢打聽便了。

〔黃鶯兒〕〔旦〕慷慨擐戎衣。奮孤忠。國步危。幸然一戰成功。易塵清。鼓鼙變迴。帝畿百官依舊朝丹陛。凱旋歸。喧傳里巷。不負將門兒。

〔前腔〕〔小生〕灑淚赴戎機。念宮闈賦黍離。枕戈蓐食無回計。臨風禡旗。盟天誓。師匡扶社稷除腥穢。轉含悲。欲持報父。何處訪庭幃。

〔前腔〕〔貼小旦〕門戶有光輝。羨雲霄接武時。虎符金印應堪繫。轅門奪旗。名山采芝。丹臺雲閣名相似。想天涯。遼東跨鶴。何日到令威。

〔目〕此日勒旂常。

何時訪雲壑。

也應此父子。

同畫麒麟閣。

### 第五十齣 西遊淨土

〔外末生同上外〕蹤跡遍天涯。臨了歸極樂。猢猻入布袋。老鼠進牛角。貧僧同二子遊西方。看看來到。上遊天堂。下觀地府。東泛蓬萊。西歸淨土。並是我與玄卿以神通攝化。彈指便到。玄卿西來。你兩人遊過淨土。不由人不捨玄關入佛門也。你看西方光景呵。

〔六犯宮詞〕〔梁州序〕峒嶢畫閣。玲瓏繡戶。何限金沙鋪路。交光涉入。罽毼帝網明珠。〔桂枝香〕祇樹千行直。蓮花九品舒。〔甘州歌〕疎枝亞碧。藥敷莊嚴。真不數天都。〔傍妝臺〕堪羨八功德水。涵金鏡。又有七寶池波湛玉壺。〔阜羅袍〕巍巍窳堵。神廳自扶。香臺處處紅雲護。〔黃鶯兒〕嵌珊瑚。碑磬瑪瑙。光射月輪孤。看風景大約如此。我再說西方三聖與你聽者。

〔前腔〕〔梁州序〕瓊林花遶。香渠流注。三聖常居淨土。金身丈六。無非本性毗盧。

〔桂枝香〕螺髻垂瓔珞。雲衣映綺疏。〔甘州歌〕霞幢覆寶座。靈光隨處現。眞如。〔傍妝臺〕你聽潮音鐘磬聲。能發佛號頻伽鳥自呼。〔阜羅袍〕金鏡妙義。琅函梵書。玄津寶筏。人皆度。〔黃鶯兒〕地清虛。二災五濁。全不到精廬。東方亦有妙喜國。阿閼毗佛。何故勸學人。只生西方。待我再說一遍。

〔玉山頌〕修行徑路。論娑婆煩惱滿衢。羨西方明鏡離塵。怕東土青蓮染汚。聖師高座。指前途化城寶所。一往無迴步。莫躊躇。恆沙西去樂何如。禪與淨土。雖分兩途。其實修禪須兼淨土。待我將修西方法門。再講一遍。

〔前腔〕禪兼淨土。兩修持應無錯途。論生時非佛非凡。究眞詮卽心卽土。資糧儻具。一彈指花開立悟。萬劫消諸苦。莫趲趨。幡幢天樂只須臾。〔末生〕蒙大師指教西方極樂。多謝。但不知何以修持。便得往生。〔外〕往生徑路。只在一心。既要守如來之戒。亦須知觀想之方。以十六觀爲用工。以三觀爲妙法。十六觀者。想西方樂景。共有一十六種。三觀者。空假中。運入十六觀。圓融心景。妙達性空。使心機純熟。常來往于西方諸佛。如來入衆生之心想。必定往生。

永無退轉矣。〔末生拜謝〕多謝大師指教。〔末〕弟子從此亦當捨離仙道。回向西方。〔外〕善哉善哉。塵世凡夫。未免惡業。宿障既重。往生尙難。仙子德行清虛。道心靈悟。往生淨土。如榮作齋。往只刹那。生必上品。可喜可喜。

〔外〕我贊西方真樂土。

〔末〕無有惡業無衆苦。

〔生〕花開見佛悟無生。

〔合〕不退菩薩爲伴侶。

### 第五十一齣 義僕遇主

〔十一二時〕〔小外扮木韜皓髯拄杖上〕豪傑天生就。爲求道把情分愛割。一撇家鄉。

煙波雲岫。遠覓拚衰朽。盼邊州。兩脚龍鍾難走。丈夫胸懷難捉摸。木落山空水痕涸。風

吹日曬箬笠穿。雪凍霜寒草鞋着。豪華鼎沸王侯家。一朝棄之如朽索。不知何日能驂鸞。贏得門前

可羅雀。自家定與王木老爺府中一個老蒼頭木韜是也。跟隨老爺出征。親斬首級。積有功勞。蒙老

爺擡舉。官至羽林將軍。年已七十。告老在家。自從俺老爺雲遊訪道。夫人公子朝夕在家憂念。杳無

下落。公子曾出門尋訪。走遍四海。歷盡苦辛。不曾得一面。我老奴受恩主大恩。原是帳下敢死之士。



今雖年老。那怕路途艱苦。也索尋訪一回。縱不得相遇。也盡我一點報主之情。前日稟過夫人公子。出門行了半月。來到此處。是榆關地方。你看塞雲邊草。一望荒涼。那裏覓老爺蹤跡。呀。遠遠望見三個佛道來了。或者天可憐念。就是我老爺也不見得。不免閃在草林之中。待他來近。〔外末生上外〕九地攢眉入。三天掉臂行。洪爐百鍊過。寶劍鑄將成。西來曇花會近。梅信須通。我已託靈照菩薩將你我遊蹤盡報你家知道。如今你家老蒼頭遠來尋訪。不妨見他一面。〔生〕師父不見爲是。〔外〕不妨相見。〔二人行小外撞出抱住生痛哭科小外〕自從老爺出門。杳無信息。家中夫人公子無日不憂念。老爺何自苦如此。〔生〕木輻。你年紀老大。何苦遠來。〔小外〕老奴婢受老爺撫養之恩。老爺辛苦長途。老奴何忍在家安坐。但得一面。死亦甘心。老爺離家十年矣。如今即便同老奴回去一看。以慰夫人公子懸望。〔生〕我未回。你先去罷。〔小外〕老爺鐵石心腸。此番若再不回家。老奴立死在路旁。決不先回。二位師父。你多方掇賺我家老爺出門。果有道術。相隨十年。也應度得他身生羽翼了。害得一家伶仃。于心何忍。如今也該勸我家老爺一回。〔外末笑科小外〕夫人傷感老爺長別。也築了一室。名蓮花菴。禮佛修行。郭賈二姬也不肯出嫁。同夫人只在菴中。

〔二郎神〕離家久。歎夫人將空房獨守。公子蒙朝廷襲封爲定興侯。賜老爺道號圓照大師。公子傷老爺不回。上本固辭官爵。聖旨再三慰諭。不准辭。公子辭官把丹闕叩。朝廷下

溫旨強教拜將封侯。

朱泚叛逆。西平王李老爺舉薦公子文武全才。同去討賊立功。喜平大亂。

勳名與老爺一般。一舉成功平巨寇。卻等閒取着金印如斗。只爲父雲遊。對官

僚時時雙淚交流。老爺別後。不知蹤跡何處。衣食何來。老奴想起好苦。〔哭科〕

〔前腔〕還憂你身衣口食窮途那有想。只是託鉢生涯權搭救。你少甚金寶和那百味珍羞。何自苦凍雨淒風枉生受。又不見西方活佛佑。恨悠悠。這兩個平空掇賺何繇。料夫人終歲在菴中。也只是出于無奈。

〔轉林鶯〕他經年只將佛事究。家中萬樣俱丟。天涯盼斷無回首。也只得借經典解離愁。老爺也只虧這二位小娘子呵。他何嘗窺牖。菴堂只管焚香操帚。伴清幽和夫人晨夕。一樣學薰修。〔小外跪扯生衣哭〕老爺回去。

〔前腔〕芒鞋飄泊十載遊。行蹤走遍神州。儻神仙已煉丹砂就。好歸問人民城

郭何事尙淹留。若是未得偶。算來此事怕荒唐。唐悠謬。蚤回頭。田園未蕪。你儘可度春秋。〔生〕木輅。你老人家何苦如此。〔小外〕老爺何苦如此。

〔啄木鷲〕老奴苦一時。經倜傥。想當初沙場歷戰鬪。小可的生死須臾。博換得秉笏垂旒。如今早做了山林叟。看破衣百衲多埃垢。若知道這般的行藏。夫人悽楚幾時休。〔生〕老兒不必多言。快回去。〔小外〕老爺。

〔前腔〕尋難見見怎休。忍便與大恩人相分手。假饒是執性的不歸。老奴願死荒丘。怎生教我空回首。你這兩個僧道呵。把老爺爲甚明相誘。爲甚暗相鉤。教人罵詬。宿世有何讎。老爺家中也好修行。

〔金衣公子〕大宅與高樓。好修行住上頭。何須浪蕩向天涯走。如夫人在菴中修行。何等不清幽。百八在手。彌陀在口。晨昏功課惟經呪。勸雙修。在家居士。骨肉免離憂。〔生〕木輅。多多拜上夫人公子。這聖師分付我回來日子近了。你快回去。〔外〕你到家時。你

家夫人也有信了。快回去。〔小外〕如此卻好。求老爺數字回去。〔生〕既回。不必作字。〔小外〕如此沒

奈何。小人只得告回。〔拜辭科〕

〔前腔〕迢迢邊塞遊。滿黃雲白草秋。偶然道路能相邁。肝腸似抽。悲啼不收。幸蒙許約歸期候。莫遲留。一家顛望。心折大刀頭。

〔小外〕相逢頃刻又分離。

〔生〕爲報曇花會有期。

〔末外〕世上情緣難得斷。

〔衆〕一番離合數行啼。

### 第五十一齣 菩薩降凡

〔似娘兒〕〔旦貼小旦上旦〕一夢見神靈。夢中言歷歷分明。也應心與如來證。待

薰香沐體。侵晨入靖。翹勤拱候雲軒。好怪好怪。郭賈二姬。你道我爲何五鼓起來香湯沐浴。

昨夜三更時分。夢見本宅土地來對我說。三年前到我菴中說法的。不是尼僧。乃襄陽龐公之女靈

照菩薩。化身雲水尼僧。那回來的也不是我家老爺。那就是宅中土地。奉靈照的命。扮作老爺模樣。

來試你我的道心。他說靈照菩薩。今日午時要降臨我菴中。與我相見。教我夢中報我。須急沐浴焚

香。拱候幢幡寶蓋。此事稀奇。須索準備。郭賈二姬。你們也速去香湯沐浴一番。我入靜室焚香拂几

也。〔貼小旦諾下旦入室焚香拂几科〕

〔桂枝香〕臺懸蓮鏡。香焚寶鼎。經攤棐几塵消。花插軍持水淨。我心歡又驚。我心歡又驚。夢與神明相應。說有佛臨凡境。辦虔誠。可是西歸近。親勞幢蓋迎。

〔前腔〕〔貼小旦上〕家尊嚴命。驀然修省。玉肌澡豆重添。衣械薰香又整。信夫人念清。信夫人念清。眞個水澄珠映。了了分明夢境。謝神靈。報道如來降。相將入化城。〔貼小旦驚科〕夫人好怪事。靖室西角。忽起一道白光。閃閃爍爍。必有緣故了。〔旦〕你們覺得

麼。西北角又有異香聞來。〔小旦〕隱隱一派仙樂來近也。〔玉女從室西下科〕西方靈照菩薩降臨。快迎接。〔靈照上〕

〔神仗兒〕纔離寶所。纔離寶所。來遊東土。奉西方教主。超度閻浮善女。縹緲慈雲。廉纖法雨。親灌頂。灑醍醐。親灌頂。灑醍醐。〔旦貼小旦望西跪迎接科靈照菩薩侍金〕

童玉女幢蓋從室西下相見科照德案與二女子請起相見。〔旦貼小旦起就上安座菩薩就座禮佛科旦〕弟子色身垢穢。根器下凡。何幸蒙大士降臨。五體投地。不勝悲仰。〔貼〕善哉善哉。你早棄

繁華。棲心清淨。外緣不擾。內境常寧。眞靈根法器。你還記得三年前雲水尼僧麼。我也。〔旦〕弟子凡人肉眼。不識菩薩。死罪死罪。〔照〕你宿有道緣。今生行好。蓮臺注籍。淨土必生。二子亦得同生。品稍中下耳。我故來摩頂。汝可皈心起來。侍立說話。〔旦〕謝起侍立介。〔貼小旦〕二人賤品。不敢起。〔照〕一同起來。〔貼小旦〕謝起侍立照。〔德葵〕你良人雲遊幾載。可有音信麼。〔旦〕悲淚科。〔弟子〕良人雲遊十載。杳絕無音。存亡不審。〔照〕可惜你這一淚。遲你十年淨土。汝良人蹤跡。我悉見悉聞。往年西郊外來點化的沙門。是西天賓頭盧祖師。道士是蓬萊仙子山玄卿。你良人辭家出門。便遇此二師。備嘗艱辛。歷試皆過。二師挈之上遊天堂。下遊地府。東泛蓬萊。西觀佛國。諸境既歷。道念彌堅。此時已證道果。將返太原。與你相見。他年同往樂邦。你須預辦西資。努力精進。閻浮衆生。得婦人身者。最爲不幸。大抵宿染慾根。牽纏恩愛。體多不淨。更易妒嗔。以故女人成佛者少。你聽我教道你們一番。

〔粉蝶兒〕玉貌蛾眉。最苦是玉貌蛾眉。沾惹了宿生來那粉香油膩。愛穿着繡帶羅衣。髻盤龍。釵舞鳳。安排得臉紅眉翠。喬妝些俊俏丰姿。要人說那娘行嬌媚。



〔泣顏回〕諸事不須題。只在菱花鏡裏。新妝時樣。便待要描寫他的。那姬太美。尹夫人便雙眼低垂淚。愛單衫花映青郊。弄輕紈月滿秋闈。

〔上小樓〕準備着清曠巧倩使人癡。聽得說人隘若耶溪。又道是陽城意惑。下蔡魂迷。昭陽飛燕后。繡嶺太真妃。只這個嫋亭亭。只這個嫋亭亭。俊龐兒中了君王意。冷清清六宮六宮都閉。直恁妒心多。直恁妒心多。全不管人顛顛。又誰知光景不多時。

〔泣顏回〕芙蓉爲面柳爲眉。早紅輪滾滾。青鏡絲絲。暗消風韻。減香肌。鶴髮雞皮。幾人老醜。又有那綵雲易散。琉璃脆。被人罵香粉骷髏。端的是朱顏易委。〔黃龍滾犯〕苦懨懨。早帕蒙頭。苦懨懨。早帕蒙頭。慘悽悽。紅羅覆體。野茫茫。黃土烟沈。野茫茫。黃土烟沈。冷蕭蕭。白楊風起。那時節。誰念當初是美姿。你可不信。問路傍兒。狐兔走蘇小墳穿。狐兔走蘇小墳穿。鼯鼠穴。眞娘墓毀。

〔撲燈蛾犯〕總不如洗乾紅粉妝離香闥。脚踏清涼地。修夜課。佛火映琉璃。誦

晨經磬鐘兒聲細。禮如來玉毫光裏。照禪心皓月臨清池。擗藕絲。刳情破愛。方顯得蓮花。此日出污泥。

〔小樓犯〕消災障木樨子。灑淨水楊柳枝。只一味身坐團瓢。只一味身坐團瓢。心想西方。口念阿彌。再休題人在房櫳。再休題人在房櫳。裙染胭脂。香薰羅綺。這些時纔有個往生的消息。

〔疊字兒〕妙妙西方景美。細細金沙鋪地。層層的七寶欄。密密的雙行樹。閃閃巍巍。樓臺兒空際。隱隱見繡蓋華旗。隱隱見繡蓋華旗。裊裊聽仙樂參差。晃晃莊嚴花冠瓔珞。明明現如來大士擁伽黎。

〔尾聲〕愛河慾海深無底。一換容顏知是誰。我返西方專待你。〔下旦貼小旦望西拜送科旦〕好也。大士良言。千萬年做女人的寶訓。我和你兩人朝夕書紳。今日既得見佛。又得了老爺消息。可喜可喜。你們快去報與我孩兒知道者。

〔旦〕丹霞縹緲見金幢。

〔貼小旦〕去後猶留滿室香。

〔旦〕口吐醍醐來灌頂。

〔合〕爭教心地不清涼。

### 第五十三齣 西來悟道

〔生〕祖師辦撩牙。跳下獅子座。嚼得舌頭酸。虛空嚼不破。〔外暗上〕將生肩後打一掌。這回嚼破虛空了。〔生大驚笑呵呵〕阿也是了是了。吓原來只是這等。夜來卻被風吹去。只在蘆花淺水邊。原來只是這等。師父。你爲何哄我走這許多路。〔外〕你走過的路在那裏。〔生又笑〕多謝師父了。〔外〕你十年來那一日不說多謝師父。只不會有個了字。〔生又笑末上〕夜眠清早起。更有不眠人。你兩個在這裏弄快刀子的手段。怎麼出的我。〔外〕知道你兩個是獼猴跳出圈兒。你只爭先跳出一歩。〔二人〕大家笑科丑小丑上丑。遊戲失神通。如今轉老實。〔小丑〕消丸丸不消。卻是消丸日。〔二人見外科與二師相見科〕師父稽首。〔丑〕向日蒙師父點化。遊戲神通走了。〔小丑〕向日蒙師父點化。莫說鐵丸。蠟丸兒也消不得了。〔外〕好好。霜降水涸。木落歸根。〔丑小丑〕我兩弟子求師父改個名字。〔外〕遊戲神改名三味道人。綽消丸改名廣長道人。你兩個來得好。木西來道成。數應歸故鄉。相會曇花。就差你兩人到他家去報信。〔二人〕諾領法旨並下生。弟子也要師父改個名字。〔外〕自

無始以來。那個是你的名字。人有個真名。都是假。赤灑灑原是本來。圓陀陀豈有名字。今生做木清泰。就認做清泰是我。清泰以前。不知經了多少清泰。定興而後。還存多少定興。只是一個清泰。經歷了千百億個清泰。千百億個定興。只是一個定興。可憐改頭換面。前後各不相知。及至相知。原來只是一個。當其不了。千百億無有窮時。及至了時。一個也不可得。譬如舟在大海。不知經了多少風浪。及至到岸。風浪一時都息。又如人在長途。不知經了多少郵傳。及至到家。郵傳一個也無。我當初曾問木公清泰。以前是誰。公答應不知。既只是你。何故不知。既云不知。何只是你。知者名悟。不知者名迷。誰令公迷。只是迷其所悟。誰令公悟。只是悟卻所迷。此處應須尋究。究去不知。知者現在。〔未笑〕老和尚葛藤了也。〔外笑〕問說。假饒透脫時。八十一卷華嚴。只是一句。假饒不透脫時。單提半偈。纏不了的葛藤。貧僧要從葛藤裏打筋斗出來哩。〔生〕只許州官放火。不許百姓點燈。〔外〕他也莫點燈。我也莫放火。誰想林檎花。結個頻婆果。

〔泣顏回〕〔生〕拍手笑嘻嘻。卻原來只恁般的。珠藏衣裏。怎教咱踏遍天涯。都無甚奇。把虛空嚼破全沒味。又何須向外馳。求得將來只自家的。

〔前腔〕〔外〕休將黃葉止他啼。真金到手暴富窮兒。波消爲水。這纔是煩惱菩提。紅輪乍推。照千山六合開昏翳。忽然間打破疑團。這番來永脫輪迴。

〔前腔〕〔末〕蓬萊回首隔雲泥。拋他世寶換得摩尼。無生無滅。又何論壽與天齊。將蔬作韭。轉關兒唾手真容易。再休提鸞鶴東行。且同他龍象西歸。

〔古輪臺〕〔衆〕霧消時。瑤天如洗映玻璃。寶王刹現毫端裏。山河大地。湛定水心珠。世界法身無際。石洞曹溪。德山臨濟。這棒喝一筆不須提。悟時聞喜。把文殊獅子輕揮。風柯月樹。黃花翠竹。青山綠水。種種露禪機。賓頭不語。度金針再難拈起。

〔前腔〕虛脾。剗卻天界泥犁。還抹撥佛國仙都。纔明真諦。屢劫沈迷。今日顯風光本地。從此撒手懸崖。一絲不繫。饒他業火三災土爲灰。靈明不毀。受風霜徹骨寒威。鐵鞋踏破。羅浮一夜。梅香撲鼻。再拜謝明師。覺路金繩指。大千日月遍浮黎。

〔餘文〕尋消息。走路岐。比得來工夫不費。此是真歇門中了手時。〔生〕稟告大師。弟子赴曇花之會。還當如何行徑。弟子意欲仍只扮做凡夫。毀光混俗。免駭世人。〔外〕弟子不然。你棄了王爵。雲遊訪道。那個不知。那個不笑。今日成道。須當寶璐香衣。金幢繡蓋。明白與世人做個榜樣。勸化凡情。及早回首。豈可暗地朦朧。轉生疑謗。〔生〕謹依大師嚴命。還求二位尊師一同弟子到寒家。照臨凡界。勸化世人。〔外末〕我二人原要同行。靈照菩薩業已奉如來法勅。降臨你家。我二人禮應在彼迎候。〔生〕如此甚好。弟子幸遇聖師。一門同證。只兒子尙纏婚宦。不得超昇。如之奈何。〔外〕你今日豈尙不知。令郎根器不凡。將來亦必入道。今日且立功報主。先盡人倫耳。〔生〕多謝大師指教。〔下〕

### 第五十四齣 還鄉報信

〔少年遊〕〔旦上〕風來雲去。鳥啼花落。妙旨印禪心。〔小生小貼〕沈水香清。博山烟裊。〔貼小旦〕慧日照檀林。〔旦〕孩兒媳婦。倩香凌波。昨日菩薩降臨。說老爺消息甚的。今日看開下曇花。爛熳盛開。老爺成道無疑了。只不知何年得一相見。〔小旦笑〕還是夫人高見。誰想年前回



來的卻不是真老爺。彼時夫人若留了他。怎麼好。〔旦〕婢子胡說。〔三昧廣長上〕悉達證如來。耶須生。叨利。借問羅睺羅。曇花開也未。〔相見科〕稟上夫人公子。圓照大師已成大道。奉菩薩法旨。歸看曇花。先差貧道二人報知。須整備香花法座。迎接幡幢。明日辰時。大師到也。〔並下旦〕原來如此。可喜可喜。靈照菩薩之靈不虛矣。孩兒快收拾前堂。擺香案伺候。〔小生〕理會得。〔小外上〕踏破鐵鞋無覓處。得來全不費工夫。老奴回來了。行到榆關。偶然得遇老爺。修行無恙。報說目下就回來了。〔旦〕生受你這裏也有信也。〔小外〕元來如此。可喜可喜。

〔急板令〕念良人長懷道心。棄妻子從師遠尋。淒涼到今。淒涼到今。一逐浮蹤。十載無音。忽報仙姿。再返雲林。〔合〕明日裏幢蓋來臨。開法界聽潮音。

〔前腔〕〔小生〕訪庭幃山長水深。無覓處他鄉淚淋。天憐苦忱。天憐苦忱。鶴使雲中。遠送歸音。已頂霞冠。永脫朝簪。〔合前〕

〔前腔〕〔小貼〕歎高堂棲遲遠岑。盼晨昏憐予藁砧。啼痕滿襟。啼痕滿襟。書報華陽。劍返津鐔。無恙家門。松竹陰森。〔合前〕

〔前腔〕〔貼小旦〕閉妝臺塵蒙素琴。守空房香銷冷侵。白頭罷吟。白頭罷吟。靈骨初成。道行堪欽。已際爲漕。誰度金針。〔合前〕

〔前腔〕〔小外〕拚殘軀迢迢遠尋。幸邊關相逢痛心。牽衣捉襟。牽衣捉襟。親囑歸來。指日園林。不道家中。已有佳音。〔合前旦〕分付一家人。都要香湯沐浴。迎候西方聖人。

〔衆〕謹依嚴命。

〔旦〕十載雲遊世念輕。

〔小生〕暫歸只恐又西行。

〔小貼〕也知法眷非凡眷。

〔貼小旦〕不說離情說道情。

### 第五十五齣 法眷聚會

〔滿江紅〕〔生〕緋袍卓冠。幢蓋上。覺路界金繩。仙樂引珠幢寶珞。喜水痕霜降。天根木落。〔外末〕金爛袈裟上。佛印換他金印貴。雲臺豈似香臺樂。〔合〕歎英雄大夢幾千場。今方覺。〔生〕選佛場中及第還。時人莫問鐵鞋穿。〔外末〕此歸不比遼陽鶴。〔生〕屈指離家。

只十年。二位大師。已到寒家門首。家人想必出來迎候。〔旦小生小貼貼小旦並衣冠上〕

〔遠地遊〕〔同唱〕經函香閣。繡戶開金鑰。掃華堂盡裏瓊箔。座設沈檀。香焚雜  
馨。候西方金仙大覺。〔相見科旦〕弟子拜見二位大師。良人累劫修持。稍培種智。英雄面目。未悟  
本來。蒙大師不憚寶筏。使良人遂度玄津。浩劫可灰。佛恩難報。〔拜謝科小生〕弟子拜見二位大師。  
家尊偶來夢境。幸遇大德指迷。西返舊鄉。實賴明師指路。五體投地。闔室知恩。〔小貼貼小旦拜見  
科旦與生同拜見旦〕相公單身逆旅。千重芒屨雲山。妾亦獨守禪房。十載琉璃夜火。辭家而出門。  
常想牽衣之別。道成而還里。何啻畫錦之榮。可賀可賀。〔生〕夫人道心玉瑩。將來必證真空。闡德冰  
清。且亦有功名教。難得難得。〔小生小貼拜見科〕大人雲遊遠去。久缺甘旨之歡。證道歸來。止享伊  
蒲之供。抱愧無地。不孝通天。〔生〕兒子尋親靖難。忠孝兩全。媳婦理家奉姑。婦道不缺。可喜可喜。  
〔貼小旦拜見科〕老爺遠遊良苦。夫人亦厲志薰修。菴主朝夕翹勤。二妾亦幸供灑掃。一門證道。萬  
古希聞。〔生〕本勅汝圖伉儷于青年。乃亦能收身心于淨業。良亦可嘉。〔左右上報〕稟老爺夫人。西  
平王李爺齋聖旨到。〔小生〕快排香案迎接。〔西平宣詔科外〕木清泰曾爲朝廷大臣。今雖成道出  
世。不可失人臣之禮。〔衆跪介外末下西平宣〕奉天承運皇帝詔曰。鳩摩辭國。大闡玄宗。龐蘊修真。

闔門同證。朕欽挹其人久矣。茲爾故太師定興王木清泰百戰勤王。策奇勳于靖亂。一朝回首。銷壯氣于枯禪。辭榮學道。玄風大播八埏。見性明心。證品已高四果。冥冥中希有。物外高標。其妻衛氏。雅志雙修。既不愧龐家之婦。塊形孤處。又不忝侃母之賢。女範可師。道果應證。二妾郭氏賈氏。矢志靡嫁。已不忝於良人。持戒無虧。亦增光於法席。清泰子定興侯龍駒。萬里尋親。恭勤子職。孤軍討賊。克紹父勳。其妻房氏。理家戢衆。門戶肅雍。相夫奉姑。婦道無缺。清淨咸皈三寶。賢孝萃于一門。朕甚嘉之。木公清泰可賜號妙湛至德圓照大師如故。衛氏賜號妙湛至德圓照夫人。郭氏賈氏賜紫綃道衣各一襲。龍駒討平朱泚。克復神京。樹茲懋勳。式光先烈。可進爵襲封定興王太師中書令。其妻房氏封定興王夫人。圓照師仍着有司以禮送入大內。朕將一叩其玄宗。助我弘化。師幸惡臨道駕。以副朕拳拳欽挹至意。謝恩。〔衆謝恩西平與衆相見畢辭回靈照幡幢上〕西方彌陀如來有旨。敕弟子賓頭盧。新度弟子木清泰。忠勇樹勳。精堅求道。解衣救難。六度始于檀波。歷境遭魔。百折不迷本性。行解相應。福慧雙圓。衛氏閉戶焚修。婦儀既已清肅。齋心持戒。佛事又自莊嚴。郭氏賈氏靖室同棲。心地能離塵垢。戒行無玷靈根。漸長道芽。山玄卿夙隸仙籍。玄風久超。近入禪宗。慧心頓朗。並佛

門之上足。大道之津梁。各證道果。永脫輪迴。其益務弘。慈度人。精進寶所。賓頭盧遍歷諸趣。拯拔頗多。許超上果。頓入圓信。敕西天護法善神。香花幢蓋。迎歸淨土。衛氏以良人之故。一動悲心。愛河未斷。着住疑城十年。方許西歸。故敕〔衆叩頭科〕南無阿彌陀佛。〔靈照與衆相見外〕我們同到曇花閣前一看。〔外〕原來手插曇花。無根茂盛。奇花燦爛。不減西方。可喜可喜。〔生〕弟子博地凡夫。沈迷宦海。若非二師點化。菩薩鉗錘。焉能證悟。萬劫知恩。〔旦〕弟子閨中愚質。索居無聞。幸蒙靈照大師指導。得有今日。〔衆同拜謝三師科〕

〔山花子〕〔生〕當初撒手辭卿相。長途飽歷冰霜。感吾師西陳樂邦。悟還本地風光。〔合〕喜歸來曇花正芳。滿堂賢聖揚。寶幢盈空。天樂和異香。永斷輪迴。劫外徜徉。

〔前腔〕〔外〕勳名磊落雲臺上。回頭瞥悟無常。試羣魔精金鍊剛。一朝遂現靈光。〔合前〕

〔前腔〕〔靈照〕蓮花一室依方丈。六時禮佛焚香。說多羅初開講堂。西歸早辦

資糧〔合前〕

〔前腔〕〔末〕神丹久餌蓬萊長。東華忽轉西方。悟無生長依覺王。何如不死仙鄉。〔合前〕

〔前腔〕〔旦〕良人遠別成悽愴。翻然遂掃雲房。謝龐師把珉函闡揚。一悲十載他鄉。〔合前〕

〔前腔〕〔貼小旦〕生身粉黛多魔障。相倚阿母禪牀。對蒲團蓮花漏長。明燈幸借餘光。〔合前〕

〔前腔〕〔小生小貼〕一門並去遊華藏。羞予紫誥金章。奈蹉跎紅塵路旁。何當一指津梁。〔合前〕

〔大和佛〕〔衆〕丹鳳銜書下建章。龍象有輝光。宣揚玄化。天語讚西方。九品發蓮香。依稀繡閣交珠網。又見玉毫金口佛語布洋洋。開普度慈門甘露空中降。並許着香花幢蓋。長侍如來寶座旁。〔小外上〕木鐸稟知祖師老爺。鄉里父老男女。聞老爺



得道同祖師歸會曇花。嘆羨感悟。俱各回頭。持齋奉戒。求見佛爺。〔外〕分付衆人。回家努力精進。相見有日。〔小外分付科內應科〕

〔錦衣香〕〔衆〕照下方。尼珠朗。駕葦航。超風浪。法雨均沾。玄風遐暢。醍醐一灑。盡清涼。雪山肥膩香滿期場。感明師導引。產金沙蓮花十丈。演樹林同水鳥佛音嘹亮。十萬由旬剎那來往。〔小外〕稟知祖師老爺。法音廣布。大衆一時回頭。漁獵戶折了釣竿。碎了網罟。屠沽戶撇了屠刀。壞了酒器。種種迷人。俱各省悟。持齋奉戒。求見佛爺。〔外〕分付衆人。回家努力精進。相見有日。〔小外分付科內應科〕

〔漿水令〕〔衆唱〕吹大螺。法音流廣。擊大鼓。六合飄揚。闍浮從此悟無常。吸呼之間。地府天堂。斷迷習。消塵障。彌陀本性原無恙。看二聖。看三聖。金容瑞相。親接引。親接引。徑往西方。

〔尾聲〕往西方。只片餉。永脫死生流浪。萬古英雄作話揚。

〔衆〕對境逢場□幾迴。

□□便向此中栽。

兔毫不弄閒風月。

龍藏曾參大辨才。

豔曲如今□□曲。

歌臺回首是香臺。

從來遊戲□三昧。

舌底蓮花瓣瓣開。

曇花記終

白

兔



目錄

- |      |    |
|------|----|
| 第一齣  | 開宗 |
| 第二齣  | 訪友 |
| 第三齣  | 報社 |
| 第四齣  | 祭賽 |
| 第五齣  | 留莊 |
| 第六齣  | 牧牛 |
| 第七齣  | 成婚 |
| 第八齣  | 遊春 |
| 第九齣  | 保釀 |
| 第十齣  | 逼書 |
| 第十一齣 | 說計 |



第十二齣 看瓜 分別

第十三齣 途嘆

第十四齣 投軍

第十五齣 強逼

第十六齣 巡更

第十七齣 拷問

第十八齣 挨磨

第十九齣 分娩

第二十齣 岳贅

第二十一齣 送子

第二十二齣 求乳

第二十三齣 見兒

第二十四齣 寇反

第二十五齣 討賊

第二十六齣 凱回

第二十七齣 汲水

第二十八齣 受封

第二十九齣 □ □

第三十齣 訴獵

第三十一齣 私會

第三十二齣 團圓

白兔記 目錄

四一開明書店

# 白兔記

明無名氏箸

## 第一齣 開宗

〔滿庭芳〕〔末上〕五代殘唐。漢劉知遠。生時紫霧紅光。李家莊上。招贅做東牀。二舅不容完聚。生巧計拆散鴛行。三娘受苦。產下咬臍郎。知遠投軍。卒發跡到邊疆。得遇繡英岳氏。願配與鸞凰。一十六歲。咬臍生長。因出獵識認親娘。知遠加官進職。九州安撫。衣錦還鄉。

## 第二齣 訪友

〔絳都春引〕〔生上〕年乖運蹇。枉有沖天氣宇。最苦堂堂七尺軀。受無限嗟吁。似餓虎巖前睡也。困龍失卻明珠。結交須結英與豪。莫結區區兒女曹。正所謂也。自家姓劉。名暉。字智遠。本貫徐州沛縣沙陀村人氏。自幼父親早喪。隨母改嫁。把繼父撥天家業。盡皆花費。被繼父逐出在外。日間在賭坊中搜求貫百。夜宿馬鳴王廟安身。這苦怨天不得。恨自己難言。正是時

運苦淹留。何須去強求。百花逢驟雨。萬木怕深秋。怒氣推山岳。英雄貫斗牛。一朝時運至。談笑覓封侯。那堪正值隆冬天氣。積雪堆瓊。江上漁翁。兩兩披簑拽棹。人間過客。個個失路迷蹤。你看好大雪。

〔絳都春〕彤雲佈密。見四野盡是銀妝玉砌。迸玉篩珠。迸玉篩珠。只見柳絮梨花在空中舞。長安酒價增高貴。見漁父披簑歸去。〔合〕鼻中但聞得梅花香。要見並沒覓處。

〔前腔〕〔小生上〕堪觀。青山頓老。見過往行人失路迷蹤。下幕垂簾。下幕垂簾。酌酒羊羔歌白苧。紅爐獸炭人完聚。怎知道街頭貧苦。〔合前〕晚來風雪滿乾坤。四野人家盡掩門。暗想劉兄在何處。許多心事向誰論。正是相識滿天下。知心能幾人。自家當初結義十個弟兄。各自投東往西去了。止剩弟兄三人。大哥劉智遠。二哥郭彥威。自家史弘肇。大哥流落天街。我已懷揣百貫。不免尋訪他。買三杯五盞。與他敵寒。有何不可。呀。遠觀不審。近覷分明。有個漢子。呆立。在彼。上前看來。〔見介生〕兄弟何來。〔小生〕小弟見天氣寒冷。特來尋兄。欲買三杯五盞。與兄敵寒。

〔生〕兄弟。我好恨也。〔小生〕敢是恨小弟來遲。〔生〕那個恨你。

〔皂羅袍〕自恨一身無奈。論奔波勞役。受盡迍災。通文會武兩尷尬。目今怎得將來買。〔合〕朝無依倚。怎生佈擺。夜無衾蓋。怎生擺劃。日長夜永愁無奈。

〔前腔〕〔小生〕勸你寬心寧耐。論韓信乞食。漂母堪哀。忽朝一日運逢秦。男兒

志氣終須在。〔合〕那時腰金衣紫。日轉九階。一朝榮貴。名揚四海。那時節駟馬

高車載。哥哥。小弟見天氣嚴寒。懷揣貫百。欲買三杯五盞。與兄煖寒。但哥哥能飲。小弟頗酌。買酒喫

不醉。買飯喫不飽。哥哥且到寒家去。有濁醪與哥哥盡醉方歸。〔生〕如此多謝。只一件。多時不到宅

上。恐怕嫂嫂見外。不當穩便。〔小生〕哥哥說那裏話。〔生〕如此多感。〔小生〕穿長街。過短巷。這裏便

是。哥哥少待。等我叫出拙妻出來。〔叫介丑上〕隔腦隔腦。〔小生〕混堂裏洗澡。這不是隔腦。快來快

來。〔丑〕來了來了。

〔十棒鼓〕奴奴生得如花貌。言語又波俏。丈夫叫做廿一郎。奴奴喚做三七嫂。

方纔房中補衣補襖。〔小生〕大嫂快來。〔丑〕忽聽老公叫。慌忙便來到。那個一個兩個。

三四五六七八九十來個。〔小生〕眼見虛花了。〔丑〕蜜蜂見我臉上花斑斑的。在我臉上採花。〔小



〔生〕那些個賽過西施。〔丑〕那個在此。〔小生〕是汝劉伯伯。〔丑〕今日也劉伯伯。明日也劉伯伯。怎麼不見劉老娘。〔小生〕淺水攤頭。彀下一個坐婆來。這不是劉老娘。〔丑〕來得快。我要一個老娘劉。〔小生〕韓信乞食于漂母。這不是老娘劉。〔丑〕我如今又要一個老娘劉不劉。〔小生〕哎。渾不過三。哥哥且請坐。〔丑〕劉伯伯。多時不見。喫得這般臉兒紅丟丟的。好像個老猴孫屁股。〔小生〕不要取笑。〔丑〕不囉。我說劉伯伯指日封侯。〔小生〕且住。前日做下的濁醪有麼。〔丑〕甚麼叫做濁醪。〔小生〕清酒叫香醪。白酒叫濁醪。〔丑〕原來如此。只是天寒如此大風大雪。我請東村頭張媽媽。西村頭李媽媽。他一鍾。我一鍾。盡數都喫沒了。〔小生〕咳。怎麼好。我請劉伯伯到家。你與我妝個面皮纔好。〔丑〕不然。我前日洗裹脚。剩得些乾麵在此。我打些合鍋素麵喫後。飲酒如何。〔小生〕如此甚好。你快打來。〔丑下小生〕哥哥請坐了。〔丑上〕麵在此。

〔梧葉兒〕〔生〕智遠多蒙恩顧。感蒙愛憐。得魚後怎忘筌。待等春雷動。管取來報賢。〔合〕這嚴寒喫一碗合鍋素麵。

〔前腔〕〔小生〕一碗家常飯。何須苦掛牽。略且止饑寒。有日春雷動。管取朝帝

輦〔合前〕

〔前腔〕〔丑〕寧可添一斗。怎禁一口添。全不管家筵。每日要柴和米。醬醋油共鹽。〔合前〕

〔生〕相識如同親眷。

〔小生〕朝朝每日厮見。

〔丑〕劉伯少坐片時。

喫一碗合鍋素麵。

### 第三齣 報社

〔三台令〕〔外上〕歌聲百里喧傳。喜膝下兒孫滿前。晚景樂豐年。燕明香答謝蒼天。自樂村莊得自由。地爐煨芋度春秋。但願子孫榮秀日。何須談笑覓封侯。老夫李文奎。世居沙陀村住居。祖遺下田產。春種秋收。雖無千鍾之粟。頗有桑麻之樂。自家所生子女三人。長子洪一次子洪信。次女三娘。且喜一門和氣。外無牽掛。今日這般天氣。瑞雪飄飄。梅花綻蕊。正宜賞斝。院子請太婆。叫春兒請三娘。一同出來賞斝。

〔前腔〕〔老旦上〕桑麻粗守田園。喜膝下兒孫滿前。〔旦上〕竹籬茅舍。前村雪裏。

問道野梅開未。〔丑上〕待春兒折取一枝。惟有暗香撲鼻。〔相見介外〕你看幾樹老寒

梅。冷淡不嫌溪畔靜。精神偏向雪中開。〔老旦〕飛雪徘徊。頃刻妝成銀世界。須臾變作玉樓臺。〔旦〕

月色更奇哉。惟有暗香來。〔外〕今日天寒大雪。梅花正開。請你同女孩兒出來。一同賞翫。〔老旦〕孩

兒將酒過來。〔旦〕酒在此。

〔鶯啼序〕〔外〕隨車縞帶逐亂飛。攪銀海生輝。覩前村草舍茅簷。盡是玉筍低

垂。賀來年時豐歲稔。喜今歲先呈祥瑞。〔合〕雪晴時。梅梢上淡月三。白總相宜。

〔前腔〕〔老旦〕馮夷特地助威。掃雲散天霽。向雲衢推出銀蟾。萬里光瑩如洗。

姑射與嫦娥鬪美。問梅道那些個爲最。〔合前〕

〔前腔〕〔旦〕詩人先自品題。勝玉骨冰肌。雪光映月色交輝。一點暗香撲鼻。月

照梅在奴紗牕上弄影。向雪裏精神越美。〔合前〕

〔前腔〕〔丑〕撒鹽未是比宜。不若柳絮風吹。看長空素魄團圓。並無一點塵翳。

看梅花香清韻美。比三姐嬌容無二。〔合前淨領衆上〕

〔入賺〕特來咨啓。馬鳴王顯聖多靈異。照舊規。今冬社主伊家裏。〔外〕莫躊躇。非干老漢相推避。只爲農事冗。不來報我應失計。〔老旦〕自當留意。可辦下福

禮三牲。銀瓶注酒斟醪醴。〔旦〕花數枝。年年獻上香和紙。小心傳示。小心傳示。

〔衆〕老員外拜揖。今年社主是老員外爲頭。特來報知。〔外〕咳。果然是我。你們不來報知。我幾乎忘記了。今年社會可勝似上年麼。〔淨〕今年齊整。跳鬼判的。踹躑的。做百戲的。不能盡述。我們演與太公看。

〔插花二台令〕〔衆舞〕打和鼓喬妝三教。舞獅豹間着大旗。小二哥敲鑼擊鼓。使牛兒簫笛亂吹。浪猪娘先呈百戲。駟馬勒妝神跳鬼。牛筋引鼠哥一隊。忙行走竹馬似飛。〔舞下外老旦旦〕

〔尾聲〕答還心願皆如意。果然是人歡神喜。祭賽鳴王。平安過四時。

〔外〕福禮三牲要志誠。

〔老旦〕祭賽鳴王果是靈。

〔旦〕凡事勸人休碌碌。

〔衆〕舉頭三尺有神明。

## 第四齣 祭賽

〔淨扮道士上〕官清公吏瘦。神靈廟祝肥。鄉閭來朝賀。社戶保災非。自家馬鳴王廟中提典是也。今年會首。卻是前村李大公承賽。昨日已去報知。今日擺下香案。待我請神則個。〔念介〕奉請東方五千五百五十五個大金剛。都是銅頭銅腦銅牙銅齒銅將軍。都到廟裏喫福雞嚼福雞。天尊。〔內介〕道人。不見下降。自古東方不養。西方養奉。請西方五千五百五十五個大金剛。都是鐵頭鐵腦鐵牙鐵齒鐵將軍。都到廟裏喫福雞嚼福雞。天尊。〔內介〕爲何又不來。道人。我家養家神道在那裏。〔內介〕請他出來。〔馬鳴王鬼判上介〕神道自古敬如父母。使如奴僕。今年會首。乃前村李文奎。他家極志誠。若還討筊。要聖筊便是聖筊。不可三疑四惑。若是不聽我說。我教你不要慌。暫辭神道去。迎取會首來。〔生上〕

〔金焦葉〕奈何奈何。恨蒼天把人耽誤。自恨時乖運苦。怎禁這般挫折。朦朧暗啞。家豪富。智慧聰明卻受貧。年月日時該分定。算來由命不由人。我劉智遠身上無衣。口中無食。受這般狼狽。風雪又大。無處趕趁。不免到馬鳴王廟中去躲避則個。

〔一江風〕凍雲垂。凜凜朔風起。刮體難存濟。自思之枉有一旦英雄。到此成何濟。身寒肚又饑。身寒肚又饑。愁煩訴與誰。空教我滴盡英雄淚。此間已是廟前。進得門來。你看東廊下風又大。西廊下雪又緊。且往正殿上去。呀。且喜大開在此。不免把平昔心事。訴與鳴王知道。

〔前腔〕告神祇。神聖聽咨啓。可憐三日無糧米。淚偷垂。只得撮土爲香。拜告天和地。神聖。別人賭錢。十賭九贏。偏我智遠呵。蒲牌買快時。蒲牌買快時。十番九遍輸。望神聖與我空中庇。呀。你看旌旛隊。鼓樂喧天。想是賽會的來了。不免躲在供桌底下。取些福禮充飢。有何不可。正是一日不識羞。三日不忍餓。〔躲介外老旦上〕

〔疎影急〕祥光影裏。見宮殿盡是金裝玉砌。〔旦〕寶閣珠樓。瑠璃鴛瓦。侵雲起。〔末丑〕金釘朱戶。光耀日。兩廊下塑猙獰小鬼。〔合〕巧裝成神像。多靈異。威嚴相貌世間無比。〔外〕阿婆。你看好一座殿宇。前面山如岳岱。後邊水繞連天。香烟不絕噴龍涎。願

保人問康健。〔老旦〕只見耀日山門華麗。兩廊畫壁神仙。〔旦〕御書牌額字新鮮。勅賜鳴王寶殿。



〔外〕果是好一座殿宇。叫當直的請廟官出來。

〔小引〕〔淨上〕廟官來。廟官來。打點香爐蠟燭臺。但辦志誠心。何勞神不靈。但

辦志誠意。何勞神不至。〔末〕我員外在這裏。上前相見。〔淨〕老員外稽首。〔外〕廟官少禮。〔末〕

見了大婆。〔淨〕三錢一隻。〔末〕怎的說。〔淨〕大鵝。〔末〕不是。是大婆。〔淨〕噯。大婆稽首。〔末〕見了三

娘。〔淨〕五錢一隻。〔末〕怎的說。〔淨〕你說是山羊。〔末〕不是。是三小娘。〔淨〕噯。就是前年在此燒香。

扒在欄干上。幾乎跌在水裏去的。至如今這等長成了。稽首。〔丑〕還有我在此。〔淨〕叫道。人快把十

王殿門關了。〔丑〕怎麼說。〔淨〕我見你這鬼婆婆都走出來了。〔丑〕啐。你這醜鬼。〔淨〕我倒是個妙

人。〔外〕休得胡說。快請神道。〔淨通誠介〕水也。水也。井水三擔。河水三擔。〔末〕減省些。〔淨〕減省兩

擔半。〔外〕院子過來。一是誤。二是故。這廟官不致誠。請張廟官出來。〔末〕照前與淨說介。淨實不相

瞞。早上喫幾杯早酒。一時唐突太公。自今以後。誠誠致致。致致誠誠。停一會香金錢與老哥兩個八

刀。〔末〕那個要你的。菓兒與我幾個便了。〔淨〕菓子小事。〔末〕照前與外說介。外這也罷。只要志誠

便了。〔淨〕指末介。老員外。此是何人。〔外〕是我掌家的。〔淨〕何爲掌家。〔外〕我諸事都託他。〔淨〕不

好了。托人托了鬼了。〔外〕怎麼說。〔淨〕方纔香金錢他要分我一半。〔末〕那個要你的。〔淨〕我若不說。不見你的好情。〔末〕休得取笑。〔淨又通誠介〕上八定。下八定。中八定。三八二十四定。檀子歪邪。扛得端正。香烟蓬蓬。神道空中。香烟馥鬱。大王喫肉。雞兒雖小。蒲燈底下。好塊大肉。奉請馬大王細嚼細嚼。慢吞慢吞。骨頭留與廟祝。請祭主來上坑。〔末收科介〕

〔花滾〕〔外〕然起道德香。然起道德香。超三界爐烟細。鬼閣鬼樓殿。通情旨。弟子家住沙陀村裏。〔合〕同家眷男女。到來瞻禮。

〔前腔〕〔老旦〕舉眼望瑤池。舉眼望瑤池。早以知慚愧。見臘雪呈祥。預報豐年瑞。並無旱涸蟲蝗。麥生雙穗。〔合前〕

〔前腔〕〔旦〕三娘本嬌媚。三娘本嬌媚。父母多年紀。生長村莊勤紡績。攻針指。願降慈祥。父母雙全喜。〔合前生儉雞介衆驚介外〕神道靈異。把我祭物。金龍爪去了。〔末〕這方見太公來得志誠。〔淨混介〕

〔前腔〕三牲不見來。三牲不見來。几案上空空的。酒菓又全無。又沒些香和紙。

馬鳴王粗眉毛大眼睛。落腮鬚。有些不歡喜。〔外〕你們休得胡言語。〔合前淨〕請

女眷後殿焚香。請老員外散福。〔外〕還早年規討筊後方纔散福。

〔老旦〕神道親臨下降。

〔旦〕願得消除災障。

〔淨〕爲香金錢還得志誠。

三拋都是上上。

〔老旦旦丑俱下淨〕請老員外通誠。〔外通誠介淨打筊介〕好筊好筊。三聖連迎筊。災殃疾病消。再停三五載。平步上青霄。目下有個貴星。落在莊上來。老員外請後殿散福。〔淨扯末介〕一隻福雞。休拿了去。大家分一分也好。〔末〕我怎麼拿汝的福雞。〔外〕放手麼。我家當直。怎扯住了他。〔淨〕小道念得口乾舌燥。便只這個福雞。被他拿了我的。〔外〕噯。不是你。方纔不曾見來。我拜下去時。只見滿殿紅光。神帳裏現出五爪金龍。把福雞爪去了。〔淨〕我家神道是泥塑木雕。那得五爪金龍。〔外〕自家不敬神。安得神人敬。你既不信。明日賠你一隻罷了。〔外末下淨〕你這神道。一隻雞也管不得。怎麼管一方一境。還不進去。〔神道下淨〕且住。這樣悔氣。待我叫喊一叫。〔喊介〕一隻福雞兒。落在誰家。若不還我。要罵的。〔內介淨〕啐。我是不知死活的呀。在那裏喫響。〔取桌見生介〕呀。到你偷了

我福雞兒打這蠻子。〔相打介外上〕且住。不要打。怎麼這等。〔淨〕是他偷我福雞。〔外〕這是我遠方來的姪兒。我陪你一隻雞罷。〔淨〕常在我廟中打攪。得放手時且放手。得饒人處且饒人。〔下〕

〔好姐姐〕〔外〕看你堂堂貌美。因甚的不謀生理。家居那里。姓名還是誰。聽吾語。你肯務農耕田地。帶你歸家作道理。

〔前腔〕〔生〕祖居在沙陀村裏。字智遠。劉家嫡子。雙親早亡。此身無所倚。蒙週濟。若得太公收留取。結草啣環當報你。

〔外〕堂堂七尺貌英雄。

〔生〕自恨時乖運未通。

〔外〕今日得吾提掇起。

免教人在污泥中。

### 第五齣 留莊

〔七娘子〕〔老旦上〕孩兒美貌體天然。似洛浦神仙。桂萼芳年。〔旦〕凜烈寒風垂幕。喜得晴明天氣。〔老旦〕孩兒。你父親在廟中賽願。這時候不見回來。我和你在莊前莊後觀看。

一番則個。莊前莊後牧牛羊。村北村南稻滿場。〔旦〕家有餘糧雞犬飽。戶無徭役子孫康。好個村景。

〔老旦〕

〔尾犯序〕村落少人烟。見橫塘水暖。宿鷺如拳。喜野梅開遍。時有香傳。消遣。飲香醪。時煨芋栗。採山花斜插鬢邊。〔合〕茅簷下。見矐矐父老。歡笑舞晴暄。

〔前腔〕〔旦〕家筵聊自遣。喜莊農自種。百畝良田。數十個人家。相聞雞犬。聲遠。聽搖船漁歌唱晚。見牧童騎犢困眠。〔合前〕

〔前腔〕〔老旦〕今朝天色漸嚴寒。霜凝萬瓦。冰筋掛在簷前。更有喜鵲聲聲。在枝上喧傳。欣然料必是特來報喜。願子母歡諧老年。〔合前〕

〔前腔〕〔旦〕亭前修竹兩三竿。清閒度日。宜暑宜寒。野蕪山肴。足可飢餐。心閒。紙糊簾竹鈎半捲。飲村酒三盃自遣。〔合前外同生上〕

〔入賺〕〔外〕才貌兼全。見你身狼狽又飢寒。太婆是我領歸來。好生與我行方便。〔老旦〕聽伊言。我與他人不面善。未知他家住何州并那縣。恩多又恐番成

怨。〔生〕婆婆出語何難見。公公見我身狼狽又飢寒。休疑我。分明咫尺家不遠。

〔旦〕莫埋怨。口食身衣宿世緣。母親留在家中聽使喚。〔老旦〕休強言。守閨女不當汝占先。〔旦〕奴自歸房拈針線。再難相勸。再難相勸。〔旦下〕

〔纏枝花〕〔外〕休得把他相輕賤。此漢身強健。春種秋收休辭倦。自然不用愁衣飯。〔合〕記得買臣未遇挑薪賣。後來發跡何難。

〔前腔〕〔老旦〕公公既要行方便。何勞我心多執見。漢子只怕他命乖福分淺。在我家中不常遠。〔合前〕

〔前腔〕〔生〕上告公公見憐。再告婆婆聽言。這恩德銘心鏤肝。若是收留在宅上。大凡事自當向前。〔合前〕

〔尾聲〕這恩德緣非淺。〔老旦〕取出青蚨數貫。〔外〕要青蚨何幹。〔老旦〕留與他人作雇錢。〔外〕太婆。這漢子不是受雇之人。

〔外〕不須憂慮不須嗟。

你且寬心度歲華。

休戀故鄉生處好。

受恩深處便爲家。



第六齣 牧牛

〔似娘兒〕〔生上〕受雇度年時。無煩惱。無是非。三杯濁酒堪消遣。牧羊放馬

轉過疎籬。富則親兮貧則退。此乃人間真小輩。貧則親兮富則疎。此是人間大丈夫。自家劉智遠。多

感李太公收留在家。着我鋤田耕地。都不曉得。在此牧牛放馬。太公見我身上寒冷。與我幾杯酒喫。

將馬上料。身子有些困倦。不免臥牛崗上。少睡片時則箇。正是歸來飽飯黃昏後。不脫簑衣臥月明。

一磨去。二磨來。兩眼膠黏撥不開。臥牛崗上一覺睡。夢魂飛入楚陽臺。〔生做睡介外上〕踏破鐵鞋

無覓處。得來全不費工夫。前日在馬鳴王廟中賽願。收留一箇漢子。叫做劉智遠。此人鋤田耕地。都

不曉。止會牧牛放馬。我家有一疋暴劣烏追馬。諸人降他不伏。此人一降一伏。我見他身上寒冷。把

酒飯與他喫了。不知去那裏去睡了。不免到莊前莊後閒步一迴。〔生作躡介外〕呀。那裏雷響。冬行

春令。必致人間災病。此是萬民有災。霎時間有大雨來了。小廝房上曬的東西收了。就有大雨下來。

〔小桃紅〕臘天不雨。喜在莊農。愛日暄晴晝也。轉過疎籬步躡躡。極目看西東。

四下裏影無蹤。只聽得雷聲也。莫不是老倒無能。怨天公令自行冬。遠遠望見臥

牛岡邊。一道火先透入天門。莫非小的失火。待我觀看。

〔下山虎〕見一人高臥。見一人高臥。倒在蒿蓬。鼻息如雷。振也。氣如吐虹。我把兩眼摩挲。覷他容貌。呀。元來是霸業圖王一大雄。更有蛇穿竅。定須顯榮。振動山河魚化龍。咳。自古道草廬隱帝主。白屋出公卿。蛇穿五竅。五霸諸侯。蛇穿七竅。大貴人也。我家一洼之水。怎隱得真龍在家。眉頭一皺。計上心來。我小女三娘。未曾婚配他人。趁此漢未發達之時。將女兒配爲夫婦。後來光耀李家莊。我要招他爲婿。只是沒人做媒。央我兄弟做媒便了。

〔蠻牌令犯〕〔外〕急急去報三公。〔旦上〕見怪非怪。其怪自害。〔外〕女孩兒因甚出閨門。〔旦〕怪哉怪哉。眞怪哉。見五色蛇兒墜紫青紅。一步步趕來後。影也無蹤。〔外〕

孩兒。你爲何到此。〔旦〕奴家在繡房中做女工針指。只見天窗下調下一條花蛇。奴家緊趕緊走。慢趕慢行。趕到這裏。不見這蛇了。〔外〕我兒。你可要見這蛇麼。〔旦〕奴家要見。在那裏。〔外〕這不是蛇。

〔旦〕見着後。見着後。使奴心驚。莫不是妖精把他纏定。〔外〕女孩兒休得氣沖。大貴人蛇穿七竅中。一朝運通。九霄氣沖。異日軒昂把妻子來封。〔旦〕爹爹那

漢子怎麼有許多的蛇在他身上。〔外〕孩兒。蛇穿五竅。五霸諸侯。蛇穿七竅。大貴人也。我家一注之水。怎隱得真龍在家。孩兒。你未曾婚配。趁此漢未發達之時。將你配爲夫婦。後來光耀李家莊。我欲招他爲婿。你意下如何。〔旦〕爹爹。他是我家牧牛放馬之人。如何使得。

〔傍妝臺〕爹爹做事不思維。他是我家牧牛的。緣何把我與他做夫妻。爹爹聽啓。  
兒拜啓。山雞怎與鳳凰棲。

〔前腔〕〔外〕孩兒。你好不思維。難道劉郎窮到底。不記得馬鳴王廟裏現出五爪金龍來取雞。爹言語。兒記取。後來必定掛朝衣。你自進去。我自有主張。〔旦下〕

〔外〕畫虎未成君莫笑。

安排牙爪始驚人。

〔淨上〕一年之計在於春。一生之計在於勤。一日之計在於寅。春若不耕。秋無所望。寅若不起。日無所辦。少若不勤。老無所歸。自家不是別人。李洪一是也。好笑我家爹娘。在馬鳴王廟中賽願。收留一個漢子。叫做劉窮。自到我家。鋤田耕地。一些不曉。止曉得牧羊放馬。終日使鎗弄棍。騎了馬走到東。走到西。哄得我莊上人不務生理。我今日回家。尋見了他。着實打他一頓。趕他出去便了。〔生辭介〕

淨〕呀。雷響。敢是天雷地雷霹靂。看看雷到頭上來了。呀。前面一道火光。敢是臥牛岡邊失火。呀。元來是劉窮睡在此。你看鼻子裏蛇鑽進鑽出。敢是弄蛇的。待我打這蠻子。且住。這劉窮蠻子曉得弄拳的。我若打輸了。別人尤可。大娘子知道。一世話靶。待我叫娘子出來幫打。〔叫介〕娘子。房下。令正。渾家。拙荆。山妻。怎麼好。自古道。三朝媳婦。月裏孩兒。引慣了他了。罷罷。我的娘。〔丑上〕來了。聽得老公叫。慌忙走來到。〔淨丑見介丑〕大官人叫我怎麼。〔淨〕叫你出來幫打劉窮。〔丑〕怎麼要打他。〔淨〕他喫了大碗酒。大塊肉。今日也徒。明日也徒。他便徒了。我去徒那個。〔丑〕說得有理。打劉窮。打劉窮。〔生起介外上〕打那個。〔淨〕劉窮。〔外〕怎麼打他。

〔駐馬摘金桃〕他本是豪門。住在沙陀小李村。我與他公公來往。與我家中有些薄親。他暫時落薄。暫時貧。領歸來自然依本分。何故怒生嗔。交他進也無門。退也無門。全不有大人苦樂不均。

〔前腔〕〔淨丑〕上告嚴尊。他又不是我家相識。我家親。況兼官司文榜。不許窩藏面生喬人。當初來歷不分明。被兩鄰覺察難藏隱。打教他須防人不仁。出入

無憑。胡做胡爲一個眞歹人。累及我莊門。〔外〕哇。還不進去。〔淨〕偏不進去。偏要你趕他

出去。〔外〕我不趕他。偏要趕你夫妻出去。〔淨〕你真個不趕他出去。告你。〔外〕告我甚麼。〔淨〕告你

忤逆兒子。〔淨下丑〕公公。兒子是你養的。管得他。我是你大媳婦。外人動也動不得。〔外〕還不進去。

〔丑〕公公。我是冢婦。你休得無禮。〔下〕

〔憶多嬌〕〔外〕你休怨憶。莫嘆息。將他做小兒一般見識。巧語花言都勾訖。凜凜雄威。凜凜雄威。管取前程顯赫。

〔前腔〕〔生〕蒙感激。承愛惜。你便是親生父母。將何報德。自恨時乖遭困厄。暮打朝噴。暮打朝噴。如何過得。〔外〕賢姪。你且不要煩惱。少間央李三公來。與你說話。自有好處。

不消回去。

暫時落簿。暫時貧。

你且寬心過幾春。

惟有感恩并積恨。

萬年千載不生塵。

第七齣 成婚

〔生查子〕〔末扮李三公上〕村莊守己茅屋悄然而已。門闌多喜色。女婿近乘龍。老夫前

村李三公。俺哥哥要把姪女招劉智遠爲婿。央我做媒。親事喜得成了。今日黃道吉日。待哥哥出來。

〔外上〕久旱逢甘雨。他鄉遇故知。〔貼上〕洞房花燭夜。一對好夫妻。〔見介外〕劉官人從了麼。〔末〕

哥哥親事成了。今日好個日子。就結了親便了。〔外喚介〕掌禮人過來。〔淨上〕人間婚娶禮。天上注

多星。老員外老孺人三老官人作揖。〔外〕禮人。我三娘今日贅劉智遠爲婿。今良時已至了。請劉官

人出來結親。〔末〕哥嫂。大媳婦他是個家婦。叫他扶姪女出來。〔叫介〕

〔麻婆子〕〔丑上〕畫燭畫燭光搖映。賓相兩邊排。聞知姑娘嫁窮胎。好酒喫大

碗。好肉喫大塊。喫得桃花上臉來。公婆叔公。今日爲何這等鬧熱鬧熱。〔外〕大媳婦。你三姑

娘與劉官人結親。〔丑〕我丈夫不在家。那個做主。〔末〕姪婦娘子。有公婆做主。〔丑〕只怕你們做不

得主。〔淨〕大娘子差了。凡事有大人家在。怎麼做不得主。〔丑打淨介淨〕怎麼打我。〔丑〕你是何人。

敢來多嘴。〔淨〕大娘子。我是認得你的。〔丑〕你認得我甚麼。我拳頭上走得馬。臂膊上立得人。清清

白白的。你說甚麼。〔淨〕阿呀。假乖甚的。我手裏嫁了你七八遭了。虧你不羞。〔丑作羞下介淨念介〕



一枝花插滿庭芳。燭影搖紅畫錦堂。滴滴金杯雙勸酒。聲聲慢唱賀新郎。吉日良時第一請。

〔七娘子引〕〔生上〕蒙君不棄我身寒。今日裏喜結良緣。〔旦上〕一朵奇花今

有主。姻緣感謝蒼天。〔拜堂介外老旦作倒介〕不要拜了。

〔天下樂〕〔外〕我女孩兒。喜室家男女及時。看雙雙俏如比翼。五百年前結會。相看到此不暫離。行坐如魚水。圖伊改門閭。滿家都榮貴。〔合〕豈容易。雙雙盡老。百歲效于飛。

〔前腔〕〔生〕智遠咨啓。荷公婆收錄提攜。幸一身免遭污泥。五百年前結會。山雞怎與鳳凰飛。深感不嫌棄。銘心在肺腑。難報恩和義。〔合前〕

〔前腔〕〔旦〕謝荷爹媽。與奴家成配姻契。效丹山彩鸞凰飛。五百年前結會。今生願共連理枝。當盡蘋蘩禮。奴今願父母。福壽雙全喜。〔合前〕

〔前腔〕〔末〕吉日良時。請新郎合把交杯。喜筵前滿堂和氣。五百年前結會。郎才女貌多俊美。配合成一處。如今但願取。夫榮與妻貴。〔合前〕

〔越恁好〕洞房羅幃裏。洞房羅幃裏。慙慙泛金杯。才郎好似潘安貌。女賽西施。

一雙兩好如魚水。珠翠列兩行。笙歌擁入蘭房裏。笙歌擁入蘭房裏。〔生旦下〕

〔尾聲〕〔衆〕劉郎誤入桃源裏。羨滿門恩情樂意。願百歲夫妻直到底。

少女配少郎。

門戶兩相當。

百事分已定。

浮生空自忙。

〔老旦下外末弔場外〕兄弟。我有言語囑付你。可牢記在心。方纔拜堂。我頭暈二次。我早晚不測。劉官人在家。你可照管他夫妻二人便了。〔末〕哥哥。你說那裏話來。〔外末並下〕

## 第八齣 遊春

〔一翦梅〕〔生上〕春色撩人似酒濃。花影重重。日影重重。〔旦上〕賣花聲過小

橋東。簾捲春風。人在春風。〔生旦〕春遊上苑景融和。夏宴涼亭看芰荷。秋翫月明冬賞雪。一生

好景莫蹉跎。〔生〕自從與娘子成親之後。不會到莊前莊後遊玩。今日閒暇。同三娘遊玩片時如何。

〔旦〕官人先請。奴家隨後。〔生〕動問娘子。前面那斲手中拿的甚麼東西。〔旦〕這牧童手中提着磁

瓶瓦罐。將去沽酒。〔生〕就把沽酒爲題。

〔金井水紅花〕沽酒誰家好。前村問牧童。遙指杏園中。好新豐。清帘風動。正好提壺挈榼。那更玩無窮。咱兩個醉春風也囉。雙雙共出。共出莊門。聽取西郊樂聲風送。〔合〕和你百年歡笑。兩情正濃。百年諧老。兩情正濃。夫妻正好。又恐如春夢。

〔前腔〕〔旦〕沙暖鴛鴦睡。啣泥燕子融。楊柳拂簾籠。雨濛濛。雛鶯舌弄。香襯輪蹄歸去。桃杏漸輕紅。人如在錦屏中也囉。雙雙轉過。轉過疎籬。手捻花枝。插在鏤金釵鳳。〔合前〕

〔前腔〕〔生〕莫學襄王夢。巫山十二峯。何幸遇芳叢。向其中。語言倍奉。得伊提掇起。免在污泥中。這恩德感無窮也囉。一心感得。感得公公。把我前人。相敬廝重。〔合前〕

〔前腔〕〔旦〕門闌多喜氣。豪富意頗濃。褥映繡芙蓉。兩情同。琴調瑟弄。鞦合姻

緣會佳婿近乘龍。人都道喜相逢也囉。伊家感得感得公公異日身榮。莫忘恩寵。〔合前末上〕天有不測風雲。人有旦夕禍福。劉官人你夫妻只管在此快活。更不知丈人丈母。久病

在牀。請僧人道士。保讓保讓。〔生〕小生就去。

〔末〕我哥哥一病慚尪羸。

〔生〕智遠慌忙請大醫。

歡喜未來愁又到。

只爭來早與來遲。

### 第九齣 保讓

〔水底魚兒〕〔淨上〕懊恨爹娘。無知忒性剛。招劉窮爲婿。在家中惹禍殃。爹娘

死了。那時我主張。趕劉窮出去。喜喜歡歡笑一場。煩惱不尋人。人自尋煩惱。好笑我家

爹爹沒分曉。招那劉窮爲婿。喫傍人笑話。我李洪一。妹子嫁了偷雞賊。又落得個混名。那一日拜堂

時節。那蠻子有法的。拜得我爹爹七死八活。什麼來由。我想起來。都是前村三叔老烏龜。〔末上暗

聽介〕畜生。你罵那個。〔淨〕三叔。姪兒罵了叔叔。該死了。小姪焉敢罵老叔乎。〔末〕畜生。你知道也

不知道。〔淨〕我不知道。〔末〕你父母有病。不去保讓保讓。〔淨〕叔叔。我與他沒相干。〔末〕怎麼你沒

相干〔淨〕自從他養下來。我如今成人長大了。我與他沒相干。〔末〕父母有病。你去灼龜祈禱問卜。纔是。〔淨〕我是去不得的。〔末〕怎麼去不得。〔淨〕叔叔。自古道子不問卜。〔末〕畜生子曰不問卜。也罷。請幾個道士來解禳解禳。〔淨〕姪兒沒有銀子使用。〔末〕我幫你些。〔淨〕假如要用一兩。三叔幫多少。〔末〕幫你一錢。〔淨〕太少。對半便了。又是一說。道士做了一日功果。晚間又要三牲謝將。費事。請和尚何如。〔末〕這也使得。〔淨〕和尚不要請多了。若多了。那經卷念不念。那裏查他。沙陀寺有一個碧長老。極志誠。去請他來誦些經典如何。〔末〕既如此。就去請來。〔淨〕三叔少待。轉灣抹角。此間就是。碧長老。李大官人請你誦經。〔內應介〕他是七郎主兒不在家。〔淨〕三叔。那和尚道我是七郎主兒不在家。敢是我爹娘該走了。〔末〕你敢少了他經錢。故此叫你七郎主。〔淨〕前日念十部大經。與他三分低銀。〔末〕恰又來。如今說我。他就出來。〔淨〕他若不出來。笑你麼。長老。前村李三老官人請你。〔丑扮僧上〕來了。來了。

〔頌〕急急修。急急修。和尚好喫爛豬頭。西天活佛沒得與我做。再來陰涼樹下。餽鼻頭。無量佛阿彌陀佛。〔淨〕炎涼出于僧道。打你這禿賊。我請七郎主不在家。說了三官人。

就出來。〔丑〕實是不在家。我家道人說的。喚小僧何幹。〔淨〕我問你。有呪死經麼。〔丑〕只有消災經。沒有這樣經。〔淨〕我父母有病。若呪得死他。重重相謝。〔丑〕大官人這等孝心。〔淨〕三叔。碧和尚來了。〔丑見介〕三老官人稽首。〔末〕長老。我兄嫂有病。請你誦經。保禳保禳。〔丑〕用香花燈燭。還要均眷。〔淨〕封線冰冰片。〔丑〕均眷女子。〔淨〕叫我大娘子出來。被這和尚笑我。還叫妹子出來。三妹快出來。

〔一枝花〕〔旦上〕焚香頂禮。拜告天和地。爹娘一病甚危羸。交我雙垂淚。〔見介

淨〕你看人家養女兒何用。父母病哭到不哭。唱將出來。〔丑〕休得取哄。請大官人獻香。〔淨〕還是三叔請。〔丑〕家有長子。還是大官人。〔淨〕元來你只管說我是小。三叔大。今日恰是我來。〔末〕休得胡說。志誠些。

〔五更轉犯〕〔淨〕我獻香香供養。〔介〕就把松柴權當香。爹娘死了。我便爲家長。趕出劉郎。心兒裏快活帳。〔合〕願慈悲顯現。顯現降臨道場。消除這災障。

〔前腔〕〔旦〕辦志誠燈供養。獻光明照十方。神通顯現。顯現花臺上。保佑爹娘。



身康無恙〔合前〕

〔前腔〕〔末〕我獻燈燈光亮。作善須降祥。陰空保祐。保祐福無量。願我哥嫂。身位安康。〔合前〕

〔前腔〕〔丑〕我獻花花供養。花開花落滿園香。也有青蓮花紅蓮花白蓮花五色樣蓮花。插在銀瓶上。又不見饅頭。饅頭共粉湯。〔合前丑〕大官人。肚中青花田了。

〔淨〕腹中飢了麼。妹子。廚下看點心師父喫。〔旦下送麵上淨〕一個和尚。喫這大碗。待我喫些。〔喫介〕忒少了。妹子。可有麵了麼。〔旦〕沒有了。〔淨〕怎麼好。只得省些鼻涕和在裏面。碧長老喫麵。

〔丑〕怎麼這樣糊塗麵。〔淨〕是這等的。〔丑跌倒介淨〕不要慌。待我耍他。一耍和尚。和尚。一分齋。二百個錢。是那個的。〔丑起介〕是我的。〔淨〕和尚。你喫麵怎麼跌倒了。〔丑〕大官人。我直到崑崙山去取水。水來救汝父母。〔淨渾介丑〕法水在此。不要換手。不許回頭。〔淨〕半世人。不回頭。直待幾時。〔內介淨〕不好了。爹爹媽媽死了。打這和尚。〔丑下〕

〔末〕我哥一命喪黃泉。

〔衆〕合家大小淚漣漣。

敗壞不如猪狗相。

人生莫作等閒看。

### 第十齣 逼書

〔臨江仙〕〔生上〕蓋世英雄一旦休。不知和他有甚冤仇。猶如秋雨。一點一聲愁。〔旦上〕一別爹娘苦痛哉。被兄嫂日夜沈埋。夫妻兩口渾無計。哥哥不念同胞共乳胎。〔生〕閉戶推窗莫要來。推將出去又還來。〔旦〕朝噴暮打何日了。不知兄嫂甚情懷。〔淨上〕甚情懷。甚情懷。雙雙趕出十字街。想戀妻兒無見識。不如及早兩分開。〔生見介〕大舅作揖。〔淨〕不要叫大舅。今日爲始。只叫老相公。〔生〕好個老相公。〔淨〕劉窮穿那個的。喫那個的。〔生〕穿泰山。喫泰山。〔淨〕泰山亡後。〔生〕泰山亡後。穿大舅。喫大舅。〔淨〕你還叫大舅。叫我老相公。〔生〕偏不叫。〔淨〕偏要你叫。喫人一碗。服人使喚。把身穿的衣服還我。〔生〕泰山與我的。決不脫下來。〔淨〕如今要官休私休。〔生〕官休便怎樣。私休便怎樣。〔淨〕官休寫一紙狀兒。告你不合拜死丈人丈母。該一個死罪。〔生〕私休。〔淨〕私休寫下休書。離了我妹子。再不許李家莊上來打攪。〔生走〕李三娘不曾做歹事。〔淨〕我妹子閨門女兒。做甚麼歹事。〔生〕我劉智遠不曾做賊。怎麼寫

休書與你。〔淨〕你不曾做賊。〔生〕我在那裏做賊。〔淨〕鐵嘴馬鳴王廟裏這福雞。可是你偷的麼。〔生〕飲食之類。不在其內。〔淨〕飲食之類。不在其內。酒店裏的東西。都喫他娘。一個錢也不要與他。不要說閒話。休書寫也不寫。〔生〕不寫。〔淨〕偏要你寫。〔生〕偏不寫。〔淨〕這蠻子說他不過。叫老婆出來計較。老婆快出來。〔丑上〕聽得老公叫。慌忙走來到。〔見介丑〕老公。怎麼說。〔淨〕老婆。劉窮教他寫休書不肯。脫他身上衣服又不肯。怎麼好。〔丑〕待我慢慢裏哄他脫下來與你。〔淨〕我看你本事。〔丑〕劉姑夫。怎麼在此與大舅爭鬧。〔生〕大舅好沒來由。怎麼教我寫休書。又要脫我的衣服。好沒緊要。〔丑〕姑夫。他這等無禮。待我罵他。大賊好無禮。你父母亡得幾時。就欺負劉姑夫了。你還不跪着我。〔淨〕偏不跪。〔丑〕偏要你跪。〔淨介丑〕姑夫。你不要惱。我埋怨了他。就是身上衣服。姑夫脫下來。待我送與三姑娘收了。〔生脫介〕你這等賢慧。就脫何妨。舅母這個纔是。〔丑〕衣在這裏了。〔淨〕好家婆。好家婆。

〔山坡羊〕〔生〕三娘不知何處。你哥嫂直恁無理。無端逼寫。逼寫休書去。心慘悽。妻。你在房中怎得知。今番打散。打散鴛鴦對。一點一畫難提筆起。思之。愁煩。

訴與誰。傷悲。交人珠淚垂。

〔玉交枝〕〔淨丑〕伊休執見。枉傷悲。徒然淚漣。急急寫下休書。今日與你盤纏。

遲延。少待乞大拳。披麻惹火燒身怨。莫待等江心補漏船。莫待等江心補漏船。

〔前腔〕〔生〕愁拈班管。展花箋。盈盈淚漣。夫妻指望同百年。誰知付與花箋。畫

一畫滿懷愁萬千。丟一丟頓覺心驚戰。怎寫得休書盡言。怎寫得休書盡言。你

既要我寫。可打稿兒來。〔淨〕不打緊。你寫我念。大晉國沙陀村住劉智遠。只因身伴無依。每日在沙

陀村裏放刁。勒要李太公女兒成親。成親之後。不合拜死丈人丈母。情知有罪。養膳妻子不活。〔生

介淨〕情願棄離妻子前去。並無親人逼勒。各無番悔。如先悔者。甘罰花銀若干若干。若干年月日

時。寫個花字。〔淨丑介生〕權歇三年。〔丑〕丈夫權歇三年。第四年老婆元是他的。休書要五指着實。

〔淨〕我是男子漢。不曉得。你是女人家。曉得許多事體。〔丑〕老公。實與你說了罷。連你十七個老公

了。〔淨〕阿呀。心肝。千離萬離。不要離了我。〔淨看休書介〕且上扯破休書介。

〔前腔〕叔叔搭救。訴不盡脚冤負屈。沒來由逼寫休書。將他苦苦熬煎。天天。共

乳同胞不見憐。鐵石人五臟心不善。止不住盈盈淚漣。止不住盈盈淚漣。〔末

上〕自不整衣毛。何須夜夜號咳。你們爲何在此鬧吵。〔生〕告叔公知道。不知爲甚。大舅逼智遠寫休書。〔末〕那有此理。

〔石榴花〕我哥哥眼內識賢人。情願將伊妹子結成親。他暫時落薄暫時貧。你們休得閒爭論。被傍人聞知作話文。大凡事須要相和順。劉郎發跡爲官後。大家榮耀李莊門。

〔前腔〕〔淨〕非因小姪怒生嗔。那得閒衣閒飯養閒人。又不曾鋤田車水與耕耘。夫妻兩口長歡慶。因此上逼他寫下休書退了親。〔旦〕哥哥。這個怎麼使得。奴家有半年孕了。〔丑〕叫一個收生婆。落了他身孕。劉窮若是身發跡。直待黃河水澄清。

〔前腔〕〔丑〕公公前日不識人。山雞怎逐鳳凰羣。又沒家舍又身貧。卻不如馬力共牛筋。那些個半斤逢八兩門。傍人恁般行徑。他還發跡爲官日。做枝蠟燭

照乾坤。

〔前腔〕〔生〕我每年少正青春。更有武藝果超羣。我暫時落薄暫時貧。只得忍氣吞聲。你如何只管打罵人。不學跨下韓信。男兒有顯達身榮日。果然一步跨青雲。〔下〕

〔末〕他宿世是夫妻。

何須苦折離。

世情看冷煖。

人面逐高低。

〔淨丑弔場〕休書被妹子扯碎了。一不做二不休。〔丑〕怎麼好。〔淨〕我如今把家私三分分開。〔丑〕那三分。〔淨〕我一分。兄弟一分。妹子一分。自從嫁了劉窮。沒有花粉田。我如今把臥牛岡上六十畝瓜園。內有個鐵面瓜精。青天白日。時常出來現形。食啖人性命。白骨如山。着他去看瓜園。那個瓜精出來。把他喫了。那時着我妹子嫁人。〔丑〕好計好計。

計就月中擒玉兔。

謀成日裏捉金烏。〔下〕

### 第十一齣 說計



〔生查子〕〔生上〕滿腹愁如織。此恨何日白。難道男兒不淚垂。事到如流水。當初只道好個緣。今日番成劈面冤。無限心中不平事。滿懷怨苦向誰言。卑人深感岳父收留爲婿。誰想一旦身亡。被舅舅憎嫌。無可奈何。若得一日發跡。李洪一。那時有冤報冤。有仇報仇。〔淨暗聽上〕

妹丈。那個有仇報仇。〔生〕大舅。這是耍笑。〔淨〕妹丈。我昨日醉了。冲撞。休怪休怪。〔生〕我和你郎舅家。決不怪你。〔淨〕我想起來。妹子自嫁你沒有陪嫁裝奩。把家私三分分開。一分我得。一分二舅得。這一分分與你。〔生〕我是外人。〔淨〕不是分與你。妹子沒有陪嫁裝奩。臥牛岡上六十二畝瓜園。一年四季有瓜。東瓜西瓜。南瓜北瓜。出產之所。爭奈四圍牆倒。常被小人偷瓜盜果。〔生〕待我去看瓜園。拿幾個偷瓜的。纔見手段。〔淨〕妹丈。且不要慌。喫些酒兒去有興。大娘子看酒來。〔丑上〕三盃和萬事。一醉解千愁。酒在此。〔見介丑〕姑夫。昨日冲撞你。休怪休怪。〔淨遞酒與生介〕

〔剔銀燈〕閒時節。三言兩語。從今後。一筆勾除。郎爭舅子。因合理。從此後。一團和氣。〔合〕一盃衝破了是非。今晚向瓜園中調理。

〔前腔〕〔生〕劉智遠得罪自知。因貧困多蒙週濟。有緣千里能相會。這恩德何

日忘之〔合前〕

〔前腔〕〔丑〕劉姑夫聽奴拜啓。切莫要專心勞記。兒夫性剛忒沒禮。把閒事一筆勾除。〔合前淨〕切莫要與三姑娘得知。〔生〕醉了。不喫了。〔淨淨介〕

聽我一言斷送。

須要勤耕苦種。

若不聽我良言。

各自尋條蛇弄。

〔生弔場〕得他心肯日。是我運通時。多謝大舅夫妻回心轉意。把家私三分分開。請我喫得醉了。分付我不要與三姐說。我夫妻同甘苦的。怎不要說。三姐三姐。取護身龍過來。〔叫介〕

〔一枝花〕〔旦上〕哥哥忒恁毒。嫂嫂渾無計。夫妻分散怎施爲。逼寫休書。閃得我沒存濟。〔生作醉介〕叫三姐三姐。〔旦〕官人。那裏喫得這等大醉。〔生〕三姐。是你哥嫂請我喫的。

喫酒不打緊。還有一樁喜事。〔旦〕喜從何來。〔生〕把家私三分均分。〔旦〕那三分。〔生〕大舅夫妻一分。二舅夫妻一分。分一分與我。不是分與我。只因沒有陪嫁裝奩。分與你。〔旦〕分在那裏。〔生〕臥牛岡上六十畝瓜園。被小人偷瓜盜果。取護身龍過來。待我去看瓜。〔旦〕不說起看瓜猶可。若說起看

瓜。正中了哥嫂之計。〔生〕怎麼中他計策。〔旦〕那瓜園中有鐵面瓜精。害人性命。我爹爹在常時宰殺豬羊。祭賽瓜精。自從爹爹死後。無人祭賽他。日間現形。食啖人性命。官人只怕你去時有路轉無門。〔生〕不說起瓜精猶可。若說起瓜精。惱得我一點酒也沒有了。就把古人比着你聽。〔旦〕那個古人。〔生〕昔日漢高祖姓劉名邦。也是徐州沛縣人氏。身充亭長。聚集義兵。殺奔淮上。經過北山。見一木牌。上書着大字。此山有一蟒蛇。食啖人性命。前軍不能退。後軍不能進。那高祖逕奔此山。果見一蟒蛇。身長數丈。張牙舞爪。兩眼似銅鈴。口如血盆。那劉邦側身躲過。腰間取出青鋒寶劍。搜一劍分爲兩段。後來做了帝王之分。〔旦〕他是古人。你怎麼學得他。〔生〕他也姓劉。我也姓劉。男子漢不入虎穴。焉得虎子。我妻待要去平伏了瓜精。纔見我手段。若被瓜精喫了。一來出脫你。二來免受你哥嫂之氣。快取護身龍來。〔旦〕官人。瓜精利害。休要去。

〔一江風〕〔生〕你是個婦人家。說這般輸機話。神鬼偏不怕。我爲人頂着天地神明。生長在二光下。平生不信邪。平生不信邪。心正可去也。總然有鬼吾不怕。〔前腔〕〔旦〕你後生家。說這般過頭話。神鬼誰不怕。怕你五行乖。官人。奴家有個古

人。比與你聽。不記得梅嶺陳辛季寶遇着金神。此事無虛詐。我哥哥使計策。我哥哥使計策。奴家苦恨他。怕你死在黃泉下。他那裏有鬼。去不得。

〔臨江仙〕〔生〕他那裏有邪魔。俺這裏偏不怕。〔生下旦〕別時容易見時難。夫妻成拆散。惟有我身單。一夜枕邊都是淚。來朝清早看分明。

### 第十二齣 看瓜 分別

〔虞美人〕〔生上〕可惜英雄都喪棄。無煩惱要尋煩惱。遙望臥牛岡上。今晚便知分曉。踏破天涯路。平生不信邪。李洪一夫妻。夜來把冷熱酒灌醉。着我到此看瓜。若不來被他笑話。你看四野無人。天色傍晚。趨行前去。

〔祝英臺〕漸黃昏天欲暝。一抹淡雲飄。孤鷺暮鴉。秋水長天月照。小澗溪橋。挾掉。見漁父收綸歸去。又見前村深杳。覩此景天然一段難描。尋思李洪一這般樣做作。交你一報還一報。只見烏鴉喜鵲同枝噪。吉凶事全然難保。迤邐行來。已到臥牛岡上。瓜園門半開半掩。四野無人。怎麼沒有鬼。記得岳父母墳塋在高藤樹底下。不免把冷

熱酒的事情。告訴與他知道。岳父母。今晚望你保祐無事。〔生拜、告訴介〕

〔鎖南枝〕靈魂聽咨啓。今晚中他計。舅舅着我看瓜。要害吾身已。望祖宗。蔭保庇。有凶時。化爲吉。

〔前腔〕默默自思之。吉凶尙未知。四野全無蹤跡。那更地冷天昏。猛可的狂風起。心下疑。自三思。害生靈。有何意。

〔前腔〕何妖怪甚麼鬼。和咱比箇英雄勢。我把兩眼擎擎。看他來蹤跡。黑魃魃。一個鬼。不下來。待何時。

〔前腔〕妖精聽吾語。天交我來斷送你。生死今宵園內。到此不免將一塊瓦打上去。看他如何。卻元來宿鳥驚棲。唬得我肝腸碎。望祖宗。陰保庇。有凶事。化爲吉。

〔鬼上〕那裏生人氣。〔生〕我是村中好漢。〔鬼〕好漢好漢。生喫你一半。死喫你一半。〔生〕拿住妖精。一刀兩段。〔殺介鬼下生〕業畜鬪俺不過。放一道火光。逕入地烈去了。待我掘開來看。卻元來一塊石皮。下面石匣裏面。頭盔衣甲。兵書寶劍。我劉智遠喜的是兵書。明月之下。觀看則箇。有幾行字在

上。此把寶刀付與劉暉。五百年後。方顯英豪。劉智遠前程有分了。愛戴的是頭盔。還藏在石匣內。把泥土蓋着。前程有分。轉身二次。青草鋪滿。前程無分。青草不生。〔轉身介〕果然青草生滿。不免拜告瓜園土地。

〔別銀燈〕當答謝瓜園中土地。勞看守刀甲頭盔。兵書寶劍埋藏此。得前程方來取你。神明聽吾訴與。休洩漏天公事機。遠遠望見一個婦人。好似三姐。不免躲在一邊。則個要知心腹事。但聽口中言。〔躲介〕

〔醉扶歸〕〔旦上〕好苦切甘生受。只得到此且藏羞。奴與哥哥有甚冤仇。只得慌忙便走。裙兒破忙把飯來兜。〔合〕淚溼透衣衫袖。

〔前腔〕丈夫丈夫。信他甜言說誘。誰知今日悔成憂。百歲夫妻一旦休。先在臥牛岡上埋屍首。恩愛都付與水東流。〔合前〕言之未已。又到瓜園門首。你看門兒半開半掩。不

免推身進去。呀。丈夫衣服哨棍。都撇在此。瓜藤樹木。盡皆踏壞。我那丈夫莫非被瓜精害了殘生。奴家指望送飯與你充飢。你被瓜精食啖性命。奴家做一碗羹飯與你。回到房中。尋個自盡。苦。一嫁劉



郎得半春。爲人莫作婦人身。奴家一似失羣鴈。兄嫂如同陌路人。身孕未知男共女。枕邊難捨意和恩。眼中滴盡千行淚。撮土爲香事有因。

〔前腔〕怕兄嫂成僝僽。慌忙到此少了香和酒。又沒資財與奴收受。夜來做事不依奴口。誰人知道我心憂。〔合前〕

〔前腔〕指望和你白頭相守。誰知今日不長久。百歲夫妻一旦休。半年身孕伊知否。或男或女要當留。〔合前〕

有才無壽少年亡。

折散鸞凰實可傷。

歸家不敢高聲哭。

只恐人聞也斷腸。

〔生〕三姐。三姐。〔旦〕有鬼。有鬼。〔生〕不是鬼。是人。〔旦〕是人高叫三聲。〔生〕三姐。三姐。〔旦〕就是鬼。也是我丈夫。

〔哭相思〕〔生〕夜來不聽妻言語。果有恓惶處。〔旦〕官人。夜來曾見甚麼。〔生〕三姐。夜來一更無事。二更悄然。三更之後。果見鐵面瓜精。與俺鬪上三四十合。那業畜鬪俺不過。放一道火光。

鑽入地烈去了。〔旦〕官人。若不是你手段高強。閃些兒被他喫了。〔生〕三姐手中拿的甚麼。〔旦〕奴家送一碗飯。與你充飢。〔生〕這到用得。三姐。飯便有了。可有下飯麼。〔旦〕官人。你好不識時務。〔生〕怎麼不識時務。〔旦〕這碗飯。奴家瞞了哥嫂。拿來與你喫的。〔生〕三姐。我不要喫了。〔旦〕怎麼的。〔生〕三姐。只爲這碗飯。受了你哥嫂多少嘔氣。

〔醉扶歸〕自恨我好不啣嚼。這碗淡飯怎入口。〔旦〕胡亂充飢莫要愁。你身上衣服破了。〔生〕胸前衣破爲與瓜精鬪。〔合〕悶似湘江水。涓涓不斷流。溼透衣衫袖。

〔前腔〕〔旦〕謝我爹娘陰祐。夫妻今日再廝守。畢竟是你前程顯達。夜來不落瓜精手。〔合前〕遠遠望見來的是我哥哥。〔生〕且下淨上。閻王註定三更死。定不留人到四更。夜來

劉窮必被瓜精喫了。這裏是瓜園中。〔向地拾介〕這是眼珠子。不是。是肥皂核。這是腰子。不是。是酪蘇。這是頭髮。不是。是棕櫚樹皮。拾了劉窮骨頭。把蒲包包好了。與妹子看。叫他嫁人。〔生暗上聽打淨介淨叫介〕有鬼。有鬼。倒是劉窮。三叔救救。〔末上〕隔牆須有耳。窗外豈無人。怎麼打他。〔淨〕三

叔。我被劉窮打殺了。〔末〕起來。死了元何還會說話。〔淨〕滿身都死了。嘴是活的。〔起介〕哇。劉窮。你這蠻子。打便打得我好。再不要上我家來。我去打鐵鋪。二錢銀子打一把斧頭。劈你一個陽筊。〔末〕還不進去。〔淨〕三叔。我腰子被蠻子打橫了。〔淨下末〕當初只道一不是。如今卻是兩無情。劉官人。你怎麼使得打他。他若不是處。你來告訴我。我自整治他。如何將他打倒地下。〔生〕是小生不才了。〔旦〕官人。你怎麼就認了。把冷熱酒事情。告訴三叔知道。〔生〕叔公請息怒。你不知其故。前日逼我寫休書。叔公儘知。夜來夫妻二人。思量一計。把家私三分均分。我只道好情。把冷熱酒灌醉了卑人。着我去看瓜。乘其醉中。一到瓜園內。一更無事。二更悄然。三更時候。只見鐵面瓜精。連鬪了三十餘合。鬪俺不過。放道火光去了。他方纔手拿着蒲包。拾我骨頭回去。與三姐看了。教他嫁人。這個使得不得。〔末〕元來這等無禮。只是少打了他。〔生〕我在此望叔丈做主。〔末〕劉官人。你與那畜生冰炭不同爐了。我老夫打聽得太原并州岳節使。招軍買馬。積草聚糧。你有武藝過人。如何不去。倘然一刀兩劍。取個前程。有何不可。〔生〕卑人要去。只是缺少盤纏。〔末〕這個小事。老夫着人送來。

〔桂枝香〕〔生〕叔丈聽告。容吾分道。只因缺少盤纏。交我如何是好。多因命乖。

多因命乖。喫他胡炒。是我分緣不到。自今朝拜別恩人去。李洪一冤家恨怎消。  
〔前腔〕〔旦〕自從爹爹死了。止有嫡親兄嫂。他緣何反面生嗔。拆散夫妻兩口。  
望叔叔做主。望叔叔做主。想是姻緣不到。怎得夫妻諧老。自今朝拜別分離去。  
交奴苦怎熬。

〔前腔〕〔末〕聽吾言道。不須煩惱。你若缺少盤纏。頃刻令人送到。他若昧心。他若昧心。上有蒼天知道。必然還報。自今朝步輦登程去。堅心莫憚勞。

文似擎天碧玉柱。

武如跨海紫金樑。

異日身榮多發跡。

休忘受苦李三娘。

〔末下生旦弔場生〕三姐。我今日就要去了。〔旦〕官人你去。沒有說話分付奴家。〔生〕三姐。此去有三不回。〔旦〕那三不回。〔生〕不發跡不回。不做官不回。不報得李洪一冤仇不回。〔旦〕夫妻間沒有說話。〔生〕妻。你有半年身孕。養下女兒。憑你發落。養下男兒。千萬與我留下。是劉鬲骨血。我若去後。無知哥嫂定然逼你嫁人。不強似劉智遠。切莫嫁他。勝似我的嫁了也罷。

〔獅子序〕〔旦〕伊說話太無情。〔生〕你哥嫂無情。〔旦〕又道是一牢永定。寧死後如何交我改嫁人。是我腹中有孕。怎交兒女從別姓。你出言語忒煞傷情。這恩德如鹽落井。〔合〕分別去各辦志誠。便做鐵石心腸也須交淚零。

〔前腔〕〔生〕上告妻妻聽。怕你執不定。你哥嫂忒毒狠。只恐你口說無憑。准我獨自守孤另。恐耽閣兩下成病。〔合前〕

〔入賺〕〔丑上〕去程已緊。李三公多憐憫。些少盤纏相贈恁。〔生〕這恩德山樣高。來海樣深。生死難忘叔丈恩。你與我回言拜稟。異日身榮來報恩。〔丑〕謹依台命。謹依台命。〔丑下〕

〔金蓮子〕〔生〕辦登程。辦登程。渡水登山莫暫停。天憐念。天憐念。名利早成。回歸此日再歡慶。

〔前腔〕〔旦〕叮嚀囑付三四聲。野草閒花莫要尋。將恩愛。將恩愛。番成作畫餅。只恐別時容易瘦伶仃。

〔尾聲〕〔生日〕生離死別皆前定。未知何日得見恁。鐵石心腸也淚零。

楊柳堤邊問信音。

一時難捨枕邊人。

流淚眼觀流淚眼。

斷腸人送斷腸人。

### 第十三齣 途嘆

〔梨花引〕〔生上行路〕渡水登山。何日得到邠州。自別恩妻無限愁。李洪一冤冤相報幾

時休。途中跋涉多勞頓。不知何日到邠州。

〔集賢賓〕麻鞋緊緊一似飛。只得步輦登程。野草閒花愁滿地。過前村小橋流水。漁翁釣叟。動浪板歌聲搖拽。堪玩處。遙望遠浦帆歸。劉智遠行到此間。無計奈何。

幾度晚行芳草徑。也曾夜宿杏花村。在家不道生身好。出外方知行路難。

〔前腔〕不恨你來卻恨誰。此恨何日忘之。話別叮嚀心慘悽。撇不下少年賢妻。行行淚滴。我爲你越添憔悴。思念憶。真個是寸腸千里。

五里又單牌。

磨穿幾度鞋。



雁飛不到處。

人被利名牽。

### 第十四齣 投軍

〔梁州序〕〔外扮岳節使上〕掌握三軍膽氣雄。有千里威風。朝廷勅命守山東。咱不免行吾軍令。馬跨征鞍將掛袍。柳梢枝上月兒高。將軍未掛封侯印。腰下常懸帶血刀。自家姓岳。名勳。官拜節度使之職。如今四方離亂。民遭塗炭。士民荒涼。朝廷有旨。着俺招軍買馬。積草聚糧。正是君王有難思良將。人到中年憶子孫。左右的。與我扯起招軍旗。叫街坊上民庶。三百六十行做買賣的。願投軍者。旗下報名。〔淨丑應介〕

〔水底魚〕買馬招軍。何年得太平。願立旗下。做個頭目人。長官。我每投軍的。〔介稟

介外〕着他進來。〔淨丑見跪介外〕漢子姓甚名誰。那裏人氏。〔淨〕小人是王旺。山東人。〔外〕有甚本事。〔淨〕小人會使砲。〔外〕怎見得。〔淨〕銅砲鐵砲些兒大。未逢藥線云里磨。百萬軍中無敵手。打死漢千來個。〔外〕那個姓甚名誰。〔丑〕小人湖州人氏。叫我是張興。〔外〕有甚本事。〔丑〕曉得使弓。〔外〕怎見得。〔丑〕此弓實堪誇。猴猿精藝加。算來無用處。只好不楞不楞彈綿花。〔外〕左右的。與

我將他籍貫年貌。都上了號簿。如今軍充馬足。把招軍旗放下了罷。

〔醉扶太平〕〔生上〕聞說招軍。智遠慌忙來到。長官。〔淨〕兩張張半。〔生〕我是投軍的。

〔淨〕稟老爺。轅門外一人投軍。〔外〕方纔吩咐你。軍完馬足。放下招軍旗。違俺將令。斬訖報來。〔淨〕爺爺。添來的壽。增來的福。有增無減。〔外〕令進來。〔淨〕爲你險些兒去了喫飯的家火。〔生〕有累了。

〔淨〕投軍的進來。〔生進見外跪介外〕漢子那裏人氏。

〔引軍旗〕〔生〕小人住在沙陀村裏。自小習兵機。十八般武藝皆能會。願立旗下聽差使。〔合〕忽朝名掛在雲臺上。方知武藝精細。

〔前腔〕〔外〕聽他說兵機。此漢真奇異。諳曉六韜三略法。那隊少人。〔淨〕都完了。長行隊少人。〔外〕權時收拾在長行隊。〔合前〕那漢子叫甚麼名字。〔生〕小的姓劉。〔外〕軍中只叫劉健兒。長行隊去。日間打草。夜間提鈴喝號。只怕你受不得苦。〔生〕受得苦中苦。方爲人上人。

英雄才貌實堪誇。

喝號提鈴度歲華。

正是學成文武藝。

合當貨與帝王家。

第十五齣 強逼

〔慶青春〕〔旦上〕冷清清。悶懷感感傷情。好夢難成。明月穿窗。偏照奴獨守孤另。一種黃連分兩下。那邊受苦這邊愁。自從丈夫去後。被兄嫂凌逼。兒夫杳無音信回來。好苦。

〔集賢賓〕當初指望諧老年。和你廝守百年。誰想我哥哥心改變。把骨肉頓成拋閃。凝望眼穿。空自把欄杆倚遍。兒夫去遠。悄沒個音書回轉。常思念。何日裏再得團圓。〔丑上〕長江後浪催前浪。世上新人鑽後人。姑娘爲何啼哭。〔旦〕嫂嫂。奴家丈夫不在。腹中有孕。因此愁悶。〔丑〕姑娘。你哥哥說道。劉郎去後。杳無音信回來。未知死活存亡。不如嫁個門當戶對的。也是了當。

〔攪羣羊〕〔旦〕嫂嫂話難聽。激得我心兒悶。一馬一鞍。再嫁傍人論。夫去投軍。誰敢爲媒證。那有休書。誰敢來詢問。你如何交奴交奴再嫁人。

〔前腔〕〔丑〕姑姑你試聽。日夜裏成孤另。尋個良媒。嫁個多聰俊。虛度青春。白髮來侵鬢。你如何如何不改嫁人。姑娘。嫁得好。多住幾日。嫁得不好的。就回來也不難。〔旦〕

說那裏話〔淨上〕恨小非君子。無毒不丈夫。娘子。着你去叫妹子嫁人。如何。〔丑〕他千不肯。萬不肯。〔淨〕他是這般說。叫他過來。〔丑〕姑娘。你哥哥叫你。〔旦〕哥哥有何話說。〔淨〕嫂嫂着你嫁人。如何不肯。

〔前腔〕〔旦〕哥哥共乳同胞一母生。今日如何反面嗔。休聽枕邊言語。且自寧

心。親舊情親。姊妹莫相爭。待奴身孕始傾。若得後來重復事。金甌再覆李門庭。

〔淨〕若不嫁人。依我四條門路。〔旦〕那四條門路。〔淨〕一條。二十三天。玉皇殿上捉漏。〔旦〕交我上天無路。〔淨〕二條門路。去十八層地獄。闔王殿前去淘井。〔旦〕這是入地無門。〔淨〕第三條。早早嫁人。〔旦〕決不改嫁。〔淨〕第四條。日間挑水三百擔。夜間挨磨到天明。〔旦〕奴家願從第四條門路。

〔三學士〕〔淨〕堪笑非親卻是親。把你做乞丐看承。劉郎去了無音信。何不改嫁別人。你若不依兄嫂說。打交身軀不直半分。〔合〕從今後挨磨到四更。挑水到黃昏。

〔前腔〕〔丑〕一世爲人只要勤。那得閒衣閒飯養閒人。〔旦〕爹娘產業都有分。何

故苦樂不均平。〔丑〕丈夫言語須當聽。有眼何曾識好人。〔合前〕

〔前腔〕〔旦〕好笑哥哥人不仁。不念同胞兄妹情。劉郎去了無音信。何故改嫁別人。況兼奴有身懷孕。再嫁傍人作話文。〔合〕奴情願挨磨到四更。挑水到黃昏。

〔尾聲〕哥哥嫂嫂沒前程。苦逼奴家再嫁人。日間挑水三百擔。夜間挨磨到天明。〔旦下淨丑弔場〕老婆。叵奈賤人執性不肯。情願挑水挨磨。我如今使個計策。做一雙水桶。兩頭尖的橄欖樣。交歇又歇不得。一肩直挑在廚下去。你便管他挨磨。〔丑〕水缸鑽些眼。水流了出來。越挑越不滿。〔淨〕你便打他不挨磨。如今賤人身上將要分娩。你在荷花池邊。造一所磨房。五尺五寸長。罰這賤人進裏面磨麥。交他頭也擡不起。待他分娩。或男或女。不要留他。這是劉窮的骨血。過了三朝滿月。你把花言巧語。哄那小廝。抱在手中。把他撇在荷花池內淹死了。絕其後患。削草若除根。萌芽再不發。好計好計。

計就月中擒玉兔。

謀成日裏捉金烏。

第十六齣 巡更

〔山歌〕〔生上〕四顧青山失翠微。烏鴉變作鷺鷥飛。天宮勿念人寒冷。凍殺街頭劉健兒。

〔前腔〕〔淨丑上〕雪落紛紛似銀鋪。萬里江山如畫圖。鷺鷥失隊難尋覓。黑和尚變化白師姑。劉健兒。怎麼不買凍魚酒來我每喫。〔生〕不曾支糧。支了糧請你每一醉。〔淨丑〕也罷。劉健兒。今晚巡更。該你巡夜。一更是我。二更是他。三更四更五更都是你。老爺有銅牌花號爲准。交你更次提鈴喝號。

〔金錢花〕〔衆〕我打一更鼓兒。鏦鏦。一棒鑼聲。噹噹。將軍馬上醉醺醺。躍馬揚鞭。齊和聲。〔二三更照前唱〕

鼓打三更交半夜。

來朝喫個凍魚兒。〔衆下〕

〔月雲高〕〔生弔場〕自別三娘面。勞役受萬千遍。到此投軍。數目都招遍。落在長行隊。提鈴報更點。湯風冒雪圖榮顯。受此飢寒。沒個可憐見。天天若肯週全。際



會風雲。方表劉嵩字智遠。三更牌在那裏。好大風雪。前面跨街樓下。躲避風雪則個。〔生躲介

小旦扮岳小姐上〕

〔探春令〕彤雲繚繞。六花飛遍。樓臺銀砌。擁紅爐。添獸炭。猶嫌冷。看貧者誰肯相憐。盡道豐年瑞。豐年瑞若何。長安有貧者。宜瑞不宜多。奴家岳氏秀英。不免上層樓上。做些女工

針指。

〔月雲高〕獨上層樓去。聽他甚行止。仔細聽來後。〔生喝號介小旦〕卻是巡更輩。喝號提鈴。聲音振屋宇。交奴聽得心憔悴。落在長行隊。難禁這勞役。臘雪滿天飛。凍死街頭。那有人來憐你。〔生叫介〕三更牌在那一家。

〔前腔〕〔小旦〕喝號三更鼓。聲音似龍虎。款款推窗看。只見紫霧紅光護。前生做人做人修不足。今世裏罰令你受勞碌。好苦。倒跌倩誰扶。未審家鄉。家鄉在何所。奴家有恤孤念寡之心。見他身上寒冷。我爹穿不了的舊衣。撇一件與他遮寒。天上人間。方便

第一〔小旦下〕

〔孝順歌〕〔生〕巡更過轉過營。凜烈寒風悽慘人。跨街樓下暫安身。朦朧睡未醒。忽見天賜紅袍。撇來遮我身。料莫是天顯應。有前程可前進。

若得應時還得見。

果然勝似岳陽金。

## 第十七齣 拷問

〔菊花新〕〔外上〕庭前三友奈歲時。報道梅開數枝。珠簾繡幕低垂。瑞雪遍街銀砌。江南三尺雪。盡道十年豐。紅爐添獸炭。唱飲雪兒歌。今日官裏大排筵宴。賞雪觀梅。叫左右傳

話後堂與大小姐。取紅錦戰袍。穿着入朝。〔末〕去問二小姐。〔內應介〕曬在層樓上。不曾收得。〔末

回裏外介〕曬在層樓上。不曾收得。〔末〕張興王旺。〔外〕叫張興王旺。〔淨丑見外跪介外〕夜來是

你巡更。紅錦戰袍曬在層樓上。不曾收得。〔淨丑〕不知。〔外〕巡更不嚴。賊盜生發。左右與我撈起來。

〔雜上〕有事不敢不報。無事不敢亂傳。稟老爺。小的首告的。〔外〕首告甚麼。〔淨〕新來軍漢劉知遠。

不知那裏偷得一件紅錦戰袍。穿在身上。在馬房中打睡。〔外〕阿也。阿也。有這等事。快與我拿來。

〔衆〕甕中捉鳖。手到拿來。〔拿生上外〕綁了。

〔玉交枝〕這廝無禮。這錦袍官裏賜的。新充小卒當差使。如何盜取衣袂。從實訴供。休要違延。罪犯難饒恕。照軍令將他斬取。照軍令將他斬取。

〔前腔〕〔生〕停威息怒。聽小人從頭稟覆。新充小軍當差使。焉敢盜取衣袂。昨夜三更巡警過。忽見紫袍空中墮。料莫是天宮賜我。料莫是天宮賜我。〔外〕賊情

事不打不招。〔淨打生打不下介外〕張興有弊。王旺打。〔丑打生打不下介淨〕王旺也有弊。〔外〕取板子過來自打。怎麼盜了錦袍。〔貼旦上〕休將屈棒打平人。〔外〕把劉健兒吊在馬房裏。〔淨押生下外〕叫二小姐出來。

〔醉扶太平〕〔小旦上〕聽得鬧吵。想爲錦征袍囉。〔見介外〕孩兒。我在此拷打賊情事。怎麼說休將屈棒打平人。〔小旦〕爹爹聽奴告稟。

〔蠻牌令〕昨夜二更時。見臘雪滿天飛。提鈴喝號至。可傷悲。頂門上紅光燦。燦。聲音似虎嘯龍嘶。非是奴強胡爲。自不合把爹爹衣袍與他遮取寒威。

〔前腔〕〔外〕你是守閨女。輒敢亂胡爲。繡房中不去拈針指。他是個單身健兒。

知他姓甚名誰。伊無禮太愚癡。輒敢把衣袍與他遮取寒威。〔小旦〕告爹爹知道。奴家夜來層樓上做女工針指。只見窗外紅光烟燦。紫霧騰騰。奴家推窗一看。元來是巡軍。見他身上寒冷。奴家有慈悲好心。本待拿一件舊衣與他遮寒。不想拿錯了。把爹爹戰袍與他。奴家自知有罪。〔外〕進去。〔小旦〕

是非只因多開口。

煩惱皆因強出頭。

〔下淨丑上稟外介〕老爺馬房裏火發。〔外〕怎麼的。〔淨〕把劉健兒吊在馬房裏。都是火。把繩索燒斷了。〔外〕把劉健兒放了放了。〔淨〕老爺放了劉健兒。火也沒有了。〔外〕左右。你兩人方纔打劉健兒。見甚麼來。〔淨〕小人打下。只見空中五色蛇爪住板子。不容打下。〔外〕不要做聲。你會見甚麼來。〔丑〕小人打下。見空中五爪金龍。〔外〕不要則聲。〔淨〕老爺可曾見甚麼。〔外〕我不信。自家取板子打下去。果見金中天神爪住板子。〔淨丑介〕老爺也不要開口。人人如此。個個一般。羊屎不搓。個個團團。〔外〕哇。退下去。此人明日爵位大似我的。我如今將二小姐招他做個東牀。〔淨〕怎麼爲東牀。〔外〕女婿爲東牀。〔淨〕稟老爺。戰袍有幾件。〔外〕只有一領。〔淨〕再有二領。他是東牀。我每兩個南

牀北牀〔外〕休得胡說。明日吩咐管家。安排酒席。權且冠帶成親。後來有功。奏過聖上。加他官職。

姻緣本是前生定。

曾向蟠桃會裏來。

〔下淨丑〕如今世俗。手脚零碎的到好。〔下〕

### 第十八齣 挨磨

〔于飛樂〕〔旦上〕無計解開眉上鎖。惡冤家要躲怎生躲。怨我爹娘。招災惹禍。

梁上掛木魚。喫打無休歇。啞子喫黃連。有口對誰說。自從丈夫去後。哥嫂逼奴改嫁不從。罰我在日間挑水。夜間挨磨。一不怨哥嫂。二不怨爹娘。三不怨丈夫。只是我十月滿足。行走尙且艱難。如何挨得磨。

〔五更轉〕恨命乖遭挫折。爹娘知苦麼。哥哥嫂嫂你好橫心做。趕出劉郎。罰奴挨磨。叫天不應。地不聞。如何過。〔合〕奴家那會。那曾識挨磨。挑水辛勤。只爲劉大。

〔前腔〕向磨房愁眉鎖。受勞碌也是沒奈何。爹娘在日把奴如花朵。死了雙親。

被哥嫂凌辱。爹娘死。我孤單。如何過。〔合前〕

〔前腔〕挨幾肩頭暈轉。腹脇遍疼。腿又酸。神思困倦。挨不轉。欲待縊死在房中。恐怕耽閣智遠。尋思起。淚滿腮。如何過。〔合前〕

〔前腔〕腹內疼欲分娩。有誰人來看管。陰空保佑。保佑奴分娩。但願無虞。早得夫妻相見。思量起。我孤單。如何過。〔合前〕奴家神思困倦。不免就在磨房打睡片時。〔丑上〕

好人不肯做。只要嫁劉大。劉大不回來。情願去挨磨。〔叫介〕姑娘那裏。叫他不應。打他一頓。磨到不挨。睡得好。〔旦〕磨子重。挨不動。〔丑〕這樣磨子叫重。〔旦〕嫂嫂。奴家腹中一陣陣疼痛。挨不動了。

〔丑〕渾介旦。嫂嫂請歇息。〔丑〕歇息歇息。莊上人要麵喫。如何遲誤了。准准打八十。南無阿彌陀佛。彌陀佛。〔旦〕嫂嫂。你也是婦人家。不曉得婦人家疼痛。誰樓上幾更時分了。

〔鎖南枝〕星月朗。傍四更。窗前犬吠雞又鳴。哥嫂太無情。罰奴磨麥到天明。想劉郎去也。可不辜負年少人。磨房中冷清清。風兒吹得冷冰冰。

〔前腔〕叫天不應地不聞。腹中遍身疼。怎忍料想分娩在今宵。沒個人來問。望



祖宗陰顯應。保母子兩身輕。天那好苦。〔生兒介〕嫂嫂借脚盆來使一使。〔丑〕散了不曾撞得。〔旦〕把身上衣服展乾了罷。嫂嫂剪刀借來使一使。〔丑〕小廝偷去換糖喫了。〔旦〕我那兒做娘的瓦片不曾准備得。就把口來咬斷臍腹。有命活了。無命死了。

正是青龍共白虎同行。

吉凶事全然未保。〔下〕

### 第十九齣 分娩

〔淨扮竇公上〕青竹蛇兒口。黃蜂尾上針。兩般皆未毒。最毒是婦人心。我是李太公家火公竇老兒。便是我家老員外在時。何等看承我。前村三老官人收留我在家。三阿媽交我去看三小娘分娩。不知是男是女。此間已是磨房。三小娘開門。〔旦〕是那個。〔淨〕我是竇老。〔旦〕你來做甚麼。〔淨〕三阿媽着我來問你。分娩怎麼了。〔旦〕夜來生下一個小廝。〔淨〕風來押殺了。〔旦〕是個男兒。〔淨〕好好爺去投軍。家裏添個餘丁。謝個青天白天。三小娘。〔旦〕怎麼。〔淨〕小官人身上。怎麼乾淨了。〔旦〕我與嫂嫂借脚盆不肯。將身上衣服展乾淨了。〔淨〕好苦惱。浴也不會洗。大起來生狗癬疥。怎麼好。三小娘。〔旦〕怎麼說。〔淨〕小官人臍腸怎麼斷了。〔旦〕問嫂嫂借剪刀。他回我小廝偷去換糖喫了。

〔淨〕怎麼斷了。〔旦〕奴把口來咬斷了。〔淨〕咬了瘦的還好。咬了壯的。就是一段肝白腸。明日怎麼念箇佛。〔旦〕寶公。你去了罷。起動你。〔下〕

〔淨〕李洪。你好不思惟。

卻將親妹受孤恓。

常將冷眼看螃蟹。

看你橫行得幾時。

## 第二十齣 岳贅

〔花心動〕〔外上〕一段姻緣。正是前生繫定。紅線絲纏。繡褥花裯。洞天福地。這

好事今朝重見。鬱鬱門闌多喜氣。雙雙女婿近乘龍。下官昨日奏過朝廷。招劉智遠爲婿。吩咐左

右。安排喜筵。可曾完備麼。〔末〕俱已完備多時了。〔外〕請劉官出來。〔末請介〕

〔前腔〕〔生上〕想是前生曾留戀。今日裏誤入桃源。〔小旦上〕珠簾捲。畫堂列綺

席華筵。〔生小旦見外拜介〕

〔黑麻序〕〔外〕吾奉朝宣。掌三軍節使。品驚爲官。家居福地。更兼文武雙全。擊

拳。今朝遇大賢。門闌喜氣添。〔合〕兩情歡。願取夫妻諧老。共結百年。

〔前腔〕〔生〕深感不棄貧寒。守居在沙陀村裏。受盡迍邐。欣然平步上九天。姻緣非偶然。〔合前〕

〔前腔〕〔小旦〕奴今拜賀椿萱。念奴家生居陋室微賤。想前世共結良緣非淺。夫妻美少年。雙雙拜謝天。〔合前〕

〔尾聲〕〔衆〕今朝共合爲姻眷。美滿夫妻共百年。雙雙齊效鸞鵲。

一對夫妻正及時。郎才女貌兩相宜。

在天願爲比翼鳥。入地共同連理枝。

### 第二十一齣 送子

〔臨江仙〕〔旦上〕父母一朝拋棄。夫妻兩下分張。哥哥嫂嫂鐵心腸。交奴受萬千磨障。今日我身分娩。始知恩愛難忘。自將心事細思量。眼下這般情況。我兒。生下你來。受了萬千疼痛苦楚。想我母親養我下來。也受這般苦楚。

〔步步嬌〕〔旦〕養子方知娘生受。各自思前後。哥哥心狠毒。嫂嫂不仁。暗使機

謀苦逼我再招夫。閃得我。一似喪家狗。

〔江兒水〕悶似湘江水。涓涓不斷流。老天知道和天瘦。共乳同胞一個娘生受。又不是隨娘改嫁瓜葛柳。罰奴磨麥生受。遠在兒孫。近只在。一身當受。

〔川撥棹〕我欲待訴說個冤仇。我欲待訴說個冤仇。待說來誰人採揪。天若還念我孤單。天若還念我孤單。願孩兒易長易壽。子母每得到頭。免使劉郎絕嗣後。〔淨扮竇老上〕

〔前腔〕聞知三娘分晚無憂。聞知三娘分晚無憂。李三公交咱來問憂。〔內丑叫

介〕聞人不許入磨房。〔淨〕聽伊家絮絮叨叨。聽伊家絮絮叨叨。覩前望後。〔旦〕竇

老。你緣何頻觀看兩頭。你緣何頻觀看兩頭。近前來問事由。近前來問事由。

〔淨〕我聽得伊家嫂嫂絮絮叨叨。只得慌忙便走。〔旦〕你且窩藏在僻處。他見了怎干休。他見了怎干休。〔淨作躲介丑上〕

〔五供養〕十中缺九喜姑姑。產下窮劉兒。夫曾囑付。怎干休。把花言覓誘。偷說

得兒入手管交一命喪清流。

〔僥僥令〕喜姑姑添小口。幾度待不收。十月懷胎娘生受。兒子是眼前花水上鷗。兒子是眼前花水上鷗。

〔金錢花〕姑姑分娩無憂。無憂。〔旦〕深謝嫂嫂耽憂。耽憂。心兒悶怎干休。〔丑〕把一筆盡都勾。

〔尾聲〕如今幸喜身啣溜。把粥食頻調產後。莫待老來病成不救。〔丑〕姑娘。夜來生下男子是女。〔旦〕生下一個兒子。〔丑〕且喜且喜。待我看看我兒。父親去投軍。家中添一個餘丁。〔旦〕嫂嫂。新養的孩兒。不要驚了他。〔丑〕我曉得。這是我骨肉。我的兒。他就叫我舅母舅母。〔旦〕嫂嫂休要取笑。〔丑〕姑娘可曾取乳名麼。〔旦〕叫咬臍。〔丑〕不好。待我改一個名。叫他希奇。此兒實希奇。大窮養下小窮兒。留在家中。有後患。不如撇在荷花池。〔丑〕下旦哭倒介。淨竇老上。劉家香火。李家祖宗來哩。再不要慌。二小娘。小官人在此。

〔哭相思〕〔旦〕耳邊忽聽叫二娘。猶如死去重生。〔淨〕我救得在此。〔旦見淨介〕

〔駐雲飛〕苦養孩兒。萬苦千辛生下你。頭臉上都是水。七魄將離體。兒空教你枉出世。死了孩兒。誰來與娘爭口氣。好朵鮮花不遇時。好朵鮮花不遇時。

〔前腔〕〔淨〕聽說因依。鐵打心腸也淚垂。直恁的行無禮。不得生惡意。他是小孩兒。與你何干。撇在荷池裏。人善人欺天不欺。人善人欺天不欺。〔淨〕三小娘。

這個孩兒。留在此不得了。〔旦〕寶公。怎麼好。〔淨〕你哥哥不仁不義。一定要下落他性命。怎麼養得到五歲十歲。我老人家打聽得劉官人在并州。有些勾當。我不辭辛苦。將小官人送到并州。待他願乳母養他長成。也得子母團圓。〔旦〕三日孩兒。那有娘乳與他喫。〔淨〕三小娘不要愁。我攬得些錢在身畔。買塊糕兒喂他。他若要乳喫。路途間人家有小廝喫乳的。我就雙膝跪下。奶奶沒娘的小廝。求一口乳兒與他喫。一路討將去。不要愁。〔旦〕寶公請上。待奴家拜你一拜。

〔宜春令〕寶公聽訴因依。兄嫂無知。將他撇在水。謝伊恩義。把我孩兒送到爹行處。見劉郎訴說詳細。問的實甚年歸計。〔合〕我兒長成時。休忘了寶公恩義。

〔前腔〕〔淨〕三娘聽拜咨啓。在邊廷習學武藝。要歸無計。料想着他身不由己。



待老漢送將他孩兒。便知他行藏。在何處。〔合前〕

三日孩兒撇在池。

鐵打心腸也淚垂。

若見劉郎備細說。

記取名兒叫咬臍。

### 第二十二齣 求乳

〔步步嬌〕〔丑上〕傳得杜康真綠醴。真個多奇異。酸的似如醋。臭的是馬尿。老婦膽大心粗。賣酒不納課租。不怕秦王霸王。賒酒留當則去。養過文君當壚。強如師姑婆婆。老婦忙忙。便把店開。挑水燒湯待客來。正是不將辛苦意。如何打動世間財。

〔二月海棠〕〔淨上〕年老人。登山涉水多勞頓。送孩兒。知他認也不認。傷情。母在家中思兒苦。怎知兒在此沒投奔。我移步。趨行程。無言不覺淚沾襟。老漢蒙李

三娘着我送孩兒到并州太原府去還劉大郎。一路辛苦。來到這裏。夜來在客店中安歇了一宵。感得店主娘與孩兒喫一夜乳。如今想孩兒肚又飢。這裏是酒店。想有婦人。再問他買些與他喫。多少是好。〔淨丑見介丑〕公公那處來。莫不是買酒喫。〔淨〕老漢喫不多。娘子酒有好的。〔丑〕酒名最多。

〔云云介淨〕好的打來。〔丑〕酒在此。呀。公公。你如何抱着一個孩子。〔淨〕娘子娘子。你若說這個孩兒。一言難盡。〔丑〕待說何妨。

〔紅衲襖〕〔淨〕告娘行聽拜啓。這孩兒便是冤苦兒。纔離娘與娘分離。他父親在并州太原府爲官。送此兒步着千山萬水。望娘行可憐他是無母兒。〔淨跪介〕覓些乳與他止肚飢。免致黃泉作小鬼。

〔前腔〕〔丑〕聽伊言交我惡怒起。他還有舅舅親人。下得將他廝控持。料他三日孩兒有何罪。嫡親子母成痛悲。兒母在家中恩愛你。願天天遮護恁。便做鐵打心腸也淚垂。公公。如今喫得飽了。你好生與他送去。〔淨〕多謝多謝。

特地送兒曹。

慇懃走一遭。

候門深似海。

不許外人敲。

## 第二十三齣 見兒

〔聲聲慢〕〔生上〕梁唐多事。萬姓荒荒。妻子盡皆流蕩。國祚方興時。遇太平盛

世家家戶人無事。慶豐年民不號啼。拜跪願乾坤一統。聖壽天齊。古人有言。得寵思辱。居安慮危。劉智遠自贅岳府。朝朝寒食。夜夜元宵。竟不知恩妻李三娘信息如何。一似和針吞卻線。刺人腸肚繫人心。〔小旦上〕若將容易得。便作等閒看。相公在此看甚麼。〔生〕看兵書。〔小旦〕看到那裏。〔生〕看到曹操與張飛對陣。曹兵把張飛追至霸陵橋。大喊一聲。霸陵橋分爲兩段。〔小旦〕其實好名將。相公那一個勝。那一個敗。

〔高陽臺〕〔生〕權統雄威。兵分八陣。名鎮四方威勢。呂望六韜。更兼孫武兵書。張飛。喝水斷橋聲似雷。論軍令不斬不齊。〔合〕奏到凱歌回。管取凌烟閣上。姓字名題。

〔前腔〕〔小旦〕聽啓慈父嚴尊。見伊武藝。將奴配君爲妻。征戰之功。那時蔭子封妻。須知赤心報國酬聖主。食天祿滿門榮貴。〔合前淨上〕一路辛勤不自由。如今且

喜到并州。三日孩兒送到此。未審劉郎收不收。長官。我是問路的。〔末〕問那裏去的。〔淨〕此間可是岳府。〔末〕正是。〔淨〕有個劉智遠。〔末〕割舌頭。〔淨〕走到割舌頭的所在來了。〔末〕你是那裏來的。

〔淨〕我是徐州沛縣沙陀村火公竇老。遞送家書的。〔末〕少待。待我通報。〔末進稟生介〕稟老爺。徐州沛縣沙陀村火公竇老。送家書在外。〔小旦〕相公。人有善念。天必從之。相公常想家中沒有信息。今日有人來了。〔生〕夫人。待下官去看來。〔小旦〕請穩便。〔生〕火公竇老。〔淨跪見介〕老爺。小人走錯了。〔生扶起介〕是我。起來。〔淨〕你一發擴充了。〔生〕懷抱小廝是那個。〔淨〕是你的兒子。

〔山坡羊〕〔生〕幸然孩兒來至。不覺交人垂淚。謝伊送我孩兒到此。面貌與娘俱無二。竇老兒。可有乳名了麼。〔淨〕三娘沒有剪刀。把口咬斷臍腸。叫他咬臍生。〔生〕兒名咬臍。是你親娘自取的。聞伊見說。見說肝腸碎。兩淚交流一似珠。孩兒。你親娘在那裏。孩兒。爹在東時。娘在西。〔淨〕劉官人不要啼哭了。三姐在家受苦。早早回去。〔生〕竇公。待我進去稟過夫人。〔淨〕這裏又是一個夫人。〔生〕我入贅在岳府了。〔淨〕劉官人。石灰布袋。處處有跡。

〔生進介小旦〕相公。甚麼人。〔生〕夫人。實不相瞞。前日府中說沒有妻子。下官不才。我有前妻李氏三娘。生下一子。着火公竇老送到這裏來。夫人肯收。着他進來。夫人不肯收。早早打發他回去。〔小旦〕相公說這不仁不義言語。既是前妻姐姐養的孩兒。着人千山萬水送來。怎麼說收也不收。前

妻姐姐養的。就是我養的一般。快著人抱進來我看。〔生〕賢哉夫人。竇公夫人着你進來。見了夫人。  
〔淨進見小旦拜介〕

〔奈子花〕感夫人愷悌仁慈。劉官人三姐呵。磨房中產下孩兒。嫉妬嫂嫂撇在水裏。是老夫救來還你。〔合〕看此兒。端的是相公嫡子。

〔前腔〕〔小旦〕看孩兒容貌希奇。與相公面龐無二。收留在此。猶如嫡子。長成時莫忘了竇公恩義。〔合前〕

〔前腔〕〔生〕我在沙陀村裏狼狽。荷公婆招我爲婿。他大舅憎嫌。心生惡意。今日且喜孩兒送至此間。夫人好好與他看養。長成時教他武藝。〔合前〕

三日孩兒你可收。

三年乳哺不須憂。

兒孫自有兒孫福。

莫與兒孫作遠憂。

## 第二十四齣 寇反

〔北一枝花〕〔淨領衆上〕昔日做朝內官。今做個山中寇。俺只爲朝中奸許多。有

功的恨殺爲仇。殺功的即便封侯。因此上撇了名鎖和勾。山中虎吼應龍聲。古木陰

陰似堡城。五百英雄同下寨。獍獠個個虎狼心。自家蘇林老將是也。只因朝廷有功不賞。有罪不誅。以致落草爲寇。哨聚山林。風高放火。無非劫掠民財。月黑殺人。盡是傷殘民命。茲者人強糧足。吩咐嘍囉。點起人馬。打奪州城。占住糧草。以圖大業。多少是好。〔吩咐介〕

〔豹子令〕〔淨〕頭帶金盔。八寶攢。八寶攢。茜紅袍帶血腥膻。血腥膻。雄威赳赳誰來犯。鐵人見俺也心寒。也心寒。〔合〕張弓躍馬下山關。下山關。

〔前腔〕〔衆〕主將威名似斗山。似斗山。嘍囉武藝有千般。有千般。羣雄拒敵如逢俺。教他個個不生還。不生還。〔合前〕

吶喊下山坡。

牛羊影也無。

欲求生富貴。

須下死工夫。

### 第二十五齣 討賊

〔賀聖朝〕〔生上〕自來獨逞英雄。四夷皆懼威風。朝廷勅命守山東。管交一戰



成功。策就平戎拜袞龍。擅車驅驟冠羣雄。神物豈堪終伏櫪。會見車書四海同。下官深感岳丈。官爲

大尉。茲者太行山強梁作反。朝廷昨日報馬已到。拜下官爲總兵元帥。前去收伏此賊。因點選衣甲。庫中並無一件中用。因思向年在那沙陀村臥牛岡上瓜園內。有天賜寶刀。金盞衣甲。兵書戰策。并李家莊暴劣紅騾馬。不免差人去取來一用。必然取勝收功。多少是好。旗牌何在。〔未上〕猛虎臺前出入。貔貅帳上傳宣。伏元帥。有何使令。〔生吩咐介〕

〔四邊靜〕蘇林賊黨侵邊地。差吾去當備。那更辦赤心。捐軀答聖主。〔合衆〕願聽鈞旨便驅馳。攜取寶刀回。成功最爲易。

〔前腔〕〔衆〕將軍號令如金石。星夜便前去。時刻莫遲延。違令怎饒你。〔合〕願聽鈞旨便驅馳。攜取衣甲回。成功最爲易。

賊黨不尊王命。

疆場指日澄清。

朝中天子三宣。

閩外將軍一令。

第二十六齣 凱回

〔鳳凰閣〕〔外上〕端居高拱。聖主垂福無窮。〔生〕出師征進志英雄。管取山河

一統。〔小旦〕更望取天山挂弓。凌烟閣擬畫儀容。〔外〕一封丹詔下神京。〔小旦〕仗劍長

驅莫暫停。〔生〕自愧才非文共武。果然集義統三軍。〔外〕王事急。整車輪。正是國難見忠臣。〔小旦〕

太平元是將軍定。才有將軍見太平。〔末上〕金甲頭盔及戰書。取來多少費工夫。邊疆一統民無害。

一將成功萬骨枯。稟元帥爺。軍器都在此了。〔生〕既如此。火速傳與二爺史弘肇知道。即便披掛爲

前部先鋒。前途等候。我隨後就來了。〔末得令下外〕孩兒將酒過來。爲你丈夫少壯行色。〔生〕多謝。

〔排歌〕〔外〕戰馬如龍。斷蛇寶刀。冲冲氣貫青霄。鵬搏萬里借扶搖。方顯池中

雲雨蛟。〔合〕施三略。展六韜。功高賞厚受封褒。收王土。絕虜囂。麒麟閣上姓名

標。

〔前腔〕〔小旦生〕頗牧同休。孫吳並高。堂堂間世人豪。折衝禦侮在今朝。忠蓋須

教冠百僚。〔合前生〕戎事已急。就此拜別。〔外旦〕佇聽佳音。凱歌報捷。〔下小生扮史弘肇領衆接

生上〕

〔番鼓兒〕恁諸軍恁諸軍。疾速忙前進。并力夾攻。教他聞風怕影。〔淨領衆上〕手持刀劍。潑無徒敢來對陣。〔合〕活捉與生擒。得戰時奏凱回程。

〔雙勸酒〕〔生〕耐耐畜生。輟敢無禮。速來拜降。免你身歸泉世。常言道養兵千日。今朝用人之際。〔淨〕打爺大拳誰敢當敵。鎗刀便起。交伊奔走無地。大兵若來時。殺交伊片甲無回。〔戰介淨敗下生〕且喜賊已大敗。待我追入巢穴。盡滅其餘。兄弟。你可與我寫捷書一封。飛報朝廷。不得有違。

喜孜孜鞭敲金凳響。

笑盈盈齊唱凱歌回。〔下〕

### 第二十七齣 汲水

〔胡搗練〕〔旦上〕兄嫂沒前程。罰我挨磨到天明。把我孩兒撇在水。火公救不見回音。自家骨肉尚如此。何況區區陌路人。哥嫂逼奴改嫁不從。罰我挨磨挑水。日不得閒。夜不安枕。且往井邊挑幾肩水。

〔桂枝香〕孩兒一去。眼中流淚。全無力氣精神。更兼紛紛細雨。酸疼兩腿兩腿。

難移。前去如何存濟。悶心兒一兩陣西風起。滴溜溜敗葉飛。

〔前腔〕肌膚憔悴。肩挑着水。捱不過這般樣淒涼。怎忍得恓惶滋味。奴元是李家。李家嫡親兒女。今爲奴婢。想劉郎他那裏厭厭悶。我愁煩只爲伊。

〔前腔〕兒夫別後。思量無計。指望竇老回歸。怎知全無一字。交奴展轉展轉越添憔悴。如何得睡。悶心兒欲寄音書去。山遙路更迷。

〔前腔〕哥哥毒害。是我前生結債。他將我萬種凌辱。這苦何日得泰。我願丈夫丈夫榮歸故里。稱奴心意。告神祇。願得兒夫至。還鄉衣錦歸。

琉璃井內碧沈沈。

奴與夫君一樣清。

日間挑水無休歇。

夜間挨磨到天明。

## 第二十八齣 受封

〔番卜算〕〔生上〕三箭定天山。一戰成奇績。捷音今已達彤庭。料想加官職。漢將

承恩西破戎。捷書飛報未央宮。天子預開麟閣待。祇今誰數武師功。下官平賊已來。卽令史弘肇上

本去了。想在目下。定有好音來也。

〔卜算先〕〔小生上〕喜色動龍顏。恩詔傳丹鳳。聖旨已到。跪聽宣讀。皇帝詔曰。臣立其勳。君隆其報。此今古之常經。國家之通誼也。茲爾劉嵩。治兵仁勇。而屢收征伐之功。報國精忠。而卒成底定之業。特陞爾爲九州安撫使。先鋒史弘肇。遏勦敵而戰每先登。相主帥而功成一統。雖古名將。不是過也。特陞爾爲九州安撫使。部下團練使。掌管一十六萬雄兵。專聽安撫使節制。嗚呼。崇德報功。以彰盛典。而協力懃忠。以酬知遇。朕于爾輩。有深望焉。望闕謝恩。〔生小生〕萬歲萬歲萬萬歲。兄弟。我輩蒙朝廷如此弘恩。敢不盡心爲國。你即時馳回本營。將有功者盡行開錄。以憑陞授。〔小生應下生〕今日且喜太平無事。不免請夫人出來。到後花園中閒玩一番。多少是好。〔請介〕

〔卜算后〕〔小旦上〕夫榮妻貴福無窮。偕老百年同。〔生相見見介〕

〔柳搖金〕〔生〕春光明媚。遊人似蟻。金勒馬頻嘶。萬紫爭妍麗。粉蝶兒成對飛。忽聽得賣花聲過。忽聽得賣花聲過。轉過畫橋西。欲買幾朵花來。妝個花籃花。轎兒。〔合〕朝歡暮樂。效學于飛。效學于飛。和你永諧連理。

〔前腔〕炎威可畏。涼亭避暑。浴罷晚涼時。纖手調冰水。佳人雪藕絲。聽操瑤琴一曲。聽操瑤琴一曲。句句有相思。一似冰盤浸浮瓜與沈李。〔合前〕

〔前腔〕金梧飄墜。紈扇懶揮。牛女會佳期。只見丹桂飄金蕊。風傳香韻美。遙望着碧天如洗。遙望着碧天如洗。萬里月揚輝。夫人我和你一似皓月澄清團圓到底。〔合前〕

〔前腔〕嚴冬天氣。彤雲布密。滿空飛。只見上下同一色。千山失翠微。畫閣紅爐深處。畫閣紅爐深處。歡宴飲瓊卮。相公我和你滿拚沈醉。共樂共樂銷金帳裏。

〔合前小生扮咬臍上〕

〔遠地遊〕朱扉畫戟。畫堂中萬千丰麗。幸吾父品登高位。文武中盡稱爲最。自小稱名號咬臍。家尊武藝占高魁。皇朝勅賜加官爵。百萬貔貅聽指揮。正是一門生二將。父子上凌烟。常言道良田千頃。不如薄藝隨身。爹媽在堂。上前參見。〔生〕孩兒在那裏來。〔小生〕告爹娘知道。如今春三二月。各衙舍人都去郊外打圍。孩兒欲去。未敢擅便。〔小旦〕相公。孩兒年幼。去不得。〔生〕



夫人我比他這年紀。十八般武藝件件皆能。叫老郎軍士。衙內郊外打圍。他人婦。別人妻。不可大驚。小怪。衙內回來說了。細打四十。決不饒你。〔生小旦下小生〕曉出鳳城東。分圍沙草中。紅旗遮日月。白馬驟西風。背手抽金箭。翻身挽角弓。衆人齊仰望。一鴈落空中。〔下〕

第二十九齣



〔綿搭絮〕〔旦挑水桶上〕別人家兒嫂有親情。唯有我的哥哥下得歹心腸。惡面皮。罰奴夜磨麥。曉要挑水。每夜攆拳獨睡。未曉要先起。那些個手足之親。想我爹娘知未知。

〔前腔〕井深乾旱。水又難提。一井水都被我吊乾了。井有榮枯。眼淚何曾得住止。〔介〕奴是富家兒。顛倒做了驅使。莫怪伊家無禮。是我命該如是。倘有時刻差遲。亂捧打來不顧體。

〔前腔〕尋思情苦淚雙垂。夫在邊廷。想我孩兒倚靠誰。喫淡飯黃齋。強要充飢。哥嫂每夜裏巡更不睡。討是尋非。哥嫂他那裏味已瞞心。料想蒼天不負虧。前

面一簇人馬來了。我神思疲倦。且在井邊少睡片時。〔小生引衆卒上〕

〔罕地錦襪〕連朝不憚路蹊。走盡千山并萬水。擒鷹捉鵠走如飛。遠望山凹追兔兒。叫老郎軍士。這里是那裏所在。〔淨衆應介〕這裏是沙陀村。〔小生〕怎麼來得這等快。〔左右

應介〕就如騰雲駕霧來了。〔小生〕一個白兔兒。在前面井邊婦人身邊去了。〔衆介小生〕那婦人

可見白兔兒麼。〔旦〕奴家是受苦婦人。〔衆〕曾見我白兔兒。〔旦〕不見。〔小生〕叫他過來。待我問他。

〔衆叫旦介〕白兔兒不打緊。上有金皮玉箭在上。〔旦〕有了白兔。就有金皮玉箭。奴家實是不見。

〔小生〕那婦人好人家宅眷。爲何跳足蓬頭。有甚情懷。

〔鴈過沙〕〔旦〕衙內問我甚情懷。〔小生〕爲何鞋也不穿。〔旦〕也曾穿着繡鞋。〔小生〕

敢是挑水賣的。〔旦〕不曾挑水街頭賣。〔衆〕敢是作歹事。〔旦〕貞潔婦女。怎肯作歹事。

〔小生〕被甚麼人凌賤你。〔旦〕被無知兄嫂忒毒害。〔小生〕有父母麼。〔旦〕雙親早喪十

六載。〔小生〕曾有丈夫麼。〔旦〕東牀也曾入門來。〔小生〕他在家出外。〔旦〕九州按撫投

軍去。〔小生〕有甚本事。〔旦〕十八般武藝皆能會。〔小生〕你丈夫姓甚名誰。〔旦〕嫁得個劉

智遠潑喬才。〔淨衆渾介〕天下有同名同姓者多。羞他羞他。〔小生〕你丈夫曾有所出。〔旦〕懷抱養子方三日。〔小生〕三日孩兒可在家麼。〔旦〕被火公竇老送到爹行去。〔小生〕去幾年

了。〔旦〕小小花蛇腹內藏。爹娘見他異相配鸞鳳。一別今經十八載。親生一子叫做咬臍郎。

〔丑渾介小生〕也羞他一羞。婦人。吾乃九州按撫之子。你丈夫在俺爹爹麾下從軍。我回去與爹爹說知。軍中帖出告示。推查你丈夫取你去。意下何如。

〔香羅帶〕〔旦〕衙內聽拜稟。〔拜介小生作倒介〕不要拜了。〔旦〕容奴說事因。一從間別鸞鳳兩處分。被哥哥嫂嫂苦逼分離也。朝朝挑水。夜夜辛勤。日日淚珠暗零。〔合〕異日說冤恨。取薄倖人。苦也天天。甚日得母子團圓說事因。

〔前腔〕〔小生〕娘行免淚零。聽吾說事因。俺爹爹管軍兼管民。我去與爹爹說了。軍中挨問姓劉人也。教他取你。免伊家淚零。〔衆介〕多只數日少半旬。〔合前〕

多謝衙內問信音。

有苦何須問的眞。

若還再得重相見。

猶如枯木再逢春。

〔小生〕叫左右。可挑水桶送他回去。〔淨扮李洪〕一上打丑介小生。怎麼哭。〔丑〕他家花嘴花臉一個人。把我一頓打。〔小生〕就說我是軍。〔丑〕他說打斷肋。〔小生〕甚麼時候。〔衆〕黃昏快了。

黃昏將傍赴城門。

隱隱鐘聲隔岸聞。

漁人罷釣歸竹徑。

牧童遙指杏花村。

### 第三十齣 訴獵

〔卜算子〕〔生上〕盼望旌旗。每日耳聞消息。聞得孩兒回至。孩兒郊外打圍。這時候還不見回來。〔小生上〕柳陰枝下一佳人。夫婿孩兒同姓名。好似和針吞卻線。刺人腸肚繫人心。爹爹孩兒拜揖。〔生〕孩兒回來了。打得多少飛禽走獸。〔小生〕聽孩兒告稟。

〔普天樂〕望蘆葭。淺草中分圍跨馬。見一個白兔前面過。趕到前村柳陰之下。見一個婦女身落薄。跣足蓬頭喫折挫。被兄嫂日夜沈埋。他行行淚灑。口口聲聲。只怨劉大。〔生〕我兒說話不明。如昏鏡不磨。你只管說甚麼劉大劉大。我問你打了多少飛禽走獸。〔小生〕告爹爹知道。孩兒前往郊外打圍。草中趕走一個白兔。孩兒一箭。正中那兔。連箭便走。

孩兒加鞭拍馬。直趕到徐州沛縣。地名沙陀村。八角琉璃井邊。有一個婦人。跣足蓬頭。問起根由。卻被哥嫂磨滅。在井邊汲水。我問他可有丈夫。他的丈夫名字與爹爹相同。問他可有孩兒。孩兒的名字與孩兒相同。我問他丈夫那裏去了。他說往九州按撫投軍去了。我就對他說。俺爹爹九州按撫。我回去稟過爹爹。軍中帖出告示。推問你丈夫書來夫妻重會。那婦人拜孩兒兩拜。孩兒跌倒兩次。不知爲何。〔生〕孩兒。你不要受他兩拜便好。〔小生〕爹爹好差矣。孩兒是九州按撫之子。受那村僻婦人兩拜不起。〔生〕我兒。做爹爹的幾次要對你說。因你不知世事。你道爹爹官從何處來。渴飲刀頭血。困來馬上眠。受盡苦中苦。方爲人上人。

〔歌兒〕我在沙陀村受狼狽。也是沒極奈何。爲父的日間在馬鳴王廟中棲身。感李太公領歸我。他把嫡親兒招我爲夫婦。兩老雙雙都亡過。被大舅爭強。把我鸞凰都耽誤。兒既來問我。華堂享富貴的是你繼母。那村僻婦人是你親母。剖剖心腸。磨房中生下你兒一個。〔小生〕華堂享富貴的。〔生〕是繼母。〔小生〕井邊打水的。〔生〕就是汝親娘。〔小生〕

〔哭介〕兒對嚴尊把事提。誰知母子各東西。舅舅不念同胞養。一子初生號咬臍。繼母堂前多快樂。

卻交親母受孤恓。爹爹忘恩負義非君子。不念糟糠李氏妻。今日還我親娘來見面。萬事全休不用提。若還親娘不見面。孩兒便死待何如。〔小生哭倒介〕夫人快來。〔小旦上〕隔牆須有耳。窗外豈無人。我兒娘在此。〔小生〕你不是我親娘。〔小旦〕畜生。嘴邊乳腥未退。胎髮未除。雖無十月懷胎。也是三年乳哺。那見得不是你親娘。〔生〕夫人請息怒。聽下官分割。祖居沙陀村裏。流落在馬鳴王廟中。李太公收留我回家。他把嫡親女兒招我爲婿。兩老皆亡過後。被大舅爭強。逼勒鸞鳳兩下。只得投奔從軍。感蒙你父不棄微賤。招我爲女婿。因孩兒打獵井邊。認了親娘。畜生休得要尋死覓活。休得要號天哭地。若不是夫人擡舉。怎年得一十六歲。還不過來拜了母親。〔小旦〕畜生。若不看相公分上。着實打你一頓。相公既有前妻姐姐在家。何不將我鳳冠接取到來。同享榮華。願爲姐妹。〔生〕若得賢哉夫人美意。勝似萬般週濟。

〔江兒水〕〔小生〕那日因遊獵。見村中一婦人。滿懷心事從頭訴。裙布釵荆添淒楚。蓬頭跣足身落薄。卻元來親娘生母。爹爹你負義辜恩。全不念糟糠之婦。

〔生〕我兒不要啼哭。明日與史弘肇叔叔說。點起三千壯士。把李家莊圍住了。拿了李洪一夫妻兩



口。綁將出來。刀割肉。劍劍抽筋。

彩鳳金冠去取妻。

此情莫與外人知。

黃河尚有澄清日。

豈可人無得運時。

第三十一齣 私會

〔八聲甘州〕〔旦挑水上〕懨懨悶損。怎消遣心上橫愁。兒夫別後。淚泣楚聲無投。

傷情最苦人易老。那更西風吹暮秋。休休。猛然間小鹿兒撞我心頭。

〔前腔〕今後潔可奈守。算古往今來似奴稀有。孩兒一去。到如今杳不回頭。十六年來音信杳莫有。父子同歡不念母。休休。猛聽得孤雁叫過南樓。神思困倦。就

在井欄邊少睡片時則個。〔旦作睡介〕

〔山歌〕〔丑上〕牧童兒。牧童兒騎上黃牛短笛吹。春遊芳草地。夏賞綠荷池。秋

飲黃花酒。冬吟白雪詩。爹娘養我能快活。誰知此地受孤恹。爹娘養我如金寶。如今

不值半文錢。自家李家莊上看牛的牧童是也。今朝放十三頭牛。出來不見了一頭。想是風大吹了

一頭去了。待我叫他一聲。黃牛呵。〔內應介丑〕呀。元來棒槌三丫頭在此睡着了。待我藏過了他水桶。我不見牛。他不見水桶。要打與他一同打。〔旦醒介〕

〔粉蝶兒〕睡思朦朧。覺來時卻是牧童在此。牧童。我的水桶在那裏。〔丑〕你可見我黃牛麼。〔旦〕我不曾見你黃牛。〔丑〕我也不曾見你水桶。〔旦〕小廝。你去尋將來。與你兩個錢。〔丑〕你把錢與我麼。待我尋將來。〔旦〕小廝還我。〔丑〕三小娘。水桶在此。把錢與我。〔旦打丑介〕畜生。你見我哥嫂磨滅我。你也來戲弄我。自古道得好。勢敗奴欺主。時乖鬼弄人。〔旦下丑哭介生上〕路塗不平。傍人減削。牧童。〔丑〕甘草木通。〔生〕那個打了你哭。〔丑〕走路便走路。管甚麼閒事。〔生〕牧童。方纔挑水的婦人是誰。〔丑〕你問他怎麼。〔生〕你說了把錢與你。〔丑〕錢不利市。銀子罷。〔生〕就是銀子。〔丑〕坐着說話長。我這裏叫做李家莊。有個李太公太婆。養兩個兒子。一個女兒。大兒子叫李洪一。小兒子叫李洪信。女兒叫三娘。李太公在馬鳴王廟中賽願。收留一個劉窮在家。也不曉得鋤田耕地。只會牧牛放馬。有一疋烏追馬。諸人降他不伏。被蠻子一降一伏。李太公見他異相。因此把女兒招他爲婿。成親之後。不想太公與太婆俱亡。那蠻子去九州按撫投軍去。十六年一竟不回。那婦人

被哥嫂挑水挨磨。又要逼他改嫁不從。日夜磨折他。是受苦的。你問他怎麼。〔生〕原來如此。多謝你了。銀子在此。可收去。〔丑〕渾下生叫介旦上。〔生〕是劉智遠回來在此。〔旦〕那個不曉得劉智遠是我丈夫。〔生〕三姐分別之時。我說三不回。〔旦〕那三不回。〔生〕不發跡不回。不做官不回。不報得李洪一冤仇不回。〔旦〕這話與丈夫在瓜園中說的。閒人那個曉得。待奴看來呀。〔見介〕

〔臨江仙〕〔生〕一十六年不見面。今朝又得再相逢。

〔鎖南枝〕〔旦〕從伊去後受禁持。不從改嫁生惡意。因此骨肉參商。罰奴磨麥并挑水。止望你身顯跡。又誰知恁狼狽。

〔前腔〕〔生〕一從散鴛侶。鸞凰兩處飛。受盡奔波勞役。只爲苦取功名。此身不由己。身逗留無所依。那知你受狼狽。

〔前腔〕〔旦〕奴分娩產下兒。嫉妬嫂嫂撇在水。幸得竇老辛勤。寄取來還你。十六年杳無音信歸。日夜裏受孤恹。

〔前腔〕〔生〕娘行聽咨啓。我把真情訴與伊對面。娘兒不識。那日井邊相逢。打獵一衙內尋兔的。你道是誰。〔旦〕是那個。〔生〕名咬臍。是你孩兒。

〔前腔〕〔旦〕思前日有個打獵的。他說九州按撫兒。見他氣宇軒昂。誰想是吾嫡子。心下疑難信。你莫不是沒見識。賣與官家做奴婢。

〔前腔〕〔生〕出語大相欺。九州按撫是我爲品級。都堂爵位掌管一十五萬官兵。權顯達還鄉里。我妝舊時私探。你休泄漏莫與外人知。三姐前日在瓜園分別。今

日磨地相逢。大家把苦來說一說。〔旦〕你的也說與我知道。我的苦也說與你知道。〔生〕三姐自從瓜園分別。逕到并州。岳節度使招軍買馬。命苦到那裏軍完馬足。不用了。被我苦苦哀告。收我在長行隊。日間押馬草。夜間提鈴喝號。那一晚臘月二十。雪又大。風又大。正該我巡更。巡到跨街樓底下。躲避風雪。岳府小姐在層樓做女工針指。見我身上寒冷。將一件舊衣服與我遮寒。拿錯了。把父親身上紅錦戰袍。來日要入朝賞雪觀梅。遍尋不見。查問起。到我穿在身上。拿我去要打打不得。要殺又殺不得。他見我有異相。他就把繡英小姐與我爲妻。在彼朝朝寒食。夜夜是元宵。拿你的苦說。

與我聽。〔旦〕我的受用。不比你的受用。來這裏看。這是磨房。這是水桶。〔丟桶介旦倒生扶介〕

〔孝南枝〕〔旦〕聽伊說轉痛心。思之你是個薄倖人。伊家戀新婚。交奴家守孤燈。我真心待等。你享榮華。奴遭薄倖。上有蒼天。鑒察我年少人。

〔前腔〕〔生〕告娘行聽咨啓。望娘行免淚零。若不娶繡英。怎得我身榮。將彩鳳冠來取你。取你到京中做一品夫人。三姐。我有三台金印在此。你可收下。三日後來取你。還

我金印。如不來取你。就把他撇在萬丈深潭。他不能出世。我不能做官。〔旦〕官人。如今哥嫂知道了。怎麼好。〔生〕你如今往三叔家住下。〔旦〕曉得哥哥使心機。〔生〕明日教他化作灰。善惡到頭終有

報。只爭來早與來遲。〔旦取水桶生踢介同下淨上〕事不關心。關心者亂。我家牧童回來說。劉窮回來偷老婆。這入娘的。想夢指望偷老婆。我見他打得他希爛。〔生暗上聽見介淨〕請了。你回來了。

〔生〕回來了。〔淨〕修網巾的出牌額照舊。去時穿這件衣服。如今原是這件衣服。李家莊上養得人的。〔生〕你方纔要打我麼。〔淨〕前日在瓜園裏受了你的虧。如今請兩個教師教會了。拳頭。隨你文打也得。武打也得。〔生〕文打便怎麼。武打便怎麼。〔淨〕文打四抱腰。武打不要扯我鬚脚毛。〔生〕隨

你怎麼打〔淨〕且不要忙。先走一個勢與你看看。〔生打介淨倒介生下丑上〕那個打我的老公。〔淨丑渾打介丑〕是我是我。〔淨〕那個。早說便好。早是你說了。鵝雞嘴都打尖了。〔丑〕今日也請教師。明日也學拳。可買些肉與他喫便好。今日也豆腐。明日也豆腐。學這豆腐拳來打老婆。〔淨〕如今且計較起來。到沙陀村寺裏勸農老爹那裏告他。〔丑〕告他甚麼來。〔淨〕妹夫打大舅。首告逃軍事。〔丑〕有理。先演一演。〔淨〕你做了官。我來告。〔丑介淨〕我叫告狀。你便叫屈。〔丑叫屈介淨〕告甚麼狀。〔丑〕老爺。告妹夫打大舅逃軍事。〔淨〕拿狀子上來。〔丑遞介淨念介〕告狀人李洪。一年三十六歲。爹是李太公。娘是李太婆。馬鳴王廟賽願。拾得劉窮。把阿妹三娘做老公。十六年不見面。今日回來打舅公。頭髮打得粉粉碎。牙齒打佐一把骨。鼻子打做兩個窟。老爺牆頭上施行。〔渾介下〕

### 第三十二齣 團圓

〔別銀燈〕〔小生領衆上〕蒙尊命來迎我母親。心如箭馬不留停。姻緣本是前生定。故令個白兔來引。艱辛十六年命屯。今喜得枯枝再春。

〔前腔〕〔旦上〕望孩兒終日倚門。怕兒夫語言不定。哥哥嫂嫂忒薄倖。全不念



手足情親艱辛十六年命屯料今日枯枝再春〔小生入相見抱介〕

〔一封書〕兒不孝遠離我娘行無所爲兒名喚咬臍一十六年如夢裏娘呵若不在沙陀村來打獵怎能勾母子夫妻重會期〔合〕母和兒痛傷悲這段冤仇必報取請母親起程〔行介〕

〔前腔〕〔旦〕從別離你爹兄嫂無情苦禁持說不盡那時罰奴磨麥并挑水我受了千辛并萬苦又誰知母子夫妻重會期〔合前小生〕請母親下轎爹爹母親有請

〔生小旦上〕

〔稱人心〕青山綠水年年好不知人換幾千秋〔生旦小旦相見介末上〕世事短如春

夢人情薄似秋雲〔入相見介生〕呀智遠正欲道府奉謝何勞叔丈遠來〔末〕不敢〔生〕夫人孩兒

過來拜了叔公〔末〕此一位是何人〔生〕軍中岳氏夫人〔末〕這一位〔生〕是咬臍〔末〕我的外甥

你娘爲你受了千辛萬苦如今如此長成了可喜可喜〔生〕叔公若將冤報冤如狼去食血若將恩

報恩如湯去潑雪可奈李洪一夫妻二人如此狠毒此恨如何消得叫左右把李洪一夫妻二人綁

過來〔綁上淨丑〕妹子救救。〔生〕這是無知大舅舅母。〔小生〕把他砍了。〔淨丑〕叔爺救我一救。我是劉家香火。〔末〕劉官人當初是他不仁不義。只看先兄分上。可以饒恕。若論他爲惡。挫屍萬段不足。何足惜哉。〔旦〕相公。恩將恩報。非爲人也。仇將恩報。纔爲人也。若把哥哥典刑。奴家父母在九泉之下也不瞑目。我死之後。怎見父母之面。我受十六年之苦。命該如此。也不怨他。把我哥哥饒了罷。〔生〕左右。把李洪一放了。〔淨放介〕李洪一。今日黃河水清不清。〔淨〕滴溜清的。〔生〕帶過那婦人來。那當初曾有言。劉郎若得身發跡。做枝蠟燭照乾坤。〔丑〕這是有。〔生〕這潑婦怎生饒得。叫左右。吩咐有司。取香油五十斤。麻布一百丈。把這潑婦做個照天蠟燭。以泄此恨。〔左右應下〕淨〕燒得這狗入的好。〔生〕叫左右。一壁廂打點祭禮。到我岳父岳母墳上祭掃。一壁廂將黃金五十兩。與叔公重修馬鳴王廟。一壁廂備馬一疋。去取寶老至我府中養老終身。孩兒將酒過來。

〔大環着〕〔衆〕因孩兒出路。因孩兒出路。打獵沙陀。偶見林中白兔蹣蹣。若非他引見母。怎能勾夫妻相會。前生裏今日奇。從此團圓永效于飛。

〔紅繡鞋〕春有秀陌瑤池。瑤池夏有流觴曲水。曲水秋翫月。與冬時觀瑞雪。賞

寒梅拚今宵共沈醉。

〔尾聲〕貧者休要相輕棄。否極終有泰時。留與人間作話題。

湛湛青天不可欺。

未曾舉意早先知。

善惡到頭終有報。

只爭來早與來遲。

白兔記終

香

囊



目錄

- |      |    |
|------|----|
| 第一齣  | 家門 |
| 第二齣  | 慶壽 |
| 第三齣  | 講學 |
| 第四齣  | 逼試 |
| 第五齣  | 起程 |
| 第六齣  | 途敘 |
| 第七齣  | 題詩 |
| 第八齣  | 投宿 |
| 第九齣  | 憶子 |
| 第十齣  | 瓊林 |
| 第十一齣 | 看策 |



第十二齣 分岐

第十三齣 供姑

第十四齣 點將

第十五齣 起兵

第十六齣 榮歸

第十七齣 拾囊

第十八齣 授詔

第十九齣 聞計

第二十齣 敗兀

第二十一齣 尋兄

第二十二齣 羈虜

第二十三齣 問卜

第二十四齣 設祭

第二十五齣 辭婚

第二十六齣 義釋

第二十七齣 趕散

第二十八齣 寄書

第二十九齣 郵亭

第三十齣 避難

第三十一齣 潛回

第三十二齣 媾媒

第三十三齣 說親

第三十四齣 賞雪

第三十五齣 南歸

第三十六齣 強婚

第三十七齣 得書

第三十八齣 治吏

第三十九齣 祈禱

第四十齣 相會

第四十一齣 酬恩

第四十二齣 褒封

# 香囊記

明邵璨著

## 第一齣 家門

〔鷓鴣天〕〔末上〕一曲清歌酒一巡。梨園風月四時新。人生得意須行樂。只恐花飛減卻春。今卽古。假爲眞。從教感起座間人。傳奇莫作尋常看。識義由來可立身。

〔沁園春〕爲臣死忠。爲子死孝。死又何妨。自光嶽氣分。士無全節。觀省名行。有缺綱常。那勢利謀謨。屠沽事業。薄俗偷風。更可傷。怎如那歲寒松柏。耐歷冰霜。閒披汗簡芸牕。謾把前修發否臧。有伯奇孝行。左儒死友。愛兄王覽。罵賊睢陽。孟母賢慈。共姜節義。萬古名垂有耿光。因續取五倫新傳。標記紫香囊。

〔風流子〕蘭陵張氏。甫兄和弟。夙學自天成。方盡子情。強承親命。禮闈一舉。同占魁名。爲忠諫忤。違當道意。邊塞獨監兵。宋室南遷。故園烽火。令妻慈母。兩處

飄零。九成遭遠謫。持臣節十年身陷胡庭。一任契丹威制。不就姻盟。幸遇侍御。捨生代友。得離虎窟。晝錦歸榮。孝友忠貞。節義聲動朝廷。

賢德母慈能教子。

貞烈婦孝不遺親。

王侍御捨生死友。

張狀元仗節忘身。

第二齣 慶壽

〔齊天樂〕〔生上〕讀書無意登廊廟。所志豈求安飽。菽水承歡。齋鹽樂道。孝悌乃立身之要。〔外上〕青雲夢杳。且就學趨庭。繼晷焚膏。〔合〕兄弟怡怡。向慈闈躬把甘旨調。〔生〕洙泗千年道不傳。淵微至理在遺編。一生未悟誠明了。百行須知孝悌先。〔外〕追往

聖。企前賢。鳶飛魚躍性中天。三遷曰佩慈親教。夙夜遑遑更勉旃。〔生〕兄弟入則孝。出則悌。行有餘力。則以學文。今日是母親壽誕。暫輟講習之功。就此花前捧觴稱慶。以敘聯倫之樂。多少是好。〔外〕哥哥。爲此春酒。以介眉壽。況又兄弟既翕。和樂且耽。就當攜取酒肴果饌。一同嫂嫂扶持母親出來。

〔下〕

〔花心動〕〔旦上〕閨夢驚回。聽流鶯報道瑣窗春曉。〔貼上〕潘鬢垂絲。萊綵翻霞。閒身且自逍遙。〔外持酒上〕夜來南極祥光照。〔合〕親壽日喜遇花朝。對碧桃同把壽樽傾倒。〔貼〕老身崔氏之女。張門之母。良人棄世之時。二子尙幼。骨肉淒涼。家業凋廢。教誨提攜。匪勉夙夜。如今皆已成立。大的孩兒張九成。新娶媳婦邵氏貞娘。且喜他德性幽閒。功容盡善。頗稱清白之風。第二的孩兒張九思。未遂室家之願。且待他溫習經書。又作區處。正是不求金玉貴。但願子孫賢。孩兒。你請我出來則甚。〔生外跪介〕告覆母親。且喜萱花無恙。棠棣聯芳。雖無王母蟠桃之宴。聊效萊子戲綵之歡。況身閒無事。當此春和景明之時。聊具蔬酒。爲母親介壽。〔貼〕正是萬兩黃金未爲寶。一家安樂值錢多。

〔錦堂月〕〔生〕紅入僊桃。青歸御柳。鶯啼上林春早。簾捲東風。羅襟曉寒猶峭。喜僊姑書附青鸞。念慈母恩同烏鳥。〔合〕風光好。但願人景長春。醉遊蓬島。

〔前腔〕〔外〕難報。母氏劬勞。親恩罔極。只願壽比松喬。定省晨昏。連枝尙有兄嫂。喜春風棠棣聯芳。娛晚景松筠同操。〔合前〕

〔前腔〕〔旦〕祈禱親壽彌高。童顏自若。春色故偏萱草。蘭茝生馨。青蓮已見龜巢。喜一門和氣如春。總萬兩黃金非寶。〔合前〕

〔前腔〕〔貼〕垂老素髮飄蕭。朱顏委謝。不復鏡中年少。教子成名。只指望異日封褒。孩兒那時節。喜十年雪案螢囊。換五色金花鸞誥。〔合前〕

〔醉翁子〕〔生〕難效那閔損與曾參子道。且竭力承顏。盡心行孝。〔旦〕論討看古往今來。耿耿名從青史標。〔合〕祈壽考。願鶴算綿綿。福海滔滔。

〔前腔〕〔外〕聽告論爲子事親當顯耀。但親在高堂。怎敢遠遊相拋。〔貼〕從教奮萬里鵬程。莫學區區兒女曹。〔合前〕

〔僥僥令〕〔生〕簷花明繡襖。〔旦〕庭草亂青袍。〔合〕但見兩兩僊童歌金縷。玉女奏雲璈。舞楚腰。

〔前腔〕〔外〕銀缸燃鳳腦。玉碗送羊羔。〔合〕一任銅壺催更箭。明月送清宵。轉斗杓。



〔十二時〕得歡笑處須歡笑。想來日陰晴難料。萬事莫榮懷抱。

〔貼〕春風戲綵醉花前。

〔生〕五福從來壽是先。

〔旦〕直見蟠桃開兩度。

〔外〕卻教龜鶴羨長年。

### 第三齣 講學

〔窳地錦襠〕〔末上〕三年篤學不窺園。刺股懸梁志亦堅。文章亦可選青錢。問友尋師更勉旃。自家高秀才便是。今年正當大比之年。學中幾個朋友相期講學。不免尋訪則個。〔水底魚兒〕〔丑上〕坐破寒氈。燈牕苦十年。試官批卷。定爲第一篇。〔末〕詩敍關雎爲首章。這的是第一篇。

〔前腔〕〔淨上〕騏驥爭先。雲程快着鞭。是人欽羨。道咱作狀元。〔末〕英才滿天下。偏你作狀元。〔淨〕小子志量如此。老兄何故當面搶白。〔末〕將軍手裏戟如霜。這便是當面搶白。〔丑〕我便要一個足下白。〔末〕人跡板橋霜。這便是足下白。〔淨〕我要一個身上白。〔末〕滿頭風雪卻回來。這便是身上白。〔丑〕我又要一個白裏白。〔末〕梨花院落溶溶月。這便是白裏白。〔淨〕我要個白

白白〔末〕諱不過三。今當大比之年。試期將近。且去尋訪幾個朋友。講習學問。多少是好。〔淨〕君子講學。以文會友。以友輔仁。有何不可。

〔駐雲飛〕壯志軒昂。自小遊從翰墨場。文字皆官樣。容貌非凡相。嗟。盧駱與王楊。豈爲吾黨。便遇韓柳歐蘇。未必多謙讓。〔合〕目短曹劉十仞牆。目短曹劉十仞牆。

〔前腔〕〔丑〕學問荒唐。終日陶陶入醉鄉。縱酒情偏蕩。舞劍年方壯。嗟。裘馬任清狂。且耽遊賞。你看雲淡風輕。花外晴絲颺。〔合〕細柳鶯聲出畫牆。細柳鶯聲出畫牆。

〔前腔〕〔末〕綺陌塵香。多士如雲遇試忙。負笈紛來往。問友爭尋訪。嗟。逸足騁康莊。肯留羈鞅。志氣凌霄。才思殊英爽。〔合〕筆陣生風戰堵牆。筆陣生風戰堵牆。

〔前腔〕〔生上〕幼習文章。曾佩軻親教子方。甘旨躬調養。名利誰承望。嗟。鑿壁

且偷光。寸陰休曠。悟卻誠明。義理從條暢。〔合〕免使他年悔面牆。免使他年悔面牆。〔衆相見介淨〕動問尊兄高姓。〔生〕學生姓張。〔淨〕立早弓長。〔生〕子張之張。〔淨〕甚表。〔生〕九成。〔淨〕必有個出處。〔生〕書曰。簫韶九成。鳳凰來儀。〔淨〕承教承教。此位老兄高姓。〔末〕學生姓高。〔淨〕你倒會使乖。我問你高姓。你就說姓高。怎麼不說姓低。〔末〕姓怎麼換得。〔淨〕甚表。〔末〕八座。〔淨〕也有出處。〔末〕史記云。尙書六曹并令僕二人爲八座。〔淨〕將就將就。此位老兄高姓甚表。〔丑〕小子取名時也不會看書。只有一句猜謎詩。〔末〕願聞。〔丑〕道是菊殘猶有兩三枝。〔末〕莫不是鄭五花。〔丑〕正是正是。〔末〕足下高姓。〔淨〕口天。〔末〕姓吳。〔淨〕要倒下口字來。〔末〕那有吞字。姓。〔淨〕祖上原姓吳。父親生小子。口大能吞食。說古人曾有田駢。大口做了顯官。以此好識。故改作姓吞了。〔末〕甚表。〔淨〕你是一句詩取名。我小子是三句詩得名。〔末〕願聞。〔淨〕第一句你猜。雪暗逢人不舉杯。〔末〕這是寒夜客來茶當酒。〔淨〕第二句。自小貪杯到白頭。〔末〕這是斷送一生惟有酒。〔淨〕第三句。故人相見自銜杯。〔末〕這是客來謾酌清樽酒。〔淨〕喫你都猜着了。小子平日貪杯。又作得三句好詩。與古人詩相合。就以此爲名。〔末〕三句詩皆有盃字。莫不是吞三盃。〔淨〕正是正。

是〔諱介末〕且不要浮言浪語。秀才家相見。講些文字。以求進益也好。〔淨〕正是。都要把本經講一篇。〔丑〕張兄治何經。〔生〕春秋。〔淨〕春秋大義何如。〔生〕春秋以褒貶爲義。屬詞比事。微文隱義。聖人作春秋而亂臣賊子懼。〔淨〕承教。高兄治何經。〔末〕毛詩。〔丑〕大義何如。〔末〕詩以道性情。善者可以感發人之善心。惡者可以懲創人之逸志。〔淨〕承教。鄭兄治何經。〔丑〕小子治禮記。〔末〕大義何如。〔丑〕禮以敬爲主。經天緯地。本之則太一之初。原始要終。體之則人情之大。〔淨〕這經義切體。今日朋友聚會。小子不會學得禮數。請教道一番。〔丑〕隨諸公要講那一篇。〔末〕內則少儀鄉飲射義。隨意講了一篇。〔丑〕不瞞老兄說。孔子問禮於老聃之時。學生年幼。不會聞得。諸公若要問我經義。待我去問二戴老先生來。〔末〕又道是當仁不讓於師。〔丑〕吞先生治何經。〔淨〕周易。〔末〕大義何如。〔淨〕若要知大義。就在此坐聽講三五日去。〔末〕那得許多工夫。略說些經旨。〔淨〕我就說伏義畫八卦。文王重之爲六十四卦。周公作爻辭。孔子作十翼之辭。以後李之才傳於穆修。穆修傳於种放。种放傳於陳搏。陳搏傳於邵康節先生。小子便是邵康節先生親授業的高徒。你怎麼駁問我經義起來。〔末〕且不要誇口。只要解太極兩儀四象之義還我。〔淨〕我那曉得兩儀四象。只把八八

六十四卦斷些吉凶便了。列位若要問前程。就取課錢出來。〔末〕此間張兄是道學之士。休得胡柴。  
〔淨〕不敢。

〔阜羅袍〕〔生〕爲學本知趨向。論修身須盡儉讓溫良。求仁未入仲由堂。安貧且臥顏回巷。〔合〕男兒志氣努力自強。聖賢經傳潛心會講。奎光直透三千丈。  
〔前腔〕〔末〕自忝朝廷作養。儘勞形雪案。苦志螢囊。十年燈火困寒牕。一朝姓字題金榜。〔合前〕

〔前腔〕〔淨〕我禮度從來豪放。恃三軍筆掃。五綵胸藏。須教白屋出朝郎。爭誇月斧歸天匠。〔合前〕

〔前腔〕〔丑〕莫笑我狂言誇獎。似神魚失勢。暫困濠梁。禹門一日會飛揚。春風鼓動桃花浪。〔合前〕

〔生〕焚膏繼晷惜二餘。

〔淨〕管領春風到草廬。

〔末〕富貴必從勤苦得。

〔丑〕男兒須讀五車書。

第四齣 逼試

〔花心動〕〔貼上〕清白家聲。嗣箕裘奕世尙遺勳蔭。兒肄詩書。婦主蘋蘩。何須

囊有贏金。〔旦上〕布荆慚遇梁鴻選。喜賢母慈愛恩深。日暮間奉侍升堂將祔。

〔臨江仙〕〔貼〕曉鏡離鸞羞覩影。孤琴久絕朱絃。只應腸斷柏舟篇。姆儀崇四德。教子慕三遷。〔旦〕

燕爾新婚。諸伉儷。嬌容尙怯芳年。躬持婦道未能全。職供南澗藻。心戀北堂萱。〔貼〕媳婦。自你來到

我家。方纔半月。尙不知我許多心事。〔旦〕婆婆。請說與奴家知道。〔貼〕比初你公公棄世之時。你丈

夫與叔叔皆在孩幼。內外俱無期親之賴。奈家業凋零。朝夕艱窘。勉以詩書教育二子。如今幸得他

卓立成人。但不知前程之事如何。〔旦〕婆婆。不知公公亡過幾年了。

〔瑣窗寒〕〔貼〕守孤幃。幾度淚沾衿。二十年餘喪藁砧。把詩書教子。每苦難禁。

終宵耿耿。何曾安枕。只愁他罄囊虛廩。〔合〕古今惟有孟母與曾參。這般賢孝

堪欽。

〔前腔〕〔旦〕聽雞鳴。妝鏡慵臨。寤寐常懷奉母心。恐西山日近。老景加侵。躬操



井臼還勞織衽。向晨昏怎辭興寢。〔合〕古今惟有孟母與曾參。這般賢孝堪欽。〔前腔〕〔生外上〕論爲學須惜分陰。瞬息風簷歲月侵。奉慈親強學扇枕溫衾。兒心祇恐春秋高甚。那戀着腰黃衣錦。〔合〕古今惟有孟母與曾參。這般賢孝堪欽。〔見貼旦介貼〕孩兒養子不教。父之過。訓道不嚴。師之惰。自你父親亡後。訓育之功。都是我一身擔了。且喜汝等年紀長大。學業有成。但家貧不爲祿仕。是以朝夕憂念。今當大比之年。你兄弟可去求取功名。多少是好。〔生〕母親自古道。事親孝。故忠可移於君。孩兒於事親之禮。尙未能盡。豈可先於事君乎。〔外〕母親李密陳情。猶懷烏鳥之私。皋魚出仕。致有風木之恨。語云。父母在。不遠遊。孩兒情願在膝下。習些孝悌之道。不敢違親遠出。〔貼〕孩兒子路負米。固能盡養親之禮。其後雖有崇爵之貴。厚祿之享。思欲奉親而不可得。爲終身之恨。我如今年紀高大。生前不得一享封爵之榮。死後有三牲五鼎之祭。亦必飲恨於九泉之下矣。〔生〕兄弟。母親嚴命再三。你年幼。恐不能任薪水之勞。待我在家事。你去求官便了。〔外〕哥哥。少者當任其勞。況哥哥負經濟之才。取青紫如拾芥。兄弟學未成章。其實難去。〔貼〕你兩個雖年齒大小。皆受十年燈窗之苦。都去一取功名。方顯我教子之功。



〔旦〕官人休要固辭。一則抗親之命。二則不能養親之志。你與叔叔同去。婆婆在堂。奴家當自服勞奉養。不必掛念。〔生〕既然如此。只得順親之志。收拾行李。早晚起程便了。

〔三學士〕只得含情從母命。早辦行李登程。事親未得榮三釜。教子空勞授一經。〔合〕但願錦衣歸定省。忠和孝兩盡情。

〔前腔〕〔外〕暫脫斑衣事遠行。免不得戴月披星。母親倚門他日休思子。仗劍明朝又逐兄。〔合前〕

〔前腔〕〔旦〕親在高堂當暮景。甘旨我自應承。妾身已受蘋蘩託。婦道須傾葵藿誠。〔合前〕

〔前腔〕〔貼〕半世孤燈身共影。孩兒爲汝等多少勞形。若非一舉登科日。怎顯得三遷教子名。〔合前〕

〔貼〕當今黃榜選英才。

〔生〕母命如何敢拒推。

〔外〕正是窗前勤苦學。

〔旦〕須教馬上錦衣回。

第五齣 起程

〔一翦梅〕〔生外同上生〕胸藏星斗氣沖霄。甘老青袍。豈戀藍袍。〔外〕桃花浪暖禹門高。日近天遙。水遠山遙。〔生〕兄弟事孰爲大。事親爲大。守孰爲大。守身爲大。昨日母親苦逼我。和你赴舉。雖一時勉強。承命以思。終夜不寐。其實難行。〔外〕哥哥善事父母爲孝。善事兄長爲悌。兄弟於孝悌之道。尙未能行。豈敢求務於外。〔生〕然此必待母親出來。婉容苦告則個。

〔繞地遊〕〔貼同旦上貼〕憂心悄悄。歷盡冰霜操。論教子軻親難做。〔旦〕雞聲報曉。問寢高堂早。執婦道肯求安飽。〔貼〕孩兒夜來分付你兄弟收拾行李。一同赴試。如何了。

〔生〕母親行李雖備了。孩兒三思起來。一則母親年老。止有媳婦在家。井臼之勞。尙不堪任。安能盡得溫清之禮。二則早晚有些欠缺。女流之輩。濟得甚事。是以猶豫。不敢承命。〔貼〕自古道。貧窮患難。親戚相救。婚姻死喪。鄰保相助。同鄉共井。平日皆以恩信相結。凡有欠缺。老身自能理會。我兒。你兩個放心前去。

〔忒忒令〕常把文章教兒曹。只指望立身行道。況我衰暮。百年事難保。及早去。

取功名。及早去取功名。沐恩寵。顯母妻。五花封紫誥。

〔前腔〕〔旦〕官人。你才學從來壓俊髦。豈終可在家懷寶。若非求仕。奈家貧親老。休恁的苦推辭。休恁的苦推辭。步雲程。取青紫。早把親顯耀。

〔沈醉東風〕〔生〕論忠節。忍學那趙苞。也只願事親行孝。晨夕裏念劬勞。晨夕裏念劬勞。私情烏鳥。因此上敢違慈教。

〔前腔〕〔外〕爲功名把慈闈忍拋。怎做得絕裾溫嶠。哥哥我和你出去後呵。甘旨有誰調。甘旨有誰調。親恩難報。空淚灑北堂萱草。

〔福青歌〕〔丑扮鄰母上〕少年郎讀書豪氣。赴春闈必登高第。老娘積祖是鄰居。特來賀喜。餞行程少助盤費。〔相見介貼〕王鄰母請坐。〔丑〕老安人。老娘聞得二位秀才上

京求官。特來探望一番。〔貼〕多多起動王鄰母。我十年教子。喫了多少艱辛。也只要光門耀戶。今着他去赴舉。兩個在此再三推調不從。〔生〕鄰母。母親嚴命。固不敢違。但我兄弟去後。家中並沒一個親人。恐有空乏。如何是好。〔丑〕秀才。自古道遠親不如近鄰。老娘忝爲鄰舍。衣食稍爲贏餘。日後倘

有欠缺。都是老娘應當。〔生〕多謝鄰母。〔外〕鄰母。哥哥才富力強。固當去取功名。卑人年紀未壯。才學未成。情願在家奉養。望鄰母一言。勸解則個。〔丑〕秀才。老娘不識世事。但聞得俗語云。恭敬不如從命。老安人便是差見。也索逆來順受。不可推拒。就此拜辭了起程去。老身有些小白銀。奉爲路費。  
〔生外〕多謝鄰母。

〔園林好〕告膝下兒今遠離。暫撇下斑斕舞衣。早赴文場科試。〔合〕知甚日拜庭闈。知甚日拜庭闈。

〔前腔〕〔貼〕喜天賦良才與我兒。肯甘做山林布衣。及早飛黃千里。〔合〕揚姓字耀門楣。揚姓字耀門楣。〔生〕娘子。母親在堂。好生與我侍奉。

〔神仗兒〕〔旦〕高堂母氏。他鄉遊子。慎勿多憂慮。〔生〕娘子。母親在堂如何。〔旦〕我自供調甘旨。〔合〕晨夕裏強支持。晨夕裏強支持。

〔前腔〕〔丑〕裙釵老嫗。鄰家居住。喜白頭相聚。匱乏我當周濟。〔生外貼旦合〕凡百事望提攜。凡百事望提攜。

〔川撥棹〕〔貼〕深感激恩和義。我兒行當記取。〔生外〕會有日身上雲梯。會有日身上雲梯。這深德焉能負虧。〔合〕願恩榮返故廬。願恩榮返故廬。

〔前腔〕〔旦〕早賦歸期莫待遲。念白髮慈親頻倚闥。〔生外〕但只恐旅泊天涯。但只恐旅泊天涯。萬里思歸不可歸。〔合〕這離懷欲訴誰。這離懷欲訴誰。〔意不盡〕〔合〕辭親舍。赴帝畿。奈萬水千山迢遞。頻寄緘書慰母妻。

〔生〕骨肉傷情爲別離。

〔外〕好將三策獻明時。

〔貼〕十年窗下無人問。

〔合〕一舉成名天下知。

### 第六齣 途敘

〔鵲橋僊〕〔生上〕花飛江路。鳥啼紅苑。過眼流光指撚。〔外上〕思親回首望家鄉。又隔斷青山不見。〔淨末上〕山程歷盡。水程經遍。驥足康莊未展。〔合〕方今天子網英賢。抱玉向明庭投獻。〔末〕水流花謝兩無情。送盡東風過楚城。〔生〕蝴蝶夢中家萬里。杜鵑枝上月三更。〔外〕天涯遊子高堂母。一度沾巾一回首。〔淨〕相逢逆旅且停驂。借問酒家何處有。

動問尊兄高姓。〔生〕姓張。〔淨〕甚表。〔生〕九成。〔淨〕此間老兄。〔外〕亦是姓張。〔淨〕甚表。〔外〕九思。〔淨〕想必與此間昆仲了。〔生〕正是。〔淨〕仙鄉何處。〔生〕毗陵。〔淨〕此位老兄高姓。〔末〕姓樊。〔淨〕甚表。〔末〕光遠。〔淨〕僂鄉何處。〔末〕梁溪。〔外〕足下高姓。〔淨〕第一。〔外〕那有此姓。〔淨〕百家姓上第一。〔末〕是姓趙。〔外〕貴表。〔淨〕做出來。〔外〕僂鄉何處。〔淨〕吳興。諸公在此。大家鄉土。要說一個出產之物。以古人詩爲證。〔生〕只憑足下道來。〔淨〕蘭陵出產。〔生〕好酒。〔淨〕怎見得好酒。〔生〕李白有詩云。蘭陵美酒鬱金香。玉碗盛來琥珀光。〔淨〕其實好。老兄見賜一兩瓶。〔生〕路途中那裏帶得。〔淨〕九思老兄有何出產。〔外〕春茗。〔淨〕怎見得。〔外〕盧同有詩云。天子未嘗陽羨茶。百草不敢先開花。〔淨〕樊老兄有何土產。〔末〕泉水。〔淨〕水是那裏沒有。〔末〕是天下第二泉。〔淨〕怎見得第二泉。〔末〕姚合有詩云。何時定買梁溪棹。同試山中第二泉。〔淨〕將就。〔末〕僂鄉出產。〔淨〕我那裏有十分好物。〔末〕請道。〔淨〕我那裏出得好大蘿蔔。〔末〕怎見得。〔淨〕俗語云。湖州蘿蔔賽過金壇藕。〔譚介〕一個是好酒。一個是好茶。一個是泉水烹茶。就沒有下酒。小子出蘿蔔做小菜。有何不可。〔末〕這不是古人詩句。〔淨〕古詩甚有。小子因習舉業文章。沒工夫去記。這句言語。也是古人傳下。

來的〔末〕那些叫做是古非今。〔淨〕適來見張兄說了蘭陵好酒。忍不住流涎。況又行路辛苦。同諸公那裏市上沽三盃。少解勞頓如何。〔生〕此間荒僻去處。沒有酒店。贖行前面揚州城裏歇息。則個。〔淨〕也說得是。贖行贖行。

〔朝元歌〕〔生〕花邊柳邊。燕外晴絲捲。山前水前。馬上東風軟。自歎行蹤有如蓬轉。盼望鄉山留戀。鴈素魚箋。離愁滿懷誰與傳。日短北堂萱。空勞魂夢牽。

〔合〕洛陽遙遠。幾時上九重金殿。幾時上九重金殿。

〔前腔〕〔外〕十載青燈黃卷。螢窗苦勉旃。雪案費精研。指望榮親。姓揚名顯。試向文場鏖戰。禮樂三千。英雄五百爭後先。快着祖生鞭。行瞻尺五天。〔合前〕

〔前腔〕〔末〕攜取琴書筆硯。行裝只半肩。客計甚蕭然。水宿風餐。怎生消遣。天晚長途人倦。芳草芊綿。王孫豈不思故園。看落日下平川。歸人爭渡喧。〔合前〕

〔前腔〕〔淨〕滾滾紅塵拂面。東風花滿煙。春事正暄妍。對此韶華。且宜遊衍。誰道人離鄉賤。寶劍青氈。行囊儘餘沽酒錢。何處卸行躔。向長安都市眠。〔合前〕



〔生〕子規啼斷落花風。

〔外〕遊子傷情客路中。

〔末〕正是十年成底事。

〔淨〕致令羸馬走西東。

### 第七齣 題詩

〔丑上〕楊柳青青間杏花。清風翠幔出林斜。停驂謾許遊人醉。抱瓮無妨稚子賒。浮臘蟻。泛晴霞。餅  
鱸麩。是生涯。中山傳得神僊術。不比尋常買酒家。自家開一個小店。在揚州城外津要路口。多有  
官員人客來到沽酒。不免淨掃屋宇。鋪設坐位。伺候則個。〔末扮呂洞賓上〕朝遊北海暮蒼梧。袖裏  
青蛇膽氣麤。三醉岳陽人不識。浪吟飛過洞庭湖。自家烟霞色相。土木形骸。真海外之僊流。豈塵中  
之幻質。朝遊吳楚。暮返齊梁。浮蹤不定。兩鳥只似飛鳧。變態無常。一身猶如化鶴。口誦黃庭兩卷經。  
修成寶籙。肘傳丹篆。千年術。養就金砂。曾陪王母宴。見方朔偷桃。嘗過蔡經家。被麻姑鞭背。開山種  
玉。點石成金。壺中甲子潛消。洞裏乾坤不老。數着殘棋江月曉。一聲長嘯海天秋。貧道呂巖的便是。  
曾授管霄霞長生不死之術。二百年浪跡於三山五嶽間。人皆知爲道人。今日經過睢陽城外。此間  
有一個酒肆。不免取醉一回。酒保那有。〔丑〕師父有何分付。〔末〕好酒取三五百文錢的過來。〔丑〕

自家開一個小店在此。來來往往並不會見有人喫得四五十文錢的酒。這個道士就要買三五百錢。看他也不是凡間人相。豈不聞黃鶴樓老嫗之事乎。且不要與他論價。只將酒器多多鋪設在此。看他喫得多少。正是神僊留玉珮。卿相解金貂。〔下末坐飲酒介淨扮漁翁上〕罷釣歸來不繫船。江村月落正堪眠。縱然一夜風吹去。只在蘆花淺水邊。〔見末介〕店官買酒。〔末〕漁翁不要用錢買。我儘沾得在此。就喫了幾甌去。〔淨譚介〕客官。你是那裏。感承你賜酒。十分快活。我唱一個曲兒與你喫。

〔割歛兒〕魚竿釣罷菰蒲岸。扁舟泊在蓼花灘。濯足楚江晚。時過杏壇。〔合〕相逢此間。傳盃弄盞。那管世途風波滿眼。

〔前腔〕〔末〕山盃半杓胡麻飯。僊瓢數粒九華丹。從教白石爛。滄溟水乾。〔合前〕

〔前腔〕〔淨〕煙波萬里誰爲伴。忘機數點白鷗閒。東西漫牽絆。風宿水餐。〔合前〕

〔前腔〕〔末〕身穿紫帔煙霞暖。腰橫寶劍雪霜寒。雲蹤任蕭散。朝遊暮還。〔合前〕

淨作醉介末。這個漁翁他到來問我是那裏。你怎麼曉得我。

〔沽美酒〕我採山花可療饑。收木葉可紉衣。身似流雲跡似飛。吞六氣。去三尸。經幾度。伐毛洗髓。一顆粟。密藏人世。三尺劍。快斬妖魑。揮羽扇。能分江水。握神符。曾爲霖雨。老漁翁。你好癡。要知我住居。笑指着白雲天際。〔題詩介〕鴻雁聯登第。豺狼不可當。沙場千萬里。會合紫香囊。〔下〕醉餘回首是歸路。數點遠峯蒼海東。〔下淨醒介〕呀。道士那裏去了。我也唱個山歌回去了罷。

〔山歌〕楊柳青青江水平。菰蒲深處釣舟橫。瓦盆沽酒醺醺醉。不脫蓑衣臥月明。〔下〕

### 第八齣 投宿

〔似娘兒〕〔生上〕客路換風煙。家漸遠。望眼懸懸。〔外上〕思親情緒難消遣。〔末淨

上〕忙投旅邸。同尋酒店。暫且留戀。〔畫堂春〕〔生〕聲聲杜宇怨殘春。不堪遊子初聞。〔外〕

感時傷別倍思親。幾度消魂。〔末〕飛絮欲隨去騎。落花應戀征輪。〔淨〕解衣今夜宿江村。沽酒論文。

〔末〕路途辛苦。諸公尋宿歇如何。〔淨〕正合下懷。此間有酒店。當共諸公典衣一醉。酒保那有。〔丑

〔上〕釀成春夏秋冬酒。醉倒東西南北人。官人有何分付。〔淨〕有好酒麼。〔丑〕隨官人要甚麼樣酒。

〔淨〕胡說。你有多少樣酒。〔丑〕洞庭春。石凍春。羅浮春。土窟春。梨花春。竹葉春。珍珠紅。葡萄綠。玉膏。秋露白。桂髓椒漿。蘭英桑落。烏程白墮。醪醕醍醐。般般有。品品高。直須儀狄齊名。那許新豐奪市。

〔淨〕我只要掃愁筭和那釣詩鈎。〔丑〕這個酒不曉得。〔淨〕便喫我問倒了。罷罷。你只揀上品香醪取過來。〔丑〕正是三盃和萬事。一醉解千愁。〔下淨〕諸公在此喫酒。中間要說個文字令。道不出的

便罰酒。〔生〕怎的道。〔淨〕要一個五字數。頂着兩句五言詩。〔末〕什麼五字數。〔淨〕便如五行金木。水火土之類。〔生〕小子道五位公侯伯子男。男兒立大節。不武便爲文。〔淨〕好好。且是氣象。〔外〕小

子道五數。一十百千萬。萬里人南去。三春雁北飛。〔淨〕好好。〔末〕我道五色青黃赤白黑。黑上生紅。本。黃猿領白兒。〔淨〕都說得好。不罰酒。〔末〕今次輪到足下了。〔淨〕我道五常仁義禮智信。信使可

覆。器欲難量。〔末〕後面這兩句不是詩。又只是四言。不中。〔淨〕小子再道五樣酒。清甜滑辣香。〔末〕將就要頂詩句來。〔淨〕遲日江山麗。春風花草香。〔末〕詩雖好。只是不頂着香字。〔淨〕有什麼難。便

作回文念。香草花風春。麗山江日遲。〔末〕不准。請罰三杯。〔生〕〔西江月〕斷送一生惟有。破除萬事

無過〔外〕花開如綺鳥如歌。不飲傍人笑我。〔淨〕詩興憑他喚起。春愁賴爾消磨。〔末〕盃行到手莫辭多。誰識醉鄉奇貨。〔淨遞酒介〕

〔排歌〕內苑糟丘。中山醴泉。須教渴吻流涎。相逢拚取杖頭錢。一斗休論價十千。〔合〕金蘭嫩。玉蕤鮮。長安市上酒家眠。清如聖。濁似賢。玉樓人醉杏花天。

〔前腔〕〔生〕菽水違情。鶯花枉妍。持盃使我悽然。空聞急管與繁絃。懶與時人學少年。〔合前淨〕你道古人好酒的有誰。

〔前腔〕〔外〕放達劉伶。風流阮宣。休誇草聖張顛。知章騎馬似乘船。蘇晉長齋繡佛前。〔合前淨〕好酒的如此。樊兄便說多少人品。

〔前腔〕〔末〕學士黃封。佳人繡筵。爭如解珮神僊。古人何必愛逃禪。試看鯨吸百川。〔合前衆看壁詩介末淨〕呀。鴻雁聯登。張兄昆玉必然高中。況張兄又帶香囊。正合詩意。恭喜。

恭喜。

〔淨〕莫厭傷多酒入脣。

〔生〕清歌妙舞樂青春。

〔外〕相逢不飲空歸去。

〔末〕洞口桃花也笑人。

第九齣 憶子

〔薄倖〕〔貼上〕淑氣驅寒。東風扇暖。看小庭芳草。落紅零亂。也知春與鏡中顏

換。〔旦上〕僊郎遠。把鳳管吹殘。楚調幾度見。秦樓月滿。〔菩薩蠻〕〔貼〕一番風雨催春

老。夜來花落知多少。〔旦〕杜宇自無情。偏教思婦驚。〔貼〕春愁知幾許。愁極渾無語。〔旦〕芳草易斜

陽。行人悲故鄉。〔貼〕媳婦自從孩兒去。又是兩月光景了。怎的書信也沒有一封回來。〔旦〕婆婆想

必路途迢遞。人事蹉跎。是以便音難寄。〔貼〕去時節花柳芳妍。早春天氣。如今又見綠暗紅稀。已是

清和時景了。

〔黃鶯兒〕風雨杏花殘。捲簾時人倚闌。長途遊子悲春晚。愁腸刃剗。愁眉翠攢。

奈衡湘信杳無魚雁。〔合〕望長安。天高日遠。人在五雲端。

〔前腔〕〔旦〕人去妾身單。爲多愁損舊顏。曉臨妝鏡心慵懶。香消麝蘭。釵分鳳

鸞。紫簫聲斷行雲散。〔合前〕



〔簇御林〕〔貼〕山迢遞。水渺漫。歎人間行路難。倚門慈母空腸斷。怎能勾他平步登霄漢。〔合〕省愁煩。金錢問卜。多應是錦衣還。

〔前腔〕〔旦〕身勞悴。力苦艱。奉高堂菽水歡。只愁他日近桑榆短。問蒼天人去也何時返。〔合前〕

〔貼〕聚散空嗟類轉蓬。

〔旦〕春光欲盡思無窮。

〔貼〕魚書欲寄何由達。

〔旦〕水遠山長處處同。

### 第十齣 瓊林

〔丑扮令史上〕少小須勤學。文章可立身。滿朝朱紫貴。盡是讀書人。自家乃是禮部衙門內一個令史。今年張狀元及第。賜宴瓊林。本官著我鋪排筵席。點檢食次。衆官到也。不免在此伺候則個。

〔哭岐婆〕〔末扮首領官上〕金鞍驟裊。宮花壓帽。封章奏了。新承恩詔。瓊林賜宴。集時髦。僊儀擁入蓬萊島。〔合〕噠哩哩囉囉哩哩噠哩哩囉囉哩哩。自家乃是禮

部一個首領官。張狀元兄弟登科。今日赴瓊林宴。堂上委着下官提調。令史每太僕寺掌鞍馬祇候。



怎生不見〔丑〕叫介〔淨上〕應一上呼。階下百諾。覆大人。有何鈞旨。〔末〕今日狀元遊街。鞍馬完備了。未。〔淨〕俱已完備了。且是好馬。〔末〕怎見得好馬。有多少名色。〔淨〕〔西江月〕只見赤電超光越影。奔雷躡景踰輝。晨鳧挾翼絕塵飛。紫燕浮雲翻羽。〔末〕更有甚麼。〔淨〕更有騰霧驊騮叱撥。追風騄駼。騏驎的盧。一躍過檀溪。爭似烏騅千里。〔末〕怎生模樣。〔淨〕〔臨江僊〕點點流珠凝赤汗。騰騰口吐紅光。騄驎龍尾棹雲長。竹批雙耳峻。花趁四蹄香。〔末〕怎生妝扮。〔淨〕金鞍織織垂繡絡。雕鞍閃閃銀妝。文絲裊裊紫遊韁。錦韉花爛熳。朱鞮玉叮嚙。〔末〕既完備了。只在午門外伺候。〔淨〕正是金勒馬嘶芳草地。玉樓人醉杏花天。〔下末〕排設的令史。筵席完備了未。〔丑〕告大人。俱已完備了。〔末〕什麼食品。〔丑〕〔西江月〕翠釜駝峯骨聳。銀盤鱸縷絲飛。鳳胎虬脯素鱗脂。犀筍從教厭餒。〔末〕更有什麼。〔丑〕異品朱櫻綠筍。香蕒紫蕨青葵。五齋七醢與三鸞。總是僊庖珍味。〔末〕怎生鋪設。〔丑〕〔臨江僊〕只見馥郁沈烟噴瑞獸。氤氳酒滿金壘。綺羅繚繞玳筵開。人間真福地。天上小蓬萊。繡褥金屏光燦爛。紅絲翠管喧豗。瓊林瀟灑絕纖埃。紛紛人簇擁。候取狀元來。〔末〕狀元來了未。〔丑〕遠遠望見一簇人馬紛鬧。想是狀元來了。〔末〕兀的你伺候着。〔丑〕只教他酒淹衫袖溼。花壓

帽簷低〔末〕玉殿傳金榜。君恩賜狀頭。英雄三百輩。相逐步瀛州。

〔窄地錦襠〕〔生外上〕洛陽新林染宮袍。特領天恩下九霄。羽林冠蓋豎旌旄。方顯得男兒志氣高。〔合〕噠哩哩囉囉哩噠哩哩囉囉哩噠。

〔哭歧婆〕〔淨上〕長安御道。東風芳草。遊人鬧吵。桃花爭笑。紅樓簾捲美人嬌。多情卻被無情惱。〔合前〕

〔窄地錦襠〕〔末〕瓊林春色醉僊桃。聖澤千年此日遭。詩成珠玉在揮毫。池上于今有鳳毛。〔合前末〕此是杏園。請狀元住馬。〔淨〕見說狀元赴宴瓊林。都有作詩舊例。狀元請

先賦一詩作倡。然後資次廣和。老夫叨於年末。亦當效顰。如詩不成。罰依金谷酒數。〔末〕狀元請。

〔生誦詩介〕天下英雄入彀時。紛紛隨我步龍墀。雲程直上九萬里。月桂高攀第一枝。銀瓮香分官寺酒。彩毫先賦杏園詩。北堂慈母春秋邁。敢把泥金報喜遲。〔淨〕妙妙。如今該張探花作。也要步韻。

〔外〕金鑾憶昨拜恩時。衣惹天香下玉墀。中廐馬從乘上駕。內園花許折高枝。預沾王母蟠桃宴。會賦湘靈鼓瑟詩。十九人中最早少。功名到手肯嫌遲。〔淨〕好好。又強似乃兄之作。〔末〕老進士。如今

輪到足下了。〔淨〕老夫已作過了。〔末〕不曾。〔淨〕諱介適來雖不曾。在先作得儘有。老夫如今年邁。沒心緒搜索枯腸。儻今換古。就把老年登科作一首。〔末〕願聞。〔淨〕開寶二年來應舉。紹興三載始成名。〔末〕開寶是太祖皇帝寶號。你到是一百七十歲了。〔淨〕老夫年衰昏眊。是差了。卽是元祐二年。〔末〕後末句。〔淨〕饒他白髮簪中滿。誰信青雲足下生。觀榜已無朋友在。到家惟有子孫迎。也知年少登科好。方信龍頭屬老成。〔末〕這詩雖好。一來是古人梁狀元做的。二來不會和前韻。不准。〔淨〕又諱介末請。〔淨〕七步之才。打什麼緊。〔誦詩介〕年老今非少壯時。諸公挈我拜丹墀。金盃御酒吞三盞。烏帽宮花插一枝。腹內自知全欠學。人前不敢強吟詩。驂驢跼踏爭先去。莫笑鴛鴦進步遲。〔末〕詩便好。但後有跼踏兩個字。〔淨〕老拙信口嘲來。不可求全責備。拚得罰酒了。

〔畫眉序〕〔生〕三策獻重瞳。獨占鰲頭聖恩重。念鰕生何幸。此日登庸。雲程遠方舊鯤鵬。天闕近爭來鱗鳳。〔合〕大家同赴瓊林宴。人人在錦繡叢中。

〔前腔〕〔末〕才子氣如虹。下筆文源似泉湧。羨難兄難弟。並列儒宗。謾誇他千里神駒。爭似你雙飛靈鳳。〔合前〕

〔前腔〕〔外〕文史勉三冬。經濟才華愧晁董。喜文場一戰。奏捷詞鋒。奮身誇荀氏八龍。覽德羨河東三鳳。〔合前〕

〔前腔〕〔淨〕四海樂時雍。聖主垂衣御天統。看堯庭疊見。總是英雄。起賢佐渭水飛熊。表嘉瑞岐山鳴鳳。〔合前〕

〔滴溜子〕〔生〕微臣的。微臣的。荷蒙聖躬。今日裏。今日裏。喜沾厚寵。感恩空懷慚悚。叶心贊廟謨。賡歌聖宋。期取功名勒鼎鍾。

〔大和佛〕〔淨外〕閨苑蓬壺春正濃。宮花壓帽紅。瓊膏玉髓。僊釀瀉黃封。鯨吻吸千鍾。〔合〕都拚取解下金龜醉春風。都拚取解下金龜醉春風。

〔前腔〕〔末〕僊庖異饌傳供奉。無非翠釜紫駝峯。金屏繡褥。香暖綺羅叢。觴詠且從容。〔合〕直喫到醉後人扶上青驄。直喫到醉後人扶上青驄。

〔雙聲子〕〔合〕天街晚。天街晚。歸馬緩。黃金鞵。人驟處。人驟處。綵簇引。笙歌擁。明月上。明月上。花影重。花影重。看歡聲鼎沸。笑臉春融。

〔餘文〕〔合〕從今更撰賢臣頌。報國丹心務秉忠。願追蹤伊呂。筵羽夔龍。

〔生〕酒痕狼籍污春衣。

〔淨〕宴罷瓊林竟落暉。

〔外〕一色杏花紅十里。

〔合〕僊郎歸去馬如飛。

第十一齣 看策

〔普賢歌〕〔丑扮堂候官上〕袞衣天上未朝回。人擁沙堤相府開。公文滿案堆。六

曹星火催。執事紛紛專等待。自家乃是秦丞相府中一個堂候官。俺丞相入朝奏事。此時相

將回府。恐有差命。免不得在此伺候。

〔夜遊朝〕〔淨上〕燮理陰陽調鼎鼐。依日月位正台階。世掌絲綸門。盈冠蓋。堪

忿書生狂態。自家官居黃閣。位逼丹霄。贊廊廟之謀謨。爲朝廷之耳目。順兩儀。遂萬物。須教玉燭

調和。鎮百姓。撫四夷。願保金甌無缺。真是八柱擎天。高明之位列。以致四時成歲。停毒之功存。堂堂

舟楫濟川材。落落鹽梅調鼎手。這幾日朝廷有事。下官不會得暇檢閱省中案牘。見說新狀元張九

成廷試三策。專言大臣失職。時政有乖。明明詆毀下官。叵耐書生纔得進步。輒敢如此無禮。正是恨

小非君子。無毒不丈夫。堂候官那有〔丑〕覆恩相。有何鈞旨。〔淨〕你去中書省取出新狀元御試策三道來看。〔丑〕理會得。〔下取策上〕狀元策在此。〔淨看策笑介〕第一策道。奉迎二帝於朝廷。宜盡父子溫清之禮。修治諸陵於中土。當雪祖宗憤恥之讎。第二策道。省徭賦以甦久困之民。固城池以備不虞之患。這個也罷。第三策道。權臣誤國。而奸佞盈朝。邊將寢兵。而英雄喪氣。這兩句分明直指下官主和議之非。呀。多少勳舊大臣。尙且箝口結舌。不敢誹謗於我。況是一個閭閻豎子。反來如此無禮。堂候官。更要尋思計策。好生區處他。〔丑〕領鈞旨。

〔前腔〕〔末扮黃門官上〕紫府潭潭深似海。九重丹詔鳳銜來。雨露沾恩雲霞散彩。啓沃鼎臣元宰。朝廷有旨。官吏每香案迎接。〔淨丑跪介末〕新狀元張九成。探花張九思。兄弟

二人上表乞恩養親。着中書省議報。〔淨丑〕萬歲萬歲萬萬歲。使臣請坐看表。〔淨看表笑介〕他既有老母在堂。當元先誰着他兄弟同來赴選。忠孝怎能兩全。罷罷。如今只着張探花回家就祿養親。聞得張狀元有文武全才。就選他做督府參謀。一同岳元帥領兵北伐便了。堂候官。着他即日辭朝謝恩前去。此係軍旅急務。不許停留。〔丑〕領鈞旨。〔淨笑介〕

〔瑣窗郎〕笑狂生質類駑駘。獻廷策太不才。專非內省。歷詆西臺。他憑河暴虎。如今難悔。〔合〕管教他風塵千里向邊塞。親戰伐受顛沛。

〔前腔〕〔末〕綠衣郎獨占高魁。乃國家梁棟材。〔淨〕他什麼梁棟材。〔末〕丞相你恩沾九命。位列三台。尊賢禮士。何必深罪。〔合前〕

〔前腔〕〔丑〕這書生好是癡呆。掉筆舌生禍胎。方圖貴顯。反受飛災。〔跪介〕恩官雅度。只須寬貸。〔合前淨〕堂候官。恐張狀元兄弟來參見。着他休要入來。〔丑〕領鈞旨。

〔淨〕叵耐書生謗大臣。

〔丑〕管教漂泊陷邊塵。

〔淨〕平生不作皺眉事。

〔丑〕世上應無切齒人。

### 第十二齣 分岐

〔西地錦〕〔生上〕折檻無人廷諍。左袵忍及生靈。封章朝奏匡時政。夕貶萬里邊城。一封朝奏九重天。夕貶潮陽路八千。東去伯勞西去燕。斷腸回首各風烟。自家爲親命強來赴

選。忝中高魁。奈老母在堂。恐報劉之日短。故與兄弟一同進表乞恩歸省。不想廷試二策。違忤權臣。



致生禍釁。蒙聖恩除授督府參謀。卽日監兵北伐。本欲再上疏陳情。又非臣子之禮。罷罷。王陽不失爲孝子。王尊不失爲忠臣。忠孝怎能夠兩全。旣得兄弟還家養母。已付大事。下情雖得寬慰。但恐關塞迢遙。音書阻絕。如何是好。好悶呵。

〔前腔〕〔外上〕滿眼春風桃杏爭。如棠棣聯榮。錦衣歸省躬溫清。服勞夜寢晨興。〔生〕兄弟雙桂聯芳。擢居首選。君上之恩。無以加矣。不想權臣忿恨。謫官邊塞。事君之理。艱險固非所避。但母親年老。不能斷見。皋魚之恨。尙自不免。〔外〕哥哥。自古道爲臣死忠。爲子死孝。當初不來赴選。也由得我和你。今日旣受朝廷之爵。卽當致身報國。不必更以家事爲慮。母親甘旨之奉。兄弟當以勉力應承。〔生〕兄弟此情一言難盡。

〔江頭金桂〕爲學本希賢希聖。幸遭逢起一經。誰想權臣當路。操弄國柄。把忠良牢陷筭。因此上疏奏承明。要除邪佞。卻被奸謀謫貶。遠塞監兵。飄飄置身一羽輕。我也休要恨他。只是命該如此。謾尤人怨己。謾尤人怨己。榮枯有命。論人生。須信弱草栖塵坳。留取丹心照汗青。

〔前腔〕〔外〕哥哥。你自負胸中耿耿。況龍頭屬老成。自古爲人臣子。當盡忠鯁。怎辭得烹五鼎。〔生〕這是我分內之事。母親在上如何。〔外〕哥哥。你既身在朝廷。敢圖家慶。只得向黃雲白草。萬里邊塵。把諸蕃虜塵都掃淨。看呼韓稽顙。看呼韓稽顙。單于係頸。那時節。標功鐵柱。呵樹勳名。也知道蘇武空持節。須信終軍枉請纓。

〔前腔〕〔生〕我一身似流萍漂梗。又向遐荒萬里行。回首孤雲何處。空念鄉井。幾時得歸定省。只愁他鶴髮星星。漸入榆景。最苦天涯兄弟。執手叮嚀。吞聲更將別淚零。歎人生聚散。歎人生聚散。行藏不定。秦相國謾憑凌。你只道蓬迹隨風轉。我自是葵心向日傾。〔外〕哥哥。只是我和你來此赴舉的不是。

〔前腔〕想當日難違母命。攜書上帝京。誰信道掛名金榜。遭此不幸。俾儒臣習戰征。向九萬鵬程。雁鴻分影。試看鵲鶴原上。兩兩飛鳴。顧急難無限情。歎西堂夢杳。歎西堂夢杳。姜肱被冷。弟和兄。本爲月殿攀雙柱。翻做風波逐雨萍。〔生〕

兄弟限在今日起程。不得從容一敘手足之情。奈何。〔外〕哥哥。君命召。不俟駕而行。況又軍旅之事。

豈可稽緩。兄弟別去。有何囑付。〔生〕養親之禮。料你能自盡。不待我叮嚀教戒。但母親問你行色。不可直言利害。稍稍寬慰便了。〔外〕哥哥。沙塞風霜。須自保重。兄弟就此拜別。〔拜生介〕

〔憶多嬌〕心慘感。愁似織。同羣旅鴈分羽翼。兩處孤飛聲哀嘯。〔合〕路途南北。從此關山阻隔。

〔前腔〕〔生〕臣子職。當勉力。奈驅馳王事歸未得。腸斷高人人垂白。〔合前〕

〔鬪黑麻〕〔外〕心只慮吾兄護兵遠謫。邊塞上風霜。豈曾慣歷。離別去轉憂憶。打破愁城。我心匪石。〔合〕雲橫絕域。萬山遮故國。那有鱗鴻寄書咫尺。

〔前腔〕〔生〕我只願朝廷去奸進直。秦相國。你莫說譎貶我。便刀斧加誅。此心肯易。我到邊上。待戎事稍暇呵。還須上萬言策。拚取微軀。裹屍馬革。〔合前〕

〔生〕參差鴻鴈落哀音。

〔外〕兄弟漂零感慨深。

〔生〕異國他鄉千里夢。

〔外〕同枝連氣百年心。

### 第十三齣 供姑

〔霜天曉角〕〔旦上〕離鸞罷舞。羞把菱花覩。誰道嬋娟早誤。嫦娥永夜同孤。只爲洛陽花好看。拆散鴛鴦伴。又被春風吹夢斷。從此釵橫鬢亂。朱顏日夜凋殘。妾身豈怨孤單。只愁家貧親老。難效菽水承歡。奴家自從丈夫去後。遭此歲時饑饉。家中一向狼狽。朝夕無可爲甘旨之奉。難得鄰家王姆不時應濟。日長歲久。難以週全。今早因缺少柴米。尙未供膳。方纔覓得升合之米。不免做飯充饑則個。

〔香遍滿〕古來人道。媳婦事舅姑。所欲當進取。誰信我家貧。日晏方炊黍。看流匙軟粒。似玉還似珠。這般荒歉之時。誰家不絕糧。婆婆。你擔饑受餒。休怨着裙釵女。飯已做在此。本待具些蔬肴之味。又無錢鈔可買。適來在鄰舍家。覓得野菜一束。做一碗羹。聊爲下飯。

〔前腔〕野園荒圃。挑摘取草蔬。露葉香可茹。翠盎盛來。暫假供匙筯。看柔絲嫩甲。未必成五俎。語云。七十非肉不飽。不是奴家不爲肥甘之奉。幸親甘淡泊。肯怨着憂葵女。蔬飯已具在此。請婆婆出來喫早膳。

〔霜天曉角〕〔貼上〕孩兒出路。老景添悽楚。冷室塵生翠釜。日高未辦朝餉。媳婦。

這般時候。纔具早膳。〔旦〕婆婆只因少米。故此遲了。〔貼〕媳婦。我和你朝暮生受。多虧負東鄰王婆婆。每日來陪我喫飯。今日怎麼不請他來。〔旦〕因無蔬菜。不會去相請。王婆婆已自來了。

〔臘梅花〕〔丑上〕佳人賢孝絕代無。休問徐吾與李吾。你看那野禽能反哺。遠庭三匝叫慈烏。老娘是張安人的鄰舍。自他兩個秀才上京去後。家中十分艱難。老娘不時周給

他。好一個賢孝媳婦。每日供膳。必來請我相陪。今早有些不快。不會去得。不免去探望一回。〔見介貼〕王鄰母請坐。〔丑〕老安人。怎麼纔喫早膳。〔旦〕因缺少柴米。以此遲了。〔丑〕大娘子。怎不早來與我說。送些與你。〔旦〕婆婆已害多番。難以啟齒。〔丑〕你說那裏話。如此不成鄰舍了。

〔羅帳裏坐〕〔貼〕鄰母。我時遭坎坷。家業盡無。晨昏生受。甚蒙看顧。懷恩慘感。怎忘鄰母。〔合〕菜羹蔬食強支吾。幸有這辛勤孝婦。

〔前腔〕〔丑〕老安人。大娘子。我與你同鄰共井。況又恩洽義孚。艱危緩急。我當扶助。你當初秀才不肯去赴舉。也是我攬掇。曾許他支當一應欠缺。一言既出。決無耽誤。〔合前〕

〔前腔〕〔旦〕我兒夫出外。家惟婦姑。舉眼蕭索。有誰堪訴。荷高鄰厚德。怎生辜

負〔合〕菜羹蔬食強支吾。怎做得崔家孝婦。〔貼〕媳婦。這般凶荒時歲。教你也沒奈何。

〔劉潑帽〕桂薪玉粒真無措。也只須飯糗羹蔬。若得我孩兒做得一官半職回來呵。二  
牲五鼎依朝暮。〔合〕萬事總由天。且隨分同甘苦。

〔前腔〕〔丑〕老安人。你童無五尺應門戶。虧殺那女娘荆布。怎知賢母無嗔怒。

〔合前〕

〔前腔〕〔旦〕自憐青鏡顏非故。料奴家此生難度。婆婆在堂呵。強將菽水供餐素。

〔合前丑〕大娘子。今後切不可避嫌。但有欠缺。只在我家來取。〔貼旦〕多謝王鄰母。

〔貼〕施恩布惠謝高鄰。

〔丑〕饋乏賙窮豈憚頻。

〔旦〕惟有感恩并積恨。

〔合〕千年萬載不成塵。

### 第十四齣 點將

〔末上〕萬竈貔貅氣象雄。秋風劍戟倚崆峒。將軍已定平胡策。奪取龍驤第一功。小人乃是岳節使  
麾下。一個兵校。俺節使大人真個是將家第一。國士無雙。怎見得。看他氣宇堂堂。威風凜凜。乃朝廷

之心。營爲邦家之爪牙。坐帷幄而決勝千里。慷慨謀謨。握羽扇而指揮三軍。從容談笑。金印纒纒如斗大。錦裘燁燁似暈飛。三戰三捷。休誇方叔無助。七縱七擒。謾說武侯妙算。駐節而寇兵星散。望風而虜氣烟消。啣枚疾走。不聞人馬之聲。到陣橫奔。惟見風雲之色。進以鼓。退以金。那一個敢爭先。卻後。張我弓。挾我矢。那一個不奮勇揚驍。左擊右突。而兵藏四機。前驅後衝。而將嚴八陣。何用奇謀祕計。不須高壘深溝。山河誓重。恩光大。雷電威嚴。號令明。休誇軍令嚴明。且說他戎事整齊。只見牙爪桓桓。闕如虓虎。武夫赳赳。猛若熊羆。閃閃三千金縷甲。總是水犀紋。英英十萬鐵兜鍪。無非皮索貫。虎帳中。納取燕角麋膠。朱弦黑幹。夾弧弓。曾見號猿走斃。魚腹內。藏着鐵絲雪羽。金鏃霜鋒。恆蕩矢。從教宿鳥驚飛。利槩夷。予簇簇。長戈短戟。森森走朱輪。塵盡。征車雜。還驟如雷。踏玉鏡。據金鞍。戰馬奔騰。紛似蟻。紫電清霜。劍鏑稜稜。泣陰山之鬼魅。朱竿赤羽。旌旆獵獵。動碧漢之龍蛇。馬前行。帳錦糲糊。腰下佩刀金錯落。正是一身扶日月。四海望風雲。道猶未了。節使大人早來。

〔番卜算〕〔外上〕推轂荷君恩。特拜元戎職。玉門關外霍嫖姚。肉眼何曾識。〔滿

江紅〕怒髮衝冠。憑闌處。蕭蕭雨歇。擡望眼。仰天長嘯。壯懷激烈。燥吻饑餐胡虜肉。笑談渴飲匈奴



血莫等閒白了少年頭。空悲切。靖康恥。猶未雪。臣子恨。何時竭。直待駕長車。踏破賀蘭山缺。三十功名塵與土。八千里路雲和月。待從頭收拾舊山河。朝金闕。岳飛表字鵬舉。相州湯陰人也。自小好習左氏春秋。孫吳兵法。劉宣撫擢舉於士民之間。宗統制薦拔於麾幟之下。西驅劉豫。北勦楊么。戰伐有功。以次陞爲都統。今蒙聖恩拜受元帥之職。着張狀元護從。一同征伐。聞得北虜會首卻是兀朮。這厮雖是勇鷲多謀。怎當得我手下王貴牛皋諸將。正是嫩草怕霜霜怕日。惡人自有惡人磨。兵校每那有〔末〕覆元帥。有何鈞旨。〔外〕着將士每聽發號令。〔末應叫介淨上〕用箭當用長。挽弓當挽強。射人先射馬。擒賊當擒王。〔丑上〕老馬夜知道。蒼鷹饑着人。臨危經久戰。用意始知神。覆元帥。有何鈞旨。〔外〕契丹侵擾中原。兀朮下兵書刻期交戰。諸將士每戎伍要整齊。甲馬要精神。鼓進金退。盾前兵後。矢不離絃。劍不入鞘。違令者斬。〔衆應介外〕督府大人怎生不見。〔末〕督府大人已到。〔番卜算〕〔生上〕一卷呂公書。七紙陳琳檄。甲兵十萬在胸中。筆底收功績。〔相見介外〕大人兀朮下兵書。約在時下交戰。〔生〕軍士每。一聽元帥號令。臨陣不許卻顧。步兵騎卒。不許淆混。斬首級多者論功陞賞。〔衆〕領鈞旨。

〔四邊靜〕〔外〕天驕恣肆侵疆場。邊烽夜不息。介士困風塵。生靈死鋒鏑。〔合〕二軍努力。致身報國。馬上旗纛明。塞外陣雲黑。

〔前腔〕〔生〕儒臣自有平胡策。何曾衽金革。報主只孤忠。昭昭寸心赤。〔合前〕

〔福馬郎〕〔末〕督府樞謀能贊畫。大將軍容盛。聲烜赫。文武威千里。動蠻貊。〔合〕一戰破戎狄。名和姓勒取燕然石。

〔前腔〕〔淨丑〕自小從戎能騎射。對陣揚弓矢。無懼色。幟下從來號萬人敵。〔合前〕

〔生〕大將桓桓士氣雄。

〔外〕羶腥一掃陣雲空。

〔末〕從教青海無傳箭。

〔合〕管取天山早掛弓。

### 第十五齣 起兵

〔北點絳脣〕〔淨扮兀朮上〕鼙鼓喧聲。旌旗蕩影。二軍猛。離卻邊庭。直入中華境。

你看那邊上好光景。只見鴈塞茫茫。龍荒漠漠。蒼蒼涼涼。天清日淡。黯黯慘慘。霧結烟愁。迢迢隱隱。

金城圍繞控燕臺。裊裊巍巍。銅柱高標分漢界。突兀兀的崇墉雉堞。依依稀稀的斥堠狼墩。黑隼蒼鷹。草鵬青鶻。往往來來。高高下下。出沒戲青霄。玄狐赤豹。白兔黃熊。祁祁戢戢。僕僕僮僮。縱橫馳草莽。凜凜冽冽。冰雪沍陰山。那分冬夏。冥冥迷迷。風塵暗沙磧。不辨昏朝。靄靄靄靄。氛氣護儲胥。岩峴嶢嶢。巒橫邏些。星星散散。部落屯兵。何止貔貅十萬。整整齊齊。沙場牧馬。那數駝牝三千。皤皤娑娑。髭鬚擾擾。舞番童。絡絡繹繹。搥髻紛紛。走胡婦。琵琶聲唧唧。嘈嘈撥盡穹廬夜月。鸞唳調淒淒。切切吹殘邊戍秋風。濯濯牲牲的牛羊遍地。無非給口餼糧。班班剝剝的弓矢橫腰。總是隨身行仗。正是天生一般種族。地分兩處山河。自家兀兀的便是。諸部稱爲四太子。機謀變詐。臂力麤豪。靴尖踢倒天關。鎗柄戳穿地肺。聞氣而蚩尤喪膽。望風而項羽消魂。只因天時暑熱。一向休兵解甲。如今風高氣肅。弓強馬肥。正是征戰之秋。不免整點戎陣。演習武藝。期日分道南侵。還定中原。多少是好。頭目每那有。〔末上〕風生紫塞秋橫劍。月落黃河夜渡兵。〔丑上〕巴童戍久能番語。胡馬調多解漢行。將軍有何分付。〔淨〕前下戰書去中朝。定在目下交兵。都要整着弓馬。演習武藝。〔末丑〕領鈞旨。〔淨〕今日就在祁連前面打圍。不許部落分散。頭目每各要逞說本事來。〔末〕骨瑟瑟亂敲畫鼓。急

綳綳滿挽弓號。膈膊膊雲外落雙鵬。靈靡靡五紕踣倒〔淨〕且說對陣本事〔末〕光燦燦旌旗蕩颯。氣騰騰戰馬咆哮。亂霍霍兩手舞金刀。撲碌碌人頭如刈草〔淨〕好勇漢〔丑〕昏慘慘冥迷天日。浙索索亂撒風沙。嘩唼唼前後奏胡笳。躑躅躅爭奔獵馬〔淨〕對陣時節〔丑〕只見忽喇喇箭鋒似雨。密蹯蹯戈戟如麻。黑瞳瞳雙眼亂飛花。戰兢兢怎當驚嚇〔末笑介〕你只好陣後與兵〔淨〕這廝沒用。拿去罰罪〔丑渾介淨〕且饒他。各要向前打獵。不論飛禽走獸。多得者重賞。沒有者受罰。〔衆應介〕

〔紅繡鞋〕〔淨〕悠悠羽旆雲旌。雲旌蓬蓬羯鼓神鉦。神鉦馳獵犬。臂胡鷹。人辟易。馬飛騰。〔合〕醉穹廬且飽羶腥。醉穹廬且飽羶腥。

〔前腔〕〔末〕胡兒馬上爲生。爲生那管露宿霜征。霜征氍帳暖。鐵衣輕。秋氣肅。暮煙橫。〔合前〕

〔前腔〕〔丑〕打圍直入長城。長城漢人往往奔驚。奔驚弓落月。箭流星。邊日淡。隴雲平。〔合前〕

〔前腔〕〔淨〕羣醜暫且歸營。歸營。明日管取交兵。交兵。心猛烈。氣崢嶸。攻澤潞。取幽并。〔合前〕

〔淨〕飛走紛紛塞草腥。

〔丑〕且囊弓矢偃旄旌。

〔末〕洗兵魚海雲迎陣。

〔合〕秣馬龍沙月照營。

### 第十六齣 榮歸

〔金瓏璫〕〔貼上〕孩兒辭故里。途路歷盡艱危。空使我寸心馳。〔旦上〕堂前姑

老矣。天上遊子歸遲。情脈脈。思依依。〔踏莎行〕〔貼〕目斷孤鴻。書沈雙鯉。青山渺渺雲千里。

悶懷蕭索怕驚秋。梧桐葉落西風起。〔旦〕翠黛愁橫。紅鉛淚洗。美人只隔湘江水。歸期暗卜已無憑。

鵲聲爭似燈花喜。〔貼〕媳婦。家事蕭條。老懷抑鬱。孩兒又不回來。如何是好。〔旦〕婆婆。生意艱難。奴

家自當區處。孩兒在外。想在早晚回家。婆婆請自寬心。〔貼〕春間別去。如今將已秋暮。書信也沒有

一封回來。途路上風霜疾病。如何保得。

〔二犯傍妝臺〕我終日倚門閭。謾勞慈母朝夕望兒歸。想應在途路裏。莫不是

寓京畿。孩兒你休戀上林春富貴。須念高堂日暮時。〔合〕又驚時變九月授衣。教人屈指數歸期。

〔前腔〕〔旦〕一從夫壻赴春闈。幾多心事只恐老親知。愁不敢垂玉筋。貧不敢皺蛾眉。緣何未收書一紙。忽見關河朔鴈飛。〔合前〕

〔生查子〕〔外上〕儒冠豈誤身。平步青霄上。親舍久淒涼。客路多勞攘。〔進見介貼〕

孩兒你回來了。〔外拜貼介〕母親只爲功名之事。久缺甘旨之奉。望恕孩兒不孝之罪。〔拜旦介〕嫂嫂。母親在堂。多謝扶持侍養。〔旦〕叔叔路上風霜辛苦。且喜脫白掛綠。〔貼〕孩兒你如何獨自回來。

〔刮鼓令〕〔外〕當時赴選場。念萱親獨在堂。蒙撫養劬勞難報。又荷詩書教子方。〔貼〕敢是你兄弟都得中試了。〔外〕雙桂喜聯芳。〔貼〕你哥哥中第幾名。〔外〕吾兄幸然名

魁虎榜。〔貼〕孩兒你中第幾名。〔外〕孩兒名忝探花郎。〔貼〕你怎的先回。〔外〕中榜之後。一同

哥哥上表乞恩歸省。哥哥被留在朝選用。獨放我回。爲親老恩賜早還鄉。〔貼〕孩兒你父親早喪。我爲你兄弟受了多少艱苦。

〔前腔〕良人歎早亡。困蓬茅無所望。歷盡了齋鹽貧苦。守孤幃到鬢霜。教子學文章。難禁這許多勤勞鞅掌。孩兒。幸今日身顯姓名揚。只一件。你哥哥留在朝。幾時能夠回來。念吾兒衣錦滯他鄉。

〔前腔〕〔旦〕心中自忖量。頓教人添感傷。〔外〕嫂嫂因甚傷感。〔旦〕你兄弟當時別去。苦家貧遭歲荒。我竭力事姑嫜。〔外〕多虧負嫂嫂了。〔旦〕晨昏恨無肥甘奉養。你哥哥呵。既登高第沐恩光。他怎生不與共還鄉。

〔前腔〕〔外〕嫂嫂不須用悒悒。聽一言說審詳。幸兄弟方沾恩命。又被風波分雁行。〔旦〕爲着什麼。〔外〕爲二策獻君王。忠言忤違當朝宰相。因此上難脫利名韁。〔旦〕哥哥如今在那裏。〔外〕被丞相懷忿。除授帥府參謀。差往北方征戰了。〔旦〕悲介。〔外〕嫂嫂不須煩惱。料哥哥不久就得回家。典軍務謫宦在氍鄉。

〔貼〕鳳隻鸞孤兩處分。

〔外〕更堪鴻鴈怨離羣。

〔旦〕玉關此去二千里。

〔合〕要寄音書那得聞。



## 第十七齣 拾囊

〔淨扮軍士上〕胡虜驅兵入漢關。秋風殺氣暗秦山。英雄一奮匡時力。不放沙場匹馬還。養兵千日。用在一朝。俺岳爺爺真個是天下無敵。連日與契丹大戰。弓強兵銳。所向無前。士氣轟騰。無不一以當百。兀朮部下軍馬。喫殺得片甲無存。只一件。自古道。贏軍一萬。自損三千。雖得屢勝。手下將士亦被害了無數。小人被飛箭射傷。難受軍中苦楚。便是違了號令。也沒奈何。只得逃回家去。將養性命。有一個兄弟。亦在陣上亡了。不免到戰場內一尋骸骨。殮葬也好。只見衰草茫茫。風沙四起。觸體重疊。戰血模糊。那裏認得。此間到有一個繡袋兒。不免拾去賣幾文錢。路上做盤費。也強似沿門求乞。及早逃奔回家。正是將軍不下馬。各自奔前程。〔下〕

## 第十八齣 授詔

〔高陽臺〕〔生上〕弓矢斯藏。干戈載戢。三軍且休戎服。紫塞澄清。中原今有頗牧。你看那思歸將士呵。胡笳亂奏青雲外。猛然裏亂我心曲。走風塵勤勞王事。鬢絲銷綠。漢將承恩西破戎。捷音先奏未央宮。天子預開麟閣待。祇今誰數武師功。自家只因對策違忤。

權臣除授只今官職。監兵征討。到此邊境。連日交戰。且喜斬首萬級。虜軍敗北。已有捷音飛報朝廷了。等待聖旨到來。方敢旋師。且將刀劍解下。換了戎衣。少息勞頓。呀。紫香囊怎的不見了。這個物是我母親元先親手製的。佩帶二十餘年。因念手澤。不忍遺棄。如今卻失在戰場內了。〔苦介〕因人感物。爲物思人。我母親妻子兄弟一向隔遠。不能夠斷見。其如愁悶何。詩云。王事靡盬。不遑將母。公義私恩。怎能兩盡。正是提兵身萬里。懷土淚千行。

〔前腔〕淚染征衫。香消舞綵。高堂有人孤獨。兄弟參商。那些個如手如足。鵬霄洛鯁分鴛侶。謾自憐有女如玉。念孤身家鄉萬里。旅愁千斛。〔外上〕據鞍談笑把金

戈。平寇何須斬獲多。聖代中興重製頌。洗兵誰爲挽天河。〔見生介〕元帥智通萬務。勇冠三軍。用兵如神。戰無不利。班爵論功。常在孫武穰苴之右。〔外〕狀元何說此話。一則天子中興之福。二則督府參贊之功。下官何能之有。〔生〕元帥連得戰勝。已有捷書飛報朝廷去了。須待旨意到來。方可還

軍耶。〔外〕正說得是。頭目每那裏。〔淨丑上〕鳴笳疊鼓擁回軍。破虜平番昔未聞。丈夫鵠印搖邊月。大將龍旂掣海雲。覆元帥。有何號令。〔外〕如今收斂兵器。將士各歸營壘休息。直待聖旨到來。方可

回軍如有私逃回者斬〔淨丑〕領鈞旨。

〔山花子〕〔生〕凱旋重獻中興頌。遐荒大播皇風。看梯航萬國盡通。四塞斷絕邊烽。〔合〕把三邊虜塵掃空。捷書夜飛清晝同。明朝管取朝九重。方顯元戎報國精忠。

〔前腔〕〔外〕轅門落日旌旄擁。陣列萬竈罷熊。管教取天山掛弓。直須劍倚在崆峒。〔合前〕

〔前腔〕〔淨〕紛紛犬戎。落落氏羌種。空有聚蟻屯蠱。看前徒倒戈自攻。喋血漂杵流紅。〔合前〕

〔前腔〕〔丑〕三千隊中。我飛騎偏驍勇。戎伍慣直前鋒。且休誇周瑜呂蒙。何曾數馬武臧宮。〔合前〕

〔紅繡鞋〕〔合〕三軍氣猛威雄。威雄。連衝左右折衝。折衝。歸上國。奏膚功。呼萬歲。觀重瞳。麟閣上。畫形容。

〔番卜算〕〔末扮使臣上〕喜色動龍顏。恩詔傳丹鳳。紅塵飛騎赴邊陲。文武均沾寵。聖旨已到。跪聽宣讀。皇帝詔曰。朕承中葉。遭家不造。天步艱難。人心騷動。氏羌蠹侵於西土。獫狁蜂擾於中原。生靈荼毒。朕實憫焉。所賴文武同心。將士戮力。內平禍亂。外靖邊塵。參謀張九成。狗國無家。護兵有略。陞授刑部侍郎。前往五國城候問。太上皇帝淵聖皇帝起居消息。元帥岳飛用兵神武。臨陣機謀。陞授天下都元帥。仍去邊郵。勦除賊寇。其下將士論功爵賞有差。嗚呼。盡忠匡國。惟臣子之至情。崇德報功。乃朝廷之通典。欽予時命。恪守厥職。望闕謝恩。〔生外〕萬歲萬歲萬萬歲。

〔十二時〕〔合〕山呼萬歲天恩重。諸將士喧傳聲。闕仰付黃麻詔一封。

〔生〕叩首欽承君命。

〔外〕爵賞人人歡慶。

〔末〕朝中天子三宣。

〔合〕闕外將軍一令。

### 第十九齣 聞計

〔山坡羊〕〔旦上〕荒涼涼高秋時序。冷蕭蕭清霜天氣。怨嘹嘹西風雁聲。啾啾唧唧四壁寒蛩語。這般時節。邊塞征人呵。方授衣。遠懷愁幾許。沾襟淚點空如雨。這個

衣服和淚緘封。憑誰將寄〔合〕天涯。人迢迢書未歸。傷悲心搖搖。怨別離。深閨  
乍冷開香篋。玉筍微微溼紅頰。忽聞征雁叫秋雲。邊信未來情已怯。一夜霜風楊柳窮。征夫迢遞轉  
淒涼。手展齊紈欲裁翦。金刀未下先斷腸。繒紋瑩奪澄江色。愁撚銀鍼紉不得。回頭顧影綠窗空。惆  
悵無人試寬窄。奴家自從丈夫去後。獨奉萱堂甘旨。世務艱難。久不事於刀尺。如今暮秋天氣。家家  
砧杵爲禦寒之備。適在婆婆處供早膳畢。不免暫時偷暇。整理些舊衣服。做些鍼指則個。

〔前腔〕亂葺葺柔絲分縷。軟撲撲輕綿鋪絮。碎紛紛縫紉故繪。疊層層裝就遮  
寒褚。看此衣線痕千萬緒。也應把我窮愁綴。只怕緒少愁多。離情難繫。〔合〕丈夫  
思之。裙釵來舉案時。須知牛衣中對泣時。你看這衣服經了多少挪拏折挫。好似奴家此  
身。

〔前腔〕浙瀝瀝鳴秋機杼。響督督敲寒砧杵。斷截截把金刀剪密。裁纖纖綴續  
針和箭。想此衣到今難稱體。丈夫你便是腰金衣紫。莫忘了貧賤之時。懸鶉百結君須  
記。這個故衣你好棄得。須信道糟糠妻室難棄。〔淨扮乞兒上〕廚中有冷飯。路上有饑人。娘子。

求乞些糧米。〔淨跪介〕漢子。你手裏拿着什麼東西。〔淨〕是一個羅袋兒。換些糧米充饑。〔旦看介〕

〔香柳娘〕看香羅紫囊。看香羅紫囊。是我姑親製。兒夫佩取長安去。〔淨〕娘子。你看了這羅袋兒。爲何掉淚。〔旦苦介〕我覩物感傷。我覩物感傷。心下自憂疑。其中有情弊。這饑寒武士。這饑寒武士。你在何方住居。這個物事呵。從何得取。

〔前腔〕〔淨〕苦饑寒在途。苦饑寒在途。欠缺糧米。逢人只得長拜跪。〔旦〕你是那裏來。〔淨〕我是從軍的健兒。我是從軍的健兒。戰敗苦瘡痕。還鄉且逃避。〔旦〕

這個物事那裏得來。〔淨〕在沙場戰地。在沙場戰地。見縱橫臥屍。其間拾取。〔旦〕漢子。你是從軍的。在那裏征戰來。〔淨〕小人隨着岳元帥在北方征戰。一個兄弟在陣亡了。因此戰場內尋認屍骸。拾得這個羅袋兒。沿路賣些錢米。充饑則個。〔旦〕既在北方征戰。不曾見說有一個張參謀大人在軍中麼。〔淨〕我曉得。就是我這裏同府人。〔旦〕他如今怎麼了。〔淨〕見說也被傷害了。那時節荒荒張張。小人身被亂箭射傷。疾忙走了。逃得性命到此。娘子可憐見。求乞些糧米。〔貼上〕



隔牆須有耳。窗外豈無人。媳婦有什麼人在門首鬧吵。〔旦〕一個求乞的軍士。他說在北方戰敗逃回。我問他緣故。〔貼〕你會問孩兒的消息麼。〔旦〕便是。他說在軍中傷死了。他有一個繡香囊在手裏。我看來好與我丈夫帶的相似。特來與婆婆認看。〔貼看驚介〕呀。正是我當初做的。他說是那裏得來。〔旦〕他說是戰場裏拾來。〔貼〕兀的我孩兒死了。〔倒介淨拾香囊介〕小人家裏只在此左近。因路上饑寒。將這羅袋兒賣幾文錢。這個娘子問我幾句閒話。和那媽媽驚倒在地。不知爲着什麼。我是行路的。巴不得到家。那裏管着閒事。正是一心忙似箭。兩脚走如飛。〔先下丑上〕家貧顯孝子。國難見忠臣。聽得鄰家張老安人門首鬧吵。不知爲着什麼。待老娘去探問一番。呀。怎麼老安人和大娘子都倒在地。〔叫介〕大娘子請起。大娘子請起。〔旦起介丑〕大娘子。你兩個爲着什麼。倒在地上。〔旦〕王鄰母。一言難盡。適來門首一個叫化軍士。賣着一個紫香囊。婆婆認看。正是我丈夫帶的。〔丑〕曾問他官人的消息麼。〔旦〕便是。他說在軍中傷害了。因此婆婆驚殞在地。〔丑〕大娘子。沒奈何。生死前緣分定。無以爲死傷生。且含淚忍情。扶救婆婆起來。將好言慰解他。〔旦〕正說得是。婆婆甦醒。〔貼起介丑〕老安人請起。



〔江兒水〕〔貼〕我心如醉魂似飛。誰知物在人亡矣。〔丑〕老安人請起。料沒有此事。

〔貼〕我兒。你本是個飛騰青雲器。翻做個戰死沙場鬼。我兒。不是你將親拋棄。自恨我當初強逼去蟾宮攀桂。

〔前腔〕〔旦〕我本是儒家女。如今做鬼妻。丈夫不如勇絕從君逝。只一件。你親在高堂無依倚。偷生只合供甘旨。暫且割恩全義。猶恐他心傷。背把羅襟拭淚。

〔前腔〕〔丑〕老安人。休煩惱。大娘子。莫痛悲。我心頭展轉猶疑慮。見說大官人。雖此將有三千餘里路。人去迢迢三千里。其間未審真和僞。聽我一言寬慰。日後自有的信回來。謾且尋風。再問吉凶詳細。

〔丑〕寬心自慰免傷悲。

〔貼〕妻念夫兮母念兒。

〔旦〕世上萬般哀苦事。

〔合〕無非死別與生離。

第二十齣 敗兀

〔步蟾宮〕〔淨扮兀朮上〕力拔山兮氣蓋世。時不利兮雖不逝。時乎時乎可奈何。

蒼天故屈英雄志。兀兀自起兵來。二十餘年。未嘗敗北。今日遇了岳元帥那廝。連戰不利。鐵浮圖盡被摧殘。拐子馬皆爲戮斃。鎧杖輻重。委棄無遺。將士望風而靡。三四十萬軍馬。不剩得一二千。如今正要拔營回去。昨日中朝有一個書生與我說。權臣在內。豈有大將立功於外者。岳少保且不免。以此中心猶豫。待頭目出來。再得計議。頭目每那有。〔末丑上〕力盡弧弓軟。時違鐵馬遲。裏瘡猶出戰。飲血復登陴。將軍有何分付。〔淨〕我如今連被岳家軍殺敗。收聚些殘兵敗將。濟不得事。目下就要拔營回去如何。〔末〕告將軍。岳爺爺手下猛將如虎。戰士如蜂。雲屯星聚。布滿四方。津要去處。你看那裏不豎着岳字旗號。其實難去。〔丑〕告將軍。撼山易。撼岳家軍難。小人但是見說了一個岳字。心膽驚破。其實不敢行動。〔淨〕卻怎麼好。〔末〕將軍不如留下散卒。隨了王鎮崔慶等諸將。權在太行山下險固之地。堅壁守住。將軍只帶十數騎士。潛自逃去方可。〔淨〕也說得是我心上好焦忿。

〔包子令〕怒氣衝天心噴火。心噴火。英雄壯士未消磨。未消磨。今日皇天將殲我。兵疲馬倦欲如何。欲如何。〔合〕須時再整舊山河。須時再整舊山河。

〔前腔〕〔末〕百萬精兵真磊砢。真磊砢。中原將帥有廉頗。有廉頗。百戰無功遭

衄挫不如歸去罷干戈。罷干戈。〔合前〕

〔前腔〕〔丑〕鐵壘金城曾打破。曾打破。三吳百越盡經過。盡經過。今日偷生逃難躲。岳爺爺便是活閻羅。活閻羅。〔合前〕

〔淨〕英雄失志受人欺。

〔末〕白刃無光戰馬疲。

〔丑〕得意狐狸強似虎。

〔合〕敗翎鸚鵡不如雞。

## 第二十一齣 尋兄

〔霜天曉角〕〔外上〕同攀月桂。兩處分棠棣。春草空勞夢寐。何時迭奏墳篋。兄南

弟北兩依依。遠道風塵信息稀。春塞愁聞鴻雁過。秋原夢逐鶺鴒飛。下官自從那年春榜之後。與俺哥哥在京師分別。轉首又是三年。書信也沒有一封回來。骨肉淒涼。朝夕思念。其奈母親愁煩成病。不免待母親出來解慰一番。

〔前腔〕〔貼上〕懨懨病體。漸覺形憔悴。〔旦上〕謾有愁眉鎖翠。空教淚眼垂珠。

〔相見介外〕母親。孩兒在外幾日。有違定省。哥哥信息。想只在目下回家。母親請稍解愁懷。〔貼〕孩

兒。你兩日出外。尙不知哥哥的凶信。〔外〕母親卻怎麼說。〔貼〕昨日有一個軍士在門首求乞。他說隨岳元帥出征。戰敗逃回。說你哥哥死在軍中了。〔外〕他是那裏人。定不是的語。〔貼〕他說是這里本府人。手裏拿着一個紫香囊。說在戰場裏拾的。不料是我當初做與你哥哥帶的。方信道他是實話。

〔泣顏回〕〔外〕聽說淚交頤。頓教人如醉如癡。同胞同氣。怎知道死喪溝渠。我心中暗疑。恐那人錯做了傳來語。歎骨肉永訣哀傷。也難如兔死狐悲。

〔前腔〕〔貼〕嗟吁。痛想我孩兒。指望榮歸膝下。那知物故天涯。風沙邊地。誰與他掩覆。羹裡他魂無所依。念骨肉豈把屍骸棄。孩兒。你須當遠涉尋求。早登程不用趑趄。

〔前腔〕〔旦〕思之。百戰履艱危。他魂依草莽。身飼狐狸。當時范杞良身死長城之下。其妻孟姜女就去求屍埋葬了。堪憐姜女。獨去萬里求屍。奴家今日呵。煢煢寡妻。路途

遙。怎到得沙場裏。叔叔。你須憐手足情深。看荆花並蒂連枝。〔貼〕孩兒死喪之戚。

兄弟孔懷。原隔哀矣。兄弟求矣。哥哥既死了。你可去戰場之內。尋認骸骨埋殮。也慰解我痛傷之念。  
〔外〕手足之情。豈可推阻。但母親年紀高大。有缺奉養。哥哥之信。猶恐未的。可不虛費了這遭跋涉之勞。  
〔貼〕孩兒。我心中哀苦之甚。你只索去走一遭。  
〔旦〕叔叔事出無奈。你哥哥便是沒有此事。訪問得一個消息回來。也慰婆婆愛憶之情。  
〔外〕兀的只索拜辭了母親和嫂嫂。就起程去。

〔催拍〕〔外〕雖則是吉凶未知。承親命孩兒敢辭。今膝下暫違。心戀慈顏。景入桑榆。嫂嫂親老孤單。望嫂扶持。  
〔合〕馳驛去萬里邊陲。心割兩淚沾衣。

〔前腔〕〔貼〕孩兒。汝兄爲皇家死綏。想應是天不憖遺。吾今已老矣。奈地網天羅。值此危時。骨肉存亡。母子東西。  
〔合前〕

〔前腔〕〔旦〕未亡人。啣哀慘。念一家生別死離。衷情訴與誰。幾處飄零。兩下孤嫠。節孝持身。誓死無虧。  
〔合前〕

〔一撮棹〕〔貼〕孩兒去。懸望早歸。  
〔外〕看親年老程途敢遲遲。  
〔旦〕沙場遠。風霜未免驅馳。  
〔合〕兄和弟。未卜死生期。但願凶回吉。憂愁變爲喜。同戲綵佳氣藹。

庭闈。

〔貼〕生離死別最傷神。

〔外〕一騎蕭蕭萬里塵。

〔旦〕流淚眼觀流淚眼。

〔合〕斷腸人送斷腸人。

第二十二齣 羈虜

〔風入松〕〔生上〕當時通籍向金闈。恨冷落斑衣。思親萬里書難寄。走岐路容

顏凋弊。黃閣從他視草。丹心只自傾葵。客舍并州已五霜。歸心日夜憶咸陽。無端更渡桑

乾水。卻指并州是故鄉。自家只因當時對策忠諫。被丞相懷恨私忿。選爲帥府參謀。幾年督戰沙場。

奏捷旋師。將謂還朝乞恩。得遂歸省之願。不料又被奸謀設計。差往朔漠。候問太上皇帝淵聖皇帝。

起居消息。這個是臣子分內之事。有何怨苦。只是我母親妻子在家。不能無私恩之念。傳曰。求忠臣

必於孝子之門。忠孝怎能兩全。正是平生仗忠義。今日任風波。如今且喜到得五國城內。見說二帝

行在正是此處。不免將公服穿了。入朝則個。

〔神仗兒〕關山萬里。關山萬里。來朝宸陛。奈重闈嚴邃。死生眞難迴避。何處是

帝王居何處是帝王居。〔淨丑上〕朝廷號令風霜肅。王邸光華日月高。〔淨〕你是什麼人。在此何幹。〔生〕我是中朝使臣。〔淨渾介〕我在中國來往得熟。曉得南方言語。待我說與他知道。〔丑渾介淨〕此間正是王庭之外。不許在此打攪。〔下生〕這裏既是王庭。想必是二聖皇帝在那壁廂住呵。

〔前腔〕揚師振旅。揚師振旅。張皇兵勢。闕貌貅堪畏。要全君臣恩義。須俛首拜單于。須俛首拜單于。〔淨丑上〕手執雕弓彎似月。腰懸寶劍瑩如霜。〔喝介〕你是什麼人。到此處。〔生〕下官是中朝使臣。奉聖旨來見太上皇帝淵聖皇帝。把都們煩與我通報。〔淨丑〕俺君主號令。但有中朝使臣到此。不許私自通問。〔生〕俺奉聖旨來此。豺狼作陣。竟沒區處。如何是好。〔淨〕休衝蛇虺毒。〔丑〕莫犯虎狼威。〔下〕

〔滴溜子〕〔末扮黃門官上〕風雲護。風雲護。九重禁闈。兵戈擁。兵戈擁。豈容進取。小臣是中朝通使。倘吾皇有璽書。疾忙報語。望日瞻天。從實奏知。

〔前腔〕〔生〕臣欽奉。臣欽奉。聖朝旨意。特來拜。特來拜。上皇聖主。事君當行臣



禮望伊一指麾。通聞行寓。俯伏鞠躬。天高聽卑。〔末〕下官乃是黃門通使。奉侍上皇淵聖二帝。但有本朝使臣到此。通使下官接應。〔生〕黃門大人。下官張九成。職授刑部侍郎。奉聖旨到此。欲一朝見二帝。煩與通報。〔末〕大人。契丹知道中朝使臣往往表奏不一。恐怕漏洩事機。嚴設禁衛。不許私自通問。大人如有表章。就此北面叩頭奏啓。下官與你傳達天聽。〔生跪介〕

〔雙鷓鴣〕〔生〕誠惶頓首拜啓。太上皇淵聖皇帝。小臣張九成。欽奉朝廷勅旨。道自那失守。誤陷身邊地。要親迎龍駕。嗟無計。溫清禮久相違。謹保持社稷。

邦畿。拜上二聖皇帝。朝夕裏望南歸。敢上牋奏犯天威。念小臣不任屏營之至。〔淨

丑上〕可汗傳令。南朝新來使臣張侍郎。一同舊使臣洪皓王倫等。暫且拘收。四太子兀朮。下不許還國。正在他簷下過。怎敢不低頭。〔下末〕張大人。犬羊之類。無仁無義。儘他威勢逼脅。不可屈身。有損名節。〔生〕多承指教。

〔二換頭〕孤忠自許。操若冰霜。堅厲況蒙君寵遇。把節旄自持。從教羝乳盼鄉關。何處是。料慈親終無見期。痛殺王孫母倚門懸望兒。〔合〕爲國忘家。怎肯把

終身名行虧。

〔前腔〕〔末〕身淹虜庭。職供王事。況腰金衣紫。敢偷安避危。虛叨祿位。事君於顛沛裏。又何必懷歸故廬。羨殺平原感恩捐此軀。〔合前〕

〔生〕南冠萬里困胡塵。

爲國從來不顧身。

〔末〕正是疾風知勁草。

須知版蕩識忠臣。

第二十二齣 問卜

〔掛真兒〕〔旦攜藥上〕紫火金丹何處有。仙方未授神樓。且盡芹誠躬調藥餌。願母病康寧如舊。〔醉落魄〕孝當竭力。怎憚多勞役。思量轉覺心悲感。生離死別。兩下無消息。高堂偃添憂憶。時來病勢殊加劇。祇將藥餌供朝夕。惟願沈疴一旦皆冰釋。奴家婆婆自從得了丈夫凶信已後。叔叔又出門去。一向孤愁。做成病症。欲待請醫調治。又無門可覓。昨在市上贖些藥餌。已煎在此。請婆婆出來。

〔前腔〕〔貼上〕老態侵凌加症候。良醫信是難求。〔旦〕展放愁眉。調和病體。願從

此安躋遐壽。〔貼〕媳婦自從得你丈夫信息。愁煩成疾。〔旦〕婆婆請自寬心。毋以死傷生。叔叔出去。敢有喜信回來。也未可期。奴家煎得些藥在此。請婆婆喫些。

〔二郎神慢〕〔貼〕形衰朽。悶懨懨我憂心孔疚。〔旦〕婆婆請寬心。但願婆婆一百二十歲。

〔貼〕媳婦。指望你百年同聚首。奈一身坎坷。飄飄命似浮漚。〔旦〕婆婆。這藥是肘後

僂方。請喫一口。〔貼〕謾說道是仙方。傳肘後。這惡味難當苦口。〔合〕強擡頭。飲此

藥。願從今病勢全瘳。

〔前腔〕〔旦〕含愁。看他心煩意苦。形枯貌醜。氣息奄奄。如病酒。總刀圭妙劑。料

應也難下咽喉。便遇秦和醫國手。只恐他病在膏肓。怎救。〔合前貼〕媳婦。兩個孩兒

生死俱無信息。

〔轉林鶯〕骨肉存亡。知是否。眼前欲見無由。媳婦。只是多多虧負了你。晨昏奉侍多

生受。感恁深恩。料此生難酬。天長地久。青史上誰書。俺賢婦。〔合〕淚珠流。早難

道萱花可以忘憂。

〔前腔〕〔旦〕中途自傷分鳳友。念他鄉戰骨誰收。奈何薄命遭陽九。望天可憐見。願慈闈無恙。海屋添籌。恩深意厚。這賢德難忘我慈母。〔合前丑上〕福無雙至猶難信。禍不單行果是真。自家爲何說這兩句言語。鄰家張老安人兩個孩兒都做了大官。誰想道一個死在軍中。一個去沙場尋取屍骸。至今不得回家。因此老安人憂愁思慮。以致伏枕在牀。飯食湯藥奉侍。其實虧那賢孝媳婦。老娘不免去探望一回。〔相見介〕老安人病體若何。〔貼〕王鄰母。多多拜謝你看顧。孩兒又不回來。怎麼是好。〔丑〕請寬心。我聞說大秀才也沒事。小秀才只在早晚回家。大娘子有一個賣卦先生。終日在門首過。他說禍福至靈。你可請他一卜婆婆病勢如何。再卜二位秀才消息如何。也省愁慮。〔旦〕也說得是。

〔水底魚兒〕〔淨上〕終日營營。驗著龜兆最靈。知天知命。不須排五星。老夫姓踢名秃。曆數星書廣讀。窮透先天後天。分出大畜小畜。也有困蒙重離。也有交泰休復。也曾說長安發卦。也曾向成都賣卜。先生那數邵雍。同輩儘欺郭璞。只憑四象三爻。便說休囚禍福。奪得隗子蒼龜。括破鄭人蕉鹿。舌能翻高就低。語皆駢四麗六。近來歲歉時荒。課錢專討米粟。遇窮漢只要三升。見

財主便索一斛。這般趁得錢來。家裏並無積蓄。年年食缺衣單。日日兒啼女哭。辛勤六十餘年。枉自奔波碌碌。你看我家好異樣門牆。〔內〕豈不有廣廈千萬間。〔淨〕那里只見兩堵頽牆破屋。〔內〕這的是破屋數間而已矣。〔淨〕賣卦賣卦。〔丑〕先生。此間張孺人家裏請你卜卦。〔淨〕孺人拜揖。不知卜甚麼卦。〔旦〕俺婆婆伏枕在牀。煩先生卜病勢如何。〔淨〕卜譚介。沒事沒事。再卜甚麼。〔旦〕我丈夫除授督府參謀。監兵北伐。見說有不好的消息。以此叔叔去戰場尋問了。〔淨〕再卜譚介。也沒事。兩卦皆吉。不妨不妨。〔丑〕先生。再與他卜一家宅。〔淨〕又卜介。呀。不好不好。早晚卻有天番地覆這等一頭橫禍。〔旦〕悲介。〔丑〕孺人。你婆婆是病人。不要哀傷。只說前面這兩卦皆吉便了。〔旦〕也說得是。〔貼〕媳婦。先生卦卜如何。〔旦〕道婆婆病體就得平安。〔貼〕你丈夫與叔叔的消息如何。〔旦〕丈夫亦沒事。只在早晚與叔叔同回。〔貼〕且喜且喜。〔旦〕先生。適來的禍福不是謊麼。〔淨〕孺人怎麼說這等話。老夫只憑八卦判斷。豈肯說謊。你聽我道。

〔一封書〕威蒙與鼎恆。驗義文列卦名。孺人。你問市上人道我卜卦如何。吾術藝頗精。論吉凶多顯應。休咎榮枯皆分定。看取青囊幾卷經。〔合〕謾勞形。且忘情。萬事

由天信五行。孺人老夫告辭。求些卦錢。〔旦〕多生受了。〔淨〕正是逢人只好少說話。賣卦不須多計錢。〔下貼〕王鄰母適來見先生說了。心上稍覺寬快些。但不能夠得孩兒回來。如何是好。〔丑〕老安人休要煩惱。

〔前腔〕〔貼〕我心中自三省。爲孩兒愁病成。兄和弟遠征。是何時得轉程。〔丑〕先生說只在目下回來。〔貼〕暫假著龜占動靜。禍福冥冥未可徵。〔合前〕

〔前腔〕〔旦〕憂和喜兩并。吉和凶猶未明。姑疾勢稍平。想亡夫事怎生。但願他時雙喜慶。母子團圓得保寧。〔合前貼悲介〕王鄰母老身值此厄苦。如何是好。

〔前腔〕〔丑〕老安人。不須用悶縈。恐愁煩疾轉增。〔旦〕鄰母。婆婆病症怎能得平安。〔丑〕大娘子。你不須用淚零。且安心調母病。這個先生卜卦十分之吉。會見離鸞全破鏡。彩鳳雙飛畫錦榮。〔合前〕

〔貼〕信八卦六爻三兆。

〔旦〕憂變喜且寬懷抱。

〔丑〕青龍共白虎同行。

〔合〕吉凶事全然未保。

## 第二十四齣 設祭

〔末上〕暑往寒來春復秋。夕陽西下水東流。將軍戰馬今何在。野草閒花滿地愁。自家乃是隨侍張探花的。祇候俺大人特到此戰場內。尋認張狀元屍骸。先着小人來此設奠。你看那戰場風景。真個好悽慘。只見日薄風悲。草枯蓬斷。鳥飛不下。獸挺亡羣。屍填巨港之涯。血滿長城之窟。鬼神聚兮雲漠漠。魂魄結兮天沈沈。利鏃傷骨者。呻吟於風雨之時。白刃破骸者。悲號於星月之下。折戟殘鎗。土花昏翳。荒岡故壘。烟蔓蕭條。燕齊趙魏。貴賤盡委於泥沙。秦漢隋唐。老幼同歸於塵土。正是一時豪傑成何事。千里江山怨落暉。

〔縷縷金〕〔淨扮老漢上〕強壯日此從軍。風塵堪白首。老轅門。自恨溝渠殍。饑寒難忍。向墻間祭處乞壺飧。誰人肯憐憫。〔末〕老的是甚麼人。來此何幹。〔淨〕小人是流落軍士。恐有人到戰場內祭掃。特來求乞則個。〔末〕大人每到也。閃過去。〔淨作慌狀坐介〕

〔前腔〕〔外上〕乘驛傳好艱辛。水村纔過了。又山村。見說沙場前途將近。望疎林影裏又斜曛。停驂解勞頓。左右。那里是戰場。〔末〕告大人。這里人煙絕迹。骸骨成堆。正是



戰場了。

〔小桃紅〕〔外〕平沙斷磧。落日荒雲。舉目愁無盡也。只見枯蓬底白骨亂紛紛。總古今戰爭人。知他是趙和燕。魏和秦。齊和晉也。歲久天荒無可問。看那狐兔縱橫。鳥雀滿荆榛。

〔下山虎〕野花如繡。野草如茵。無限傷心事。教人怎不斷魂。看這滿地屍骸。說甚麼。麼。麼。麼。何疎。那管烏鳶可親。新鬼銜冤。舊鬼呻。弊形成灰燼。惟有陰風吹野燐。慘霧愁煙起。白日易昏。剩水殘山。秋復春。奠儀陳設在此。那曉得哥哥骸骨去處。只得望空祭奠呵。

〔蠻牌令〕看骸骨怎生認。知何地喪兄身。萬里羈魂招不返。空落得淚沾巾。念骨肉顛連無告。只須將薄奠來陳。酬椒觴把哀情少伸。望尊魂來享殷勤。

〔尾聲〕天涯不得歸旅櫬。兄和弟永作死生分。腸斷楚些哀文。左右那里。草際眠的是甚麼人。〔末〕是一個求乞的軍士。〔淨〕告大人。救濟則個。〔外〕左右。把酒飯與他喫了。〔末與

酒飯介淨。多謝大人。〔外〕左右聽他言語，與我南方人相似，怎麼從軍的到這般狼狽。〔末〕老漢大人問你是那里人氏，爲何這般狼狽。〔淨〕告大人，老漢是常州府江陰人，往年從岳元帥麾下到此征戰，以後岳元帥精選士卒，把我兒子代役，西去討賊，止剩老漢一身，流落在此，饑餓不得還鄉。

〔外〕呀，你既在岳元帥手下征戰，可曉得一個張參謀大人。〔淨〕也是我同府人，怎麼不曉得。〔外〕如今怎麼了。〔淨〕那時節殺敗了契丹軍馬，正要點兵回去，朝廷旨意到來，着俺張大人北往五國城探望太上皇帝消息，一去四五年，至今未回，小的日夜懸望，他到此帶我還鄉。〔末〕可是的話。

〔淨〕大人，前老漢怎敢說謊。〔外〕左右，看他也不是說謊的人，你問他，我如今就在驛馬上帶他還鄉去，卻如何。〔末〕老漢大人說要帶你還鄉，你心上如何。〔淨〕總領官這大人是那里。〔末〕正是同里。〔淨〕如此，大人是我重生父母，連夜隨侍老大人回去，但恐跋涉，隨赤驥、青雲飛走不容攀。

〔好姐姐〕〔外〕聽他詳說事因，頓除下中心冤恨，誰想我兄在虜庭爲帝臣。〔合〕消愁悶，幸得異鄉平安信，萬里南歸一騎塵。

〔前腔〕〔末〕你們得遇使君，今帶汝同歸鄉郡，蠅隨驥尾，豈須愁路貧。〔合〕消愁

悶。幸得異鄉平安信。免作荒郊一聚塵。

〔前腔〕〔淨〕念吾南都小民。流落在邊城艱窘。荷公相見憐。怎忘周濟恩。〔合〕消愁悶。幸得異鄉平安信。那管沙場吹戰塵。

〔外〕幾年骨肉恨飄蓬。

〔末〕萍水相逢喜信通。

〔淨〕今日得君提掇起。

〔合〕免教身在污泥中。

### 第二十五齣 辭婚

〔菊花新〕〔生上〕邊庭草色幾回新。萬里湖天月滿蘋。獨旅暗銷魂。顛沛尙懷

忠盡。鄉書有雁。晏裘凋弊成長歎。旅食無魚。馮驩歌殘厭久居。親幃遠別。忽驚鬢乍千絲雪。臣節終

完。惟有心存一寸丹。自家奉朝命來此。探候二帝。被契丹拘禁在此。不能還朝。臣子之分。固當自盡。

但我老母在堂。寡妻在舍。不能無私恩之念。行囊中曾帶得幾卷書史。且將來一看。散悶則個。〔看

書介〕這是毛詩。毛詩中說道。夙興夜寐。毋忝爾所生。我雖不敏。料無玷於父母。又道夙夜匪懈。以

事一人。我在困辱。亦爲事君之故。這是孟子。孟子道。大孝終身慕父母。今日撇了母親。卻不能夠斷

見。又道仕則慕君。不得於君則熱中。逗留在此。既不得見二帝一面。又不能立朝事君。卻做兩下擔誤了。你看聖賢書裏。那一處不說着忠孝二字。我今既不能事君。又不能事親。當時母親教我讀書。也只要識些禮義。知而不能行。看他何用。

〔解三醒〕念孩兒幼承母訓。習詩書禮義之文。今日淹滯在此呵。天涯綵衣思報本。空含淚望孤雲。奈何不能還家。歸遲恐懷風木恨。不得高堂終養親。還思忖。總然是天長地久。怎負親恩。母子之私。既不能盡。君臣之義。將何如。

〔前腔〕七志六經曾解讀。二典三謨知未聞。他鄉錦衣思補袞。空回首望楓宸。孤衷自持臣子分。不得當朝親事君。還思忖。總然是天高日遠。怎負君恩。

〔菊花新〕〔末上〕爲臣當以效三仁。軒冕何如道義尊。就里自評論。改節此心何忍。下官姓王。名倫。乃先朝文正公之曾孫也。忝登張狀元榜進士。除授侍御之職。奉使到此。被契

丹拘禁兩年。不得南還。單于要授我官職。怎負宋朝大恩。有乖君臣之義。見說單于有一公主。要選張狀元爲婿。卽今着湯思退議婚。但未知張狀元立志如何。待我假意試他一試。此間正是他寓所。

不免進去〔見介末〕狀元賀喜〔生〕何喜可賀。

〔勝葫蘆〕〔淨上〕奉命單于議結婚。甥舅國做朱陳。若是書生成合巹。管教月

老得寵冠三軍。下官乃是湯思退。職授行人。奉朝命出使到此。特蒙契丹王恩遇加厚。卽今要選

張侍郎爲婿。着我來作伐。只是這個人有些執古相。不通世俗。這裏正是他寓居。待我進去一探。

〔相見介生〕湯使臣請坐。〔淨〕狀元。小子有一事相干。不敢啓齒。〔生〕但說不妨。〔淨〕契丹主曉得

足下人才出衆。要把長公主選招爲婿。特着小子來作伐。〔生〕下官自有荆婦在家。如何使得。〔淨〕

田舍翁多收十斛麥。尙欲易婦。你如今腰金衣紫。便討了兩個妻子。也何害於理。〔生〕這等敗壞風

俗的言語。不要說起。〔淨〕他到怪我了。〔生〕王大人。你與我莫逆之交。可與我好言一贊襄。〔末背

云〕待我假意一試他。〔轉身介〕張大人。貴易交。富易妻。人情乎。〔生〕王大人所讀何書。你也這般

輕覷我。〔淨〕狀元。成就了罷。他也是一個君主。恐怕反面無情。那時節悔之晚矣。〔生〕王大人豈不

聞顏常山段司農之事乎。我何愛一死。〔淨〕顏杲卿是死於國難。你要學他忠烈。段秀實以笏擊賊。

終不然要打我。你說話好沒分曉。〔末〕湯使臣請息怒。自有公議。〔淨〕這等沒家的所在。誰來公議。

罷罷。我做月老的須索喫些下賤。沒奈何。只得再把好言一勸化。張大人成了這頭親事。我和你說不盡富貴。

〔啄木兒〕〔生〕乞垂憫。聽訴因。自古道儒爲席上珍。念宋弘自有荆妻。歎王蠋元是齊臣。看古人豈將名節損。昭昭史書垂不泯。君恩妻義俱不可爽。我怎肯背義忘恩絕大倫。

〔前腔〕〔淨〕休推阻。略具陳。張大人。人生富貴。百年有幾。歎浮世光陰真一瞬。豈不聞卓文君潛奔之事乎。順時變。須羨相如。死臣節。空笑辛賓。〔末〕狀元。王庭美人諧秦晉。他形驅勢迫宜隨順。莫負了殷勤冰上人。

〔三段子〕〔生〕緬懷帝閣。料蘇卿終懷虜塵。引刃自刎。〔淨諷介生〕料田橫終拚棄身。〔淨〕只怕他無情虜酋。心懷忿。把咱每棄戮成齋粉。這段良緣翻做禍孽。

〔前腔〕〔生〕任他怒嗔。我何顏應承此因。〔淨〕好笑你念頭差了。他若要招我爲婿。連夜就成。〔生〕任伊笑哂。我赤心孤忠自存。〔末〕想他也不怕嬰鋒刃。湯使臣。伊家莫把

言相窘。張大人且寧耐。尙有老夫人在堂。子道臣忠須當兩盡。〔淨〕張狀元再四苦勸。你不肯從我。如今把你的言語去報與他知道。日後莫要懊恨我。〔末〕湯使臣更有宛曲計議。〔淨〕王大人。你不肯攬掇。我也去對他說。你休要怪我。

〔生〕一段姻緣似捻沙。

〔淨〕心偏性執笑伊家。

〔末〕落花有意隨流水。

〔生〕流水無情戀落花。

## 第二十六齣 義釋

〔末上〕三軍斂手待和戎。擾擾遷都避敵鋒。安得上方三尺劍。直從天上斬奸雄。自家不是別人。乃是宋江手下一個兄弟。大宋爲秦賊弄權。困辱諸將。契丹占擾中原。勢逼南畿。卽日遷都臨安。士民奔走。哭聲載道。其間多有以強凌弱。以衆欺寡。俺哥哥着我每沿路巡走。務要抑強制暴。恤寡周貧。行些好事。正是天上人間。方便第一。〔下〕

〔水底魚兒〕〔丑挑行李上〕瓦解沙崩。指臨安爲上京。人煙奔競。邊烽日夜驚。契丹侵擾。大宋遷都避難。兵火連綿。人家播蕩。老的無處存身。只得向前奔走。正是寧作太平犬。莫作



離亂人〔下淨末上譚介外上〕三尺龍泉萬卷書。老天生我意何如。山東宰相山西將。彼丈夫兮我丈夫。自家宋江的便是。兄弟三十六人。橫行天下。雲聚星散。蹤跡無定。鳴鑼擊鼓。剽掠有時。除非黃榜可招安。餘下官軍收不得。兄弟每那里。〔淨末〕覆哥哥。有何鈞旨。〔外〕如今宋室南遷。士民奔走上強暴。侵凌寡弱。你每馬上巡視。但有富豪商旅。分掠他些金帛衣服。如遇孤苦貧窮。就要分贈與他。不可違我號令。〔淨末應介〕

〔縷縷金〕〔貼旦上〕家蕩散。業飄零。攜筐還負篋。離家庭。兩口無依倚。身如蓬梗。向人煙驟處奔前程。何時得安靖。〔淨末〕住了。〔貼旦跪介外〕婦人。你怎麼兩個行路。男子漢也沒有一個。敢是背夫逃走。或是官宦人家驅奴使婢。從實說來。〔貼〕告將軍。兩個孩兒仕宦在外。止有這一個媳婦奉侍老身。今遇遷都。家業播蕩。出來逃難。則個。〔外背介〕想是個良家女眷。待我試他一試。〔轉身介〕兄弟。每拿那小婦人殺了。〔淨末應介〕

〔園林好〕〔貼〕告將軍熊威暫停。容老妾一言訴鳴。〔外〕這個婦人敢不是好的。〔貼〕我媳婦羅敷節行。〔外〕羅敷是烈女。不信他有這等賢行。〔貼〕老身怎敢說謊。乞矜恕。放殘

生乞矜恕。放殘生。〔外〕既是這等殺了那老的，留了小的罷。〔淨末應介〕

〔前腔〕〔旦〕望將軍哀憐下情。我姑氏今當暮齡。苟若要傷殘他命。妾代死。敢偷生。〔淨〕你就替他殺也不管你。〔旦〕妾代死。敢偷生。〔外〕這兩個婦人到有賢行。兄弟每。放

了他罷。〔淨末應介〕

〔前腔〕〔外〕看老嫗孤寒可矜。這少婦貞烈可旌。想不是鶉奔妾媵。兄弟與他些金帛。婦人收了。〔淨與金帛介外〕賜金帛。濟餘生。賜金帛。濟餘生。

〔前腔〕〔淨末〕俺渠魁乾坤遍經。恤孤寡朝邦有聲。故將此衣裝相贈。凶變吉。死回生。凶變吉。死回生。〔外〕婦人俺不是別人。乃是宋江將軍。憐你兩個孤苦。況又恩義相結。

故將此金帛資助。前路如有人搶奪。只說宋江將軍與你的。〔貼旦〕多謝將軍。〔外淨末〕正是當權若不行方便。如入寶山空手回。〔並下貼倦坐介旦〕一斟一酌。莫非前定。奴家爲着遷都擾亂。荒荒張張。扶着婆婆出外逃避。一文盤費也沒有。不料中路遇着強寇宋江。攔住。幾被殺害。因見婦姑恩愛。乃授金帛相贈。自古道。智士不飲盜泉之水。廉者不受嗟來之食。本待將此非義之物遺棄在路。

奈婆婆年老無措。只得隱小過以全大義。正是饑時得一口。勝如飽時得一斗。〔扶貼下〕

## 第二十七齣 趕散

〔水底魚兒〕〔末負行李上〕笳鼓喧轟。四方多戰爭。離鄉別井。怎當心戰兢。亂離時世。盜賊如麻。此處不是安身之地。正是心慌來路遠。事急出家門。〔下淨丑上〕假饒走到骸糜天。脚下騰雲須趕上。自家乃是太行山草寇。今被契丹占奪中原。挾衆到江南。以劫掠爲生。夜聚曉散。着處爲家。且喜宋朝多故。並無官軍禁止。適來見一個漢子。背着行李。在此經過。怎麼不見了。必在樹林中藏着。且在此躲避。伺候則個。

〔縷縷金〕〔旦扶貼上〕愁雨臥。怯霜征。程途勞跋涉。苦伶俚。悵恨姑年老。妾身羸病。況弓鞋窄小。怎生行。萍蹤幾時定。〔淨丑喝介貼旦慌介淨丑〕不要慌張。在此少住。〔貼倒落包旦坐介〕

〔鎖南枝〕〔貼〕娘和女。苦又孤。〔淨〕不管你孤苦。只要財物。〔貼〕蕭然此身無抱負。〔淨丑打介貼〕垂老死何辜。難禁這淒楚。〔丑〕把金帛來。〔貼〕金與帛半點無。望將軍

莫嗔怒〔淨丑〕小婦人怎的說。

〔前腔〕〔旦〕念我離鄉井。在路途。將軍可憐容告訴。〔淨丑〕你兩個婦人不要討打喫。

〔旦〕逃難避遷都。孤身最貧苦。〔淨丑打貼介〕老婦人快把衣服來。〔旦〕休摧挫乞恕奴。只得將身來強回護。〔淨丑打貼旦護介淨丑推倒貼奪包袱介旦〕這是宋江將軍與我的。

〔淨〕我每做了二十年寇盜。不會見這兩個婦人奸猾。他把金帛衣裝掩在身下。只說沒有。及至搜檢出來。又胡說是宋江將軍與他的。他便施得仁義。我每不管。只要些財物。本要砍他一刀。〔丑〕罷罷。既得他的財物。傷他性命何用。正是尋思總是一場夢。〔淨〕你是何人我是誰。〔下貼醒介〕

〔前腔〕神初醒。氣不甦。羸身強前難舉步。媳婦怎生不見。只見煙樹蒼茫。歸鴉亂噪。又是天晚了。只見煙樹亂啼鳥。空山欲昏暮。空嗟嘆枉叫呼。怎不見我媳婦。媳婦。媳婦。

〔下旦醒起介〕

〔前腔〕荒村裏。遇賊徒。行裝罄然遭劫擄。弱體強支吾。蒼黃此顛仆。天色昏暝。婆婆那里去了。煙光慘人影疎。向誰行問前路。婆婆怎不見了。只得向前去尋。〔下貼上〕媳

婦那里去了。

〔前腔〕天欲暮。日易晡。茫茫此身迷處所。望眼已模糊。憂心又驚怖。空嗟歎。枉叫呼。怎不見我媳婦。〔叫介〕正是濃霜偏打無根草。橫雁偏尋薄命人。〔下旦上叫介〕婆婆那里去了。

〔前腔〕心酸痛。念我姑。神魂恍然失舉措。他衰病倩誰扶。饑寒有誰顧。煙光慘人影疎。向誰行問前路。〔叫介〕正是屋漏更兼連夜雨。船遲又被打頭風。

## 第二十八齣 寄書

〔鳳凰閣〕〔生上〕遐荒淹滯。回首鄉關何處是。謾憐青鏡舊顏非。灑盡思親千點淚。驅馳王事。爲公義私恩暫違。辛苦遭逢起一經。干戈落落四周星。山河破碎風飄絮。身世浮沈浪打萍。持漢節。困胡庭。時將長劍倚高冥。人生自古誰無死。留取丹心照汗青。下官爲使命來此。只因不就契丹親事。被他拘禁。不容南還。光景倏忽。歲聿五更。知我家中母親安否何如。知我兄弟妻子侍奉若何。正是雖無千丈線。萬里繫人心。

〔出隊子〕〔外上〕霜凋愁鬢。歲久邊塵客寓居。何時按劍上彤墀。把誤國奸邪來斬取。一點丹心他人怎知。下官姓洪名皓。乃宋朝禮部侍郎。奉君命出使於此。被契丹留住。見說張狀元爲招婿不從。亦被拘禁在此。不免去一探問。少敘鄉情則個。此間正是他寓所。不免進去。〔見介生〕洪大人請坐。〔外〕狀元。賊臣誤國。邊將寢兵。內有秦丞相之奸。外有湯思退之佞。將我和你拘留在此。無益於朝廷。如何是好。〔生〕便是。他奸邪結黨。不能祛除。我前番被湯思退讒譖。贊助單于。逼我爲婿。不勝一時之忿。就欲拔劍斬那佞臣之首。然後自刎。又被王侍御苦勸道。一則老母在堂。不宜自盡。二則天子之使。不宜擅殺。有傷孝義。是以不果。〔外〕正說得是。既有老夫人在上。權且寧耐。但不要屈節于羶腥之類便了。姑遲歲月。苟得還朝。把那奸佞之徒卻做區處。〔生〕謹受教了。

〔梁州序〕風塵孤客。皇華天使。節苦冰霜堅厲。丹心一點。終身誓死無虧。但只慮高堂日短。破鏡鸞孤。兩下無依倚。舉頭親舍遠。片雲飛。愁覩斑斕五綵衣。〔合〕臣子分竭忠義。念親恩育養全遺體。當國難怎生避。〔外〕你看那清霜滿地。



白草連天。胡馬亂鳴。哀笳亂發。當此之時。寧無故國之思。

〔前腔〕清霜衰草。黃沙邊地。日晚胡笳哀淚。天涯遊子。離心轉覺傷悲。況那衡陽雁杳。湘浦魚沈。苦道書難寄。幾回魂欲斷。思悽迷。夢繞關河月落時。〔合前〕

〔前腔〕〔生〕醉心胸賢聖詩書。存性分朝神清氣。問平生辛苦。所學何事。湯思退那奸佞之徒。只貪一時僥倖。卻笑那甘心降虜。俛首歸戎。此輩真忘恥。楚囚邊塞遠。任風吹。須把金戈挽落暉。〔合前〕

〔前腔〕〔外〕想古人在顛沛流離。未嘗肯貪生逐利。這班班青史。尙垂芳譽。看那牧羊還漢。潰腹歸唐。苦操真難比。袖中三尺劍。吐光輝。不斬樓蘭誓不歸。〔合前外〕見說朱使臣今日南還。下官要附寄一封家書。不知准行否。〔生〕便是。下官亦修書在此。相待少刻就到。

〔出隊子〕〔末上〕別離情況。愁斷河梁五字詩。故人相見在天涯。欲寄平安書咫尺。歸興匆忙。只須暫辭。下官朱弁的便是。奉使到此。事畢南還。昨日張狀元再四與我說寄



家書回去。只索去一告別。此間正是他寓所。不免直入去。咱不須童子將命。期與故人覲顏。〔見介〕  
二位大人。下官特來告辭。〔生〕朱大人請坐。〔末〕下官去促。不必留坐。〔外〕下官亦煩附帶一書。  
〔末〕當得當得。〔生〕客邊愧乏餞行之禮。休怪。〔遞書介〕

〔玉山頹〕〔生〕憑君傳語。〔末〕傳與何人。〔生〕我萱親不須念兒。自當時一別容顏。  
到今來幾易寒暑。更煩你傳示我嬌妻幼弟。望早晚躬調甘旨。〔末〕謹領謹領。〔合〕萬  
里人南去。唱驪駒。一封書寄數行啼。

〔前腔〕〔外〕南冠拘繫。〔末〕大人幾時還鄉。〔外〕問南還猶未有期。歎終朝目斷孤  
鴻。更那堪信絕雙鯉。雲橫遠樹。難把我鄉心遮住。〔合前〕

〔前腔〕〔末〕陽關別意。歎征人先怯路岐。只慮着苦雪繁霜。怎跋涉萬山千水。  
帶着雲箋數紙。恐路杳浮沈無計。〔合前〕

〔外〕鄉關萬里隔風煙。

〔生〕一紙音書託便傳。

〔末〕正是雁飛不到處。

〔合〕果然人被利名牽。

## 第二十九齣 郵亭

〔末扮驛卒上〕車如流水馬如星。南北紛紛走不停。落日長途天欲曙。行人翹首望郵亭。自家乃是驛傳裏一個供用使卒。天色將晚。恐有官員。每到此停宿。免不得伺候則個。

〔六么令〕〔貼上〕兵戈擾擾。歎孤身患苦雜逃。中途骨肉又相拋。空悲怨謾啼號。婦姑兩下難尋討。婦姑兩下難尋討。媳婦怎生不見。遠遠望見一個婦人來了。莫不是我的媳婦。且在此等候咱。〔丑扮婦人上〕母子不相顧。士民方亂奔。蒼茫途路遠。日暮正愁人。母親怎不見了。〔叫介〕又不是俺母親在外逃難。適來路上遇着幾陣軍馬。只在樹林下躲避。慌慌張張失了母親所在。只道前面走的媽媽是了。誰想不是。天色昏暝。如何是好。〔貼〕愁人莫向愁人說。說與愁人轉轉愁。老身不見了媳婦。一路裏尋問來。遇着一個姑娘。元來他也是失了母親。娘子。天色晚了。前面又沒村落。我和你只得在此間驛裏借宿一宵。〔丑背介〕情知不是伴。事急且相隨。便是。奴家是一個婦人。又沒處去。望媽媽挈帶一挈帶。〔貼〕老身面羞。難以啓齒。娘子。你須對驛使一說。〔丑〕驛使哥。奴家二人欲在此借宿一宵。望乞憐憫則個。〔末〕娘子。人煙擾攘。此間驛裏多有官員。

每來往。婦人家不便。及早向別處尋宿去。〔丑〕媽媽。他不容如何是好。〔貼〕你再去一央懇。

〔前腔〕〔丑〕天光暝了。看林間宿鳥歸巢。長亭渺渺路迢迢。煩借宿過今宵。〔合〕  
望君就裏聽哀告。望君就裏聽哀告。〔末〕不是我作難。

〔前腔〕郵亭要道。看馳車驟馬紛交。空房往往寓官僚。若官僚每知道有婦人在此呵。咱罪罰是誰招。〔貼丑〕沒奈何望照顧一番。〔末〕女娘謾且來聒吵。女娘謾且來聒吵。〔貼丑〕告覆驛使。事出無奈。望容歇一宵。自當酬謝。〔末背云〕這兩個婦人舉止羞澀。想是好人家的宅眷。欲待不容他。又再四哀告。罷罷。自古道。與人方便。自己方便。便是大官員到來。只得與他一遮掩。娘子。你二人權在此迴廊下就地歇宿一宵。〔貼丑〕如此多謝。〔貼〕娘子。我和你在此一坐罷了。〔丑〕正是。

〔前腔〕〔貼〕和衣睡倒。向迴廊就地鋪茅。〔丑〕中心哀苦思無聊。尋骨肉盼來朝。  
〔末〕娘子。恐有官員每到此。你們在此休喧噪。你們在此休喧噪。

〔前腔〕〔淨隨外上〕孤雲縹渺。盼鄉關去路非遙。高堂音問久寥寥。從今把甘旨

調左右分付驛使不要傳報前驛。就此間安歇了。〔淨〕領台旨。〔叫介合〕管教候吏休傳報。管教候吏休傳報。〔末〕這是什麼大人。〔淨〕張探花大人。〔外〕左右着驛子收拾宿處。〔淨應叫介

末〕已打點在正堂上了。請大人就此歇宿。〔外〕驛使。我行路辛苦。在此歇息。閒雜人等不許鬧吵。

〔末〕大人請安穩。此處沒人打攪。〔外作睡介淨末諱介貼〕黃昏時候。驛館中真個好冷落。

〔集賢賓〕黃昏古驛人靜悄。坐來寒氣蕭蕭。破壁殘燈和雨照。惟瘦影孤形相弔。容顏漸槁。何日裏得寬懷抱。心似擣。〔丑〕媽媽。你爲什麼這般愁怨。〔貼〕爲子婦離愁多少。〔內播鼓介外〕譙樓上又報更了。

〔前腔〕初更畫角聲裊裊。聽敲窗亂葉風飄。〔內作雁聲〕月暗江天孤雁叫。歎絕塞音書難到。西堂夢杳。吟不就池塘春草。心似擣。爲手足離愁多少。〔淨諱介〕

〔鶯啼序〕〔丑〕樓頭戍鼓方二敲。冷風刮面猶峭。受饑寒這苦難熬。此身無所依靠。正四方干戈戰爭。況滿路豺狼紛擾。心似擣。〔貼〕娘子。你爲何煩惱。〔丑〕爲骨肉離愁多少。〔內鼓聲介末〕譙樓上更漏聲又是夜半了。

〔前腔〕〔貼〕三更漏點出麗譙。中宵魂夢顛倒。嘆一家瓦解冰消。也知生死難料。避兵火慌忙走奔。奈客路遭逢強暴。心似擣。爲子婦離愁多少。〔內雞聲介〕

〔琥珀貓兒墜〕〔外〕四更時分。歸夢已驚覺。野店雞聲何太早。高堂親鬢歎衰老。〔合〕煩惱。怎能勾骨肉團圓。母子相保。

〔前腔〕〔丑〕五更將盡。庭樹野鳥噪。月淡霜濃天漸曉。征夫催起正喧鬧。〔合前

外〕左右。館驛子那里。〔末跪介〕有有。〔外〕驛使。我馬上辛苦。正要安寢一夜。五鼓只聽得這壁廂又哀怨。那壁廂又啼哭。多似婦人聲音。敢有什麼婦人在廊屋下歇。〔末〕沒有。〔外〕休要說謊。左右

你同去看。有甚麼人啼哭。着他入來。〔淨應同末出看介末〕你兩個娘子。好意留你一宿。只管哀哭。成夜聒吵。如今事發連累我。大人在正堂上。你自去回話。〔丑〕是這個媽媽啼哭。不干奴家事。〔末〕

媽媽。你自去見大人。〔丑〕媽媽。你先去回話。我隨後來。奴家在路上不見了母親。昨晚到此投宿。巴不能得天明。上路尋問。那里去管閒事。正是雙手劈開生死路。一身跳出是非門。〔下貼進見介外〕

來的婦人到和我母親廝似。呀。正是我母親。母親。你緣何到此。〔淨諱介〕誰想是老夫人。早是我不

曾罵他〔外哭介〕

〔哭相思〕〔貼〕當日母子分離難拚捨。誰知此地相逢也。〔外〕母親你獨自到此。嫂嫂怎生不見。

〔五更轉〕〔貼〕值亂離。遭兵火。這風波怎奈何。拋家兩口出逃躲。怎想中途。忽逢強虜。姑與婦兩處分。喫挫折。衰年到此沒結果。地轉天翻。何時安妥。

〔前腔〕〔外〕自那時離膝下。去沙場道路賒。天南地北心牽掛。轉首三年。纔瞻親舍。〔貼〕你哥哥消息怎麼了。〔外〕念我兄經戰伐。無凶禍。〔貼〕既無凶禍。如今卻在那里。

〔外〕被朝廷使命北遷播。骨肉淒涼。人離家破。母親不知嫂嫂在那里折散了。〔貼〕只在亭山腳下。其時天色昏暝。被強賊索要財物。揪打昏悶在地。醒來時兩下失所了。〔悲介外〕母親且不要煩惱。料嫂嫂只在人家村裏。一壁廂差人尋問。哥哥在北地。料在早晚回來。母親宜自保重。〔貼〕孩兒只是心中撇不下。〔外〕左右將錢二百文。賞那驛使。〔淨〕有有。〔外〕驛使整理驕馬。〔末〕齊備在此了。〔外〕母親家業既已蕩盡。且到舊時朋友家借居了。再作區處。母親請上轎。

〔貼〕二年骨肉歎西東。

〔外〕萍水相逢傳舍中。

〔淨〕無限心中不平事。

〔末〕一番清話又成空。

### 第二十齣 避難

〔月雲高〕〔旦上〕兩眉長皺愁懷與誰剖。奔走長途裏。更苦遭強寇。仰訴蒼天。望將奴暗中祐。痛苦姑年老。怎得親承箕箒。掩面無言只淚流。骨肉蕭條無限愁。〔玉樓春〕芙蓉秋老顏非故。雲鞦翠鬢蓮困步。鈿釵零落鏡鸞孤。爲憐殘影時回顧。懷羞忍恥生難度。負苦含辛誰控訴。間關冒刃救親姑。妾身豈是盧家婦。奴家昨日扶持了婆婆出路避難。急遽之中。一些行李也不曾將得。路上遇着一陣騎兵。自稱宋江將軍。憐我婦姑貧苦。反贈許多衣帛金銀。自意涸鱗得水。可濟殘生。行到山僻去處。天色將冥。又被強徒剽掠俱盡。將我與婆婆凌虐。一時昏倒在地。及至甦醒起來。日已昏慘。草樹冥迷。失了婆婆所在。當時就欲赴水自盡。猶恐婆婆身無下落。以此苟留殘生。隨路尋問。竟沒消息。其奈不曾經慣路途滋味。如何是好。正是佳人已屬沙吒利。義士今無古押衙。不免再行幾步。



〔前腔〕路途生受。風塵怎馳走。其奈弓鞋小。欲進還卻後。孤影棲棲。何殊喪家狗。至此身狼狽。想是時遭陽九。四顧茫茫何處投。未語人前先害羞。看日影銜山。歸鴉成陣。天色將晚。稱早尋個宿處。那村林裏想必有人家居住。不免向前去扣門。則個開門。

〔普賢歌〕〔淨上〕夫因兵難喪邊郵。寂寞蓬茅老寡妻。林深客到稀。何人扣破

扉。〔內作犬吠介〕落日孤村山大吠。天色將晚。山深地僻。有甚麼人來扣我門。待老娘出去一探

看。〔旦叫介淨〕疾風暴雨。不過寡婦之門。這般亂離時世。有甚事來聒鬧。不開不開。〔旦〕奴家是落

難之人。望留歇則個。〔淨〕是個婦人聲音。待我開門看看。〔旦〕婆婆萬福。〔淨〕娘子。我看你也是個

好人家宅眷。夜晚有何急事到此。〔旦〕奴家在患難之中。事出無奈。望憐憫則個。〔淨〕且請裏面坐。

問你原故。〔旦進介淨〕娘子請坐。你在何處被難。說與老身知道。〔旦〕婆婆。一言難盡。〔淨〕但說不

妨。

〔孝順歌〕〔旦〕我衷腸事欲訴誰。問關此身經亂離。兵火滿鄉閭。拋家出逃避。朝東暮西。〔淨〕大宋遷都。人家多被兵難。〔旦〕誰想中途豺狼相遇。把財帛擄掠無遺。

窘迫難存濟。〔淨〕可憐患難中又被強暴。〔旦〕遭辱挫受禍危。顛沛中失姑氏。〔淨苦介〕

又不見了婆婆。

〔前腔〕〔旦〕身孤苦力倦疲。饑寒怎當怯路岐。終死向溝渠。聊生已無計。愁懷幾許。念憶親姑。知他何處。身似浪裏浮萍。蕩迹無根蒂。〔淨〕娘子。你原在那里住居。誰家宅眷。〔旦〕鳴珂巷是祖居。張九成我夫婿。

〔鎖南枝〕〔淨〕看他形憔悴。心慘懷。生離死別真可悲。聽說那情由。莫是吾家舊恩主。〔旦嗟歎介〕淨。休嗟歎莫淚垂。在妾家暫居住。〔淨〕娘子。你官人如今那里去了。

〔前腔〕〔旦〕方纔鳳諧侶。又辭家往帝畿。〔淨〕去做甚麼。〔旦〕只爲春闈催試。〔淨〕可曾

得中試。〔旦〕獨占金榜高魁。一向牽名利。〔淨〕去幾年了。〔旦〕六七年不見歸。未審

飄零在何地。〔淨〕娘子莫不是張狀元家。〔旦〕正是。〔淨〕老身正是伊家舊奴。見說狀元去征勦

未歸。

〔前腔〕〔淨〕你鴛鴦伴。兩處飛。家園蕩散無所依。娘子。途路遇逢伊。須當報恩義。

〔旦〕婆婆莫不誤了。〔淨〕休拒阻莫致疑。妾是伊家老奴婢。

〔前腔〕〔旦〕我愁腸暫輕慰。喜鷓鴣得故枝。免向人前羞恥。幸爾老嫗相留。感荷殷勤意。但不知婆婆在那里安身了。心下苦人怎知。念骨肉何時再完聚。〔淨〕娘子。

不瞞你說。我丈夫叫做周全。原是你公公手裏家奴。後因代役西征。死在軍中了。止剩得老媳婦一身。守困於此。且是山深地僻。沒人打攪。你可權在此安頓了身子。謾謾的尋問老夫人下落。〔旦〕苦婆婆年紀高大。如何撇得下。〔淨〕休要煩惱。老夫人在路上奔走。人曉得是張狀元的母親。料是收留他。〔旦〕如此多謝。無恩可報。

〔旦〕家空夫喪妾飄蓬。

幸免流離道路中。

〔淨〕一葉浮萍歸大海。

人生何處不相逢。

### 第三十一齣 潛回

〔謁金門〕〔生上〕愁思亂。天際一聲哀雁。心戀慈親榆景晚。幾番腸欲斷。〔末上〕

十載風塵遊宦。報國務輸忠款。長夜漫漫猶未日。謾教歌石爛。〔踏沙行〕〔生〕漢室

堂堂王臣蹇蹇。一身困厄終難免。邦危主辱死何妨。妻孤母老生猶戀。〔末〕那飲藥譙玄。納肝弘演。高風勁節真堪羨。滄溟波浪能幾枯。歲寒松柏何曾變。〔生〕王大人。我和你奉君命來此。卻被小人讒譖。拘禁不容還國。奈何奈何。〔末〕狀元。智者不惑。仁者不憂。勇者不懼。天生德於予。桓魋其如予何。古人一飯之德。尚且不忘。況我和你腰金衣紫。駟馬高車。而受任責如此。且說我和你穿的。

〔紅衲襖〕穿的是繡雲裘。戴着鐵豸冠。手捧着紫泥書。執着白象簡。我和你出入呵。七香車引着黃羅傘。五花驄擁着碧玉鞍。這般富貴呵。受君祿。心怎安。負君恩。知愧赧。須信是爲臣難更難。

〔前腔〕〔生〕我也曾侍黃麻在供奉班。也曾賜金蓮接士館。只爲封章奏入承明諫。致此萬里邊庭凋素顏。總然使困桁楊拘狴犴。我這里苦冰霜。節自完。至死心存一寸丹。

〔前腔〕〔末〕我也曾挽天潢濯肺肝。也曾採薜薇充糗飯。怎做得餐氈嚼雪終歸漢。怎做得狗盜雞鳴潛度關。一點心怎忘君父難。六尺身可當朋友患。我一

死須教輕泰山。〔生〕年兄大人。只是我和你生不遇時。

〔前腔〕值此漢中衰天步艱。致此國分崩朝政亂。俺忠良盡被蠻荒竄。那險邪儘做了臺省官。怎能勾離羶鄉持節返。那時節立朝綱當辯奸。我這里正氣漫漫塞兩間。〔末〕狀元。我見你所志甚大。但不知羈縻於此。終身如何是了。〔生〕便是。他犬羊之類。不

顧仁義。若論二帝受此困辱。卽欲捨生全義。奈上有老親之故。下無宗祀之承。似此淹留歲月。〔末〕狀元。實不瞞你說。昨日湯思退與我一符節。着下官與洪侍郎同回。因你不就單于親事。拘禁終身。不許南還。〔生〕君臣之義。固當自盡。其奈母親妻子懸望。如之奈何。〔末〕罷罷。自古道爲朋友者死。荀巨伯負拒胡之義。柳宗元有易播之恩。我思想起來。忝辱十年之愛。將此符節與足下先回。下官留此。或有挫辱。卽當罵賊而死。〔生〕荷君軫念。死生骨肉之情。何以克當。但恐公義所不容。〔末〕不妨。見義不爲無勇也。一則可以雪二帝之憤。而盡臣子之職。二則可以全足下骨肉之情。而盡朋友之義。一死何憾。〔生〕語云。君子有殺身以成仁。毋求生以害仁。足下固有成仁之美。下官難逃害義之名。〔末〕你說那里話。足下既有經濟之才。宜致君以澤民。下官又無父母之慮。當殉身以報國。公

孫刖而程嬰佐趙。召伯死而管仲匡齊。古人所爲。惟義是從。何必再四拘拘然。但此事不可洩漏。你聽我道。

〔東甌令〕我懷忠憤。你困顛越。密事藏機休漏洩。君危友辱心何忍。恩義兩相結。你看古人當患難之際。多是見危受命。嚴顏之首。杲卿舌。清操厲冰雪。

〔前腔〕〔生〕他言忠信。氣英傑。視死如歸心似鐵。死於國難。理之當然。公孫豈爲程嬰刖。忠義兩能竭。懷思無語自悲咽。心事與誰說。既荷足下有生全之義。下官今夜子時之分。就與洪侍郎潛地同行了。〔末〕恐有邏騎驚覺。自宜保重。又有一事。〔生〕卻怎的。〔末〕見說中原俱被契丹占了。入國時須要備禦。〔生〕承指教。

〔四邊靜〕中原路阻音塵絕。兵戈正騷屑。戀國更思親。歸心大刀折。〔合〕忠言剴切。忍離別。荒草漫龍沙。誰收侍中血。〔末〕我和你留此十年。不得一見二帝之面。

〔前腔〕孤臣此恨何由滅。甘心死繯綫。你看白日貫長虹。天應眷忠烈。〔合前生〕王大人。就此拜別。〔拜介〕

〔前腔〕銜恩飲義中腸熱。情深怎拋撇。鳧雁兩分飛。從今死生訣。〔合〕燕歌慘切。故人別。泣把李陵衣。相看淚成血。

〔前腔〕〔末〕英雄壯氣吞胡羯。今當盡臣節。大人寄語我天王。無由拜金闕。〔合前〕

〔生〕十年同患故人情。

〔末〕義在何曾較死生。

〔生〕南入男兒終不屈。

〔末〕皇天上帝眼分明。

### 第二十二齣 媾媒

〔雙勸酒〕〔淨上〕家聲縉紳。雌雄州郡。十年鼓盆。難諧秦晉。試尋月老去求姻。已選定吉日良辰。小子生來豪氣。原是簪纓家世。祖公會做臺卿。父親見爲運使。積得米粟如山。

藏下金珠鋪地。那數金谷繁華。卻笑陶朱富侈。一生做事強梁。只是倚官托勢。須知爲富不仁。自來見利忘義。若與我錢鈔分文。便索低頭下跪。自古道。與其角者去其齒。與其翼者兩其足。人生在世。事無十全。自家膏粱之子。百事稱心。只有一件掛念。喪偶已十餘年。豪家貴族。問了多少年庚吉帖。



並無一個女子中懷。近聞得比先張狀元娘子。寄居在鄰近周老嫗家。守寡已多年了。一則宦家貴眷。二則才貌兼全。十分中意。不免叫左右出來。與他商量則個。〔叫介末上〕人間天上事難憑。夙世姻緣定赤繩。若是兩家非配偶。熏天氣勢也無能。覆官人。有何使令。〔淨譚介〕你與我快叫張媒婆來說話。〔末〕官人央他說親。同去一請。尊重其事。〔淨〕說得是。這里正是他家。快叫一聲。〔末〕張媒婆有請。

〔前腔〕〔丑上〕終朝苦辛。東西尋趁。堪憐老身。遭時不順。釜中無米。爨無薪。怎得個人來說親。〔見介〕呀。貴公子怎到寒門。媒婆媒婆。每日奔波。一身如轉轂。兩脚似飛梭。議婚姻因針而引線。作生計執斧以伐柯。曾說配河間織女。曾問盟月裏嫦娥。遇着達官長者。乖張也要諧和。若是妝喬慳吝。好事也要多磨。近來星辰得利。上門買賣何多。儘得金銀鈔貫。廣受段疋紗羅。東村送我十瓶好酒。西家又送幾對肥鵝。今日運使宅相請。笑口便作呵呵。〔淨〕張媒婆。難得我貴公子上門。適來好酒肥鵝。請我一請不得。〔丑〕公子。你那里曉得。這是做媒婆的門面。說便是這等說。鵝毛也沒有在家裏。〔淨〕不要調舌。且說正經事。〔丑〕公子有何分付。〔淨〕小子喪偶已十餘年。

了。着處議親。不能斷似。見說此張狀元小娘子。守寡在南門村周老嫗家裏多年了。聞得他才貌絕人。特央你去說親。〔丑〕這個容易。公子是豪門貴族。娘子又美貌芳年。有何不可。〔淨〕左右。你去取那紫香囊來。〔末〕應下取上。〔官〕人。紫香囊在此。〔淨〕張媒婆。我父親做官。用無數銀鈔。買得此物。就將去爲聘。〔丑〕公子且留下。待我先去口說一番。後次將聘物去。〔淨〕也說得是。〔背云〕這東西那里值得什麼。舊時有一個求乞的軍士。在門首叫賣。我見他饑餓狼狽。止用二升米買他的。只哄張媒婆是無價古物。他那里曉得。〔轉身介〕張媒婆。卽日煩你去。你聽我道。

〔六么令〕鄰居左近。有嬌娥美貌青春。相如未得遇文君。空思慕卷中人。〔合〕料知此去必從允。料知此去必從允。

〔前腔〕〔丑〕蒙君說此因。便向他家轉達殷勤。桃源有路可通津。何難會景中人。〔合前〕

〔前腔〕〔末〕裙釵守困貧。寄食他家舉眼無親。豪門欲與締朱陳。憑傳語意中人。〔合前〕

〔淨〕淑女正芳容。

〔末〕青鸞信易通。

〔丑〕門闌多喜色。

〔合〕女壻近乘龍。

第二十三齣 說親

〔金瓏璫〕〔旦上〕寒來仍暑往。那堪懷舊悲涼。嗟薄命。嘆空房。孤身成翫。時有血淚沾裳。勞織紵罷梳妝。高堂無處問平安。夫喪邊城骨已寒。自信佳人多薄命。時危轉覺

此身難。正是春蠶到死絲方盡。蠟燭成灰淚始乾。奴家逃難到今。感蒙周老嫗留此同居。歲月如流。不覺又是十年光景。但不知我婆婆流落在何處。丈夫生死如何。奈我獨自一身。況又遭此亂離時世。沒處尋問一個消息。只得焚香禱告天地則個。這一炷香。願得我萱親老身無恙。晚年平安。二炷香。願得我丈夫魂魄有歸。保祐我此身康健。三炷香。願得時平世泰。一家骨肉團圓。

〔香羅帶〕齋心禮上蒼。聽奴告禳。親姑老年無倚傍。知他流落在何方也。身孤另思徬徨。晨昏寢食誰奉將。骨肉傷情也。幾時得相逢萍水鄉。

〔前腔〕漂零及死喪。奈皇天降殃。薰爐更添一炷香。良人爲國難赴邊疆也。拋

戰骨在沙場。求屍怎能如孟姜。除非是夢裏相逢也。幾時得魂來歸故鄉。〔淨上〕

月方圓處雲遮影。花正開時雨打枝。世上萬般哀苦事。無過死別共生離。孺人。今日是長生之節。爲何在此哭泣。〔旦〕周老嫗。我寓居於此。晨夕重承溫顧。今日是書雲令節。思想我婆婆與丈夫。死生骨肉之情。無以自遣。因此焚香禮拜。禱告天地神明。保扶生者康健。死者超昇。是以不勝哀痛之甚。〔淨〕你聽我道。大凡死者不可復生。絕者不可復續。死別生離。固有前定。無以死傷生。且自寬解悶懷。則個。〔旦〕周老嫗。你說那里話。便做道。

〔駐雲飛〕歲久天荒。節孝終身念怎忘。姑老誰供養。夫死誰收葬。嗟。骨肉歎存亡。舉家漂蕩。身世浮沈。彼此無依仗。〔合〕一度相思一斷腸。一度相思一斷腸。〔前腔〕〔淨〕上告娘行。死別生離固有常。世路多磨障。人事如翻掌。嗟。夫婿與萱堂。幾時撇漾。休爲死傷。生感泣添悽愴。〔合〕只恐人聞也斷腸。只恐人聞也斷腸。

〔字字雙〕〔丑上〕奴家容貌勝王嬙。絕樣爲媒說合最强梁。的當多有曠夫怨。

女守空房。惆悵。管教你連夜配鴛鴦。非誑。〔淨〕孺人。有人在外廂說話。待我出去一看。呀。

原來是張媒婆。你手裏拿着斧子做甚麼。〔丑〕周媽媽。你不曉得。常言道。匪斧不克。匪媒不得。這是做媒的行頭。〔淨〕一向不會到老娘家裏。今日來此。必有貴幹。〔丑〕我那鄰近趙運使舍人。聞得張狀元娘子在你家居住。他夫人已死十餘年了。特央我來作伐。〔淨〕這個娘子雖在我家同住。不曉得他心志如何。你自去與他對面說看。〔丑〕娘子萬福。〔旦〕婆婆是那里。〔淨〕他是張媒婆。見說孺人守寡多年。他鄰近有個趙舍人。特央他來作伐。〔旦〕周老嫗。我守志已十年了。豈肯變易初心。受人恥笑。〔丑〕娘子。秋月春花。等閒易過。莫要因循歲月。誤了青年。趙舍人宅裏。且是豪富。聞得娘子才貌出衆。故此相攀。望勿作謙。以賜明報。

〔大趂鼓〕〔旦〕休來說短長。我甘心守困。苦志居孀。他道萍梗隨波浪。怎知松柏傲冰霜。自是荆釵甘效孟光。〔下丑〕周媽媽。這個娘子害羞。先去了。望你一攛掇。好言

回報。〔淨〕老娘這里也難說。

〔前腔〕〔淨〕這姻緣誰主張。料藍田種玉。未有成雙。總橋高架銀河上。怎能勾

織女並牛郎。他是個寒門貞孟光。

〔前腔〕〔丑〕聞知此女娘。似文禽失侶。綵鳳求凰。〔淨〕只怕他不是這般樣人。〔丑〕謾言僂女無他想。管教中路遇裴航。須信梁鴻要選孟光。周媽媽。俺趙舍人曉得這娘

子容貌絕人。定要成親。望媽媽努力贊襄。自當重謝。〔淨〕老娘理當攬掇。只怕俺娘子堅心不從。

〔淨〕佳人聲譽重南金。

〔丑〕專望青鸞寄好音。

〔淨〕畫虎畫皮難畫骨。

〔合〕知人知面不知心。

### 第二十四齣 賞雪

〔步蟾宮〕〔末上〕懶去折腰辭五斗。三徑在菊松依舊。微軀此外更何求。肯厭羹藜飯糗。年老心閒無別事。麻衣草座亦容身。相逢盡道休官去。林下何曾見一人。自家姓蹇。名倫。

世居巴蜀。從父宦寄外。占籍宜興。昔年忝登張九成榜進士。蒙聖恩拜爲司諫之職。只因秦檜奸黨在朝。不能進賢退不肖。當時納節還家。不料宋室南遷。鄉閭播蕩。來此山僻去處。人跡罕到。烽火不驚。有一故人張探花。爲因家產廢盡。無處寄身。一同母親來此居住。但恨家貧。無以俱膳。常切於懷。

今日雪天無事。不免安排酒饌。與他暖寒則個。

〔前腔〕〔外上〕厚祿故人先解綬。仰高義長懷慚負。豺狼當道事堪憂。且向衡

門株守。〔見介末〕張大人。我和你致政於此。未及數載。朝廷內外。榮辱變更。不可枚舉。〔外〕便是。聞

得岳少保父子俱被秦檜冤獄戮死。引進董德元等。邪佞盈朝。朝廷多故。忠良避位。如何是好。〔末〕

我和你雖隱居無預。恐有剝牀之災。未免憂葵之歎。〔外〕天下安危。固不可料。但我親手足被他陷

害。十年不得還鄉。中心豈無怨恨。秦賊。

〔嬾畫眉〕你枉有虛名在金甌。秦賊。你枉戴峨冠似沐猴。秦賊。你謾誇勛業等伊

周。棄元佐親戎寇。秦賊。你不管野草閒花滿地愁。

〔前腔〕〔末〕秦賊。你把狗苟蠅營盡封侯。秦賊。你把義士忠臣作寇讎。秦賊。你懷朋挾

黨恣奸謀。上方劍誰當授。秦賊。你不到烏江不肯休。張大人。今日雪天無事。聊備蔬酒一

盃。與老母暖寒。消遣悶懷則個。〔外〕尊兄。多多擾害。何以克當。〔末〕吾翁卽若翁。何必記念。〔外〕母

親有請。



〔掛真兒〕〔貼上〕遊子天涯音信杳。賢孝婦猛地相拋。數載悽惶。終朝懊惱。心事有誰知道。〔末〕母親有請。

〔海棠花〕〔丑上〕風色冷蕭蕭。窮巷何人到。張母萬福。〔貼〕塞母萬福。〔丑〕孩兒請我出來則甚。〔末〕今日雪天。聊具蔬酒。請母親陪張老母暖寒則個。〔貼〕何以克當。〔丑〕張姆姆。你看風色曉寒新。冰花亂撒銀。〔貼〕長途長餓孁。邊塞有征人。〔外〕設管將傳臘。梅花暗度春。〔末〕一尊聊撥悶。應不笑家貧。〔丑〕孩兒把酒。

〔畫眉序〕〔末〕風雪掩衡茅。窮巷何人問幽悄。喜尊盈臘蟻。俎有山肴。昔曾向江左分飀。休問取山陰回棹。〔合〕苦天氣。同盃酒。無事且寬懷抱。

〔前腔〕〔外〕旅泊過終朝。荏苒風塵幾時了。在窮途青眼。賴有同袍。想天意憔悴荆花。怪雪色侵凌萱草。〔合前〕

〔前腔〕〔丑〕雲氣掩重霄。曠野江空絕飛鳥。看羣山失翠。總是瓊瑤。三白應歲事占祥。六出喜天公施巧。〔合前〕

〔前腔〕〔貼〕終日困蓬蒿。涸轍餘生歎枯槁。念鄉園何處。骨肉蕭條。紫塞外遊子牽愁。青鏡裏流年催老。〔合前〕

〔撲燈蛾〕〔貼〕荷蒙頻寵招。懷恩怎生報。〔外〕重感故人意。對酒且須傾倒也。念離多會少。論友朋親義似同胞。〔合〕總然是范張管鮑。這情深契厚。不啻生死交。

〔意不盡〕〔合〕寸腸莫爲閒愁攪。且對景酣歌喧笑。憑取清尊破寂寥。

〔貼〕柴門風雪曉寒加。

〔末〕飲罷清尊酒更賒。

〔丑〕休戀故鄉生處好。

〔外〕受恩深處便爲家。

### 第三十五齣 南歸

〔滿庭芳〕〔生上〕客夢闌珊。鄉心迢遞。瞢騰似被餘醒。〔外上〕風沙吹鬢。月冷曉霜清。〔生〕婁大人怎生不見。〔末上〕十載淹留邊地。歎征裘染盡羶腥。〔淨負行李上〕

〔合〕重回首。帝城何處。詣闕請長纓。〔外〕西山東海莫容身。芒屨蕭蕭萬里塵。〔生〕遊說

尙存三寸舌。死生惟有一慈親。〔末〕丹心故國江雲冷。白骨他鄉塞草春。〔合〕俯仰乾坤成浩歎。黃金橫帶是何人。〔生〕洪大人。妻使臣。昨日王侍御憐我有老母在堂。把他的符節與我。着下官潛自逃回。正是萬死一生。實出無奈。如今且喜脫離湖漢王庭。只恐前路尙有阻滯。〔外〕既有符節在手。料無方礙。〔末〕你看星河錯落。煙霧橫斜。想是四更時分了。恐有追騎後來。只得躡行幾步。

〔甘州歌〕〔生〕殘星破暝。想夜寒關隘。未有雞聲。歸心如箭。怎憚路途馳騁。〔外〕聞得漢臣蘇武。留此十九年。始得歸國。〔生〕丹心尙存容鬢改。持節還鄉。悲子卿。〔合〕瞻親舍。脫虜庭。遙隨星斗向南征。趨王命。轉帝京。腰橫長劍氣崢嶸。

〔前腔〕〔外〕東方日未生。見破雲殘月尙隨人影。愁煙霏霧。一望裏野色冥冥。〔生〕這個臺是漢李陵的望鄉臺。〔外〕高臺望鄉空在眼。降虜當年羞李陵。〔合〕思鄉念。遊宦情。哀鴻過處旅魂驚。丹心老。客鬢星。何時飛鳥拜朝廷。

〔前腔〕〔末〕川原一望平。在路途何意顧瞻風景。陰山閒靜。難禁這爽氣嚴凝。着處草都是白的。這搭兒草怎麼青。空憐漢妃孤塚在。草色經寒猶自青。〔合〕風塵

臥霜露征驂。駢馳驟駱駝。輕狼烽堠。驃騎營。貔貅彪虎怎留停。

〔前腔〕〔淨〕胡笳幾處鳴。又數聲譙角。嗚嗚相應。旌旗成陣。愁遇着邏騎遊兵。

〔末〕這個鐵柱。是晉時南平太守所立。〔淨〕當時晉臣征戰地。勛業尤存鐵柱名。〔合〕

經沙障。涉水程。千山纔過萬山迎。胡塵暗。獵火明。愁雲低鎖漢長城。

〔尾聲〕〔合〕歎飛蓬何時定。憂親戀國思無憑。淚灑西風一片冰。

〔生〕思家戀闕共沾襟。

〔外〕迢遞關河思不禁。

〔末〕正是路遙知馬力。

〔淨〕須知日久見人心。

### 第三十六齣 強婚

〔七娘子〕〔旦上〕人離業敗家何在。念親姑幾回傷慨。數載漂零。何時歡會也。

知否極當通泰。兔絲附蓬麻。引蔓固不長。嫁女與征夫。不如棄路傍。暮婚晨告別。無乃太匆忙。佳

人多薄命。底須重悲傷。允矣君子心。豈是薄倖郎。奈爲王事靡。宦遊赴邊疆。彼蒼不憐遺。嬰此鋒刃

殃。征魂誰爲招。白骨委沙場。嗟予未亡人。十年尙居孀。不須怨截耳。不須歌采桑。素心堅似石。清節

凜如霜。三復寡鵠公。淒涼斷人腸。奴家自從夫喪。守志如昨。了無辱身之慮。寄居於此。朝不保暮。幾欲自經於溝瀆。奈婆婆漂流他處。身無下落。望天可憐見。早晚得一相會。奉事以終天年。全此節孝之名。實爲萬一之幸。憂惶假寨。思不能堪。昨日又被那老乞婆來惱一場。心上好悶。正是龍逢淺水。遭蝦戲。鳳入深林被雀欺。

〔生查子〕〔淨上〕桃源舊主人。恩遇心難背。菽水奉晨昏。自愧無鮮菜。〔見介〕孺人。連日見你眉間黃色。莫不有些喜事來也。〔旦〕周老嫗也來取笑我。自從丈夫去後。身經患難。借居於此。將及數載。苟有禽獸之行。卻不連你也玷辱了。昨日這個老乞婆好生輕覷我。如若再來無禮。定不與之干休。〔淨〕孺人不要怪他。他是做媒的。受人央挽。只要婚姻事成就。自古道樹正不怕月影斜。且自耐心。

〔前腔〕〔丑帶香囊上〕張家纔歡迎。李家忙接待。奔走不曾停。只是貪財賄。〔見介〕周媽媽。我昨日回去。那趙舍人自到我家裏抵死相央。就將聘禮來。選定十五吉日。就要成親。望媽媽贊襄。自當重謝。〔淨〕他是我之主母。怎敢多言。張媒婆。不知將什麼定禮來。〔丑〕只將此香囊爲

定。臨到吉日。別有羊酒禮物上門。〔淨〕老奴不曉得。這個繡囊。直得幾文錢。〔丑〕你不識得。古人重義。曾有荆釵作聘。這香囊到是無價古物。望娘子容納則個。〔旦〕老乞婆恁般無禮。

〔桂枝香〕流離顛沛。一身狼狽。誰憐我寡鵠陶嬰。守困蓬門七載。念結髮舊恩。念結髮舊恩。移天難再。如何納采。老乞婆笑你雖爲媒。便有藍田玉。今生事不諧。

〔丑〕周媽媽好言一攛掇。

〔前腔〕〔淨〕看他眉攢愁黛。容含羞態。堪憐守寡樊姬。怎肯把初心更改。〔旦〕不要采那老乞婆。〔丑〕娘子你不要假乖。〔淨〕不須用論爭。不須用論爭。娘行休罪。只應寧耐。笑良媒。枉付青鸞信。須知事不諧。

〔前腔〕〔丑〕娘子。伊家休怪。非妾輕洩。奈緣他富室檀郎。要選那嬌娥爲配。想赤繩繫足。想赤繩繫足。姻緣廝對。也是無如之奈。周媽媽我慣爲媒。已定藍橋約。何愁事不諧。周媽媽。這個趙丙舍人。倚官托勢。豪強無比。見說此間娘子。容貌絕人。定要爲婚。已選正月十五之吉成親。特着老娘將此香囊爲定。再無輾轉。周媽媽你就做一個主張。終不然要娘子自



家出口〔淨〕張媒婆。不要恃強做事。必須通個商量。〔丑〕商量商量。做過難當。憑你作見。收了香囊。正是情到不堪回首處。一齊吩咐與東風。〔下淨〕好笑好笑。這個張媒婆不由分說。撇下聘物。到加禍在老娘身上。孺人。這般無籍。如何對付他。〔旦接香囊悲介〕

〔玉胞肚〕乞婆無賴。故生犖強納聘財。全不顧禮義綱常。向人前滿口胡柴。尋思就裏。教人覩物淚盈腮。誰信香囊是禍胎。

〔前腔〕〔淨〕娘行聽解。且休爲閒非惱懷。料陰霾暫掩青天。有一日霧散雲開。他花言巧語。誇張聘物勝金釵。羞殺溫家玉鏡臺。

〔前腔〕〔旦〕香囊堪愛。我姑嫜親自製裁。歎於今物在人非。念夫婿去年曾佩。追思往事。吾家舊物是何來。老乞婆。教你舌劍唇鎗反受災。〔淨〕孺人。你既怪那老乞

婆無禮。不要收他聘物便了。適來怎麼執着香囊。到有留戀之意。〔旦〕周老嫗。豈不聞李氏斷臂。清風滿耳如生。文君夜奔。遺臭千年未泯。你雖與我數年同處。那里知道衷曲之事。〔淨〕想必是愛此香囊。做得好樣製。故此留意。〔旦〕我在流離之際。那有此閒情。這個香囊。原是我婆婆做的。丈夫佩



帶二十多年。因見軍中身死。被一個軍士在那戰場內拾回。如今不知怎麼又落在那無籍之徒手裏。卻將來做聘物。覩物傷情。以此不勝哀苦。〔淨〕不鑽不穴。不道不知。我那里曉得這個香囊原是老安人做的。又是大官人帶的。流落在戰場內。千鄉萬里。又被軍士拾回。想必爲趙運使家買了。今日卻將來做聘物。姻緣幅輳。事有如此。孺人。這個趙舍人家勢豪橫。臨期定來促逼。早要思量計策回他。〔旦〕周老嫗。古之列女。節重生輕。我所以不能自盡者。只爲婆婆尙存之故。倘若強暴果來無狀。豈肯戀惜殘生。有玷名節。〔淨〕孺人。聞得有個觀察使大人。將按臨本府。我隨侍你且到城中尼姑寺寄居數日。待大人下馬。就帶這香囊。一竟到察院裏陳告。以絕其念。〔旦〕也說得是。

〔淨〕孤貧無倚受人欺。

〔旦〕覩物傷情感舊時。

〔淨〕雪隱鷺鷥飛始見。

〔合〕柳藏鸚鵡語方知。

### 第三十七齣 得書

〔破陣子〕〔貼上〕綠鬢因愁變盡。朱顏爲病凋殘。〔外上〕遠書有雁何由到。長  
鈇無魚只自彈。幾時懷抱寬。〔重疊金〕〔貼〕東風吹盡山川凍。梅花枝上春光動。〔外〕獨有宦

遊人偏驚物候新。〔貼〕北來鴻雁少。塞上音書杳。〔外〕沙晚鵲鴿寒誰能故急難。〔貼〕孩兒鄉園自遭兵火之難。客舍在蹇大人家。又是十年光景。嫂嫂的消息。竟沒處尋問。你哥哥留在虜地。總爲朝廷之事。身不由己。如何書信也沒有一封寄來。我心上好煩惱。〔外〕母親且省愁苦。料只是路途間阻。沒有便風。

〔懶畫眉〕〔貼〕看那寒襦上點點淚痕斑。晨鏡裏蕭蕭形影單。怎能夠佳兒佳婦再團圓。只因故里遭兵難。幾處淒涼百事難。

〔前腔〕〔外〕誰道是詩書誤儒冠。豈是高臥衡門學素餐。聊將菽水奉親歡。喜得逆旅逢青眼。免使破甑生塵愁范丹。

〔不是路〕〔末上〕渡水登山。邊塞蕭條行路難。風霜苦。今朝幸喜到鄉關。暫偷閒。爲故人就裏傳書簡。〔貼〕孩兒門外有甚麼人來。〔外〕未審何人到此間。好啓柴門看。如逢故友忙迎款。〔見介〕呀。使君枉臨何幹。

〔前腔〕〔末〕大人我是故友朱弁。〔外〕從何處來。〔末〕五國城中奉使還。狀元處一封

書寄報平安。〔外〕重勞煩家兄未審何時返。〔末〕未得回家。爲王事間關滯外藩。

〔外〕朱大人裏面請坐。〔末〕不必留坐了。就此告別。天將晚。一心去速還朝伴。恐違欽限。〔下貼〕孩兒是誰。〔外〕朱使臣附寄哥哥書來。〔貼〕且喜且喜。孩兒書上怎麼說。

〔小桃紅〕〔外〕九成百拜。母親尊前。到此離程遠。歲時屢遷。料媳婦能調膳。〔貼〕

〔悲介外〕兄弟解承顏。恨此身滯大戎。困辱終難免。未審何時返故園。偶有人歸便。略付寸箋。魂斷南雲萬里天。〔貼〕恁的幾時能夠回來。

〔蠻牌令〕我衰年值乖蹇。他絕塞苦顛連。空教神思亂。望得眼兒穿。我終日裏愁腸九轉。到如今尺素空傳。越教人中心慘然。料爲憂愁斷送殘年。

〔前腔〕〔外〕他一身累軒冕。萬里困腥羶。我十年勞夢寐。兩地望風煙。念骨肉何由會面。況夷夏阻絕山川。論忠孝應難兩全。且請慈親暫自消遣。

〔貼〕弟念兄兮母念兒。

〔外〕一封書到更添悲。

〔貼〕天長地久有時盡。

〔外〕此恨綿綿無絕期。

### 第三十八齣 治吏

〔普賢歌〕〔淨上〕青燈黃卷恨無緣。充補糧房一吏員。上司不見憐。腌臢受萬千。峻法嚴刑憂怎免。末名喚做蕭驥。本是鄧侯遺裔。曾充府學生員。其奈時乖不利。學校大人小考。道我文章不濟。被他剝下藍衫。打做糧房司吏。根脚雖是低微。出門多少豪氣。對官府一似同僚。見上司猶如兒戲。背律令如背蒙求。作行移似作對句。跟隨不用直司。使喚全是阜隸。賄賂不離私門。苞苴常盈下處。誰知近日官司。都變了往年時勢。見府官似鼠見貓。接上司如狗爬地。朝朝在馬後奔馳。日日在案前立跪。動不動扯下圓領頭巾。打得我皮穿肉碎。喫不過這苦楚勤勞。恨不得投河自縊。〔哭介〕我那里是提控外郎。〔內云〕你是誰。〔淨〕我是個風流子弟。〔內云〕休說出本相來。〔淨〕見說觀察使大人將次下馬。該房文卷不清。定受刑責。不免尋個能事的與他商議。

〔前腔〕〔丑上〕內庭天使下旬宣。威惠能廉贊化權。公文星火煎。只愁得罪愆。若念鄉情須顧戀。〔見介〕你怎麼這等面帶憂容。〔淨〕你不知觀察大人將到。掌生殺之權。不是

作耍。我糧房數目。一筆也不清。如何是好。〔丑〕不妨事。你多買些酒肉請我。與你一條活路。〔淨〕就

此典衣沽酒。望指教一番。〔丑〕如今來的大人是本府人。我自小與他同窗。我就與你陪話。〔淨〕你不要調嘴。見說鎮江北路官吏打殺了無數。又有一件不好。〔丑〕卻怎的。〔淨〕本府大人都往西邊接了。就沒一個人役向前答應。如何是好。〔丑〕我一力包荒。沒事沒事。〔末上〕一封丹詔下彤闈。萬里清風動繡衣。將見陽春窮海宇。不須金斧動霜威。觀察使大人到也。開雜人閃開。

〔似娘兒〕〔生上〕今日是何年。優詔許持返故園。遐荒萬里循行遍。周貧恤困。摧豪摘隱。從教黎庶無冤。日日河邊見水流。傷春未已復悲秋。山中舊宅無人住。來往風塵共白頭。下官自從那年勉承母命。獻策聖朝。忝中甲榜之魁。因當道忿恨。竄逐遐荒。十年不得還鄉。幸遇古人王侍御。捨生全義。得脫身於虎狼之窟。正是一身去國三千里。萬死投荒十二年。如今且喜姦黨消泯。朝綱正道。蒙聖恩拜爲觀察使。循行郡縣。咨訪民風。自謂畫錦歸榮。得遂定省之願。不料帝郡自遭遷都之難。鄉閭搖蕩。故舊凋零。母親妻弟。俱流離轉食於他處。正是山河風景原無異。城郭人民半已非。左右那在。〔末〕覆大人。有何鈞旨。〔生〕這是我父母之邦。休得張皇。驚怖下民。〔末〕領鈞旨。〔生〕這一角文書速發下郡縣。訪問老夫人崔氏。夫人邵氏。張探花大人三口下落。香金一

百貫。送去玄妙觀中。修設好事。保祐合家眷屬。明日上元之節。親自到觀中拈香。〔末〕理會得。〔生〕那跪在丹墀下的是甚麼人。〔丑〕小人是六房郡吏。〔生〕府縣官怎麼不見。〔淨〕諱介。謝提控你回話。〔丑〕聞知大人威風震懼。府縣官都往他州迎接去了。〔生〕不許出廊迎接。那有此理。〔丑〕吏典不敢說謊。委的去接兩個月了。〔生〕你兩個外郎是甚麼出身。〔丑〕吏典是儒學生員。因賣明理補任兵房。〔淨〕吏典亦是生員。見充糧房司吏。〔生〕既是儒學出身。必然曉得書義。〔淨〕丑。盡曉得。〔生〕那兵房外郎。我且問你。棄甲曳兵而走。怎麼說。〔丑〕這個要問他臨陣逃回。〔生〕問他書義。到講在律上去了。着糧房外郎來問他。〔淨〕有有。〔生〕原思爲之宰。與之粟九百。辭。子曰。毋以與爾鄰里鄉黨乎。〔淨〕這是那移出納。典吏這里升合不敢。〔生〕這廝好打。問他書義。都講律條。也罷。那兵房外郎就講讀兵律一篇。〔丑〕戰馬豈宜私賣。從征不敢違期。罪科邊境索軍需。飛報軍情擅調官軍者斬。事同失誤軍機。乖方撫馭亦當誅。總犯了朝廷律例。〔生〕糧房外郎也要背律。〔淨〕律是蕭何定的。與吏典這里無干。〔生〕胡說。干着錢糧條款律說將來。〔淨〕這個容易。春月載陽。北風其涼。趙錢孫李。項祝董梁。子路負米。男效才良。子建八斗。器欲難量。戶封八縣。老少異糧。〔生〕滿口胡柴。



左右打那廝。〔淨〕可憐見。大人要背繯律。吏典句句不敢少繯字。〔生〕月遞支收數來看。〔淨〕大人下馬急了。府官又不在。一時不曾備得繯數。〔生〕這廝好生無禮。左右。剝下衣服打五十下。趕出門去。〔丑〕看鄉里面上。望饒恕些。

〔風馬兒〕〔生〕我奉天詔。循行郡縣。察民情。懲惡勸善。無知吏曹才識淺。對吾行敢強辯。甘受刑罰。喫棍鞭。甘受刑罰。喫棍鞭。

〔前腔〕〔末〕俺恩相霜威鐵面。巡四國。褰帷露冕。探微擿伏。能視遠。休得犯風憲。叵耐無知敢妄言。叵耐無知敢妄言。

〔前腔〕〔丑〕我自小曾親筆硯。頗有些高明識見。人人都稱爲大掾。弄刀筆。換文卷。誰道清廉不愛錢。誰道清廉不愛錢。

〔前腔〕〔淨〕枉做個糧房典史。背律令。一籌不展。作弊瞞官。遭罪譴。望停威賜方便。誰信吾曹有二天。誰信吾曹有二天。

〔末〕使相威聲播九州。

〔丑〕動搖山嶽鬼神愁。



〔生〕正是奉法朝朝樂。

〔淨〕須信欺公日日憂。

## 第二十九齣 祈禱

〔丑扶道士上〕掃石焚香禮碧空。露華偏溼蕊珠宮。如今說得天壇上。萬里無雲月正中。小道乃是玄妙觀中一個表白。今日上元佳節。本觀鋪設淨壇。啓建黃籙大齋。不揀追薦先亡。保安本命。一切檀那都到此聚會。遠遠見兩個娘子來。想必是聚會的。且念幾句消災經。

〔翫仙燈〕〔旦上〕寶殿瑤庭。紫極上清真境。到此來瞻神禮聖。〔淨上〕只見巨鼎騰烟。華燈散影。俛首皈依。聽演黃庭內景。〔丑〕二位娘子到此何幹。〔旦〕見說僊觀修設勝事。特來赴會。望提典一回向。〔丑〕不知是祈安薦亡。就此拈香。通說情旨。

〔亭前柳〕〔旦〕姑老久漂零。夫死滯幽冥。〔丑〕既是這等。又要禳星。又要薦亡。〔旦〕爲姑行善果。生死兩安寧。〔合〕志誠一念通三省。生者消殃。亡者早超昇。〔丑〕媽媽也。通情旨來。

〔前腔〕〔淨〕稽首禮三清。我夫死在邊城。况遭兵難苦。仗此薦亡靈。〔合前〕

〔前腔〕〔丑〕一卷洞玄經。萬點法華燈。管教都一照。免使暗中行。〔合前〕門外一簇人馬鬧吵。想必是官員每來上香。你二位迴避。〔旦淨〕大抵乾坤都一照。免教人在暗中行。〔下〕

〔玉臺令〕〔未隨生上〕十載邊塞風煙。怎想一家播遷。叩首禱龍天。保讓特賜週全。〔見介丑〕大人稽首。〔生〕你是甚麼執事。〔丑〕小道是表白。〔生〕請法官出來。〔丑〕師父有請。〔淨

上〕貧道身微賤。出家三第院。不戴七星冠。頭插一枚箭。不着五銖衣。身披一幅絹。脚穿破鞞鞋。手執乾木片。日裏化齋糧。夜間眠蓼薦。好酒喫三瓶。那通咒百卷。肥肉啖二觔。那燒丹百煉。口腹恣貪求。修得兩足健。徒長六十年。不曾識州縣。見說上司來。嚇得心兢戰。沒處可逃身。只索去參見。稽首拜大人。望看天尊面。大人小道來遲。望乞恕罪。〔生〕道士起來。只要法事虔誠。〔淨〕不知大人做甚功果。〔生〕只爲母親妻子兄弟三人漂流他處。與我祈安集福。一家早得完聚。〔淨〕小道啓請洞中玄虛太極無極中山神咒元始玉文。按行五嶽八海知聞。凶穢消蕩。道氣常存。上開八門。飛天法輪。僊道鬼道。生門死門。神道釋道。景門休門。人道業道。開門杜門。畜生地獄。驚門傷門。北斗七星。太乙十神。左輔右弼。五福四神。蕊珠碧玉。青華凝神。沖玄長星。五殿正神。虔誠稽首。來叩玉宸。爲因骨肉。

漂散離分。朝夕痛念。情悃無伸。母親崔氏。鞠育之恩。室家邵氏。結髮之恩。兄弟九思。手足之恩。早來聚會。仰乞洪恩。至心皈敬。禮星君九天。應元雷聲。普化天尊。請大人上香。

〔江兒水〕〔生〕堪悲故鄉。自遭兵火。骨肉亂離。災危未免。未知何地再團圓。〔合〕時逢上元。人修善緣。保一家相逢如願。

〔前腔〕〔末〕三乘九皇。望賜方便。玉燭寶香。特來上獻。俺恩官懇禱。意精虔。〔合前〕

〔前腔〕〔淨丑〕清都貴神。妙林經卷。祈禳衆生。廣開寶殿。星冠鶴氅。禮重玄。〔合前〕

〔生〕爲因骨肉痛傷心。

〔末〕特過玄壇啓法音。

〔淨〕但願應時還得見。

〔丑〕果然勝似岳陽金。

#### 第四十齣 相會

〔光光乍〕〔丑扮經歷上〕幙府是公廳。案牘甚勞形。見上司忙把衣衫整。跪伏在

階庭供給應。下官乃是本府一個經歷。觀察使大人出去行香未到。不免打掃公廳。伺候則個。〔淨末喝道上旦上跪介〕大人告狀。〔淨〕閃開閃開。〔旦起身介〕

〔水底魚兒〕〔旦〕富室侵凌。到官司特訴鳴。高臺明鏡。暫將節駕停。〔末〕婦人過去。大人來了。〔生上〕攬轡徐行。管教民庶寧。施仁發政。坐看獄訟平。〔旦跪介〕大人告狀。〔生〕告甚麼狀。〔旦〕告強橫非法事。〔生〕既是非法事。着他到衙門裏來告。〔末〕大人着你到衙門裏來告。〔生作進衙門坐介旦隨入跪介〕

〔前腔〕〔旦〕俯伏階庭。怎當心戰兢。大人可憐見。孤豚落筭。望哀憐一濟生。〔末〕天使威聲。四方神鬼驚。休來觸令教。咱喫罪刑。〔生〕不要驚他。等他仔細說來。〔末〕婦人。大人着你說來。〔生〕你告甚麼狀。

〔好姐姐〕〔旦〕土豪〔生〕名姓甚麼。〔旦〕官餘趙丙。平白地將奴婚聘。〔生〕把甚麼爲聘。〔旦〕把香囊撇下。指空逼事成。〔生〕你不從便罷。〔旦〕強凌併。婦人怎和男兒競。貧者難同富者爭。

〔前腔〕〔生〕看他情實可矜。這聘物將來作證。我推奸辯詐。料應難隱情。抑強橫。從實訴供名和姓。枉直昭然辯明。〔生〕婦人。你家裏就沒有父母兄弟。如何自來告狀。

〔前腔〕〔旦〕念奴孤身寡影。況逃難他鄉別井。孀居困窮。此身甘布荆。〔生〕你丈

夫死後。能守志如初麼。〔旦〕潛追省。守志願同共。姜行。豈負亡夫張九成。〔淨喝介

末〕怎麼說着老爺的名字起來。〔生〕不要鬧吵。且問你丈夫是什麼人家。何年身故。〔旦〕丈夫是

張狀元。被秦丞相差往征戰。死在邊疆。已十餘年了。〔生〕娘子請起。下官負義了。〔淨譚介生旦拜

介〕

〔糖多令〕〔生〕王事苦羈縻。終身別鳳幃。〔旦〕邊程萬里信音稀。怎想重諧連理。

〔合〕深感慨。好傷悲。〔生〕夫人手裏什麼東西。〔旦〕是紫香囊。〔生〕這物是我失在戰場。如何

得到此間。正是延平之劍再合。洛浦之珠復還。好怪好怪。這是祥瑞之兆。夫人。但不知母親在那里。

〔旦〕爲遷都兵亂。在外逃難。已分散十年了。〔生悲介〕

〔大聖樂〕〔旦〕欲語淚已先垂。想當初遇難時。婦與姑漂散如風絮。此生安否

怎生知〔生〕夫人你卽今在那里安身〔旦〕若非是周家老姥相週濟。怎能夠今日和伊諧鳳侶〔合〕憑誰語。爲生離死別。無限憔悴。

〔前腔〕〔生〕恨一身遠阻天涯。換星霜十載餘。爲萱堂鎮日頻流淚。爲室家終

日皺雙眉。只指望還鄉盡把愁腸洗。誰想道翻使離愁添幾許。〔合前〕夫人母親

兄弟。幾年上和你分散。你且備細說與我知道。〔旦〕當時自中春闈試。汝弟歸來養親志。家慶方纔

歲一週。忽有西征凶問至。萱親聞此痛心傷。命子求屍赴戰場。適值遷都城兵起。鄉閭烽火警蒼黃。

勉力扶親出奔竄。豈料中途遭寇難。空山日暮思昏迷。婦北姑南遂分散。從此漂零十二年。存亡消

息竟茫然。舊恨新愁說不盡。兩行涕淚空漣漣。〔生〕夫人。且不要哀苦。料母親必有下落處。我已差

人各處訪問了。〔旦〕離亂之中。只恐疾病死生奈何。〔生悲介〕夫人。且到後堂換了衣服出來。〔旦〕

不是一番寒徹骨。怎得梅花撲鼻香。〔下〕

〔夜行船〕〔貼同外上貼〕晝錦煌煌歸故里。靈鵲報喜動慈幃。〔外〕遊子依依。親

難兄將弟。〔合〕光彩頓生眉宇。〔末〕告大人。老夫人已到了。〔生迎接介〕

〔步步嬌〕〔生〕歎當初只爲功名事。俾母子成遐棄。怎想漂零在路隅。〔貼〕幸今日又得團圓喜。〔外〕弟和兄只道永參商。從今友愛歌棠棣。

〔翫仙燈〕〔旦上〕琴瑟久乖張。整宮商重調角徵。〔見介〕婆婆也在此了。

〔步步嬌〕歎鄉閭播蕩遭時否。只意做溝渠鬼。途路風波兩處飛。婦姑彼此無依倚。〔合〕天教今日此相逢。喜一家骨肉重完聚。〔生旦拜貼介〕少小離鄉老大回。鄉

音不改鬢毛斑。山河風景原依舊。城郭人民真可哀。〔旦〕藁砧零落悲中路。姑氏漂零歎衰暮。破鏡鸞孤喜再圓。北堂萱老椿如故。〔外生旦拜介外〕蕭條關塞未休兵。有路無家問死生。子由深戀伯

兄義。韓子難忘丘嫂情。〔貼〕風波滿眼遭顛沛。骨肉東西今十載。日落山陽笛又哀。雲橫秦嶺家何在。〔淨丑末〕正是孝誠忠義格天心。夫妻子母重相會。〔貼〕媳婦。你如何得到此。〔旦〕奴家因被趙丙將紫囊強聘爲婚。特來察院陳告。以此邂逅相會。〔貼〕孩兒。你在邊地幾年。磨了多少風霜苦楚。〔生〕母親。一言難盡。

〔玉交枝〕音塵迢遞。飄泊孤身淹外夷。爲功名未遂男兒志。北堂久冷斑衣傷。



心載歌陟屺詩。瞻雲已灑思親淚。〔合〕看香囊離合有期。對青燈渾如夢寐。

〔前腔〕〔旦〕兵戈時世。婦和姑伊東我西。婆婆驅馳遠道誰扶持。朝夕裏痛苦酸

嘶。〔貼〕媳婦。你在何處栖身這幾年。〔旦〕皇皇此身無所依。幸周家老姥相留住。〔合前〕

〔前腔〕〔外〕一從登第。與吾兄分別帝畿。驚聞訃報來邊地。奉親命遠去求屍。

歸來故園皆已非。幸郵亭母子得相會。〔合前〕

〔前腔〕〔貼〕孩兒你兩個當時別去。值遷都鄉關亂離。荒忙兩口出逃避。怎想中

路艱危。那時被賊分散了。孤身自憐何處歸。你兄弟偶爾回來。天教會合郵亭裏。〔合前〕

〔川撥棹〕〔合〕這會合真奇異。況一門全孝義。上表章奏達丹墀。上表章奏達

丹墀。願吾皇褒封璽書。〔合〕顯門牆耀閭里。顯門牆耀閭里。

〔前腔〕〔合〕書錦聯榮世所奇。況孝義與忠貞人怎知。看山川草木增耀。看山

川草木增耀。會天恩加封母妻。〔合前〕

〔餘文〕從他使盡牢籠計。誓此生節義無虧。須信道人欺天不欺。

〔貼外〕十年骨肉恨飄零。

〔生旦〕今日相逢訴別情。

〔淨丑〕管取一封天子詔。

〔末合〕表揚四海孝賢名。

### 第四十一齣 酬恩

〔逍遙樂〕〔貼旦上〕鏡裏容顏改。惡說干戈盈四海。〔生外上〕山陽笛響不堪聞。風光冷淡。故舊銷沈。往事難論。〔貼〕孩兒。往事淒涼不可論。暮年傷感亦消魂。〔旦〕羞臨破鏡窺容鬢。肯把殘妝拭淚痕。〔生〕終散黃金酬士死。難將寸草報親恩。〔外〕六龍城外兵戈地。故老於今有幾存。〔貼〕孩兒。我和你今日母子兄弟夫妻再得團圓。實出於萬死一生之幸。兵戈之際。多少仁人義士。浪跡無聞。亦可傷慨。況你奉朝廷特旨。觀察天下民風。舉賢旌義。乃是職所當爲。孩兒到此地位。報恩施惠。將來待何日。〔生〕母親言之有理。孩兒在胡。被契丹逼招爲婿。不從。情願就死。卻被拘禁終身。不許還鄉。幸得同年王侍御憐我有老母在堂。捨死就義。脫身南還。今日骨肉相親。皆故人之恩賜。如此大德。中心豈敢有忘。早晚當奏朝廷。作一區處。〔貼〕我和你兄弟昔在患難之中。若非塞司諫大人仗義施仁。亦難保生於今日。媳婦多虧周姥姥奉養之恩。亦不可不報。〔生〕母親。孩

兒卽當奉命。只是王鄰母不知漂泊何處。〔貼〕亦當尋訪。〔生〕左右那里。〔丑上〕廳上一呼階下百諾。覆大人有何鈞旨。〔生〕你與我去三山南首請蹇大人到此。就往城中尼姑寺尋周老姥速來相見。〔丑〕領鈞旨。

〔前腔〕〔末上〕故友恨飄蓬。兵戈信不通。正是十年勞遠別。一笑喜相逢。〔丑〕告大人。蹇大人在門首。〔生〕請進來。〔丑報末進見介〕老母援溺之情。小弟提攜之義。大恩未報。又辱先施。〔末〕大人殉身持節。當居典屬國之先。衣錦還鄉。豈在會稽守之列。非特故人私喜。直與中夏增輝。〔見外貼旦介〕大人請坐。〔淨上〕挾輔明大義。賜彘成私恩。老身見說觀察使大人是我那張狀元。特來參異。〔進見介〕老夫人。且喜骨肉團圓。〔貼〕周老姥。孺人多蒙解衣推食之恩。未得補報。〔旦〕相公。漂母拯饑。曾以千金之報。翳桑餓士。猶懷箪食之恩。蹇大人高義。宜懸旌揚顯。周老姥私恩。理宜酬謝。〔生〕夫人也說得是。左右。取金十笏。絹十端。并酒果之禮來。〔丑〕正是劍誅無義漢。金贈有恩人。告夫人。酒果金帛在此。〔生〕周老姥。白金十笏。絹十端。聊表薪水之勞。再容重謝。〔淨〕老夫人。大人奴婢待主之常情。不當如此。不須掛懷。決不敢受。〔生〕收了。〔旦〕周老姥。多多虧

你可受了罷。〔淨〕恭敬不如從命。老夫人夫人在上，不敢固辭，多謝賞賜。

〔臨江仙〕〔末〕大人十載朝廷持漢節，天教畫錦榮歸。〔外〕故人相見眼偏青。綱常鐘鼎，身世羽毛輕。

〔前腔〕〔貼〕今日團圓多喜氣，當時苦恨漂零。〔旦〕周姥濟死肯忘情。恩深轉無語，懷抱自分明。〔生〕左右將酒過來。〔丑〕酒在此。

〔一封書〕〔生〕陳策佐聖君，爲朝綱多佞臣。從當道怒嗔，誓遐荒棄此身。舊業都隨征戰盡，滿目山陽笛裏人。〔合〕倒芳尊，暗消魂，生死難忘骨肉親。

〔前腔〕〔外〕君多行寡倫，不須矜雷與陳。論交義可珍，未須誇廉與藺。患難能將恩義盡，此道曾爲舊主人。〔合前末〕大人下官也賀喜一盃。〔生外〕如此多承。

〔前腔〕〔末〕記當日覲帝宸，又分違十二春。空回首暮雲，想風神入夢頻。今日畫錦榮歸呵，公義私恩能兩盡。忠孝如君有幾人。〔合前〕

〔前腔〕〔貼〕自鄉關動戰塵，避兵戈愁路貧。蒙公相禮義真，與恩波濟涸鱗。佩

德懷私言怎盡。孩兒結草銜環來報恩。

〔早羅袍〕〔旦〕那日身遭艱窘。向窮途逃難。進退無門。何由北海遇孫嵩。多蒙

老姥相憐憫。〔合〕幾年相顧。怎生負恩。千金相贈。未足報恩。教人感激榮方寸。

〔前腔〕〔淨〕老嫗孤身貧困。恨朝昏菽水。未盡殷勤。荷蒙恩賜帛和金。懷羞負

報真忘本。〔合前〕

〔僥僥令〕〔生〕風波遭險運。骨肉受艱辛。〔外〕念君傾蓋渾如故。卻笑白頭仁不仁。

〔前腔〕〔財〕居安還自忖。感舊欲沾巾。〔旦〕況地北天南無信音。知是死和生兩處分。

〔尾聲〕〔合〕風塵往事今休問。都撇下舊愁新恨。須把長歌賦厄運。

〔生外〕銜盃敘舊益淒涼。

〔末淨〕鄰笛聲中又夕陽。

〔貼旦〕心爲感恩長慘感。

〔丑合〕鬢因經亂早蒼浪。

第四十二齣 褒封

〔柳穿魚〕〔淨上〕官司差點做都官。案牘勞形幾時閒。聞說玉京天詔下。奉迎奔走甚煩難。排儀仗。列旌干。疾忙到此設香案。自家是個本縣耆老。今有詔書到郡。旌表張狀元門閭。特差我打點彩旗金鼓。迎接香案則個。

〔六么令〕〔丑上〕天恩渙汗。使者星軺遠下朝端。微臣一念動龍顏。施忠義革兇奸。〔合〕管令海宇陽春滿。管令海宇陽春滿。自家宜興縣大尹是也。聞得朝廷有詔書到來。着耆老整備香案。不知完備未曾。〔淨〕香案完備了。〔丑〕正是雷霆嚴號令。雨露沛洪恩。

〔前腔〕〔生旦貼外上〕緋袍象簡。紫誥輝連鳳帔花冠。皇恩飛。男和女列清班。〔合前見介丑〕大人。公服在身。不敢行禮。〔生〕宰公。下官聞得詔書到來。〔丑〕大人。朝廷知道忠臣孝子。節婦義夫。兄弟竭恭愛之情。朋友盡急難之義。人事既合。吉慶宜來。〔生〕多蒙宰公諭美。

〔前腔〕〔末捧詔書上〕雲章錦燦。一紙丹書萬里傳頌。五雲回首是長安。瞻天表拜金鑾。〔合前〕聖旨已到。跪聽宣讀。詔曰。風化之原。實係綱常。人倫之本。莫先孝悌。其有節義者可

不獎勸。以勉將來。邇者常州郡守申奏。觀察使張九成。持節十年。不屈身於戎虜。拋家萬里。極切念於庭闈。報國以忠。事親以孝。張九思。棄官就養。克盡事母之誠。赴難求屍。尤切愛兄之義。其母崔氏。授經教子。志有逮於軻親。勉子成名。行不忝於滂母。其妻邵氏。服勞奉養。操行貞廉。不遺親於顛沛之間。終守節於流離之際。孝忠之道。萃於一門。節義之風。軌乎萬世。張九成。陞授蘭陵郡公。張九思。陞授金紫光祿大夫。母崔氏。封懿德夫人。邵氏。封蘭陵郡夫人。其父張廉。追贈吳興郡公。兼訪得禮部侍郎洪皓。秉忠義而不忘乎主。際艱危而不辱其身。司諫塞倫。棄職而懷嫉奸之心。納交而厚恤難之義。都元帥岳飛。治兵仁勇。而屢收征討之功。報國精忠。而卒墮奸權之計。侍御王倫。全節事君。不慚先令公之德。捨生死友。誠有古烈士之風。丞相秦檜。誤國諛佞。欺君。潛懷虜寇之私。有失人臣之道。行人湯思退。屈節於腥羶之區。俛首有狗彘之行。曰忠曰義。惟佞惟奸。洪皓陞授資善大夫。柱國。塞倫陞授浙江提刑使。岳飛追贈鄂武穆王。王倫追贈禮部尚書。秦檜湯思退。並加誅削。嗚呼。旌善懲惡。申公匪私。死者旣沐恩光之賁。生者宜享爵位之榮。欽此。欽遵謝恩。(衆)萬歲萬歲萬萬歲。

〔山花子〕〔生〕舉家飄蕩遭兵火。連年困辱腥羶。幸全軀生還故園。豈圖耀後



光前〔合〕聖明朝褒功尙賢。黃麻紫泥丹鳳傳。仙槎使節來九天。億兆騰歡四海傳宣。

〔前腔〕〔外〕萱庭幸得身康健。荆花喜復枝連。錦雲袍文章燦然。鶴冠鳳帔聯翩。〔合前〕

〔前腔〕〔旦〕釵荆寄食甘貧賤。冰霜苦節彌堅。喜鸞膠再續斷絃。樂昌破鏡重圓。〔合前〕

〔前腔〕〔貼〕詩書教子惟吾願。難效孟母三遷。喜鸞章褒封暮年。恩光又賁及黃泉。〔合前〕

〔節節高〕〔衆〕煌煌畫錦旋耀山川。天恩特厚褒封典。金章炫花誥鮮。門楣顯。丹書五彩雲霞綯。舉頭誰道天顏遠。〔合〕廕子封妻世應稀。加官進爵人爭羨。〔前腔〕〔衆〕清朝紫禁仙。撫黎元。觀風四國巡行遍。持天憲。節義全。經綸展。臣忠子孝從來鮮。須知百行爲冠冕。〔合前〕

〔餘文〕人間善惡宜懲勸。管取紫香囊五倫新傳。萬古丹心照簡編。

忠臣孝子重綱常。

慈母貞妻德允臧。

兄弟愛恭朋友義。

天書旌異有輝光。

香囊記終

四

賢



目錄

第一齣 開演

第二齣 義勸

第三齣 燈宴

第四齣 孝養

第五齣 寓奸

第六齣 遷擢

第七齣 囑託

第八齣 分岐

第九齣 構釁

第十齣 媒議

第十一齣 解綬

第十二齣 允娶

第十三齣 入宅

第十四齣 致歸

第十五齣 招納

第十六齣 祈熊

第十七齣 挑鬪

第十八齣 賜胤

第十九齣 弄璋

第二十齣 報命

第二十一齣 訓讀

第二十二齣 社會

第二十三齣 出家

第二十四齣

夢警

第二十五齣

送炭

第二十六齣

遘難

第二十七齣

路贈

第二十八齣

投栖

第二十九齣

詰問

第三十齣

奏凱

第三十一齣

告貸

第三十二齣

赴選

第三十三齣

泣夜

第三十四齣

請假

第三十五齣

邂逅



四賢記 目錄

第三十六齣 尋親

第三十七齣 會母

第三十八齣 具慶

# 四賢記

明無名氏箸

## 第一齣 開演

〔意難忘詞〕〔末上〕烏古孫公享榮華富貴。乏嗣傳宗。堅心辭納寵。甘作白頭翁。妻杜氏娶姘容。眞德量寬洪。更可欽王家孝女。禮義雍雍。天王特賜罷熊。當侍姬入道。妖寇興戎。許君能濟困。楊姬亦多功。賢公子早登庸。喜慶相情隆。泰山追尋庶母。骨肉重逢。

## 第二齣 義勸

〔滿江紅〕〔生上〕簡命南臺。司憲紀霜清秋肅。熙盛世功名昭著。受天申祿。一點丹衷期補袞。半生孝道成虛局。是何年白壁育藍田。我心方足。〔鷓鴣天〕豪氣千尋貫碧空。彩毫捷徑已先通。身歸版冊輿圖裏。心寓詩書禮樂中。膺寵命。顯英雄。金章紫綬五花驄。朝廷有道青春好。沛雨和風處處同。自家烏古孫澤。表字潤甫。裔本完顏。言從華譯。編插淮寧。百

有餘載。荷蒙大元皇帝詔賜右榜進士。累陞建康肅政廉訪使之職。褰帷觀察。攬轡澄清。公廉寡欲。娟娟明月照鸚冠。直節端方。凜凜清霜飛象簡。室人杜氏。真擬孟光之賢。侍婢丁香。頗習小蠻之技。但我年將不惑。身後無人。既獲譴於聖經。又遺慚於宗祀。咳。休提身外無窮事。且盡生前有限杯。院子何在。〔小生上〕自古迎春喜建寅。今年寅日正逢春。千門萬戶曛曛日。盡道天家雨露新。覆老爺。有何台旨。〔生〕夜來着你治酒。可曾完否。〔小生〕完備多時了。〔生〕傳話後堂。着丁香伏侍夫人出來。〔小生〕領鈞旨。〔旦上〕

〔念奴嬌〕香雲靄靄。倚鏡臺整理寶髻鸞釵。〔丑上〕芳草初芽。幽禽試舌。春色來何快。〔合〕唱隨繾綣。人在蓬壺瀛海。〔相見介〕〔木蘭花〕〔生〕小園半夜東風轉。吹皺

冰池雲母面。〔旦〕曉披闔闔見朝陽。知向碧階添幾線。〔丑〕小烟弄柳晴方煖。殘雪禁梅香尙淺。

〔小生〕殷勤洗拂舊東君。多少韶華都借看。〔生〕夫人。茲當人日。會遇新春。潔整辛盤。少充家慶。〔旦〕妾方舉念。君亦同心。敬從尊命。看酒過來。

〔六犯宮詞〕紅椒新醞。青絲生菜。燕喜時逢清泰。春還人日。壺中甲子天開。

〔旦〕綵勝隨宜翦。花枝別樣裁。三星照。百歲諧。蟠桃會裏共君來。〔丑〕華堂燭影搖金帶。翠幄蓮香擁繡鞋。〔小生〕願老爺奶奶呵。振振麟趾。嚙嚙鳳喙。綸音不斷恩光大。〔合〕永和諧。夫榮妻貴。都是命安排。〔生〕院子。把酒席收過了。〔小生應下生〕夫人。你看時光易過。齒髮無情。細思兩字功名。總是一場虛幻。〔旦〕此相公知止之言。高尚其志。只一件。你雖然宜室宜家。尙未弄璋弄瓦。妾將邁矣。君可惕然。〔生〕夫人貌比桃夭。性同玉潤。正在孕珠之際。胡出分枕之談。〔旦〕賤軀多恙。生意爲艱。莫若寵娶新房。庶可嗣全後胤。〔生〕說那裏話來。

〔桂枝香〕年華非邁。充閭有待。追尋比翼同心。忍使割恩分愛。〔旦〕相公。不孝有三。無後爲大。〔生〕謝娘行介懷。謝娘行介懷。你的德齊嵩岱。量弘滄海。我淚盈腮。枉慕燕山桂。空臨玉鏡臺。

〔前腔〕〔旦〕宗祧何賴。弓裘誰代。從來無子重婚。莫爲有妻妨礙。〔生〕夫人。我想商瞿四十而生五子。今卑人與你年亦如是。何患無兒。〔旦〕望君家記懷。望君家記懷。你的盛年難再。韶顏易改。我自疑猜。伯道天亡後。淳于世所哀。〔丑〕婢子當時在家。曾與

老爺算過命來〔生〕算我如何。

〔前腔〕〔丑〕算老爺呵。命膺冠蓋。身居鼎鼐。並不犯寡宿孤辰。也不犯三刑六害。算奶奶呵。在明年誕懷。在明年誕懷。鸞星交泰。蚌珠生彩。我笑咳。咳。百子紅樓近。三天赤脚來。

〔生〕富貴榮華似夢中。

〔旦〕相看又做白頭翁。

〔丑〕冥冥樹德無人見。

〔合〕天上麒麟信必通。

### 第三齣 燈宴

〔小生上〕薄雪初消野未耕。賣薪買酒看昇平。吾王勤儉娼優拙。自是豐年有笑聲。自家乃是戶部分司一員。供應官。今乃上元佳節。華國燈宵。蒙本司許爺着我備酒延請。烏古孫爺慶爺二位觀燈。果然好景也。但見處處烟花。家家燈火。綺羅春富貴。簫管夜紛紜。散開一種芙蓉。化作滿城菡萏。三星在戶。珠簾捲。萬燭當樓。寶扇開。輝光燦爛。分明是一座鰲山。形勢嵯峨。想像那九重鳳闕。緊步的不覺暗塵隨馬去。緩步的堪憎明月逐人來。霓裳子弟。踏歌可遏行雲。竹馬兒童。賽鼓不分清漏。碎

紛紛蛾蝶高飛。既來不返。活潑潑魚龍戲影。似假疑真。教坊司差幾個舞盤的妓者。他能弄百尺高竿。勾闌院送兩班跳鬼的廝兒。自做出諸般雜劇。那壁廂巧笑倩兮。見佳人遺鈿墮翠。這壁廂美目盼兮。喜公卿佩紫拖朱。玳瑁筵。珍饈味。夜夜元宵。琉璃鍾。琥珀濃。朝朝寒食。正是春回壁月華燈裏。人在蓬壺園苑中。道猶未了許爺早到。〔外上〕

〔卜算子〕粉署喜清閒。綺席延時彥。連宵燈火吐祥烟。萬井氤氳滿。自家許益。字友文。山東淄水人也。官拜戶部員外郎。駐劄江南。董督漕課。尊賢禮士。寧辭三握之勞。節用愛民。亦竊五袴之頌。所喜烏古孫潤甫。與我十分契厚。情若同胞。茲值燈宵。豈宜虛度。適已差官去請。并邀建康路總管慶稚卿同赴良筵。少據宣況。供應官筵席完了麼。〔小生〕完了。〔外〕孫慶二爺到來。疾忙通報。〔小生〕領鈞旨。

〔前腔〕〔生上〕紫陌畫橋邊。〔末上〕翠館紅樓畔。〔合唱〕燈光月影共嬋娟。此景佳無限。〔相見介外〕我有嘉賓。鼓瑟吹笙。〔生末〕雖有兄弟。不如友生。〔生〕小弟方將擬屈。反辱先施。

〔末〕慶童分居屬吏。豈堪共席。〔外〕下官與潤甫賢弟。均承簡命。各守地方。且與慶先生休戚相關。

何乃過讓。供應官將酒過來。

〔梁州序〕天街雪霽。帝城春煖。拂拂條風初遍。人逢佳節。何妨取樂追歡。畢竟乘鸞緱嶺。跨鶴揚州。遂卻生平願。黎民齊擊壤。慶豐年。振動東南半壁天。〔合〕斟綠醕。開華宴。拚夜深沈醉蓬萊院。歌麗曲。撒金錢。

〔前腔〕〔生末〕元宵三五。新正當半。早有梅開一點。仙臺光滿。應憐皓月娟娟。試看星橋合鎖。火樹攢花。燦爛驚人眼。攔街喧笑也。縱奇觀。百道金蛇上碧天。〔合前二旦扮官妓衆扮伶人上〕鮑袖舞郎當。秦喉歌遶梁。新正三五夜。何處不風光。伶人官妓叩頭。〔小生〕起來。大吹大擂。送各位爺觀望鰲山。

〔前腔〕〔衆唱〕九華燈銀燭高燃。八寶燈紅光飛豔。怪無知老子長揖燈前。只見牛郎燈影。織女燈輝。在烏鵲燈兒畔。鴛鴦燈作侶。錦燈懸。十二朱樓別有天。〔合前〕

〔前腔〕鳳凰燈瑞現岐山。孔雀燈春生屏幔。掛麟獅虎豹獬豸燈連。又見鬪雞



燈巧舞鶴燈奇。走馬燈兒戰。魚龍燈戲水。鼓燈圓。忽訝銀河落九天。〔合前〕

〔節節高〕蝦燈鬚兩鬢。蟹燈鮮。螳螂燈怒臂。休相援。紗燈炷。纓絡妍。油花煽。鮫綃燈片片。腥紅茜。繡毬燈滾滾。珍珠串。〔合〕紫禁烟花十萬重。鰲山景物尤堪羨。

〔前腔〕香爐燈裊烟。橘燈旋。菜燈雅淡青不變。蓮燈淺。藕似船。荷檠捲。芙蓉燈照映。嬌娥面。牡丹燈巧出佳人翦。〔合前外〕供應官。吩咐他去罷。明日領賞。〔衆應下〕

〔尾聲〕金吾不禁遲銀箭。一任驂遊步衍。此夜歡呼興獨偏。〔生末〕夜深告辭了。

〔生〕客漏迢迢興已闌。

〔末〕燈前月下酒杯寬。

〔外〕不知天上今宵樂。

〔小生〕應似人間一樣歡。

### 第四齣 孝養

〔霜天海角〕〔小旦上〕桑樞蓬戶。居處甘淒楚。愁擬傷心杜宇。情同反哺慈烏。

脈脈暗傷情。鬢鬢志愈貞。蛾眉攢損黛。鴉鬢彈銷青。明月隨孤影。穠華負此生。報劉嗟日短。哽咽淚

交傾。奴家王氏。陳州人也。幼長良門。未歸靖室。不幸爹娘棄世。獨存祖母在堂。爭奈家業凋零。全賴女紅資給。衣擣寒砧。錯認村春。雨外急。席遮破壁。翻嫌鄰火。夜深明。穿花作錦。臨妝兀自羞慚。削竹爲簪。結束有誰嘲笑。爲愛清香。焚柏子。欲親寒素伴梅花。

〔四朝元〕梅花寒素。清芬想像奴。是羅浮仙種。不染塵土。偏與那松竹伍。痛雙親早暮。痛雙親早暮。爲甚厭棄人寰。超馭仙都。寧撇孩兒。怎拋慈母。生死同岐路。論我這般樣窮命。不如死休。只是撇婆婆不下。好苦呀。疾首自心孤。白髮紅顏。命薄如朝露。高堂年紀多。耳聾目將瞽。萬千愁緒。啾啾唧唧。向誰哀訴。向誰哀訴。自從雙親早喪。幸虧姨母相周。只是他是個寡婦。全賴收生糊口。教我也難饜養他。今早缺欠供膳。不免磨麥充飢則個。

〔前腔〕含啼捱磨。行行力氣無。奈被塚纖手。蹙趲嬌步。也知是沒奈何。怕婆婆發怒。怕婆婆發怒。道我定省空勞。甘旨全疎。潔爾晨餐。貧而無措。忍見塵生釜。古人有言。齋鹽樂道。菽水承歡。只是我祖母年近七旬。風燭不定。分當衣之以帛。食之以肉。纔是爲

孫女的孝順。今日一貧如洗。將菽水奉養他。好惶恐人也。每日裏強支吾菽水承歡。他慈愛還如故。我殷勤磨此麩。暫時濟飢餓。釵荆裙布。孤孤影影。兩相回護。兩相回護。〔丑上〕老病如枯鶴。相將鬼作鄰。堂前無孝子。膝下有賢孫。〔小旦〕孩兒磨麵太急。得無驚寢高堂。〔丑〕非也。我看你年時二紀。工貌雙妍。孝過崔姬。賢同德曜。欲尋佳配。未得其人。夜來興思及此。焉能高枕忘憂。你聽我道。

〔孝順歌〕你溫柔性。窈窕軀。青春正當二十餘。偃蹇未于歸。哀哀泣霜杵。棲遲破廬。〔小旦〕孩兒奉侍有日。適人之事。說他則甚。〔丑唱〕奈我景入桑榆。又無家計。你只管顧戀區區。畢章相擔誤。〔小旦〕婆婆得一日活。孩兒盡一日孝。不必掛懷。〔丑唱〕貞與孝載史書。待來生我報汝。

〔前腔〕〔小旦〕聽說罷。淚似珠。飄飄此身水上鳧。痛殺我先人。孤魂在何所。幽明異途。〔丑〕我饑寒不免。歸路有期。獨可惜你去後如何結果。〔小旦〕衰老親婆。少年孫女。兩口相依。甘受饑寒苦。我那婆婆呀。奴豈做薄倖徒。若嫁人未必好結果。

〔前腔〕〔貼旦上〕羅敷節能自如。朝來見憐止屋烏。呀。爲甚的眼模糊。其中有緣故。〔小旦〕實不相瞞。姨娘說。方纔祖母言及眼前諸務。不覺痛傷如此。〔貼旦〕我曉得了。敢爲饗殮已無。〔丑〕楊姨母請坐。〔貼旦〕親家母。你人逐仙遊。家居荒土。且莫悲傷。苦樂皆天數。老身帶有百貫錢在此。我兒你收去。錢百貫供菜蔬。倘空虛再相助。〔丑〕需索多遭。犬馬難報。〔貼旦〕至親之間。何報之有。

〔丑〕蕭蕭風色擁柴門。

〔貼〕隔嶺猿啼欲斷魂。

〔小旦〕孤寡不堪貧徹骨。

〔合〕方捱白晝又黃昏。

### 第五齣 寓奸

〔出隊子〕〔淨上〕不衫不履。戀酒迷花學做癡。端公左道頗蹊蹊。牛馬襟裾好滑稽。就裏機關許誰得知。自家叫做棒胡。陳州元是故都。年紀方登弱冠。爲人一味糊塗。心似鉤灣又曲。膽如天大猶粗。酷愛使鎗弄棍。偷忙逐犬熏狐。崇事虛無之教。能燒鉛汞之爐。慣誘風流童圍。曾拐標致尼姑。此中素有大志。權爲市井狂徒。夜來只少一件。〔內云〕少那件。〔淨笑介〕只少

箇護腳的家婆。迤邐行來。此間已是集福道院。有箇道士張霞杯。頗有仙風。深諳世故。不免進去。與他閒話一回。有何不可。有人麼。〔小生〕

〔前腔〕桃源洞裏。白鹿青牛去復歸。眠雲枕石樂天機。回首興亡一局棋。未審何人。前來問奇。棒相公稽首。〔淨〕張丫。胚拜揖。〔小生〕霞杯乃貧道賤號。何以戲爲。〔淨笑介〕莫怪莫怪。兩日不到仙莊。開口便覺粗俗了。張先生。我小子不蠶而衣。不田而食。請問如何可以治生。〔小生〕何不商賈爲業。〔淨〕什麼叫做商賈。〔小生〕行貨曰商。居貨曰賈。〔淨〕不將辛苦意。難趁世間財。不去做他。〔小生〕援例求一文武官職。何如。〔淨〕朝臣待漏五更寒。鐵甲將軍夜渡關。勞碌大。一發不去做他。論啗家的主意。只今朝廷無道。僭御中華。不若先收河洛。打破燕京。尋一頂白帽兒戴戴。卻不是好。〔小生〕

〔好姐姐〕呀。少年落魄不羈。白帽兒非通容易。大言不慚。豈是人所爲。眞狂悖。隔牆有耳。君須記。棒相公。你方纔幸爾對我說。萬一對他人說呵。泄漏風聲。受族誅。

〔前腔〕〔淨〕道人你又來見鬼。笑談中原非眞意。想潛龍在淵。直須會雷雨。忘

年契感蒙金玉諄諄諭。從此吞聲不再提。

〔淨〕閒來松院訪仙翁。

風裊茶烟九曲通。

〔小生〕窗上日光彈指過。

一番清話又成空。

### 第六齣 遷擢

〔鵲橋仙〕〔生〕廉持霜斧。明懸冰鑑。浪有聲名播遠。當今聖主惠黎元。四顧河

清海晏。自家蒞任以來。歷俸計踰二載。廉訪各屬賢能。漢人大居其半。然而治蹟異常。考得慶童爲

最。前特具疏保薦。陞授廣東廉副。間有一二不臧者。已經明斥其非。使令改過遷善。大都君子成人之美。豈忍註之下考。正是但存方寸地。留與子孫耕。〔外上〕稟爺慶總管到門稟見。〔生〕道有請。

〔粉蝶兒〕〔末〕視篆三年。喜備門庭良選。老大人請上。卑職慶童有一拜。仰荷吹揚。謬膺

新命。未遑報本。先布謝言。〔生〕稚卿恂恂雅度。燁燁清才。久已立名。允宜高擢。今下官呵。

〔畫眉序〕爲國薦高賢。冰鏡無私照清淺。羨君家卓異。拔萃居先。念斯須借寇

攀轅。料早晚徵黃歸院。〔合〕此行雖隔二千里。同瞻舜日堯天。

〔前腔〕〔末〕下吏愧才綿。幸辱明公賜青眼。似嚶嚶黃鳥。出谷喬遷。承獎借知。遇玄暉。蒙推重功虧王翦。〔合前〕

〔滴溜子〕〔小生〕方翹翅。方翹翅。金陵地偏。重回首。重回首。帝京遙遠。趨報行

臺公館。〔生〕你是那衙門差來的。〔小生〕馬上健兒飛報。烏古孫爺高陞宣撫司使。欽除宣撫

司。權當八面。〔末〕任何處地方。〔小生〕請看頒來廣東符券。〔生〕叫辦事官接上來。你且出

去。明日領賞。〔小生〕嘎。〔下末〕恭喜。大人高轉廣東開府。卑職再借恩光。〔生〕同事地方。此亦奇

偶。動問先生幾時起程。〔末〕關山險阻。道路迢遙。深欲附驥同行。未審台臺允否。〔生〕先生先往潯

陽駐劄。候學生打發賤累還鄉。即便趕來相會。〔末〕既如此。卑職暫且拜別罷。

〔雙聲子〕綸和綉。綸和綉。捧讀恩非鮮。桑和梓。桑和梓。依倚情何恨。〔末〕山阻

扼。水渺漫。願齊驅宛馬。並泛吳船。

〔尾聲〕〔生〕翩翩南去如飛燕。一道春風楊柳烟。〔生〕稚卿。你到得潯陽可踟延。

〔末〕從容別君去。〔生〕握手送君行。



〔合〕遙望雲深處。

多應是帝京。

第七齣 囑託

〔夜遊朝〕〔淨〕畫轂朱門膺世賞。姻聯桂掖椒房。坐列金釵。步施錦障。笑眼底  
侏儒伎倆。略識詩書趣。偏多辨給才。無心求富貴。富貴逼人來。自家典瑞院使徹里帖木兒便是。俺  
先朝駙馬。今上姑夫。素履恣睢。性資孟浪。阿堵爲心。最可笑一塵不染。苞苴是務。也難道三尺無欺。  
官居清秩。爭如金馬玉堂仙。寵冠羣寮。奚羨白旄黃鉞貴。近聞聖上欲遣一官前往兩廣等處採辦  
珍奇。以實內藏。俺想此差大有益。昨托中官滑斯兒在聖前舉薦。原期今日回覆。待他來時。便知  
分曉。

〔生查子〕〔丑上〕二月好風光。萬里晴雲朗。款款出宮牆。柳色侵衣上。滑斯兒行

禮。〔淨〕老中貴請起。我和你交厚年深。情如兄弟。今後相見。只許作揖。作者云云。事體若能建力。自

當重酬。〔丑〕請問酬之幾多。〔淨〕白銀一千兩。〔丑〕古人一飯報之千金。小子力可回天。酬不在於

一飯之下。〔淨〕奉謝黃金五百兩。何如。〔丑〕也不消送得。我想粵東之地。郡有廉州。土產明珠。大如

燕卵求賜三四十顆。如惠百千萬鎰。〔淨〕果蒙幹旋。敬從尊命。動問此來。必有好音示我。請坐了。  
〔丑〕容稟上。

〔鎖南枝〕承台命力贊襄。今早萬歲爺爺御清德殿。玩看古物。金口曰。朕欲差官前去兩廣

勾當。未有其人。那時小子迎合聖心。徑將駙馬爺台諱以對。上曰。依爾所奏。傳諭中書省。寫勅與他。

天顏有喜已允詳。書勅早贍黃。龍光可瞻仰。從此去願勿忘。贈明珠勝千兩。

〔前腔〕〔淨〕男兒志當自強。雕蟲小技非所長。不瞞足下說。我老大狠心腸。如蛇欲吞象。若到廉州郡。覓夜光。謝君家好情況。

〔淨〕謀事由人力。隆恩出帝書。

〔丑〕臨行重囑付。報我夜明珠。

## 第八齣 分岐

〔西地錦〕〔旦上〕門外驪駒擾擾。堂前燕雀翛翛。閨身生怕旅中勞。早已眉兒淡了。〔搗練子〕心感感。意孜孜。離別何堪有所思。噴殺畫樓人弄笛。聲聲吹出斷腸詞。妾隨夫君遊。

宦於此。不覺光陰荏苒。鄉信間關。久已懷歸。未逢其會。近因官滿陞轉粵東。打發妾身歸家。獨自肩輿之任。且待丁香收拾行李告完。只索起程分手。

〔前腔〕〔生上〕雨色初收山島晴。光轉布江皋。〔合〕匆匆分袂碧天遙。兩下離愁多少。夫人。我雖膺新命。未遂初心。蓋聞彼中羊腸曲折。鳥道崎嶇。烟瘴沈浮。舟車阻塞。只得暫違伉儷。然亦無可奈何。但此一去。多則一年。少則半載。卑人即便請告矣。〔旦〕相公此行。妾心如擣。既許歸期。踐石以望。〔丑上〕筐箱皆舊物。花鳥亦新愁。〔小生淨扮院子上〕爲語遠行客。白雲是故丘。稟

上行李俱已打疊了。〔生〕我就相送夫人一程。叫院子吩咐護送人員。俱到前途伺候。

〔甘州歌〕〔生〕風塵縹緲。自秣陵長往。千里迢遙。驅馳王事。克盡此生忠孝。〔旦〕雖誇日邊紅杏好。還願庭前玉樹高。〔丑小生淨〕悠悠旆。款款橈。須知水陸一般勞。瞻南閩。盼北焦。離情泛濫似春濤。

〔前腔〕〔生〕從來膽氣豪。爲輕拋鴛侶。便覺煩惱。天光雲影。徘徊半晌無聊。〔旦〕君如念妾吟織錦。妾定思君折大刀。〔小生淨丑〕牽朱紱。綰翠翹。鳳凰臺上暫停

簫。桃花片。楊柳條。誰人妝點灞陵橋。〔小生淨〕稟爺。此間已是界鄉了。〔生〕界鄉乃江右地方。與夫人就此拜別罷。

〔憶鶯兒〕心旆搖。淚雨飄。頃刻分岐兩寂寥。搔首踟躇不忍拋。〔旦〕叮嚀幾遭。

言詞怎了。前途鄭重休輕躁。〔生〕請夫人先行。〔旦〕願相公珍重。〔丑小生隨旦唱淨隨生唱

各分走合唱〕杜鵑嬌。聲聲啼血。偏弔旅魂消。〔並下外同左右上〕

〔前腔〕春色描。春景饒。雲護花枝列錦標。風逗花香襲絳袍。自家許友文。向來巡歷

外郡。聞知友弟烏古孫潤甫榮陞宣撫。今特趕回慶賀。不意他已離任去了。叫左右。與我帶取壺榼。

快趕上。行人未遙。離筵可邀。見車塵飛起。敢是他來到。〔生同左右上〕倩扶搖。翩翩

翩勁翮。直上碧雲霄。呀。許兄在此。〔外〕果然是尊駕。〔生〕小弟不才。倖叨重寄。奈因欵限迫切。

不能枉道相辭。反承遠送。益厚罪愆。〔外〕賢弟與我契深傾蓋。誼切彈冠。不吝賀遲。願存餞敘。

〔前腔〕進濁醪。別故交。祖送依依戀小輶。未卜何年同幕僚。〔生〕兄歸遠途。弟當拜

別。相知見招。情投漆膠。願折梅逢使傳音耗。請了。〔外〕簡慢了。〔分走合唱〕恨滔滔。

其如白首相逐問漁樵。〔並下末同左右上〕

〔前腔〕他德孔昭。我信不撓。踰望潯陽江上潮。又見山林鳥欲巢。左右的。快去十里長亭。打探烏古孫老爺馳驛消息。速來回報。〔衆〕領鈞旨。〔生同左右上〕恩沾九霄。榮齊六曹。埋輪自有張綱操。〔衆作報末介末〕慶童在此迎候老大人。〔生〕稚卿守約不違。可謂信矣。就請同行。〔合唱〕出西郊。不堪觀處。落照在林梢。

〔生〕殘霞落日滿雲旌。

勅命森嚴不敢停。

〔末〕謾說有花并有酒。

兩程兼做一程行。

### 第九齣 構釁

〔小生上〕竹皮冠子木棉衣。一卷黃庭與世違。欲向終南山下住。不知春色幾時歸。自家身將槁木。跡類飛蓬。超物外以清修。出寰中而潔想。末緣納履。試學吹笙。松窗白鳥每相親。花榭碧雞能自舞。博望乘槎。浪說張騫犯斗。吳門市藥。曾聞梅福登仙。蘧蘧蝶夢初回。碌碌猿心已定。玩世敢求勾漏令。栖塵空慕岳陽樓。貧道張霞杯。世傳吾祖道陵法術。浪跡江湖。濟人利物。年來寄居此間。一意修

真學道。左近有個棒胡。人皆呼爲巷伯。時常到此聒噪。只得強顏待之。今乃玄帝降臨之日。必有人來禱祝。我且誦些經典。消除磨障。多少是好。〔作誦經介〕

〔縷縷金〕〔淨上〕恣浪蕩。好遊嬉。不戴僧伽帽。不着道人衣。風月機關事。頗知

一二。慣從閒處打乖兒。特來耍一會。〔小生〕棒相公稽首。〔淨〕稽首稽首。你可知否。兩箇婆

娘。背夫逃走。〔小生〕良家女子。來此燒香。請相公尊重。到方丈拜茶。〔淨〕不去。也不勞賜茶。〔貼旦

同小旦上〕

〔前腔〕朝雨歇。冷淒淒。直愁苔徑滑。步行遲。轉過松林外。石橋流水。看神霄宮

殿瑞烟迷。端的是福地。〔小生〕兩位奶奶請到正殿上香。〔貼旦〕此是舍親。爲因祖母喪亡。要

在聖前薦度。老身亦來進香。敢煩仙長宣揚法旨。〔小生〕這是本領。不消吩咐得。〔淨誦介〕老張。待

我來點香燭何如。〔小生〕

〔古江兒水〕天花散空。清香一炷。宣揚寶號。閒停法器。祇迎聖駕發慈悲。〔合〕

玄天鑒知。仁威護持。這功德不可思議。

〔前腔〕〔小旦〕王氏女子。雙親早逝。繼亡祖母。恐淪惡趣。仰祈超度上瑤池。〔合前淨〕老張且住。待啗家也在聖前禱告心事一番。

〔前腔〕棒胡可人。風流標致。尙無妻室。不多年紀。早求佳配。效于飛。〔合前貼旦〕

〔前腔〕楊門老嫗。多災多悔。癡獨一身。眼將昏瞶。願憑賜壽和福庇。〔合前小生〕老奶奶。此間令親。就是王家孝女。失敬了。〔貼旦〕我兒去罷。禮懺焚香。福自退。〔小旦〕方知此地是仙家。〔同貼旦下淨笑介〕落花有意隨流水。〔小生〕流水無情戀落花。〔淨〕好女子。豈非天姿國色乎。老張露出馬脚來了。你是箇出家人。怎麼到認得他。〔小生〕相公聽道。

〔香柳娘〕那蛾眉女流。那蛾眉女流。秉心如水。寢苫枕塊。居親制。〔淨〕他家中更有何人。〔小生〕奉衰年祖母。奉衰年祖母。生則衛飢寒。死能盡喪祭。論他的孝名。論他的孝名。里中著聞。休得輕覷。

〔前腔〕〔淨〕這情悰可憐。這情悰可憐。幽鸞憔悴。虛挨歲月。成何濟。念區區曠夫。念區區曠夫。正好琴瑟兩和諧。花燭共歡喜。仗君家做媒。仗君家做媒。〔小



生）貧道方外人氏。豈能作伐。〔淨〕你若不做媒。我便搶歸完聚。〔小生〕這也欠通。詩云。娶妻如何。匪媒不得。待我用心慢慢裏與你說合便了。自古婚姻事。無媒失大儀。〔淨〕得他心肯日。是我運通時。請了。〔下小生〕咳。棒胡棒胡。我怎肯與你爲媒。壞此戒行。若不諾其所請。必致變成大禍。且待明日遣一香火報知楊奶奶。使令孝女趨避。免被惡少所辱。貧道亦就棄此檀越。往泰山去也。

〔沽美酒帶太平令〕俺避紅塵隱翠微。履三山訪九嶷。野鶴孤雲無定期。黃石訣。紫芝詞。也不去談天說地。也不去爭名奪利。尋一所小小茅廬。和露種碧桃。千樹清夢穩。鶯啼何處。棒胡。我笑伊。你好癡。怎如俺布衣呀。強似你膏粱羅綺。

尋得桃源好避秦。

箇中誰識避秦人。

從今拭卻降魔劍。

笑斫珊瑚可作薪。

### 第十齣 媒議

〔掛真兒〕〔旦上〕人遠天涯音信罕。那堪底事頻煩。〔丑上〕細雨檐花。清霜砌草。

對此偏增愁嘆。〔踏莎行〕〔旦〕悶積如山。愁深似海。堂前獨自無聊賴。〔丑〕人生光景不多時。鏡中只恐朱顏改。〔旦〕妾身杜氏。出自名門。久諧鸞鳳之緣。未叶熊羆之夢。自與相公分別。倏忽又及暮年。書信寥寥。好傷感人也。

〔黃鶯兒〕院落醞清寒。想征人衣尙單。歸音不寄南來雁。雙眸已乾。孤身未安。書香一脈誰承範。懶加餐。登樓幾度。疑是望夫山。

〔前腔〕〔丑〕草木半凋殘。怯西風不忍看。剛臨白晝先愁晚。同心帶寬。凌雲鬢灣。我這嬌容粉面都消滅。奶奶你免憂煩。羊腸古道。非比玉門關。〔旦〕院子那有。〔小生上〕朱月重重閉。清風日日來。覆奶奶。有何吩咐。〔旦〕今早着你請那鄰西收生楊媽媽。可曾去麼。〔小生〕請過了。〔旦〕你再去請。〔小生〕曉得。〔下貼旦上〕

〔海棠花〕草舍日多閒。何事人催喚。夫人萬福。請問呼喚老妾則甚。〔旦〕楊媽媽請坐。我家相公呵。

〔簇玉林〕箕裘業乏後傳。嘆奴家生育艱。〔貼旦〕夫人年時正茂。生育何難。〔旦〕向者勸

我相公娶妾。執意不從。我如今想他日復一日。年復一年。卻不蹉跎過了。特煩楊媽媽尋一媒妁。娶一少婦。送至任所。倘能生得一男。吾之願也。〔貼旦〕老爺不是不從。但慮夫人見忌。〔旦〕說那話來。  
小星三五原無患。漢宮春色均沾慣。〔丑〕奶奶。你假僂僂。一之爲甚。豈得再尋鸞。  
〔旦〕咄。胡說。〔貼旦〕夫人。

〔前腔〕你真賢慧。世所難。對湯髮無赧顏。閨幃正氣充霄漢。葛纍樛木周南讚。  
老妾有一姊女王氏。年已二十二歲。尙未嫁人。貧而行孝。相宜生子。見今倚傍寒家。待我對他說說何如。〔旦〕呀。媽媽。他既是貞孝女子。豈肯爲人次室。〔貼旦〕夫人。他父母俱亡。孤身無主。老妾已會其意。故敢斗膽告言。他影孤單。相從君子。儘可代蘋蘩。

〔貓兒墜〕〔旦〕坐來清論。孝行已班班。德性溫柔料不凡。煩伊宛轉去傳言。〔貼旦〕休憚。管教他早下妝臺。侍側承歡。〔丑〕楊大娘。你先對他說。

〔前腔〕月中仙桂。不許別人攀。倘若攀多鼻內酸。道丁香姐姐最好頑。〔旦〕丫頭。你又來無恥。〔合唱〕天天。但只願螽羽誑誑。掌上珠還。

〔貼〕斂衽去殷勤。

〔旦〕音聲側耳聞。

〔丑〕直從山下過。

〔合〕引出洞中雲。

第十一齣 解綬

〔清平樂〕〔淨上〕金魚白馬赫赫人驚詫。予奪權衡歸掌握。聲勢何如史賈。平

明旌節下羊城。喜氣遙應接鳳庭。父老羣然來叩馬。聲聲道我是財星。自家欽奉聖恩。巡行兩廣。窮追緝課。旁採珍奇。乾沒萬有百千。貢納十無一二。至于司郡庶僚。並聽啗家節制。休怪我留心謠詠。祇喜他曲意趨承。作者差官知會廣東宣撫司轉行廉州。取辦頂珠百顆。將報滑公之德。可惡該使烏古孫澤留執原票。公然抗違。正是恨小非君子。無毒不丈夫。今早駐節省城。不免大開轅門。容各官進見。〔小生丑上〕祿儉誰云薄。官卑自足榮。錢課官與典庫官叩頭。〔淨怒介〕哧。各屬大大官員不來參謁。誰要你來見我。〔小生丑〕請爺息怒。以小事大者。畏天者也。〔淨笑介〕這官兒到會掉文。且起來作揖。錢課官你地方上百姓爲何拖欠緡錢。〔小生〕老爺聽稟。〔西江月〕戶口遭逢饑饉。緡錢逋負顛連。循良之吏示蒲鞭。徵比原分急緩。自奉檄文催督。兢兢豈敢俄延。俯求恩典賜題蠲。戶

祝百年遺感。〔淨〕胡說典庫官。你這些時採辦何物。〔丑〕容稟上。〔西江月〕珍的是寸珠圓活。奇的  
是七寶玲瓏。珊瑚一種大如松。貓兒眼雙睛炯炯。自奉風雷號令。頓教帑藏豐隆。其他白鐵與青銅。  
〔淨〕這銅鐵要他何用。〔丑〕正所謂備而不用。〔淨〕可見你才幹有餘。收在本衙門用罷。〔丑〕謝爺  
擡舉。〔生上〕

〔前腔〕玉堂金馬。襟況多瀟灑。〔末上〕瞻彼巍巍車蓋也。撲面紅塵無那。〔丑〕稟  
爺。宣撫使烏古孫爺與廉訪司副使慶爺各有帖兒投見。〔淨〕他怎麼用帖兒。閉上儀門。着他由角  
門而入。〔生〕呀。你看這廝好放肆。爲何把中門閉了。叫左右。快與我打開。〔淨〕烏古孫澤。你敢打我  
儀門。好大膽。〔生〕徹里帖木兒。我和你對品同寅。均爲王使。這角門之禮。出于何典。〔淨〕狗才。獨不  
聞朝廷勅書乎。〔生〕奸賊。勅書欲怎麼。〔末〕兩位大人不消破口。〔淨〕我好惱也。

〔入聲甘州〕衝冠怒髮。惱得人氣噎。切齒磨牙。這顛狂鹵莽。無端打入南衙。  
〔生〕你那素餐尸位。本是井底蛙。做了嚼國吞民道上蛇。〔末〕君家。又何須叱  
咤喧嘩。

〔前腔〕〔淨〕知麼。朝廷有法。許誰人違忤。抵觸紛拏。我機心已定。管教他影落  
含沙。〔生〕生平忠直非自誇。請劍祛除佞與邪。〔末〕嗟呀。似蛟龍取笑魚鰕。〔丑小  
生〕烏古孫老爺。我兩箇小官呵。

〔解三醒〕勸恩臺妝聾做啞。休得要螳臂當車。〔生〕徹賊。你敢爲頂珠之事。憾我乎。

〔淨〕若題起頂珠一事。多奸詐。尙兀自口喳喳。〔生〕你惡端罄竹難書寫。貪穢  
熏天怎掩遮。〔末〕成話靶。願從新和好。廉藺情佳。〔小生丑唱〕

〔前腔〕霹靂威噴休爭罷。做老爺。你量寬洪笑罵由他。〔淨唱〕小名兒久已聞華

夏。遭指摘被嚙呢。〔生〕你道是金枝玉葉連姻婭。少不得甲帳淒涼怨落花。〔淨〕

這廝十分無理。快趕出去。〔末〕眞囉苜。論衣冠雅道。豈可相搗。〔淨〕狂夫氣概鬱嶙峋。

〔丑小生〕括目相看轉怒噴。〔並下生〕仰天大笑出門去。〔末〕吾輩豈是蓬蒿人。〔生〕慶稚卿。你看

這廝豺狼成性。虺蜴爲心。挾寵殃民。貪財賊國。我怎肯墮其術中。罷罷罷。今日只當棄職歸山也呵。

〔北端正好〕卸下了紫羅袍。解下了金魚袂。那稀罕脚上穿朱鳥。頭上戴烏紗。



愛則愛二。西山中雅。只落得自在無牽掛。〔末〕 老人家朝中柱石。天下羽儀。遽爾歸去。可不念頭差了。

〔滾繡毬〕〔生〕 俺念頭兒不差。主意兒也不假。祇想起身後的麒麟種寡。圖什麼眼前的富貴榮華。謾說道朝中柱石。和着那羽儀天下。則是我戰兢兢。旬宣王化。那裏肯半星兒辜負了官家。從來聲譽千金價。此去逍遙萬里。樣美玉無瑕。〔末〕 徹賊政苛猛虎。賊重毒蛇。大人一去。其如蒼生何。

〔叨叨令〕〔生〕 他只會開私賂。撓公法。恣聚斂。縱漁獵。肉山酒海。頻堆架。這都是黎民膏血。供朝夜。罵一聲潑佞臣也。麼哥。罵一聲潑佞臣也。麼哥。你的罪名兒。準準有天來大。〔末〕 老人家。撇了這條擔兒。果然高蹈也。〔生〕

〔偷秀才〕撇掉了這一條煩惱擔。肩兒輕卸。跳出了那一重是非門。身兒閒暇。學種青門五色瓜。隨野鹿。聽池蛙。再休想長安去看花。〔末〕 大人解綬歸田。不知可有章奏麼。

有章奏麼。



〔白鶴子〕〔生〕遙拜辭聖君呵敢指望賜玉環。又何須封章奏候黃麻。〔末〕卑職杯酒未具。情何以堪。〔生〕多謝你慘離離割不斷友人情。可憐我去匆匆說不及相知話。

〔收尾〕俺歸心早到東籬下。七尺綸竿牢自把。今日裏蹇驢兒勝是鳴珂馬。與先生們唱一聲喏別去也。〔下〕

〔末〕知他宦況已全銷。

肥遯山林遠市朝。

尋得浮丘翁住處。

便應回首白雲遙。

### 第十二齣 允娶

〔高陽臺引〕〔小旦上〕木葉聲乾。柴門寒峭。那堪孤雁嘹唳。滿眼淒其。此中憂憤如織。殘燈破壁黃昏雨。和淚珠萬點千滴。細思量親魂杳杳。碧天無極。〔菩薩蠻〕

形雲暗合西風起。西風凜凜愁無已。雞犬不嫌貧。相依薄命人。幾年愁緒亂。一任光陰換。厭浥有佳

篇。篇篇記得全。奴家噲能丸而苦志。飲雪片以寒心。疎櫺頹屋。面面皆風。弱質羸形。年年是病。自從

祖母亡後。幸隨姨母同居。叵耐里中棒胡。屢欲強婚逼娶。感承張道人調停。得寢虎狼之念。想起奴家自乳斷葷。曾師識字。當此奸雄注目之時。惡少垂涎之日。不若出家做箇道姑。隱居僻處。喫些安樂茶飯。免墮阿鼻獄中。正是心將流水同清淨。身逐閒雲無是非。〔丑扮媒婆上〕

〔普賢歌〕我做虔婆甚挑剔。三寸舌兒甜似蜜。西子可唐突。無鹽可刻畫。說合爲媒稱第一。呀。小姐萬福。請問令姨母楊媽媽在麼。〔小旦〕集上買米去了。媽媽到此何幹。〔丑〕

老妾此來。非爲別事。特與小姐求親。〔小旦〕誰使你來。〔丑〕是陳州第一個俊俏郎君。叫做棒大爺。〔小旦〕那無賴的又來纏擾。如之奈何。〔丑〕上好姻緣。不宜推卻。〔小旦〕媽媽請坐。聽我相告。

〔高陽臺〕苦海沈深。愁城危聳。孤身自許無適。〔丑〕這等樣月貌花容。難道永不嫁人了。〔小旦〕月貌花容。多應是變做焦額。〔丑〕休執仙郎有意尋妙侶。偏愛您少年顏色。望欣然玉成其事。早偕鸞吉。

〔前腔〕〔小旦〕蕭瑟甘守蓬門。不求金屋。辟纊苟度朝夕。〔丑〕若靠辟纊度日。不如揭帳生春。〔小旦〕辜負冰言。吾心難轉非石。〔丑〕差特合歡被底春似海。好笑你這

般偏僻。祇恐怕蕭牆禍起。鏡臺傾側。我且去回覆他。仙子元無意。良媒空自來。〔下貼旦上〕  
衡門終日閉。不許外人開。我兒出去的婦人是誰。〔小旦〕是棒胡遣來做媒的。〔貼旦〕如此怎麼好。

〔小旦〕

〔前腔〕那兇逆。數遣匪媒。幾遭抑勒。分明如鬼如蜮。〔貼旦〕你我女流。又無援手。不若嫁他。免遭毒害。〔小旦〕姨娘。我是鳳鳥投林。豈肯棲止荆棘。〔貼旦〕端的滿船空載明月也。笑虔婆故來纏及。恨只恨花枝無主。蝶窺蜂憶。

〔前腔〕〔小旦〕悲感。自小知書。從來茹素。祇園可寄蹤跡。〔貼旦〕你青年出家。終招牌

睨。男子生而願爲之有室。女子生而願爲之有家。鄰近烏古孫爺。四十無兒。他的夫人杜氏。托我尋個專房。以圖後嗣。你若嫁入他家。使棒胡不敢跳梁。老身亦有倚賴矣。〔小旦背唱〕這段姻親。

教人背地羞澀。〔貼旦〕今日。宜家納采。崇舊禮。那夫人十分賢德。倘能彀生男育女。錦衣玉食。〔小旦〕奴家向受姨娘大恩。敢不敬從媒議。

〔尾聲〕無端泄漏春消息。頻仗東君輕借力。〔貼旦〕從此後桃李芬芳香闥室。

〔小旦〕狡狡狂童枉用謀。

強人婚配使人愁。

〔貼旦〕也知貧富皆由命。

不是姻緣不聚頭。

### 第十三齣 入宅

〔錦堂春〕〔旦上〕光滿金鑰玉鈿。香餘月帔霞裙。〔丑〕朝來青鳥傳佳信。又見

一番新。〔南歌子〕篆霧龍文細。屏閒雀影寒。畫堂深處碧闌干。〔丑〕高捲水晶簾。額看芝蘭。〔旦〕妾

因夫君無子。日夕關心。前承楊媽媽以姊女王氏許嫁我家爲妾。昨已具過茶禮。約在今日送來。適

遣老院婆接入宅。還未見到。

〔前腔〕〔小旦〕陋質難堪箕箒。嬌羞欲避人羣。〔淨〕行來咫尺侯門近。〔貼旦〕喜

處更含顰。〔淨〕稟奶奶知道。新人到門了。〔旦〕丁香。快去請來相見。〔丑〕常言道。先進寺門是我大。

我不去請他。〔旦〕賤人。你不去敢是討打麼。〔丑〕諱介。便去牽他進來。阿也。好標致。楊大娘請進去。

〔貼旦〕奶奶萬福。我兒。你就過來拜見奶奶。

〔三學士〕〔小旦〕瞻仰慈幃勤拜懇。念奴家年幼孤貧。星星未脫蓬茅性。恰恰

多慚蒲柳身〔合〕鳥托上林棲既穩。喜孜孜春日溫。

〔前腔〕〔旦〕半世孤單眉黛損。嘆庭除蘭桂蕭森。願伊早獲傳宗信。慰我先懸教子心。〔合前〕

〔前腔〕〔貼旦〕囑付吾甥當守謹。〔丑〕楊大娘。你好差矣。若是教他手緊。我這宅子裏羣小怎能過活。〔貼旦〕不是說手緊。謹留心侍奉晨昏。夫人俯求福庇蒼頭女。勝是恩憐白髮人。〔合前〕

〔前腔〕〔丑〕非是多言及弄脣。且當場說個元因。則索要畫開鼎足三分勢。不許獨占巫山一片雲。〔合前旦〕叫合宅男女們。今後皆以新姨相稱便了。〔淨〕曉得。〔貼旦〕老婆告辭。明日再來。雖非花燭夜。聊作洞房春。〔下外上〕車馬和鑾近。家庭喜氣均。啓奶奶知道。老爺回來了。〔旦〕有這等偶然。豈非天作之合。快開大門迎接。〔生上〕

〔勝葫蘆〕途路風霜受苦辛。方入宅便歡忻。〔旦〕相公請進。〔生〕瞥見細君無恙。消愁悶。故園仍舊。松菊依然未全貧。〔小旦作避虛下生〕莫笑區區遯賦歸。行裝琴鶴兩相

依〔旦〕知君元是清狂客。不逐紅塵遠是非。〔丑〕丁香叩頭。〔生〕起來。夫人。我纔進門來。見一穿紅女子。爲何避去。〔旦〕你問他怎的。相公且把歸致緣由。試說一番。然後以情相告。

〔啄木兒〕〔生〕承垂問。略具論。自往天南已樹勳。有一駙馬。叫做徹里帖木兒。欺侮下官。呵。恨奸臣狀似豺狼。啖黎民味若雞豚。〔旦〕想是相公被他中傷了。〔生〕他誇張不禮人先進。我激昂直刺言無隱。因此上拂袖歸來理鈞綸。

〔前腔〕〔旦〕明且哲。善保身。進退知機獨羨君。既優游志在青山。且從容說出紅裙。〔生〕那紅裙是我家親戚麼。〔旦〕不關親戚來相訊。〔生〕敢是螟蛉他人女兒。〔旦〕也非乞養圖廝愿。單爲你娶個疊被鋪牀第二人。

〔三段子〕〔生〕心驚耳聞。念卑人何求小星。〔旦〕情真意肯。勸良人宜從此姻。〔外淨〕老爺。你雖是月中老兔。憐秋孕。不若枝頭結子當春信。孝道爲先。請乞笑允。〔生〕既承夫人厚情。請問是那家女郎。〔旦〕是鄰近王家處女。〔生〕且喚來相見。〔小旦復上拜

唱〕



〔前腔〕低回自忖。愧寒微難充下陳。〔生作覷介〕胡盧自哂。喜端詳堪居次賓。

〔丑〕新姨忒殺多謙遜。〔背唱〕老兒學得虛幫襯。拋撇奴家。端的是狠。〔旦〕天色

已晚。院子出去罷。〔外應下旦〕丁香。你可領着女使們。今夜就送老爺到新姨房內安寢。我去治酒

送來。〔生〕夫人且消停。〔旦〕閉門不管窗前月。吩咐梅花自主張。〔急下生〕

〔歸朝懽〕呀。冤家的。冤家的。苦苦用情。頓教我淚珠頻隕。〔小旦作羞介〕今宵會

今宵會未知怎生。〔丑向小旦唱〕這云云。好一似貓兒喫腥。〔淨〕結成老陽少陰緣

和分。雙雙又作鴛鴦陣。褥軟芙蓉百夜恩。

〔生〕喬客新從夢裏來。

〔小旦〕相攜雲雨楚陽臺。

〔丑〕分明春色東歸早。

〔淨〕豔李穠桃一夜開。

### 第十四齣 致歸

〔小蓬萊〕〔外上〕兩鬢全銷官況。一經已振家聲。〔貼旦上〕年光易老。幾多鄉思。

無限閨情。〔外〕滿天風雨破寒初。黯黯征愁上客車。〔貼旦〕只恐渡江歸去後。梅花誰折寄吾廬。



〔外〕夫人。我許益官爲郎秩。冷擬廣文。報績三周。淹留十載。茲想權臣當道。豈容俊義同朝。前者具疏乞休。至今未見邸報。且待進祿回來。便知端的。早間會一嶺南使客。說道烏古孫潤甫與徹里帖木兒抗禮有嫌。掛冠歸去矣。〔貼旦〕他如此美官。怎肯棄任。

〔懶畫眉〕〔外〕他是個人中龍虎濟時英。怎肯學牛馬趨承毀令名。好笑我白頭郎署似馮卿。淹留歲月圖僥倖。只落得一事無成兩鬢星。

〔前腔〕〔貼旦〕君家原是老書生。仕路須知有愛憎。營營樊棘止青蠅。休誇肘後黃金印。總不如瀨水灘頭釣月明。〔小生上〕

〔前腔〕碧梧零落抵燕京。直到繞樹瓊花返秣陵。你看風光不改舊門庭。老爺奶奶叩頭。〔外〕進祿你回來了。乞休事體。可曾命下。〔小生唱〕喜綸音已下中書省。恩賜歸

田保暮齡。〔貼旦〕且喜旨意已允。相公幾時起程。〔外〕即日戒行。進祿快去稅舟應用。〔小生〕理會

得。〔淨扮舟人唱山歌上〕昨夜江邊春水生。鱗鱗巨艦一毛輕。向來枉費推移力。此日中流自在行。〔小生〕稍手過來。怎麼不應。待我高叫他。稍手過來。〔淨〕來了。〔小生〕你敢耳聾的。〔淨〕耳到不聾。

船便聾的〔小生〕那有此話。〔淨〕汨羅江上鬪龍船。卻不是聾的。〔小生〕這是蛟龍之龍。〔淨〕你若  
不說。直聾到底。〔小生〕不要閒說。我奉戶部許爺台旨。僱你船隻到青州去。重重有賞。〔淨〕大官傳  
諭。只管奉承。〔小生〕泊此伺候。稟爺。船已覓下。請乞登臨。〔外〕

〔排歌〕彩鷁孤飛。青帆片輕。中流一望如平。閒心早與野鷗盟。歸思還同旅雁  
情。〔小生〕老爺。你蠅頭利。蝸角名。不如漁父棹歌行。千重網。萬丈坑。從今脫卻向  
滄溟。

〔前腔〕〔貼旦〕鳥悅波光。魚灑水聲。悠悠日淡雲橫。凝眸不見石頭城。一曲陽  
關繫客情。〔淨〕老爺。你塵襟淨。宦況傾。香山結社有誰爭。前途暮。隱復明。半疑星  
斗半疑燈。

〔外〕放棹下平沙。

〔貼〕江城奏暮笳。

〔小生〕聲聲如泣訴。

〔淨〕遊子在天涯。

第十五齣 招納

〔水底魚〕〔末上〕日日操戈開山力氣多。逢場作戲春風到處和。姓名弓伯長。武藝最高強。來覓英雄漢。何須問故鄉。前日小子在於汴梁馬頭耍拳。一會遇着一個撮弄的朋友。叫做烏六禿。甚是乖巧。他說陳州城外有箇棒大爺。十分豪俠。招納叛亡。教我先到此地。期在今日同去投謁。遠遠望見他也來了。〔丑上〕

〔前腔〕背曲腰跏。箱中把戲多。人人好笑。笑咱們偷了鵝。〔末〕書罷籠鵝去。何曾別主人。卻像是偷的。〔丑笑介〕呀。被你知道了。張兄果先在此。就到棒家去罷。〔末〕烏兄。我你若去見他。送些人事便好。〔丑〕講得有理。只是我不會備得。有處有處。我近日打從函關過來。偶得一本書集在此。送他何如。且拿出來與你看看。〔末〕小弟不識一丁。看他怎麼。我有一幅古畫。乃是彌勒佛像。併送更通。〔丑〕有此書畫。絕妙者也。待我引道前去。〔丑末同唱〕

〔雪獅子〕垂楊樹綠婆婆。垂楊樹綠婆婆。穿過了這高坡。見妖嬈妓女當壚坐。多情處。多情處。雙眼兒秋波。叫道好哥哥。今日來也麼。明日來也麼。若肯來時。喫些茶果。閃得我快活呵呵。〔丑〕此間已是棒家。裏面有人麼。〔淨上〕

〔秋夜月〕金叵羅。酒泛蓮花朵。昨宵醉醒還流唾。叫小廝。試看門外誰相顧。留之不可。〔小生上〕不留亦可。兩位何來。〔丑末〕小哥。我兩個來見你家大爺的。〔小生〕少待。〔作

稟介淨〕喚進來。〔丑末〕我小人仰慕大爺聲名。如雷灌耳。特從汴京而來。欲投門下蔭庇。薄呈書畫二事。以爲進見之儀。〔淨〕這書是識緯之書。正思仰聞。忽焉而至。那畫兒是布袋和尚。好古怪。昨夜夢見他來拜我。今日果應其然。二位莫非天上差來的。〔丑〕差不多兒。〔末〕又來說天話。〔淨〕小廝收了書畫。快備酒飯。二位姓甚名誰。有何本事。〔末〕小人弓伯長。武藝頗精。耍拳爲最。〔丑〕小人烏六禿。飛梁走柱。撮弄尤佳。〔淨〕請各試演一回。〔末〕待我來。〔打拳介〕

〔駐馬聽〕掌擦拳摩。鷓子翻身似擲梭。打出雙龍入海。五虎搜山。八臂降魔。〔作使刀介〕這三停刀法白猿拖。〔使棍介〕那連珠棍勢。猱獅舞。〔淨〕好本事。〔末〕

武藝如何。只止見烟塵抖亂。滿天星火。〔丑做撮弄介〕

〔前腔〕急急鳴鑼。三套圈兒變幻多。撮出金蓮獨步。一斗黃梁。半疋紅羅。再撮出普陀山上白鸚哥。又撮出蓬萊山頂神仙果。〔淨〕妙妙。撮得乾淨。〔丑〕撮弄如何。

欲做那飛梁走柱。怕人瞧破。

〔前腔〕〔淨〕絕技名科。幸喜君從草舍過。謝你兩人佳貺。六甲天書。一幅彌陀。

〔末〕是彌勒尊佛。〔淨〕我說錯了。小廝將酒過來。得高歌處且高歌。三杯美酒同歡賀。

兩位賢契結義如何。〔末丑〕多謝大爺。〔淨〕從此後雷陳契合。休分爾我。

〔淨〕江湖豪俠獨稱咱。

〔末〕萍水交歡亦可誇。

〔丑〕休戀故鄉生意好。

〔小生〕受恩深處便爲家。

## 第十六齣 祈熊

〔十二時〕〔小旦上〕西陸秋光早。見檻外紫薇開了。義處偏帷。力行正道。無奈媼

兒卻也妝喬。心裏自能分曉。習習清風拂鏡函。幽禽啼向小窗南。不如意事常八九。可與人言

無二三。奴家自入門楣。專工針線。感夫人優遇。姊妹情同。蒙老爺珍重。主賓禮待。惟有女奴丁香。語

言每每妬忌。我想這樣賤輩。與他爭甚高低。正是非終日有。不聽自然無。

〔二郎神〕梳妝了。想當時這憂心悄悄。幸嫁入侯門能自保。身體髮膚。稟之於親。今

奴家深受主人厚待。卽劬勞之恩。無以加矣。東人珍愛。爭如生我劬勞。海樣山般恩。不  
小。是何日啣環相報。咳。丁香。你道我是什麼樣人。我這裏清操。似庾嶺梅英。楚畹蘭  
茗。只是我夫人每以衽席相讓。使奴家寢處何安。

〔集賢賓〕他賢賢易色情更好。推開錦帳春宵。我暗地含羞。還怕笑。怕笑我專  
歡恣樂。〔丑暗上作聽介小旦〕喜得夫人已有半年身孕。豈非天報其賢。我且撮土爲香。對天禱祝。  
願他必生貴子呵。向虛空拜禱。願早賜維熊佳兆。〔丑下介小旦〕呀。窗後有一女子走去。  
想是丁香竊聽了。我堪懊恨。空做出許多奸狡。你看庭前花艸生香。只索採些簪戴。〔作採  
花介生上〕

〔轉林鶯〕閒來清玩景最饒。庭前綠媚紅嬌。幽禽樂意嚶嚶叫。見佳人獨自逍  
遙。在此攀花拾草。眞個是閨中年少。〔丑復上作張視介小旦〕賤妾不知老爺進來。失於迎  
候。望乞恕罪。〔跪介生〕起來。你在這裏折花壓。取過來。撚花梢。爲伊簪戴。掩着翠雲翹。我  
一向不會問得你。外家更有何人。〔丑上聽介〕

〔啄木兒〕〔小旦唱〕蒙垂念。淚點拋。父母長眠天地老。此時止存祖母一人。苦他們泣守風燈。是奴家奉養霜毛。〔生〕他如今在麼。〔小旦悲介〕到如今黃臺抱蔓都消耗。帝鄉縹緲空瞻眺。剩得我雨外孤鳩入鳳巢。〔生〕你且不必墮淚。我與你做些佛事。追薦他便了。〔小旦〕多謝老爺。〔丑走下介〕

〔黃鶯兒〕〔生〕聽說這根苗。鐵心腸也動搖。待明朝。爲你親修醮。老天老天。我妻實可表。妾亦可褒。女中難得兩個賢和孝。適間丁香進來。〔小旦〕賤妾在此禱告奶奶。生位貴子。拜起時節。但見其影。不見其形。〔生〕笑兒曹。偷鈴掩耳。莫不是妬妖嬈。

〔小旦〕重門雖設喜常關。

燕子雙雙語未閒。

〔生〕勸爾不須愁思發。

恐將玉筯掛朱顏。

### 第十七齣 挑鬪

〔掛真兒〕〔旦上〕睡起恹恹如病酒。心兒裏乍喜還憂。運協紅鸞。夢回玉燕。屈指偏驚時候。絲絲細雨散清涼。池館殘荷帶水香。試看雞冠花正發。一天秋色下瀟湘。妾喜新秋



入宅。儘能代理中庖。況且他勤慎溫良。略無齟齬。我也十分器重。以禮待之。不意妾身懷妊。未卜熊蛇。每日擔憂。不施膏沐。今早起來。好不自在也。

〔綿搭絮〕芙蓉嬌態。恰像不禁秋。懶向妝樓。生怕風搖白玉鈎。病心頭。厭喫珍饈。漸覺羅裙帶短。繡襖襟兜。愧殺我老蚌含珠。怎向堂前禮數稠。怎向堂前禮數稠。〔丑上〕人心參不透。鬼話冗偏長。奶奶請茶。〔旦〕丁香。新姨在那裏。〔丑〕這時候還睡在牀上。

與老爺講清話哩。〔旦〕雞初鳴。咸鹽漱。他是讀書女子。豈肯留連荒亡。〔丑〕阿呀。豺向虎頭搔癢。蠅從牛背吹毛。奶奶信他是個好人。喫盡了你的骨髓。還不曉得。奶奶聽稟。

〔泣顏回〕莫怪我吹求。論人心毒似蛇螫。〔旦〕怎見得。〔丑〕前日婢子到太湖石畔。聽見

新姨對天咒奶奶花胎早墮。六甲俱空。苗而不秀。秀而不實。卻又拋泥三次。拜了兩番。做個鬻陽之法。〔旦〕或者撮土爲香。禱告別事。你莫非聽錯了。〔丑〕他明明咒詛。那些兒意好情投。

以後採花閒耍。適值老爺進來。他又做出許多嬌態。我老爺與他呵。簪花滿頭。蕩春心。挽住了纖纖手。〔旦〕這是閨中常態。說他怎的。〔丑〕奶奶好笑。他歡喜之中。不知爲何哭將起來。方纔

見喜地歡天。忽然間綠慘紅愁。

〔前腔〕〔旦〕思量半晌更躊躇。怕趙家飛燕毀譽藏闔。丫頭你聲聲僂僂。類桑林喚雨班鳩。〔丑〕奶奶。我是個極老實的。怎敢說謊。〔旦〕咄。賤人跪下。你可是妬忌新姨麼。他是良家好逑。性幽閒且自多忠厚。你如今掠是搬非。干討得鬼哭神愁。叫院婆。討拶子

過來。〔丑〕奶奶饒恕。〔生上〕

〔石榴花〕朝來雨歇涼思淡悠悠。閨中鬧炒未停休。呀。夫人。你緣何色變欠溫柔。試與我說個根由。〔旦〕小丫鬟無中生做有。謗新姨對天罰咒。〔生〕咒誰。〔旦〕說他咒我花胎早墮。六甲俱空。我想新姨決無此事。明係賤人造謗。所以在此着惱。又道你在閒庭話綢繆。他就垂清淚溼輕裘。

〔前腔〕〔生〕交交黃鳥。時向上林遊。空勞長舌語謏謏。那日新姨曾向我說。對天祈願

夫人。生位貴子。以酬賢德。今日呵。險將恩愛變成讎。喜娘行德量偏優。我問他雙親今在否。因此上暗拋紅豆。好笑這小賤人恁般無理。爲甚的妬賢良弄機謀。傾秦晉

搆孫劉。叫院婆。取皮鞭來打這賤人。

〔剔銀燈〕〔丑〕雖則是雲停雨收。可不想舊時的情竇。鶯鶯行狀黃昏後。也曾聞河東獅吼。爹行千休萬休。休將那皮鞭緊抽。

〔前腔〕〔生〕姑念你朝歌暮謳。姑念你持觴侑酒。姑念你流黃夜織春蔥瘦。夫人。我討個面皮罷。權記取這回出醜。〔旦〕駑駘好不識羞。洗不清湘江水流。

〔餘音〕〔丑〕從今收拾如簧口。謝夫人慈悲寬宥。〔旦〕咄。還不去。〔生〕丁香。丁香。你錯認隨風轉舵舟。

〔旦〕耳邊何物絮叨叨。

〔生〕不是鶻鷓是伯勞。

〔丑〕從此深藏牢閉舌。

〔合〕免遭彈弋失翎毛。

### 第十八齣 賜胤

〔賞宮花〕〔未上〕天王至尊。端居白玉京。蕊珠宮殿裏。鳳鸞鳴。〔合〕但見大將桓桓騰九氣。真仙濟濟會三清。五雲高處焰摩天。風雷雷霆萬里權。作過世間無限事。檄書

先到玉皇前。小聖奏書博士。出入天門。往來雲路。宣上帝之勅旨。傳百神之奏章。旌其善而懲其惡。赫赫無私。激其濁而揚其清。冥冥不爽。今當上帝垂拱之日。恐有仙官奏事。只索在此伺候。〔外上〕

〔前腔〕無形有靈。遨遊百二城。糾察賢和否。奏天庭。〔合前〕吾乃日間遊神是也。向日聽烏古孫澤之妾王氏。百口道及正室杜氏之賢。屢屢爲其祈子。小聖咨訪土地。覆核相同。今值杜氏分娩之期。不免奏聞天帝。賜彼一男。以彰其德。此間已是金闕了。〔末〕奏事宜不得上殿。就此披宣。〔外〕臣大梁等處日遊神奏啓。

〔古女冠子〕誠恐誠惶。乞俯聽。自承奉帝皇勅令。神遊曾至陳州境。烏古氏世簪纓。爲人沈靜。居官清正。嫡妻杜氏賢無比。侍寵王姬孝有名。思省端的是一門二行。〔末〕聖旨道。據爾所奏。德行可嘉。還當備述顛末。以便勸賞施行。〔外〕那烏古孫澤呵。

〔前腔〕年齊不惑。弓裘冷。念結髮固辭儲聘。還堪羨。閨中杜氏多恭敬。私娶妾每留情。必戒必欽。無爭無競。只圖早種藍田玉。不忌重開孔雀屏。耿耿惟願着子孫昌盛。〔末〕聖旨道。其妾王氏有何令名。并奏上來。

〔前腔〕〔外〕王姬孝順曾孤另。事君子肅肅宵征。見嫡妻懷娠求麟定。崇日裏拜神明。論他的善心。天須感應。乞恩降福酬三姓。賜子多齡列九卿。允請使小臣不勝欣幸。〔末〕聖旨道。烏古孫澤廉平自守。倫義不乖。妻杜氏賢德無儔。允宜有子。特勅歲星

下世。與他爲嗣。官登二品。蔭及五孫。妾王氏前係掌書仙女。久謫塵凡。今旣孝名獨著。善念尤勤。候其告終。速徵歸位。用彰內闈之賢。庶協下方之請。謝恩。〔外〕善哉善哉。〔小生扮歲星二旦持符節同上〕

〔滴溜子〕彤芝蓋。彤芝蓋。紅雲幾層。黃金闕。黃金闕。瑤天萬頃。聖旨敢不躬領。東方一歲星。結廬人境。若問歸時。百年鐘磬。〔外末〕小聖輩候送星官一程。〔小生〕不敢勞重。〔衆唱〕

〔朝元歌〕迢迢太清。紫氣含陽景。熒熒玉繩。白燦橫秋影。縹緲仙風。鸞驂鶴乘。最喜彈冠相慶。躔度羣英。回看尙依雲外旌。曼倩是前生。崑崙阿母驚。夢魂初醒。都化作碧桃紅杏。碧桃紅杏。

躬承寶勅下雲端。

爲報賢良心地寬。

盡道他家生貴子。

安知我輩是星官。

### 第十九齣 弄璋

〔臨江仙〕〔生〕長嘯投閒心已矣。功名還羨鷗夷。蒼天留意賜麟兒。庚星曾入夢。甲子始成儀。無官一身輕。有子萬事足。歲月苟能挽。探薇商山曲。自家仰承天地覆載之恩。俯賴祖宗蔭祐之德。夜來室人杜氏分娩一男。使我十分歡喜。頓忘顧後之憂。百世蒸嘗。甫遂崇先之願。正是着意種花花不發。等閒插柳柳成陰。院子何在。〔小生上〕堂上一呼。階下百喏。覆老爺有何台旨。〔生〕吩咐庖人治酒。〔小生〕備下了。〔貼旦上〕

〔福青歌〕老年人收生活計。小郎君生得頭玉眉翠。〔丑作抱小兒笑上〕思量何物哭啼啼。一張闊嘴。恰像有食牛之氣。〔貼旦〕老爺恭喜。〔生〕楊媽媽。勞動你。〔貼旦〕奶奶着我同丁香姐懷抱公子。送與老爺觀看。并請命名。〔生抱介〕

〔玉抱肚〕呀。瞥然驚異。我孩兒蘭芽桂枝。況盈盈秋水精神。更稜稜玉骨清奇。



何妨錯寫弄聲書。信是吾家千里駒。

〔前腔〕〔貼旦〕明知就裏。〔生〕明知什麼來。〔貼旦〕抱曾參曾聞仲尼。喜今朝錦襪藏身。着他年金榜名題。〔丑〕老爺。真個是海中仙。果子生遲。雪裏高山未白時。〔生〕丁香。你且抱好了公子。不要驚他。媽媽。煩你進去上覆奶奶。要保重些。公子取名良禎。〔貼旦〕曉得。黃金容易得。白璧最難求。〔同丑下。外衣巾同淨庶服上〕

〔字字雙〕烏古孫公罷相歸。〔外〕高致。〔淨〕出門倒着白接離。〔外〕遊戲。〔淨〕夜來已得掌中珠。〔外〕天與。〔淨〕輕輕敲破腳踝皮。〔外〕打喜。〔生趨迎介〕列位鄉丈。薄席已設。不消敲罷。〔淨笑介〕敲也不會敲。筵席先已備下。若是認真敲將起來。喫不盡許多了。〔外〕恭聞老先生弄璋之喜。里中諸輩。特具菲儀奉賀。〔生〕禮儀概不敢領。單收帖兒。以見厚情。院子取公服來。〔淨〕小子有一言相告。昨夜三更時分。拙荆紡織未眠。聞得半空中環珮鏗鏘。笙竽嘹唳。說道送入烏古孫宅去。初不知其爲何。今早忽聞老大人得了公子。一則稱慶。二則奉報。〔生〕學生何德所致。有此奇兆。〔外〕叫樂人進來吹彈。吾輩以盒酒相勸。〔生〕免勞賜罷。就請登筵。院子看酒來。



〔山花子〕堂開綠野筵。初啓。葱葱瑞靄充闔。〔淨〕小子乃是壠斷鄙夫。不敢僭越上坐。〔生〕說那裏話。荷高情。扳留允宜。鄉黨中豈論高低。〔合〕喜盈盈瓊卮滿。攜檀槽絃響。簫管吹歡娛。此時狂若癡。共看雲中鸞鷲高飛。

〔前腔〕〔外淨〕郎君定是非凡器。吐清輝。鮫室明珠。念吾儕繩樞布衣。借餘光照及寒微。〔合前末上〕欠錢如管轄。討債似催科。把門大官。聞得近側吉一叔在尊府中赴席。煩乞轉致。說道富員外家差人在門外等你。〔小生〕知道了。你且到那邊等着。〔末下介小生〕那一位是吉一叔。〔淨〕是我。〔小生〕富家有個大官在門外等你說話。〔淨〕等我我不喫了。告辭。老大人去罷。〔生送酒介〕

〔太和佛〕太白雙擎樂有餘。何故苦推辭。〔外〕朱簷畫棟。日影已西移。豈可再徘徊。〔淨〕紅潮登頰心先醉。〔背唱〕只恐怕門前輕薄。不去又來催。〔生〕你唧唧噥噥。爲我說詳細。方免得狐疑猶豫。〔淨〕老大人在上。小子家貧難活。借得富員外家印子錢五千。已償其利。今日要拿我去追併本錢。無可奈何。〔生〕卻是這個緣故。你也不須憂慮。院子過

來。急急裏支取青蚨代償之。〔小生〕領鈞旨。〔下淨〕多蒙代償。將何補報。

〔舞霓裳〕我感取恩波活枯魚。活枯魚。〔外〕吉兄。你願取恩臺壽者願。壽者願。

〔淨〕鰕生今日遭奇遇。除是身爲犬馬效驅馳。〔生〕常言道濟人之急。並不是

鈞譽沾名做聲勢。學生席雖簡薄。必求鄉丈委頓而別。同到東園步步何如。〔外淨〕謹依尊命。

〔同唱〕

〔紅繡鞋〕東園載酒委蛇。委蛇。西園沈醉方歸。方歸。香霧散。暮雲迷。歌金縷。舞

氍毹。湯餅會。更先期。湯餅會。更先期。〔外淨〕告別了。〔生作醉介〕請了。〔外淨〕酒中不語真

君子。財上分明大丈夫。〔下衆作扶生介〕老爺已醉。扶將進去罷。

〔尾聲〕玉山將倒須扶去。又早見月明天際。〔生〕我喜上心來不自持。

丹桂飄香滿畫堂。

月中仙子賀仙郎。

而今不羨燕山叟。

更比燕山遶樹芳。

第二十齣 報命

〔生查子〕〔末上〕乾坤和氣充。日月恩光重。攬轡問痾瘵。據案裁繁冗。眇眇孤臣

寄海濱。幾番清夢入楓宸。相逢盡說當今事。貴殺黃金賤殺人。自家廣東廉訪司副使慶童是也。胸藏經緯。氣負英雄。文場治國安民。武可談兵訓卒。雖居豸職。未展鴻猷。爭奈虎狼塞路。有礙麟遊。則憐鴟鵂號天。終遭梟食。可恨徹里帖木兒倒持倫紀。凌毒縉紳。因受烏古孫公之辱。每常遷怒於我。已經摘其惡狀。具奏官裏。且待承局京回。便知音信。正是身居虎口猶安坐。命棄鴻毛更疾呼。

〔錦纏道〕負英雄。這丹心高懸九重。耿耿許誰同。恨奸臣居然似虎如熊。一味價弄天綱。凌夷士風。剝得個赤離離。財盡民窮。我直節慕龍逢。肯偷生甘爲鬪茸。咳。烏古孫大人。你如今呵。逃名入剡中。早驚覺邯鄲春夢。好將尺素寄來鴻。〔外上〕

南越乍回銷客淚。長安不見使人愁。承局叩頭。〔末〕本章幾時上的。〔外〕老爺聽稟。

〔普天樂犯〕荷丁寧勞征鞞。戴星往會齎貢。〔末〕有何話說。〔外〕天顏動。天顏動。振電驚虹。險些兒剖鳳剗龍。〔末〕那時怎麼。〔外〕聖上呵。回嗔轉容。勅恩官閒住。彼醜尊崇。聖旨道。慶某恃才縱肆。捏謗命臣。本當重處。姑着閒住。徹里帖木兒照舊供職。中書省知道。

〔未〕聖上不納忠言。我就解綬去也。

〔古輪臺〕笑融融。而今履跡任西東。追尋萬樹桃花洞。免勞譏諷。解組歸農。也強似畏途迎送。決勝調籌。連衡合從。算來都是一場空。功名何用。〔外〕論前人自始還終。牧羊守節。聞雞奮義。炙魚殉勇。青史有遺蹤。膺天寵。安車指日召明公。

〔餘音〕〔未〕清風半榻琴三弄。堪鄙那書空殷仲。〔外〕禍福難憑塞上翁。

飄然歸去作閒人。

鎮日垂竿遠市塵。

寧使山陰訪安道。

豈容林下臥辛賓。

### 第二十一齣 訓讀

〔紫蘇丸〕〔小旦上〕窗上曉光初滿。掩鏡鸞拈針消遣。追思陳迹也徒然。天已從人願。相去日已遠。衣帶日已緩。奴家爲何道此兩句話兒。只因祖母棄世。不覺十有餘年。面壁悲傷。

終爲無益。好笑了。香造謗生非。幸得夫人白我心迹。但奴家志想出家。義甘受侮。所喜者嫡子良禎。

聰明賢孝。雖則從師習學。居常每見輕佻。感遇夫人厚情。着我早晚教誨。彼以庶母稱尊。我亦愛如己出。若得他成人立業。庶不負筆舌辛勤。好似紅杏出牆桃傍水。一般顏色兩般看。〔丑上〕

〔步步嬌〕畫閣朱扃人如婉。我何事常蠅點。我丁香往往惡口毒舌。陰謗新姨。誰想他反加許多美意。教我好羞慚也。如今只索負荆請責。以贖前愆。〔作負荆介〕今朝赧赧然。錯效驪姬。空投飛箭。〔作跪介小旦〕丁香。這是做什麼勾當。〔丑〕願新姨恕賤婢之罪。悔過向妝前。負荆請罪求方便。

〔江兒水〕〔小旦〕項羽重瞳目。從來不識賢。何妨你是重臺賤。笑予簾外新歸燕。等閒未見春風面。合受蜂僂蝶怨。〔丑〕二奶奶。賤婢是老鴉口。楊花性。不要作准罷。〔小旦〕囑付楊花。莫攪亂自家庭院。丁香。你既知罪。且起來隨我到奶奶那邊告謝一聲。〔丑〕敬從所使。〔小旦〕知過須當改。〔丑〕受恩不敢忘。〔並下小生扮烏古孫良禎上〕

〔五供養〕詩書萬卷。由義居仁。聖聖相傳。偷看師已去。還怕母多嚴。這青團佳扇。揮動處餘香堪玩。此是太湖石畔了。蜻蜓飛上下。轉過粉牆邊。試拍取雙雙繫。

纏紅線。〔作拍蜻蜓介小旦上〕

〔玉交枝〕弓鞋步淺。觀郎君攀緣弄頑。輕輕趨抱低低喚。慮他們未慣驚弦。良  
禎兒。你書到不讀。頑得好哩。〔小生〕庶母拜揖。孩兒要娘拍這蜻蜓與我。〔小旦〕咄。你不能苦  
志期大觀。反將微物來幽盼。我想三國時楊脩九歲能文。你如今年已十一歲了。論奇才  
楊脩幼年。比楊脩還多二年。

〔園林好〕〔小生〕謝娘行提撕教言。恕孩兒佻儇好閒。從此黜浮崇善。圖五鼎  
報三遷。圖五鼎。報三遷。〔小旦〕今日讀那章書。〔小生〕詩經小宛第四章。〔小旦〕背讀與我聽。  
〔小生〕題彼鵲鴿。載飛載鳴。我日斯邁。而月斯征。夙興夜寐。無忝爾所生。

〔川撥棹〕〔小旦〕你生無忝。要埋頭當自勉。但囑你急急爭先。但囑你急急爭先。  
惜分陰。青藜可燃。小神童作狀元。步蟾宮入杏園。

〔尾聲〕風雲際會男兒願。有日攀龍飛上天。〔小旦〕不枉你雙親養育艱。

年紀雖然小。

文章日漸多。

待看十五六。

一舉便登科。

第二十二齣 社會

〔雙勸酒〕〔淨〕赤繩命窮。使人惶恐。紫微運通。乘機騷動。甲兵十萬在胸中。是何年唾手成功。嗔家棒胡的便是。半生詭譎。百事乖張。幼時習些鎗法。運動如神。向年得了奇書。擲揄似鬼。追縱張魯。步武仙芝。謬稱彌勒降生。散布狂言惑衆。巨惡元愆。星羅棋峙。善男信女。景仰雲從。自慚黃口雛兒。號做白蓮社主。恨殺那無情的烏古孫郎。收拾我有緣的王家女子。未遑報復。且舉遠圖。喜得弓伯長烏六禿二人。頗稱驍勇。初旣結爲兄弟。今復拜作師徒。向來聚得二千五百人。焉能濟吾大事。待足一萬。方可號令。不免廣開齋供。結納人心。徒弟那有。〔末丑上〕

〔前腔〕朝西暮東。齊梁燕宋。生涯不同。耍拳撮弄。白蓮會社做香公。強如奔走飄蓬。師父稽首。〔淨〕徒弟。今當彌勒降生之日。他是治世福神。只索建一道場。設法供奉。必有衆姓燒香。你可留他素饈。〔丑〕曉得了。請問師父。何以謂之道場。〔淨〕坐朝問道之道。白駒食場之場。故爾謂之道場。〔丑〕講得妙。〔同唱〕



〔鐸兒〕蓮華法雨飄清供。楊枝甘露灑虛空。南無願尊重。彌勒聖躬。錚鏘鼓  
鍾。聲音冗冗。若講經文。便覺懵懂。〔淨作跌坐介外小生貼旦小旦同上〕

〔前腔〕娑婆世界菩提種。波羅揭諦梵王宮。阿彌陀佛。〔衆作拜介〕三千大千衆。皈  
依法聰。〔外〕棒佛爺打坐在此。我等拜他一拜。你身登九峯。河沙壽永。指示禪機。檀那  
躍躑。請列位到齋堂素飯。〔外小生貼旦小旦〕信受奉行。作禮而退。〔俱下淨作醒介丑末〕師父出  
定了。〔淨〕徒弟。我方纔合眼。親見彌勒尊佛說。你兩人原是火首金剛。謫來人世。弓伯長河目海口。  
食祿千鍾。烏六禿鐵面劍眉。兵權萬里。今日暫爲香火。他年俱做公侯。〔丑末〕道師父若何。〔淨〕道  
我鳳準龍顏。必登九五之位。〔丑末笑介〕若是這等。可不是要做皇帝了。

〔月上海棠〕〔淨〕你莫泄風。貴爲天子原無種。看長蛇封豕。化作真龍。你本是將  
臺上的先鋒。那裏是空門中的法從。〔合〕寬得衆。且忘形結納四海英雄。

〔前腔〕〔丑末〕當承奉。赤心報效非虛哄。願分茅裂土。特起飛熊。我本是戲場  
上的吾儂。那裏是帥旗前的驍勇。〔合前〕

素抱非常志。

中原可作家。

一身貧子骨。

滿口帝王牙。

## 第二十三齣 出家

〔傳言玉女〕〔生〕山水情懷。時聽一聲欸乃。〔旦〕畫堂中琴和瑟愴。〔小生〕鯉趨庭對。喜萬里雲程堪待。〔合唱〕太平景象。滿門光彩。〔更漏子〕〔生〕布袍寬。韋帶細。猶覺玉爐香氣。〔旦〕眉翠淡。鬢雲蓬。蕭蕭入鏡中。〔小生〕五更雞。三更雨。寂寞讀書伴侶。〔合〕新歲月。舊年華。花開又落花。〔生〕夫人。我年齒浸衰。聲名淪落。喜得孩兒成立。大慰生平。前已差人候問故人許友文。這時候想必到了。〔旦〕慶大人任在何處。〔生〕他因舉劾徹賊。奉旨閒住久矣。〔小生〕爹爹在上。孩兒倘能排金門。入紫闈。會須殺此奸賊。以快諸憤。何如。〔生笑介〕我兒有此壯志。無異嚴挺之之兒也。你且到館中去罷。〔小生〕絳帳春風煖。青燈夜雨涼。〔下小旦持衣鉢上〕

〔天下樂〕一片花飛點綠苔。滿腔心事倩誰猜。明知鸚鵡能言語。只恐雕籠鎖不開。老爺奶奶萬福。〔旦〕新姨。你今日爲何如此縞素。〔小旦〕賤妾有事稟告。望乞垂憐。〔生旦〕你

且道來。

〔山坡羊〕〔小旦〕想當初形孤色菜。到如今身安心泰。荷公相恩深義濃。感夫人青眼相看待。〔旦〕你手中捧着何物。〔小旦〕我理素齋。方袍新樣裁。願飄飄仙境持清戒。〔生〕這是那裏說起。〔小旦〕老爺無嗣。所以娶妾。今奶奶有子。妾當退避。況妾茹素胎年。性甘淡薄。情願做個道姑。修行報德。慨從我志。沒齒難忘。〔旦生〕豈有此理。〔小旦〕望賜慈航。脫離慾海。傷哉。菱花鏡已霾。悲哉。梅花帳不埃。

〔前腔〕〔旦〕你莫不爲供餐的荒怠。莫不爲廝役的睚眦。莫不爲丈夫行的性乖。莫不爲缺了些穿和戴。〔小旦〕奴家並非此念。奶奶請勿致疑。〔旦〕難擺劃。臨風跌繡鞋。莫不爲我兒承訓違慈愛。〔小旦〕奴家久欲出家。棲心世外。只因老爺奶奶厚待。公子幼年。所以不敢輕啓。〔旦〕正合白首同歸。豈堪分塊。傷哉。無端卸鳳釵。悲哉。空勞下玉臺。

〔前腔〕〔生〕你曲灣灣蛾眉含黛。軟柔柔蜂腰寬帶。嫩尖尖春葱半籠。嬌怯怯

一種桃天態。你做女善才。恐傍人多忌猜。想流鶯巧囀。終被花枝礙。〔小旦〕妾身

此去。斂跡閉關。斷不做逐水桃花。隨風柳絮。〔生〕罷罷。夫人。這妮子。堅心求去。我只得勉強從之。

縱鶴雲中。放鳩天外。傷哉。密層層愁滿懷。悲哉。撲簌簌淚滿腮。〔小生上〕堂上人如

玉。〔末丑扮院子上〕階前僕似雲。〔小生〕爹爹母親爲何垂淚。〔旦〕兒。新姨今日要出家做道姑去

了。〔小生作驚介〕娘。你怎便就撇孩兒去了。兀的不痛殺我也。〔小旦〕公子甦醒。

〔前腔〕〔小生〕你撇得我青燈無賴。撇得我芸窗獨在。撇得我朝懸暮思。撇得

我耳畔無音款。我那娘。念小孩。還須去復來。不宜常住清虛界。〔小旦〕公子。我去了

再來看你。〔小生〕只怕你影縮冰壺。夢迷歸塞。傷哉。啼猿繞樹哀。悲哉。孤舟帶

雨開。〔生〕新姨。你如今從何處出家。〔小旦〕聞得母姨曾說十里外有座白鶴菴。無人香火。甚是幽

潔。賤妾打從此處安身哩。〔生〕既如此。你且妝束起來。叫合宅男女俱送新姨入菴去。〔末丑〕領台

旨。〔生〕果然像個道姑。我與你黃金十笏。聊充齋供之需。〔旦〕我贈你白璧二雙。用示清修之意。

〔小旦〕恩賜已隆。貧道就此拜辭。

〔憶多嬌〕薄命妾。淚滿頰。九品蓮峯初占業。一道恩光明未輟。〔合〕恨譜愁帖。恨譜愁帖。約有千張萬葉。

〔前腔〕〔旦〕你身化蝶。離苦劫。玉比丰姿月比脇。碧照寒潭清更澈。〔合前〕

〔鬪黑螭〕〔生〕辜負你辛勤。絲麻筐篋。止留下湘裙。香餘在摺。空教我目雙睫。望斷鴛樓。遙瞻鶯堞。〔合〕前途路怯。雲深山翠疊。環珮歸來。環珮歸來。魂勞夢接。

〔前腔〕〔小生〕痛吾母賢明。女中義俠。似漢柱金莖。繞廚瑞萋。分別去怎安貼。你若僊籍登名。可使青鸞報捷。〔合前〕

飄然學道出人羣。〔小旦〕多在青山就白雲。

〔旦〕情到不堪分手處。〔小生〕兩行珠淚落紛紛。

第二十四齣 夢警

〔臨江僊〕〔外上〕一曲南薰忘世味。翩嫌歲月遷移。山莊潔靜半仇池。故人天

外遠何事不傳書。〔古詩〕昔聞東陵瓜。近在青門外。連畝距阡陌。子母相鉤帶。五色曜朝日。嘉賓四面會。膏火自煎熬。多財爲患害。布衣可終身。寵祿豈足賴。老夫許益。夢斷鴛鴦班。謀詒燕翼。高臥林丘。聊續東山之迹。沈潛圖史。尙餘北海之名。自于建康別了友弟烏古孫潤甫。經今十有餘年。仰慕音容。儼臨耳目。幸接翰言。方知得子。這些時又不知他若何了。正是可憐懷抱向人意。欲問平安無使來。你看虛堂無事。白晝乍長。不覺身子慵倦。只索打頓片時。〔作睡介淨丑扮鬼卒上〕

〔滴溜子〕烟塵沸。烟塵沸。炎威烈勢。紅旗焰。紅旗焰。掀天捲地。我們祝融之氏。撲逐烏古孫。休得遲滯。渺渺茫茫。恐無着處。〔並下生急走上〕

〔前腔〕急急去。急急去。登山渡水。行不上。行不上。足將顛躓。回顧追兵來至。潛投林木中。倉皇無計。許兄願借伊家。爲吾遮庇。〔作撲外急下外作駭醒介〕

〔太師引〕夢驚回一點心猶碎。好教我狐疑似癡。並不是徘徊神女。也不是彷彿華胥。方才夢中呵。分明有兜鍪雙騎。怎的這般猙獰狼狽。手兒裏把紅旗指揮。咳。小卒你兩個爲何追着我那潤甫賢弟。惡狠狠追隨千里一相知。我聞人有六夢。變幻至



微。且如夢死得生。夢穢得物。或者是個佳兆。

〔前腔〕吉凶兩字難憑據。自古道夢由心作。只是我未嘗想到這個地位。卻緣何如斯夢奇。雖是我神遊物外。那曾見蝶影蘧蘧。且住。我夢中曾聞二卒云。係祝融之氏。祝融乃火

神也。二人亦是個火字。旗且赤色。沉潤甫又投林木之間。謂之木能生火。我理會得了。多應執

法星爲否。怕不免池魚災異。賢弟。惟祈你禎祥永綏。休辜負當年雞黍相期。〔末

上〕客路侵高樹。鄉愁接暮砧。烏古孫爺差人磕頭。〔外〕呀。你家老爺納福麼。〔末

〕好姐姐。主人林泉自怡。並不接催租俗吏。年來課子。喜得入孔帷。〔外〕且喜公子進庠了。〔末〕封書幣。特令男女臨齊地。叩問清嘉慰切憇。

〔前腔〕〔外〕此來殊亦偶爾。聽其言全無他事。你且將書與我看。離情滿紙。平居有所思。來使。你明日回去。多拜上老爺。家中要防火患。須牢記。恐防赤壁東風起。一夜樓船火蝶飛。

〔外〕夢魂搖曳正狐疑。

喜有音書及故知。



〔末〕應是白公詩句好。

慈恩寺裏韻同題。

## 第二十五齣 送炭

〔菊花新〕〔貼旦上〕蕭蕭蓬戶護寒雲。滿耳風濤不忍聞。勉強度朝昏。老景有誰憐憫。老身自從甥女嫁了烏古孫爺爲妾。感蒙愛老。周濟有年。不意他年過三旬。絕無生育。卻就立志清修。堅辭火宅。獨居白鶴菴中。教我放心不下。〔末帶淨丑挑擔上〕飢烏頻投粟。啼烏可借巢。楊大娘在家麼。〔貼旦〕烏府院公爲何到此。〔末〕奶奶在府中。因見天道嚴寒。雪花飛舞。想起新姨清苦。着我挑送米炭前去。吩咐央煩大娘同往。這炭五十斤。送與你的。〔貼旦〕多謝多謝。我想男女授受不親禮也。你家奶奶這般周到。我就陪你同去。〔合〕

〔六么令〕疎林隱隱。怪西風撲面吹人。無情膝六更紛紜。心孔棘步逡巡。看看白鶴菴前近。白鶴菴前近。〔貼旦〕開門。〔小旦上〕

〔前腔〕蒲團坐穩。捧椰瓢玉潔香溫。松關隔絕不通津。疑若個喚開門。〔貼旦〕是你姨娘。〔小旦〕喜迎姨母來相問。姨母來相問。姨娘有甚急事。冒雪而來。〔貼旦〕奶奶差

院公送米炭。央我同來。〔小旦〕生受了。〔末〕男女叩見。小人蒙奶奶差送白米一挑。山炭百斤。請乞新姨檢收。〔小旦〕絡繹相周。怎生報補。〔末〕你這兩個挑擔的先回去罷。〔淨丑下小旦〕院公。你來時不知奶奶有何吩咐。〔末〕

〔瑣寒窗〕他見簾櫳雪點紛紛。爲恐僊源冷未勻。特遺資飽煖。快樂同春。〔小旦〕公子在庠向進麼。〔末〕翩翩公子。翔龍飛駿。〔小旦〕老爺奶奶這幾時好麼。〔末〕喜東君唱隨安穩。〔合〕此恩林鴻不忍遠離羣。可憐相愛相親。

〔前腔〕〔小旦〕嘆孤身綠鬢青裙。已作烟霞世外人。〔末〕新姨向來還想家麼。〔小旦〕想侯門似海。尙兀藏春。我塵心殆死。芳容將隕。早忘卻舊時脂粉。〔合前〕

〔前腔〕〔貼旦〕論夫人賢德恂恂。玉粒相遺及桂薪。似多情冬日。有脚陽春。〔小旦〕

〔旦〕姨娘。我雖承奶奶厚賜。難道只管受他的。〔貼旦〕你欣然登領。何須謙遜。你是個出家人。極好報答他。對慈尊懺酬私愆。〔合前末〕大娘在此安頓。小人先回。〔小旦〕起動。爲我多致

謝奶奶一聲。〔末〕曉得。

虛巢白鳥禁寒初。

〔小旦〕一片冰心映玉壺。

〔貼旦〕錦上添花從古有。

〔合〕雪中送炭世間無。

## 第二十六齣 遘難

〔憶秦娥〕〔生上〕人別去。玉樓閒鎖添愁緒。〔旦〕添愁緒。花飛無藉。燕歸何處。

〔小生〕書幃墨石拈香絮。斑衣試向春風舞。〔丑〕春風舞。從容鼓瑟。高歌白紵。

〔生〕孩兒。你年方幼冲。身已入泮。務求上達。毋負我心。〔小生〕爹爹嚴訓。敢不勉之。〔生〕夫人。我觀

新姨舉動之間。循循有禮。真侍姬中之翹楚也。〔旦〕論其德行昭明。古今難得。〔小生〕兒聞婦有四

德。今新姨到有五德。〔丑譚介〕新姨是乙酉生。屬雞的。〔生〕丁香。怎麼屬雞。〔丑〕豈不聞五德之雞。

〔生〕亂講。我兒。何以謂其五德。〔小生〕他孤貧奉祖。孝也。謙恭事主。禮也。爲嫡祈男。賢也。撫訓不忘。

仁也。謝寵入山。明也。〔生〕言之有理。獨渠邊爾辭去。使人可不追思。〔合〕

〔二犯傍妝臺〕謾歛歛。教人蚤莫懸想那仙姝。偏厭薄黃金塢。甘瀟灑白雲廬。

寒宮踐約邀青女。空谷沈聲嘆綠珠。潔然而去。尋眞步虛。何年相會鹿門車。

〔外急上〕

〔不是路〕縱步前趨。急報恩東烽火虞。〔生〕兵何所。〔外〕陳州打破半遭屠。〔生衆

作慌介〕再咨諏。誰能倡亂爲強虜。〔外〕佛會妖人是棒胡。轟天怒。聲聲殺入

烏公府。早些防護。早些防護。〔生旦小生丑〕

〔前腔〕駭絕重甦。有甚冤愆要劫我居。〔外〕傳來語。欲尋王氏美蟾蜍。〔生〕禍須

與。夫人你速將珍玩都收取。共爾逃生入奧區。院子。你就去報知新姨。教他快些逃避。〔內

喊殺介合〕休遲誤。奔雷走電慌無措。有家難顧。有家難顧。〔並下淨帶末領卒上〕

〔清江引〕稱王僭號誇神武。大衆分行伍。妖術破東吳。左道侵西楚。緊追求那

妖嬈爲夫婦。〔淨〕暗乃保義王棒胡便是。今早打破陳州。燒劫殆盡。可恨烏古孫澤占我王氏可

人。此間正是他家。叫衆將校緊緊圍住。不許走漏一人。〔末〕人俱走去。只遺空房。〔淨〕焚了。快追上

去。緊追求那妖嬈爲夫婦。〔俱下貼旦上〕

〔水底魚〕白髮村姑。遭逢賊國徒。心驚骨折。老倦倩誰扶。老身楊媽媽。不想棒胡這

天殺的做出這樣大事來。可惜里中大小人家俱被抄沒了。不知烏府與我甥女如何。教我好苦也。  
心驚骨折。老倦倩誰扶。〔下生旦小生丑同上〕

〔前腔〕翼虎飛狐。驚塵滿四隅。回看烈焰。幾作釜中魚。〔生〕夫人。你看賊鋒掃地。烈焰熏天。未審他燒着誰家。我你快些走去罷。回看烈焰。幾作釜中魚。〔生旦小生下丑作落後躲避介淨末復殺上〕

〔清江引〕長驅席捲喧鼙鼓。憐血流標杵。負荷亂紛紛。抱竄如投鼠。緊追求那娉婷休延竚。〔淨〕前面躲一女子。快擒來。你是誰家。〔丑〕奴家是烏古孫府中侍女丁香。〔淨〕王氏何在。不說就砍了。〔丑〕他在白鶴巷中做道姑去了。〔淨〕到在那邊。押他尋去。緊追求那娉婷休延竚。〔俱下小旦上〕

〔水底魚〕舉目烏菟。深悲鶴影孤。離鄉背井。兩足似飛鳧。〔下生旦上介〕賊人之手。如今打從小路去也。離鄉背井。兩足似飛鳧。〔下生旦上介〕貧道若無院子報知。幾落

〔前腔〕膽喪魂殂。那堪失鳳雛。良禎。良禎。長呼短呼。望眼漸模糊。〔俱下小生急上〕

〔皂角兒〕白茫茫濤傾舳舻。赤律律烟飛樓櫓。經不慣瑣瑣孩童。尋不見哀哀父母。爹爹母親。你在那裏。叫得我口兒乾。身兒軟。脚兒疼。心兒痛。怎生移步。爹爹母親。

我好苦。走不動了。敗翎鸚鵡。含啼鷓鴣。眼見得生居幕井。死近泉壚。〔作跌倒介〕

〔前腔〕〔貼旦上〕苦悽悽形衰貌癯。戰兢兢擔憂甥女。冷蕭蕭落日悲風。昏慘慘

暮雲春樹。〔小生〕楊媽媽。救我一救。〔貼旦〕呀。公子。你爲何的撇雙親。惟獨己。臥窮林。

遺曠野。淚珠無數。〔小生〕小生被賊相衝。父母離散。急急尋來。並無蹤影。煩你帶我家去。〔貼旦〕

你還不知道。一路行來。人說大戶人家。俱被棒胡燒盡了。〔小生〕我那爹娘好苦呀。教我進退無門。

怎生是好。〔貼旦〕公子不要痛苦。老妾墓所有屋三舍。我你暫往棲身。尋訪老爹奶奶便了。暫時

廬墓。權離畏途。頻頻去尋蛇打草。別作良圖。

〔貼旦〕覓女難逢女。

〔小生〕尋親不見親。

一般行路者。

俱是亂離人。

第二十七齣 路贈



〔霜天海角〕〔末領兵上〕  
貔貅聲撼。驚破妖狐膽。三舍金戈笑挽。九天玉命重銜。  
驍騎下淮寧。嫖姚出漢營。定看師奏捷。紫綬拭青萍。自家慶童。久處箕山。常懷魏闕。近奉朝廷特旨。  
起除河南右丞。兼掛將軍印綬。征剿反賊棒胡。笑談幃幄之中。折衝樽俎之上。但此賊焚陷陳州地  
方。復寇歸德等處。自河而南。羣然騷動。你看都人回面向北啼。日夜更望官軍至。今乃黃道吉日。叫  
大小三軍。就此起兵前去。〔衆〕得令。

〔金錢花〕前麾戈戟鑿鑿。鑿鑿。中央旗幟杉杉。杉杉。軍容振肅具觀瞻。烽火照  
陣雲酣。誅叛逆。討兇婪。誅叛逆。討兇婪。〔下生旦上〕

〔步步嬌〕迢迢去國人。悽慘萬苦填心坎。回頭望不堪。瓦解冰消。山崩地陷。

〔生〕夫人。人說我家被賊燒劫。客歲許兄書內。囑我防禦火災。今日果應其夢。奈何故苑塵空。嬌兒  
失所。只索投往許家。再作區處。〔旦〕痛殺我孤男。卻從何處尋歸店。〔並下小旦上〕

〔前腔〕干戈驟起風塵暗。進退難停站。貧道脫此大難。竟不知我家主人若何。又不知我  
姨娘若何。逢人問再三。只怕東家鳳囚鸞檻。今番沒處安身。只得往泰山去也。呀。前面軍



馬到來。不免閃避一邊。蹤跡嘆浮潛。爭如野渡舟無纜。〔躲介末復領兵上〕

〔金錢花〕爭先劍耀晴巖。晴巖長驅馬飲寒潭。寒潭神機妙策已韜鈴。金作甲。

鐵爲衫。浮汴水滅妖機。浮汴水滅妖機。遠遠望見叢林之下。有一少年。半藏半露。莫非奸

細。爲我擒來。〔衆〕得令。〔作捉介小旦〕將軍。我是個道姑。拿我則甚。〔末〕你不像出家人。敢是背夫逃走的。

〔大聖樂〕〔小旦〕謝塵寰寄跡茅菴。慕胡麻饑代糝。孤雲片月同清淡。休猜做

背夫鶉。〔末〕你既是女冠。也必有常住的所在。〔小旦〕爲只爲松花子落。傾丹竈。菡萏香

消破石龕。被強梁吶喊。〔末〕強梁是誰。〔小旦〕貧道不幸。遭逢棒胡造反。我今日呵。欲重投

仙島。苦盡求甘。

〔前腔〕〔末〕覷伊家舉止端嚴。皺眉兒雙翠斂。寒葩偏向霜中豔。猶可意語謙

謙。道姑。你莫非是手中紅拂。隨人調。頭上黃冠。私自簪。〔小旦〕貧道並非不良之人。將

軍休得唐突。〔末〕胡遮亂掩。這雲游行徑。未必是青出於藍。我看你不像個中人。可從

實道來。

〔解三醒〕〔小旦〕懷春念生平不敢說塵蹤忽爾多慚。昔日在金釵隊裏攜湘簾。也曾經侍寵香奩。〔末〕恰又來。主人是誰。〔小旦〕若提起主人爵位應無忝。烏古孫公聲價廉。〔末〕呀。元來是他家侍姬。有何怨恨出了家。〔小旦〕非私憾。愛瑤臺露冷。玉杵霜含。〔末〕

〔前腔〕你武陵源不宜窺瞰。天台路未可輕探。誰知邂逅窮推勸。元來是舊宅青衫。道姑。你是烏古孫潤甫家中麼。〔小旦〕正是。〔末笑介〕我們不是別人。是你老爺的好友慶稚卿。前來勦捕棒賊。〔小旦哭介〕慶老爺可憐我主家俱被這賊殺散了。〔末〕有這等事哩。激得我怒衝星斗光。將黯淚灑衣襟。縷漸淪。純鈎劍。看刻期破寇。平定河南。聞得你家老爺生有公子。果耶非耶。〔小旦〕公子年雖幼冲。已應舉秀才了。〔末〕你如今意欲何往。〔小旦〕往泰山。〔末〕我贈你路金三兩。文引一通。你只管放心前去。〔小旦拜介〕

〔尾聲〕匆匆謝去愁多險。度關津全憑符驗。〔末〕囑付你水宿風餐可避嫌。〔小

旦 圮橋逢長者。灞上識將軍。〔下末〕大小三軍。在此扎營造飯。〔衆〕得令。

堂堂魚麗陣圖雄。

瞥見雲中墮彩鴻。

一葉浮萍歸大海。

人生何處不相逢。

第二十八齣 投栖

〔太常引〕〔外上〕枝頭好鳥弄清朝。閒坐讀離騷。〔貼旦上〕雨重海棠嬌。不禁春

事將凋。〔謁金門〕〔外〕情脈脈。目斷江南江北。烟樹重重芳信隔。小樓山幾尺。〔貼旦〕細雨孤雲斜

日。一向弄晴天色。簾外落花飛不得。東風無着力。〔外〕夫人。我聞陳州叛據。想烏古孫潤甫亦在難

中矣。倘或應了去年的夢兒。怎生是了。〔貼旦〕老相公。這樣閒事。請勿掛懷。〔外〕你說差矣。他與我

呵。

〔征胡兵〕春風對坐開談笑。金蘭舊交。自從焚棄銀魚。碧山甘自老。雪中空泛

棹。我這個夢兒總非是靈運夢西堂。也情如管鮑。

〔前腔〕〔貼旦〕翩翩俠氣真高蹈。鹿鳴思野草。去年芳信傳來。浪鷗眠正好。屋

梁明月照。老相公。但求你不必繫閒愁。向花前取樂。〔生旦上〕

〔縷縷金〕花落瓣。柳摧條。一天風雨。恨在眉梢。細看青衫上。淚痕多少。〔生〕那橋

邊是許宅了。相攜款款度危橋。朱門且輕造。〔生〕夫人待我先進去問聲。裏面有人麼。

〔外〕是誰。〔生〕故人烏古孫澤到此。〔外〕呀。

〔不是路〕一別迢迢。你何故不戴峨冠衣布袍。〔生〕容相告。胸中愁思似蠶繅。

許兄。賤累也在門上。〔外〕夫人快出去迎接。〔貼旦〕喜迎邀。疾趨門外瞻花貌。〔旦〕幸入

堂中識鳳標。〔生〕兄嫂請上。愚夫婦有一拜。慚不肖。三生石上今重到。〔外貼旦〕福星

臨照。福星臨照。〔外〕賢夫婦特地枉駕。必有不得已之情。〔生〕

〔金落索〕城崩白日消。地覆蒼烟遠。〔外〕陳州覆卵。老夫已知。動問賢弟。不曾見有回祿

之變麼。〔生〕巨焰烘天。家業都虛耗。〔外〕還是天之所致。人之所由。〔生〕強徒起禍苗。

〔外〕爲何而起。〔生〕小弟有一侍妾王氏。久已出家修道。不意反賊棒胡呵。慕多嬌。欲劫同

歸伴寂寥。〔外〕可曾劫去。〔生〕多應是雕籠夜午啼孤鳥。銅雀春深鎖二喬。我無

依靠。因此上昭關潛度藉申包。〔貼旦〕久聞有令郎公子。今日爲何不見。〔旦〕可憐我玉散珠拋。可憐他梗泛萍飄。只落得空悲悼。

〔前腔〕〔外〕聞言魂動搖。見泣心驚跳。賢弟。這熒惑災迤。夢裏曾知道。你蕭蕭一鬢毛。臥東皋。誰料漁陽鼓角高。今做了隨風旅雁迷荒島。帶月虛舟送落潮。〔生〕

小弟家資雖耗。不足爲虞。但小兒失散。其如痛傷。〔外〕同瞻眺。王孫芳草楚天遙。〔貼旦〕

夫人。令郎多少年紀了。〔旦〕年才十六。忝在鬢門。〔貼旦〕可憐他年幼兒曹。可憐你奔走勤勞。須暫爾開懷抱。〔外〕說話正長。請到後堂小飯。

〔生〕故國平原一望空。

〔旦〕子規啼徹淚成紅。

〔外〕客從千里來相顧。

〔貼旦〕疑是瑤臺月下逢。

### 第二十九齣 詰問

〔浪淘沙〕〔小生上〕採藥白雲深。來去駸駸。笑看世上少知音。指日丹砂還大鼎。點石成金。南山惟與北山鄰。古樹連拳不記春。更看武皇封禪處。至今香霧護高真。貧道張霞杯。自

雖淮寧來棲岱嶽。夜參北斗。朝誦南華。匣中寶劍。居然叱咤風雲。鼎內神丹。允矣消磨日月。石壁秋深。瑤草秀。洞天春盡。玉笙寒。邇來荷蒙聖恩。欽授本山提點。一切行脚僧道。不許縱放入山。今早雲晴日淡。山中果然好景也。

〔駐雲飛〕日觀雲岑。紫氣東來半截陰。漢柏虬枝蔭。秦碣龜文浸。嗒。虎嘯與龍吟。天門鶴禁。不要說此間境界。你看那梁父山呵。中有仙人玉井黃金廩。聽風外瑤簫弄好音。〔作聽簫介小旦上〕

〔前腔〕膽怯追擒。出得羊腸路轉深。行步之間。想起我那主人呵。窮類西華任。瘦比休文沈。嗒。我夜露怕相侵。心懷凜凜。且喜已到泰山了。泰嶽嵯峨九曲黃河枕。回首鄉關淚滿襟。〔小生〕呀。道姑往那裏走。〔小旦〕仙長稽首。貧道入山去。〔小生〕你且止步。我乃本山提點。近奉禁約。不許縱放雲游僧道。入山污瀆神靈。況你是個女冠。卻敢大膽步入。〔小旦〕仙長方便。

〔玉鶯兒〕孤身貧甚。〔小生〕你從何來。〔小旦〕爲陳州悲歌陸沈。嘆幽棲衣鉢全傾。

似驚丸怖鴿投林。〔小生〕到是陳州來的。你行動之間。敢是在嫁出家的。〔小旦〕實不瞞仙長說。金鑲玉簪。羅幃繡衾。到如今。茱萸無主。清霜沁。洗塵心。久隨鸞鶴。欲上最高岑。

〔小生〕道姑。我有些面善。

〔前腔〕沈思默審。你可是孝女王氏麼。〔小旦〕仙長爲何到相認。〔小生〕記當年芳名可欽。

〔小旦〕仙長莫非是集福道院張先生麼。〔小生〕然也。早知伊伉儷綢繆。卻緣何重復商

參。〔小旦〕龔承指點。卻就適事君子。後來志慕修行。出家數年了。〔小生〕適聞所言。陳州有甚沈陸之

變。〔小旦〕棒胡造反。稱王保義。仙長尙自不知哩。〔小生〕果然他反了。我這山中人那裏曉得。正是

尙不知有漢。安知有魏晉乎。青霞翠禽。丹書素琴。管什麼蕭蕭烽火。連妖祲。也罷。容

你入山。到那雲關底下。有座清風菴。都是女道士在內。你可持此照票。自然相留。〔小旦〕多謝仙長。

〔小生〕你上山要小心些。試登臨。不聞雞犬。怪石碧森森。

〔小旦〕盤石垂蘿卽是家。

回頭猶看五枝花。

〔小生〕松間寂寞無烟火。

應服朝來一片霞。



第二十齣 奏凱

〔步蟾宮〕〔淨上〕坐擁旗鎗開虎帳。霹靂處騰蛟奔蟒。指揮何必用蕭張。取伊  
洛易如翻掌。俺棒胡破了陳州。起兵以來。人皆喪膽。鬼亦鎗形。全虧膂力千斤。更賴妖書數卷。眼  
見這一頂平天冠。骨碌碌滾將下來。那把朝南椅。急離離爬將上去。最可惡王氏沒福的賤人。明  
明白白一個王后不要做。到去躲了。尤可笑丁香潑賴的歪貨。的的確確一個貴妃不愛做。也自逃  
了。正所謂之色不近貴。俺兩日統領人馬。攻打信陽歸德等處。差遣大將弓伯長前往廣東。暗約朱  
光卿同圖大事。今早聞得慶童前來挑戰。不免放出妖兵。與他決一勝負。烏先鋒何在。〔丑領卒上〕  
放火何須燭。殺人不用刀。〔淨〕無燭不能放火。無刀何以殺人。〔丑〕小將見了財帛女子。眼睛內自  
然放出火來。小將又有一個鐵指甲。把人的頭來一掐。就落了。〔淨〕那有此說。〔丑〕有這一等人。是  
活落頭的。〔淨〕休取笑。軍馬可曾點齊。〔丑〕齊了。〔淨〕既張我弓。既挾我矢。火速移營到杏岡上去  
交戰。〔衆〕得令。

〔錦上花〕踴躍據金湯。殺氣堂堂。紅旗耀目。白刃爭光。好軒昂。好軒昂。看指日

升天上。〔下末領兵上〕

〔前腔〕大纛樹中央。正氣堂堂。鞭能截水。箭可穿楊。衆將官聽令。適據飛報。棒賊屯兵。

在杏岡上。聞彼善作妖術。撒豆爲兵。但兵法云。邪不勝正。爾等各帶犬血一筒。臨時喫之。不得有誤。

〔衆〕得令。〔末〕快殺上前去。早騰驤。早騰驤。這兵馬從天降。〔淨丑衝上〕來將出馬。〔末〕

棒胡爾本良民。乃敢作賊。及早滾鞍伏罪。免得碎屍萬段。〔淨〕慶重。當今天下荒亂。生民無主。我若

不王。誰敢王耶。作急拜降。不失富貴。〔末〕反賊不必多言。放馬過來。〔戰介淨作法介〕速到速到。烏

先鋒爲我奮力廝殺。〔末〕大小三軍。噴血應之。〔再戰介淨丑〕被他圍住。不好了。〔末〕叫衆將官爲

我綁下。且喜鯨鯢已獲。見東海之無波。妖蜮頓消。仰太陽之普照。卽此班師獻俘。論功陞賞。

〔北雁兒落〕沸騰騰人吹畫角長。屹錚錚鞭敲金鐙響。骨篤篤馬走華山陽。光

燦燦劍倚崆峒上。

〔北得勝令〕呀。好笑他象膽弄天潢。好笑他烏合操兵仗。俺這裏破重圍縛虎

狼。保中原除妖妄。徜徉吐壯氣三千丈。忠良建奇勳第一場。建奇勳第一場。

提兵一戰殲渠妖。

太白經天喜復消。

試聽黎民歌擊壤。

將軍重見霍嫖姚。

### 第三十一齣 告貸

〔金蕉葉〕〔小生上〕千愁萬愁。愁只愁雙親分割。動離情朔雁孤飛。吊離魂胡笳迭奏。〔青衫溼〕人來怕問傷心處。空谷亂棲鴉。不禁零落。西風梧葉。白露兼葭。支頤坐想。沈沈斷息。

海角天涯。江州司馬青衫溼。淚怨訴琵琶。小生烏古孫良禎。遭家不造。被寇相侵。驚心草木皆兵。舉目椿萱何在。鬢鬢如喪家之犬。圉圉似涸轍之魚。記得詩三百。尙堪溫故知新。欲圖利十千。恆奈孤聞寡陋。向來棲身楊墓。卻又過了年餘。父母存亡。杳無音信。好似和針吞卻線。刺人腸肚繫人心。

〔羅江怨〕離人抱隱憂。思親未休。白雲飛向天盡頭。此間原不是并州也。想起

爹娘晚年生我。指望承歡膝下。戲綵庭前。今日呵。一領斑衣。翻做啼紅袖。家園作廢丘。

荆榛滿目秋。輓轡聲斷銀牀覆。小生避難到今。文學俱廢。幸喜此地有個同庠朋友畢可成。

常來相講。昨日借他幾部書籍在此。不免飽看一回。

〔前腔〕茅檐白日幽。攜書校讎。潛心養氣須並優。還期跨鶴上揚州也。想起幼時讀書。感得新姨教誨。只我識這幾個字兒。也費他多少心機。今日呵。筆勢縱橫。信是他傳授。空教憶舊游。頻將清淚流。孤燈細雨難消受。〔丑扮畢秀才上〕書劍久蕭索。干戈已太平。〔小生〕畢兄拜揖。干戈幾會太平。〔丑〕老弟你還不知。棒賊已被天兵擒獲了。〔小生〕你又來哄我。〔丑諷介〕我哄哄那圍童。難道來哄老弟。〔小生〕果然是真。謝天爲我殺此仇賊也。

〔玉芙蓉〕狼烟尋復收。雉堞重堪守。仗天威咫尺。滅此蚩尤。想西疇禾黍今存否。嘆南渡人民疾未瘳。〔丑〕令尊堂早晚歸寧。你且把眉兒放着。〔小生〕雙眉皺。問如何解愁。除非是萱花椿樹共優游。〔丑〕老弟。你可曉得。郡中把我兩人名字申報部省去了。〔小生〕卻是爲何。〔丑〕

〔前腔〕金門雨露稠。黃榜風雲驟。喜春生洛下。錦步瀛洲。昨朝飛檄徵文友。卽日攜囊謁郡侯。〔小生〕只是學生沒有長鎗手段。去不得。〔丑〕你真卑陋。把明珠暗投。看區區龍門高跳掛荷裘。告別了。你們快去收拾行李。後日一同上京。以文常友會。〔小生〕惟德

自成鄰。〔丑下貼旦上〕纔喜烽塵息。還憐游子身。適間畢相公說話。老身悉知。請問應試一事。公子去與不去。〔小生〕楊媽媽。小生只因父母飄流。盤纏缺欠。怎生去得。〔貼旦〕功名機會。挫過難逢。聞知公子舊居。左近有個吉一叔。頗稱義俠。待我以情告之。借銀十兩。盤纏前去。倘或不敷。再當措處。即使老爺回鄉。老身自當代稟。

〔雁來紅〕登蟾窟入鳳樓。早乘風莫逗留。便便擎出扳花手。休放些兒後。不信朱衣不點頭。公子。你年雖幼。功名可求。佩金章。青驄驟。〔小生〕借銀可用文約否。〔貼

旦〕用的。紙筆在此。〔小生哭介〕我那爹娘呀。我烏古孫良禎。自爹娘生我。何曾借人財物。想不到有這個日子。媽媽。怎麼樣寫。〔貼旦〕胡亂寫幾句便了。〔小生〕

〔前腔〕揮柔翰。不自由。貸人財爲乏謀。寫來又怕逢銅臭。那念王孫舊。萬一不允呵。我難洗今朝滿面羞。媽媽。你情偏厚。哀憐楚囚。受千金。言非謬。文約寫完。你就拿去。

〔貼旦〕手持文券乞豪門。

願得豪門肯濟貧。

〔小生〕惟有感恩并積恨。

萬年千載不成塵。

第三十一齣 赴選

〔光光乍〕〔淨上〕阡陌有良田。市井有高軒。若論做家貴勤儉。許誰見咱酒杯面。運到頭來眼便花。布衣脫下換綾紗。若提十五年前事。鐵打心腸也軟些。自家吉一叔。早年零替。人皆掩鼻而過之。此日豪奢。人就撥臀而奉也。向遭離亂。幾至淪亡。近賊就擒。歸鄉復業。可惜烏古孫公這樣好人。一家星散。寸草無遺。想我昔年受其大恩。未及涓埃之報。正是羔羊能跪乳。犬馬亦知恩。〔貼旦上〕

〔臘梅花〕年華有限愁病牽。杖藜幾步身先倦。喜得來此間。〔淨〕楊媽媽。經年不見。今日何來。〔貼旦〕才郎出路。特從尊處借盤纏。〔淨〕自救且不暇。何暇去救人。〔貼旦〕非是老身告借。請看這文約。〔淨看介〕呀。烏古孫公子一向到你家。〔貼旦〕

〔玉山頰〕他家櫻兵燹。倚孤孀情殊可憐。〔淨〕他父母也在宅上麼。〔貼旦〕錦鴛鴦。飄逐波濤。石麒麟。流落郊原。〔淨〕借銀何用。〔貼旦〕南宮赴選。爲只爲奚囊空。鈔我膈



映持文券。望周全。倘春風得意。百償千。

〔前腔〕〔淨〕我式微基賤。感烏公恩。同一天。但求他海屋添籌。誰知道斗拱飛烟。那公子是個大器呵。鴻庠文彥。端的是王家楨幹。媽媽。你且收了文約。〔貼旦〕官人既受烏公之惠。何不周濟其子。今反壁他文約。敢是不允麼。〔淨〕你那知我的心事來。報本生平願。意拳拳。鬻桑飢士敢忘筌。我與你同去見他。自有話說。〔貼旦〕如此甚好。〔同走介〕

〔前腔〕滄桑驚變。嘆興亡。只爭後先。〔淨〕這裏是烏公廢宇。好感愴人也。逐秋風麋鹿羣游。含夕照草樹芊綿。〔貼旦〕盤旋緩轉。卻又到孤墳荒甸。公子有請。〔小生上〕靜裏觀經傳。正探玄。何方使客顧寒氈。〔淨〕公子拜揖。〔小生〕足下何人。〔貼旦〕此間就是吉官人。〔小生〕失瞻了。〔淨〕公子幾時起程應試。〔小生〕期在明日。〔淨〕公子幼年。豈堪獨往。我小子情願奉陪到京。這一應盤費。俱在小子身上。請到寒家過宿。明日長行何如。〔小生〕學生素不識面。怎當如此眷愛。〔淨〕公子懸弧之日。小子感蒙尊翁大人呵。

〔朱奴兒〕承款接投轄盡歡。是日小子偶欠印子錢五千。被人席中索討。又承尊翁呵。更爲



我代理逋錢〔貼旦〕後來可曾送還。〔淨〕付與東流不索還。今日裏肯忘恩眷。相資伴。匆匆向前。多管赴瓊林宴。〔小生〕媽媽。我雖承鄉丈厚情。揆理似難從命。〔貼旦〕

〔前腔〕你本是朱門少年。那曾慣走馬乘船。勸爾從權離故園。吉官人。凡百事仗君看管。老妾聊助路金一兩。更具薄酒三杯。相持餞。丁寧一言。須早寄泥金便。〔小生〕我在此攪擾經年。贖儀豈堪再領。倘得飛騰。自當重報。我只索拜辭了。

〔前腔〕展驥足長安日邊。叨鸚薦上國招賢。愁殺娘行雪滿顛。腸斷處你暮年殘喘。相留戀。雙雙淚漣。人遠別雲迷汗。煩媽媽去約畢相公。明早徑到吉宅相會。〔貼旦〕知道了。

〔小生〕攜囊負笈上瑤京。

〔淨〕專聽春雷第一聲。

〔貼旦〕離別不堪無限意。

〔合〕落霞孤鶩送人行。

### 第三十三齣 泣夜

〔翠華引〕〔生上〕晚景難堪顛沛。心中最苦流離。〔旦上〕寂寂更長漏永。頻頻夢

想神馳。〔生〕夫人記得古人有言。不涉高山。何以知顛墜之患。不臨深水。何以知沒溺之虞。論我這般富貴。焉知有此今日。〔旦〕相公豈不聞舟不覆於龍門。而覆於夷壑。車不摧於雁宕。而摧於康衢。此皆爾我之數也。〔生〕言之有理。我想家財去可復來。孩兒失之烏有多方尋取。未得確音。只是重擾許宅。殊切汗顏。近聞慶稚卿起拜元戎。勦除棒寇。此恨少舒萬一。當此片月侵窗。孤燈對壁。好冷落人也。

〔尾犯序〕愁對碧窗西。堪嘆夫妻一日狼狽。怎效梁鴻。向衡門棲遲。思起。〔旦〕相公敢思想在家受用麼。〔生〕並不爲重裊列鼎。〔旦〕莫非想着在朝榮貴麼。〔生〕也不爲鷓班豹尾。端只爲家山千里。芳草冷淒淒。

〔前腔〕〔旦〕燈光月影照人離。今夕兒身知在何地。總夢裏相逢。怕不到東齊。悲喜。〔生〕夫人你悲的何事。〔旦〕悲的是桑榆暮景。〔生〕有何可喜。〔旦〕喜的是干戈止矣。〔生〕這時候不知新姨丁香都流落在那裏。〔旦〕還憂慮霓裳僊子。和着小青衣。〔外貼]

旦上小旦扮使女隨上。泣多盈袖血。吟苦滿頭霜。〔外〕賢弟。蘭膏漸燼。尙含楚客之悲。蓮漏將深。

猶抱鮫人之泣。〔生〕許兄。我雖承飼雀之愛。難忘舐犢之情。哀動衷腸。聲聞高枕。小弟其實有罪了。

〔外〕汝嫂因見賢夫婦唧唧嚶嚶。特攜杯酒。用慰離愁。丫鬟取酒來。

〔前腔〕我驚聞烏夜啼。口口聲聲怨着分飛。賢弟。你暫爾寬懷。同細酌新醅。〔生〕相知。昔日間情隆刎頸。今日裏恩深入髓。承憐憫。流離瑣尾。哺養好維持。

〔前腔〕〔貼旦〕夫人。你緣何愁未已。論月缺須圓。燕去須歸。且笑語燈前。休得玉筋雙垂。〔旦〕聽啓。深愧我飄蓬斷梗。多感你投桃報李。分明是鷓鴣無倚。特借一枝棲。

〔外〕將進三杯酒。

〔生〕難消萬斛愁。

〔貼旦〕不勝依戀處。

〔旦〕明月下西樓。

### 第三十四齣 請假

〔北點絳脣〕〔丑上〕宮殿琉璃。旌旗翡翠。天顏喜。端拱垂衣。縹緲紅雲裏。玉帛朝

元萬國來。雞人曉唱午門開。春桃北極迎仙仗。日捧南山入壽杯。歌舜薰風鏗劍珮。祝堯嘉氣藹樓

臺。可憐四海車書共。重見蕭曹佐漢才。自家元朝中一員黃門官是也。恐有奏事官到來。只索伺候則個。〔小生上〕

〔前腔〕文物光輝。功名際會。榮珠履。濟濟威儀。始識朝廷禮。白簡逐封狐。心將日月扶。願爲溫御史。膽落李金吾。自家烏古孫良禎。幸脫雞窗之迹。喜叨虎榜之榮。昨蒙聖恩。考授江浙行臺御史。我想善毀者難蔽人美。善譽者難掩人醜。今有所屬行中書省平章徹里帖木兒。奸邪誤國。罪虐滔天。近以他人之女。冒爲公主所生。誑請珠袍。大乖典禮。若不糾繩。何以令後。但我父母飄零。要那功名何用。不免并奏官里。請假尋覓。多少是好。此間是午門了。

〔神仗兒〕鞠躬拜跪。山呼萬歲。對龍樓螭陛。小臣心懷悚懼。脚尺疏叩丹墀。〔丑〕奏事官有何文表。就此披官。〔小生〕

〔入破第一〕臣烏古孫良禎啓。踧踖重瞻對。謹奏聞宸衷聰睿。兩章公私之事。干冒天威。臣誠惶誠恐。稽首頓首。伏念微臣草茅猥鄙。讀詩書苦志焚膏繼晷。總角游庠序。因州郡薦科舉。三策獻大明殿裏。仰荷隆恩詔賜。臣居龍榜掛荷。

衣尋奉欽除行臺御史。

〔入破第二〕念臣素心忠孝昭天地。年方弱冠。何堪當此榮貴。論臣職守。揚清激濁。維綱肅紀。請授青鋒。先誅奸宄。〔丑〕奸宄是誰。亟當直指。〔小生〕

〔袞第三〕徹里帖木兒享厚祿。況是先朝婿。他奉使嶺南。違天諭。妨地利。卻把公方撓廢。重斂縉錢。更且毒流士庶。最可噏補袞無功。賊國有議。

〔歇拍第四〕他污穢狼籍。平章浙地。臣又訪得以他人女爲己出。素金枝冒請珠袍。合坐欺君之罪。無赦除。悃愾愚言。伏惟鑒知。〔丑〕第二章疏并奏上來。

〔中袞第五〕〔小生〕臣父名澤。任宣撫。久已歸田里。誰意棒胡寇陳州。焚屋宇。劫家資。骨肉分離。生不歸。死不知。瑣瑣臣軀。遭逢子遺。

〔煞尾〕今日錦衣。父母無消息。臣在此朝。靈涕暮興思。痛親闈白頭時。烏鳥私懷實切。憂心如醉。念卑微。請假尋親。情出不已。

〔出破〕陛下鑒臣始終詞。俯乞賜恩旨。庶使臣忠子孝。並得全美。臣無任瞻依。

仰戴激切哀懇之至。〔丑〕元來如此。我當與大人轉達天聽。可在午門外候旨。玉垣恩綽近。鐵

面諫書來。〔下小生起介〕

〔神仗兒〕天門尚啓。遙瞻雉尾。吐霞光瑞氣。但願吾皇如議。〔未〕賈詔上。傳玉旨。

出彤闈。聖旨到來。跪聽宣讀。詔曰。臣道惟忠。子道惟孝。忠孝不虧。臣子之分。往者以爾英年持重。練

達典章。擢居言職。必稱厥官。茲據所奏。朕甚嘉焉。徹里帖木兒行類豺狼。欲同谿壑。姑奪身誥。貶徙

南安。特給爾長假一年。賜令馳驛尋親。具慶之日。卽履原任。庶家庭之願不違。而朝廷之命不曠。謝

恩。〔小生〕萬歲萬歲萬萬歲。老丞相。晚生正欲晉謁。請到朝房有一拜。仰荷陶鎔。深慚側陋。〔未〕偉

哉良器。允矣巍科。我慶童令任中書左丞。皆賴尊翁培植。〔小生〕元來就是慶叔。家父時常在念。小

姪分當侍立了。〔未〕

〔刮鼓令〕梅花信已違。嘆年光倏轉移。深記得同游吳越。日日春風滿面吹。桃

李自成蹊。堪憐故人年將老矣。郎君重到鳳凰池。我征勦棒胡之日。中途遇個道姑。云

是尊翁的侍姬。下官給其符引。資其路費。〔小生〕多謝了。這是庶母。不知他從何往。〔未〕想儲君

飛傍泰山樓。賢姪遭難之事。我已頗悉。願乞再言其略。〔小生〕

〔前腔〕哀哀訴慘悽。爲兵戈起禍危。可憐我囊資劫盡。桂棟蘭橈。一旦摧。父母久拋離。〔末〕你如今請假尋親。人之孝道。只是海宇茫茫。打從何覓。〔小生〕隨方遠游。尋山問水。〔作悲介〕只愁風木有餘悲。〔末〕倘或尋之不見。可速赴任。再作區處。〔小生〕倘他飄零四海。我也不回歸。〔末〕今日暫別。尙有小敝。

〔末〕孝子尋親作遠遊。

君恩浩蕩幾時休。

〔小生〕直從天上期相見。

雲底何曾是故丘。

### 第三十五齣 邂逅

〔逍遙樂〕〔小旦上〕鐘磬聲方儘。往事凭闌重自忖。俗緣隔斷不相親。一任紅亭

花雨。翠館雲屯。紫陌風塵。爲倦看泉瀑。因飢採石莖。乍尋山下路。聊作步虛聲。貧道避亂入山。

修行結果。欲諳綠字。更慕丹文。悲憐烽火多驚。盼想家鄉何處。短髮飄蕭。宿膩不沾一縷。長眉散淡。

舊愁猶帶三分。今乃仲秋天氣。我且捧鉢下山。探訪主家信息。姨母存亡。正是因嗟往事。拋心力。六



七年來楚水東。

〔一江風〕鬱嶙峋。石磴蒼苔襯。見地簇銀丁嫩。步殷勤。羅襪生塵。兩瓣鞋兒褪。匆匆到野村。匆匆到野村。何須頻問津。料相逢。賸有漁郎信。出得山來。已入茂林幽徑。我且打坐一回。樹杪夕陽外。山村秋色來。〔坐介丑上〕

〔前腔〕嘆孤身。蹤跡無憑準。似柳絮隨風趁。奴家丁香。被賊擒至中途。以言誘脫。爭奈故園無主。舊路難投。我只得削髮爲尼呵。翦香雲。托鉢空門。目斷淮寧郡。〔小旦〕遠遠望見

比丘僧到來。且自走去罷。〔丑〕前邊有個道姑來了。他是蟠桃會裏人。蟠桃會裏人。〔小

旦〕是位尼僧。〔丑〕那道姑到像我家新姨模樣。風流似小君。怕仲尼陽貨難廝認。仙姑

稽首。〔小旦〕師長貴處。〔丑〕陳州。〔小旦〕認得烏古孫家麼。〔丑〕是主家。你莫非是新姨。〔小旦〕呀。

你元來是丁香。

〔海棠花〕〔合〕憶昔共邇迤。此日重親近。〔小旦〕丁香。我向避泰山。久忘人世。你且把在家

離情試說一遍。

〔長拍〕〔丑〕兵馬紛紛。兵馬紛紛。烽烟滾滾。提起怎禁銷魂。重樓疊館。焰騰騰。玉石俱焚。〔小旦作驚介〕被焚了。如今主人在那裏。〔丑〕他沒處可藏身。做渚鴻林燕。各天飛遁。〔小旦〕此去無害便好。〔丑〕鏢羽西風吹正緊。多管是遭貧困。〔小旦悲介〕你爲何披剃。〔丑〕奴身被賊劫去。將言誘脫。因聞主人失所。向來尋覓無蹤。我今日呵。端恐路途未穩。學逃禪雲外。覓個親人。

〔短拍〕〔小旦〕淚眼睜睜。淚眼睜睜。愁眉隱隱。早心隨一片飛雲。〔丑〕新姨幾時入山的。〔小旦〕山靜不知春。我到忘了。那棒胡可曾撲滅。〔丑〕天兵勦除久矣。〔小旦〕纔聞得妖氛消盡。〔丑〕新姨下山。將欲何往。〔小旦〕卻訪東陵恩主。是何緣相遇舊時人。〔丑〕如此同去尋訪。〔小旦〕只一件。你雖是個女僧。與我同行。殊不雅相。〔丑〕不妨。新姨請先行。每日待我遠遠尾隨便了。〔小旦〕這也使得。

〔尾聲〕〔合〕出幽林。忙前進。兩下裏轉添煩悶。怎忍見陣陣歸鷗送落暉。

〔小旦〕白雲來去兩無心。

〔丑〕山外青山不易尋。

〔合〕獨有雜猿聲。慟處。

行人聽得淚沾襟。

### 第三十六齣 尋親

〔一翦梅〕〔外上〕隱几蕭條戴鶻冠。夢斷長安。喜醉雲安。〔生上〕南樓秋思不

勝寒。月漸團圓。人未團圓。〔外〕二十餘年性自如。閒觀圖史與觀魚。〔生〕憐君已下陳蕃榻。更

借愚公谷裏居。〔外〕潤甫賢弟。我看你愛子之心無日不在。獨不聞東門吳者果爲誰耶。〔生〕小弟

非不知也。只因情關至愛。所以愚比喪明。〔外〕是則是矣。然而不尋排遣。何以解憂。叫院子取棋枰

過來。〔末上〕撥悶惟棋局。忘言有匣琴。棋枰在此。〔生外作弈棋介小生領左右上〕

〔望吾鄉〕車馬盤桓。秋風古道難。思親日日神魂亂。〔淨隨上〕衰柳蟬聲斜陽岸。

此際添愁嘆。〔小生〕吉一叔。此間有個許友文。曾官戶部。與家父莫逆之好。煩勞借問一聲。他家

住在何處。〔淨〕借問來人。許戶部宅子在那所在。〔內云〕西首橋邊就是了。〔合〕穿蘿徑。過枳

垣。故舊須尋盼。〔小生〕吉一叔。請住那店中以待。〔淨〕謹領命。〔下小生〕左右的。把帖兒遞進去。

〔衆作遞介外作看念介〕新授江浙行臺御史通家小姪烏古孫良禎頓首拜。呀。賢弟。這帖兒可是

令郎麼。〔生〕是小兒賤名。在那裏。〔外〕在門上。〔小生〕呀。爹爹到在這裏。〔合〕

〔哭相思引〕今日越地相逢。情何限。漫漫長夜重開日。〔生〕孩兒。你母親也在此。〔小

生〕母親有請。〔貼旦旦同上介〕可憐骨肉輕分散。忽聞耳畔聲聲喚。〔相見介小生〕爹

爹母親請坐。待兒參拜。〔生〕孩兒且住。我深賴許伯相留。你可過來先拜謝了伯父母。〔外貼旦〕豈

敢。〔生拜介〕

〔賞宮花〕通家幼晚。幸登龍始識韓。父母叨恩庇。誓當效脚環。〔外貼旦〕羨爾看

花游上苑。慚予落日下西山。〔小生回身拜生旦介〕

〔前腔〕愁眉淚眼。念孩兒苦一般。定省睽違久。那更冷斑斕。〔生旦〕半喜半驚

心未妥。恍疑伊在夢中還。〔生〕孩兒。你自來倚傍誰家。遇此榮顯。〔小〕爹媽聽稟。

〔小桃紅〕風掀逐雁。雨打離鸞。好似我孤身竄也。深藉楊家嫗。撫視好供餐。又

有個吉一叔呵。金相助。行作伴。叨中式繡成衣。豸加冠。尋爹媽。因此上哀中款

也。詔許乘驄馳驛返。瞥一見。破愁顏。孩兒請命之日。并劾徹里帖木兒這廝平昔情狀。奉旨

貶徙南安去了。〔生〕此賊免官。吾之願也。〔小生〕除奸佞。寸心丹。

〔下山虎〕〔生旦〕追思底事。萬緒千端。舉目家何在。教人怎不痛酸。久猜做月落梁空。瓶沈水寒。誰信相逢在此間。雖惜歸來晚。喜汝成名早拜官。〔小生〕爹爹母親。向來康健否。〔生旦〕幾度流年換。身康體安。只是懶把菜萸仔細看。

〔蠻牌令〕〔外貼旦〕你是風流終謁者。文學陸平原。恩榮占綺歲。別恨變成歡。頃刻裏藍田玉暖。瞬息間合浦珠還。〔小生〕小姪失問伯父母起居。罪希矜宥。〔外貼旦〕賢姪。嘆老朽時將闔棺。最堪憎頭上銀幡。〔外〕夫人。你我且進去整備筵席。與賢姪洗塵。正是父母驚相問。鄰人笑共迎。〔同貼旦下小生〕爹爹孩兒曾會見。慶叔感承他十分眷愛。祖錢郊外呵。

〔醉歸遲〕唱驪駒都門畔。綈袍戀戀垂青盼。況臨行又付多情柬。慶叔勦賊之時。途中遇見新姨。贈其路金符引。〔生旦〕你可曾詢其下落。〔小生〕他東游閒散。曾說向泰山宮觀。爹媽在上。兒想幼年新姨教我句讀。恩愛亦隆。今幸身榮。義當修報。即日拜辭膝下。前去尋他。則索要投僊境。扣星壇。覓取他同上歸槎也。算卻先登彼岸。〔生〕吉一叔先

回去了麼。〔小生〕在外面。〔生〕早不說。院子快請進來相見。〔末〕吉相公請進。〔淨上〕東西南北好行樂。與爾相隨萬里游。小子吉一叔拜見。〔生〕小兒賴君照拂。老夫感戴無涯。〔淨〕大人恩德如山。小子分當報效。老大人呵。

〔憶多嬌〕德行寬。福壽完。桂子清芬喜再扳。瓜瓞纏綿日漸繁。〔合〕翹企鄉關。翹企鄉關。且自干戈罷閒。〔小生〕吉一叔。我欲借重足下先回。將書一封銀二十兩。煩付楊媽媽收取。慰其懸念。另銀三十兩。并乞收去。稅一空房。待學生尋着庶母。與家大人一同回來居住。容當報謝不一。〔淨〕領命了。我且出去檢點行李進來。一見故人面。全消鄙吝心。〔下生旦小生〕

〔尾聲〕尺霧消。明星爛。從此長春無患。一片歸心下急湍。

〔生〕彩鳳飛來自九重。

〔旦〕離愁別恨盡成空。

〔小生〕今宵賸把銀缸照。

〔合〕猶恐相逢似夢中。

第三十七齣 會母

〔風入松〕〔小旦上〕天涯涕淚一身遙。回顧山頭青小。〔丑慢上〕殊方僻徑隨心到。



途路裏怎求安飽。〔小旦〕丁香走上來。你看風雨飄颻。只得躡行幾步。一霎時風吹雨灑。

〔丑〕此間有座古殿。我你儘堪避雨。聊止步。暫停勞。〔小生帶左右上〕

〔前腔〕蓋輿野服出林皋。滿目殘花敗草。流鶯不語秋將老。穩尋取蓬萊僊島。

〔衆〕稟爺。雨漸大了。請往前面古殿上少坐片時。〔小生〕臨古剎鐘聲寂寥。〔小旦〕有人到

來。你我且自迴廊下去坐罷。〔小生〕閒坐處。意無聊。左右的。俱到殿外伺候。〔衆下介小旦〕

〔宜春令〕迴廊下燕雀巢。見空樓丹青盡凋。斷碑磨篆。蝸涎滿壁。蛙生竈。想吾身尙有棲投。怕離人更無倚靠。蕭蕭馳風驟雨。慘傷懷抱。〔丑〕新姨。殿上坐着戴巾

的。恰像公子一般。〔小旦〕難道是他。〔丑〕

〔東甌令〕看他眉兒秀。額兒嶢。鵠峙鸞停一俊髦。〔小生作走介丑張介〕堂堂六尺年還少。舉止眞同調。〔小旦〕只是公子還覺短瘦些。〔丑〕兩三年不見舊丰標。肥瘦也難描。〔小旦〕丁香。你且仔細再瞧他。〔丑作笑介小生〕

〔三換頭〕中心怖搖。是誰嘲笑。低回覷也。〔丑〕新姨來瞧。像得緊。〔小生〕聽聲聲喚



瞧。且住。待我看是何人。呀。是個道姑。和着尼姑。嘲笑卑人。端詳容貌。卻原來兩個半老佳人。羽衣緇帽。叫左右進來。與我廊下喚那兩個出家人來問他。〔衆〕兩位師父。我老爺喚你。〔丑〕譚介小生。好奇怪。那一種風流態。當年楊柳條。我道是誰。元來是我的娘。〔小旦丑〕果然是公子。〔合〕會合須臾。兩下相看淚更拋。〔小生〕左右的。取冠帶過來。我那娘。你向在泰山。不知受了許多苦楚。

〔劉潑帽〕〔小旦〕白雲深所修清醮。朝昏蓮炬蘭燒。爲伊家難把愁眉掃。〔小生〕庶母何往。〔小旦〕烽火消來討個音和耗。〔小生〕丁香。你流落中途。因何祝髮。〔丑〕

〔二學士〕堪憐祝髮因強暴。至今餘恨滔滔。〔小生〕我只道你失身于人了。〔丑〕我本是桑間少婦能存操。總有黃金不易挑。〔小生〕你也在泰山來麼。〔丑〕走破芒蹊尋舊主。比楓林葉亂飄。〔小旦〕公子。你與老爺奶奶歸寧了未。〔小生〕庶母請上。兒當拜訴。

〔大趺鼓〕匆匆吐鬱陶。爹媽見今寄寓淄水許戶部家中。幸然無恙。跡近鷓鴣。孩兒亦曾失散。幸得楊媽媽收留。今日僥倖中式。除授行臺御史呵。淮陰一飯恩終報。邾城三徙德

偏饒〔小旦〕此地又非津要。公子爲何到此。〔小生〕兒在京師會見慶丞相。道及娘從泰山修行。所以特來迎候。特整蒲輪。迎歸故郊。〔小旦〕我姨娘健否。〔小生〕孩兒別後。尙覺強健。這些時也不知了。〔小旦作悲介小生〕天雨已止。請庶母登轎去罷。〔小旦〕我初意來訪你家信息。今已確知底止。我如今不去了。〔小生〕庶母差矣。孩兒幼承教誨。今始有成。正當奉養之秋。少展孝思之日。娘若不返。兒不徒行。〔小旦〕爾之厚情。我豈無意。但是既出爾門。無復再歸之理。〔小生〕庶母怡養。天年。喜有丁香作伴。孩兒另建菴院。竭誠奉侍何如。〔小旦〕斯言可矣。

〔撲燈蛾〕你雄占北海鰲。文變南山豹。我否極泰方來。喜遂首丘之願也。〔丑〕天長地老。頻看經典木魚敲。〔小生〕今日裏完壁返趙。同安樂。功名爭似孝名高。

〔尾聲〕〔合〕謾委蛇。溜青道。萬里晴光重照。會見波恬蜃氣銷。

山色初開雨乍收。

仙車纔下五城樓。

回頭已失來時路。

但見羣峯疊疊秋。

第二十八齣 具慶

〔遠地遊〕〔生上〕眼底黃花傲曉霜。秋色老無奈重陽。〔旦上〕喜溢心頭愁消眉上。歸去好徜徉。〔生〕夫人。我家遭兵火。年薄桑榆。幸喜教子有成。此中憾俱冰釋矣。〔旦〕相公。譬如馬雖苦乎顛躓。今復騁乎康莊。鳳始難於罽羅。終至鳴於丹谷。將肅行李。請示歸期。〔生〕且伺孩兒覓取新姨到來。卽當謝辭許兄。起程便了。〔小生小旦丑同上合〕

〔金菊對芙蓉〕幾處悲傷。三年飄蕩。那堪岐路亡羊。〔末上〕門上人啟爺知道。二奶奶同小老爹進門。〔生旦〕呀。新姨來了。故人無恙。〔相見介丑〕丁香叩頭。〔生旦〕丁香也在此。怎的削了髮。全不似舊日行藏。〔合〕延平劍合。尙餘惆悵。轉覺徬徨。〔小旦〕貧道正來尋訪。中途適會公子。此亦天使其然。老爺奶奶請上。貧道稽首拜參。〔生旦〕方外之人。免賜拜禮。

〔催拍〕〔小旦〕嘆孤蹤飄零異方。賴重恩攜歸故鄉。〔小生〕雲山渺茫。雲山渺茫。邂逅中途。望出非常。〔生旦〕丁香。自爾失散。不堪其憂。茲乃披剃。打從何來。〔丑〕避暴披緇。走覓高堂。〔生旦〕我和你行色匆忙。說不盡這衷腸。院子。快請你老爺奶奶出來奉別。

〔末應下外貼旦上〕

〔前腔〕悲相送長征洛陽。布私忱雙南是將。〔生〕小弟因家業荒廢。兒媳未諧。暫爾告歸。

卽圖修報。〔外〕老夫方欲具餞。弟何歸之匆匆。薄具贖金四十兩。幸惟莞存。〔生〕攪擾有年。豈敢再

受。〔衆交拜介〕情濃意長。情濃意長。沛雨甘霖。憔悴生香。〔貼旦〕夫人。此間就是新姨

麼。〔旦〕正是。〔貼旦〕那一位師父。〔旦〕侍女丁香。〔小旦丑〕自媿駑駘。幸覩容光。〔外貼旦〕

堪羨你潔操冰霜。參金母禮空王。〔生〕許兄穩便。肅此謝別。〔外〕送至前途。方敢分手。〔同

貼旦唱〕

〔大環着〕望河橋祖帳。望河橋祖帳。景日蒼黃。攜手同行。不勝悒悒。試聽驪駒

三唱。無限淒涼。〔生旦小生小旦丑同〕深感取幾年依仗。最堪憐霎時飛颺。願此去

魚來雁往。〔合〕離情況。別淚汪。社燕西歸。伯勞東向。〔生〕兄嫂請回。不敢遠勞了。〔外〕

從命了。在路誰非客。還家卽是鄉。〔同貼旦下衆合〕

〔越恁好〕笑歌還撫掌。笑歌還撫掌。夙恨付滄浪。三三兩兩。車兒軋。馬兒驤。杏

花重發舊時門巷。同棲鳳凰。僊人身度赤城梁。才郎名掛黃金榜。

〔尾聲〕一門賢孝堪誇獎。羞殺人間多少薄倖郎。況信友義臣忠備五常。

須信人生貴弄璋。

更難妻妾並賢良。

編成風世新奇記。

前渡烏公後狄郎。

竹節

俠

乙亥年日

吳梅題端





目錄

- |      |    |
|------|----|
| 第一齣  | 開宗 |
| 第二齣  | 憂國 |
| 第三齣  | 閨憶 |
| 第四齣  | 忠忤 |
| 第五齣  | 虜俠 |
| 第六齣  | 直諫 |
| 第七齣  | 勸責 |
| 第八齣  | 聞謫 |
| 第九齣  | 送別 |
| 第十齣  | 壻謁 |
| 第十一齣 | 計詔 |

第十二齣 成婚

第十三齣 春游

第十四齣 訂訪

第十五齣 俠晤

第十六齣 謀歸

第十七齣 毒媚

第十八齣 再貶

第十九齣 私仰

第二十齣 北往

第二十一齣 南征

第二十二齣 奇偶

第二十三齣 寄衣

第二十四齣 圍獵

第二十五齣 誣激

第二十六齣 密報

第二十七齣 遁荒

第二十八齣 追獲

第二十九齣 泰回

第三十齣 誅佞

第三十一齣 迎內

第三十二齣 □ □

節俠記 目錄

四一開明書店

# 節俠記

明無名氏箸

## 第一齣 開宗

〔滿庭芳〕〔未上〕公子賢豪。將軍義俠。論交意氣縱橫。伸冤廷諍。杖下死重生。遠向嶺南竄跡。因輻輳舊日姻盟。潛歸去。風波平地。夫婦各飄零。孤征邊塞。苦可汗雅重。贈女殷勤。恨讒言構難。遁入胡塵。鐵騎挺身隨護。交情重死有餘榮。恩詔下。除殘起廢。完聚樂昇平。

## 第二齣 憂國

〔夜遊朝〕〔生冠帶扮裴仙先上〕龍種由來誇上選。喜逢時早入天閑。一片雄心。滿腔俠氣。萬里鵬搏秋漢。〔鷓鴣天〕自小豪情氣揚。翩翩結客少年場。千金不惜酬知己。一劍還堪倚太行。歌待警。頌盈箱。守官爲國有輝光。生來肯落它人後。縱死猶聞俠骨香。自家姓裴。名仙先。本貫絳州人氏。仗俠好交。多才負氣。年方一十七歲。官拜太僕寺丞。結客傾時。不數雞鳴狗盜。開

樽入座。足參龍子麟駒。伯父裴炎。侍中尊貴。聘妻盧氏。嶺外長流。哎。公子西園。雖浪追無忌之迹。佳人南國。能無歎莫愁之名。且待伯父退朝回來。再作計議。道猶未了。伯父早到。〔外冠帶扮裴炎淨丑扮從人隨上〕

〔前腔〕左相東臺身貴顯。冠惠文貂尾金蟬。職管喉唇。官居帷幄。國步豈容傾嶮。〔生見介外〕多慚未報主人恩。霄漢常懸捧日心。北極朝廷終不改。西山寇盜莫相侵。下官裴炎是也。身受遺詔。位列台衡。爭奈母后乖張。天王播越。張昌宗武承嗣。既憑狐鼠之奸。李敬業賂賓王復張蛇豕之暴。姪兒國事如此。如何是好。

〔啄木兒〕鸞旗遠。鳳駕遷。龍爍居尊國運艱。這牝雞鼓翼司晨。那雄狐肆志滔天。魚書復起潢池亂。狼烟直照甘泉遍。怎得虎踞龍盤保百年。〔生〕以姪兒論來。

太后曠狎邪佞。殘害忠良。殺子屠兒。弑君酖母。猶復包藏禍心。窺竊神器。神人之所共嫉。天地之所不容。李敬業公侯冢子。賂賓王詞賦名流。共起義旗。匡復唐室。州郡響應。朝野震驚。正當趁此時節。遲延不討。留住大兵。看有機會。劫遷太后于內殿。奉迎大駕于房州。則人心自服。天下自安。維揚之

師可傳檄而定矣。

〔前腔〕雲龍會。豺虎邊。燕啄皇孫敢肆奸。自當年白馬渝盟。致今朝赤狗漫天。爲今之計呵。除是麟符謹按觀機變。鸞輿反正從人願。會見鳳翼龍鱗慶百年。

〔外〕姪兒所見極是。只是少一個將兵的。〔生〕姪兒賓客中有一果毅都尉李多祚。忠誠許國。勇略過人。若委將兵。定不辱命。〔外〕

〔二段子〕珥貂有年。侍鸞鸞恩深九淵。驅狐甚難。將貔貅機藏九天。〔生〕他酬恩龍劍堪臨難。匡時豹略能觀變。若使掃蕩鯨鯢管萬全。〔小生〕冠帶扮李多祚上。幾回奏事建章宮。聖主偏知漢將功。身着紫衣趨闕下。口銜丹詔出關東。自家果毅都尉李多祚是也。奉命賣詔出京。特來拜辭。妻侍中與他令姪。〔向雜介〕說我賣詔出京。特來拜辭。〔雜報介〕外向生介。他既要出京。適纔商議的。且未要與他講罷。〔生應介〕外向雜介。道有請。〔小生進見拜外揖生介〕李多祚爲賣詔出京。特來拜辭恩相。〔外〕又是甚麼詔。〔小生〕適纔太后降出旨意。改元光宅。服色旗幟。皆從金色。官名都已改了。頒詔天下。〔外怒介〕



〔歸朝歡〕豺狼性。豺狼性。虺蜮似姦。要把那鴻圖更變。改甚麼。改甚麼。龍紀鳥官。料金天豈是你妖狐稱亂。〔生小生〕斷熬煉石聲名遠。漢時呂雉誅夷慘。看你這虎噬鷓鴣張怎保全。

〔外〕百官何日再朝天。

〔生〕萬事傷心在目前。

〔小生〕但用東山謝安石。

〔合〕看題日月更高懸。

### 第三齣 閨憶

〔薄倖〕〔老旦扮盧母旦扮盧氏上〕遲日催花。東風淚眼。嘆佩蘭香老。子規聲斷。〔旦〕

淡雲閣雨。輕寒輕煖。〔合〕屏山掩。壓重簷。半庭清晝。向南樓一聲歸雁。〔相見介〕

老旦愁見游空百丈絲。春風挽斷更傷離。〔旦〕閒花落盡青苔地。盡日無人誰得知。〔老旦〕老身

左拾遺盧藏用之妻是也。系出官門。流居粵徼。先夫中年見背。老身晚景無依。止生一女。小字鬱金。

朗映玉山。美參螺女。雲鬢翠黛。不讓班石珠岑。蕙質蘭姿。何異香林神艸。但衡陽雁影。盡日孤飛。庾

嶺梅花。終宵冷落。如何是好。〔旦〕母親。這到不必掛念。只是巢居有日。樵紉堪悲。戶外之雀可羅。堂

前之燕盡去。母親年高孤寡。蒲澗將衰。孩兒弱息伶仃。蘭湖未秀。好傷感人也。〔共悲介〕

〔傍妝臺〕〔老旦〕淚闌干。北邙松柏鎖愁烟。舊時王謝堂前燕。早隨陽雁及春還。更憐我一身去國三千里。萬死投荒十二年。〔合〕歸雲盡。落日殘。故園相望路漫漫。

〔前腔〕〔旦〕鶯啼燕語報新年。遊人陌上拾花鈿。偏我母子呵。孤情迥出鸞皇遠。晴花偏自犯江寒。〔背介〕好教我機中錦字論長恨。樓上花枝笑獨眠。〔合前老旦〕

孩兒。你的父親在日。曾將你許與裴侍中之姪裴仙先。近日聞得它做了太僕寺丞。但裴郎宦游京邸。你我蓬飄嶺南。歲月蹉跎。音書斷絕。你看這時候呵。

〔前腔〕藍田日煖玉生烟。教人氣盡憶長安。平沙渺渺迷人遠。無因雁足繫書還。他那裏支離東北風塵際。我這裏漂泊西南天地間。〔合前〕

〔前腔〕〔旦〕你老年花似霧中看。不如高臥且加餐。若論孩兒的終身呵。芙蓉帳小雲屏暗。料不做朝朝應上望夫山。〔老旦〕雖如此說。只是向來富貴。如今一時怎消受得這般

光景〔旦〕呀。母親再休提妝樓翠幌教春住。舞閣金鋪借日懸〔合前〕

紗窗日落漸黃昏。

金屋無人見淚痕。

寂寞空庭春欲晚。

梨花滿地不開門。

### 第四齣 忠忤

〔淨冠帶扮武承嗣上〕金殿當頭紫閣重。鳳城連夜九門通。爐烟乍起開仙仗。玉佩成行引上公。自家左丞相魏王武承嗣的便是。倚椒房之戚。柄政當朝。叨桐葉之封。食采于魏。今日俺姑娘則天皇帝登極。文武官僚。蠻夷酋長。俱朝見于光順門外。不免在此伺候。〔丑冠帶扮李秦授上〕補闕連車載。拾遺平斗量。糊心存撫使。眯目聖神王。下官李秦授。官居補闕。實歎箴規。意在逢君。專工讒佞。今日天后改唐爲周。百官朝賀。聞得還要立武氏七廟。若立得成。武承嗣定立爲太子。待我先去奉承它一番。等它做了皇帝。怕這丞相不是我的。遠遠望見光順門邊站的。想是魏王。且上前參見則個。〔見介丑〕啓上大王。小官袍笏在身。不敢參拜。〔淨〕補闕請了。〔末冠帶扮思摩上〕長安雪後似春歸。三殿花香入紫微。渭水自縈秦塞曲。併將歌舞報恩輝。俺乃思摩可汗是也。蒙唐天子封俺爲和

順郡王。統領幽州部落。今日天后臨朝。特來稱賀。〔與衆請介外生同上〕

〔北點絳脣〕〔外〕一統山河。盡歸女主。歎唐家宗社丘墟。〔生〕何日裏驅諸武。

〔與衆見介丑對淨介〕天色將明。聖上傳宣升殿。怎麼還不見六郎出來。〔淨〕不消忙得。一定就同聖上出來了。〔老旦冠帶蟒衣扮武后小生冠帶扮張昌宗旦貼扮宮女雜扮宦官隨上〕

〔前腔〕〔老旦〕夢裏歡娛。漏傳五鼓。臨朝寧齊祝嵩呼。〔小生〕臣入幕叨恩溥。

〔老旦〕鐘鼓餘聲裏。千官向紫微。〔小生〕小臣瞻日月。歌舞共春暉。〔叩頭介〕臣張昌宗見。〔老旦〕你上殿來。〔衆跪介淨〕臣武承嗣見。〔外〕臣裴炎見。〔丑〕臣李秦授見。〔生〕臣裴仙先見。〔末〕臣思

摩見。〔老旦〕衆卿平身。〔衆起介老旦〕朕承天踐祚。已經頒詔四方。官爵悉照新規。旗幟盡從金色。

〔淨跪〕臣啓奏陛下。唐之七廟。乃李氏之祖宗。陛下既有天下。當立武氏七廟。〔老旦〕卿言正合朕意。着該衙門官擇日興工。建立武氏七廟。〔淨〕領旨。〔丑跪介〕臣奏陛下。還當立親姪爲太子。纔是

〔老旦〕秦授之言似亦有理。〔外跪介〕呀。陛下受先帝顧托。若立武氏七廟。又以天下與姪。則唐家不血食矣。老臣死不敢從。〔老旦〕此朕家事。豈爾所知。〔淨丑〕臣奏陛下。裴炎老矣。不足與謀。〔外〕

李秦授你差矣。武承嗣乃太后之姪。欲立七廟。固不足責。爾實唐家臣子。安得爲此叛逆之言。〔外丑起介〕

〔北滾繡球〕〔外〕哎。俺本待要掃浮雲揭太陽。斥羣邪回衆望。只這一時兒怎看得那奸雄伎倆。〔丑〕誰是奸雄。〔外〕聽着恁這廝們說短論長。把那朝綱那宗祏日

漸淪亡。便是那唐天子也不免廬陵虛王。〔丑〕老相公。你可自反一反。廬陵王之事。難道

也是我李秦授。〔外〕誰知道恁慣雌黃。慣使着猖狂。卻不念餐風沐雨先皇創業多辛苦。到做了個棄正趨邪沒主張。〔丑〕我怎麼沒主張。聖上貴爲天子。立七廟追王

其祖。建嗣以延武氏宗支。此是正理。到說是趨邪。〔外〕尙說甚麼建嗣追王。〔老旦〕裴炎。你

爲宰相的。不思盡宰相之職。到與李秦授在殿中爭鬪。是何道理。假如昨日李敬業的檄文。出自駱賓王之手。人有如此之才。而使之淪落不偶。你亦不得無罪。如今他峭聚維揚。正當興師討罪。克期收復。你乃逡巡觀望。意欲何爲。着裴炎與文武百官退在光順門外議了來說。張昌宗。我與你且入

宮去罷。〔老旦攜小生宮監俱先下淨〕聖上大怒。入宮去了。〔丑〕老相公。如今李敬業作反。京師震

驚何人爲將。何日出師。事不宜遲了。

〔北滾煞尾〕〔外〕那李敬業呵。只爲女主在朝端上。因此上仗義興兵。挽大唐。若得乘輿返建章。社鼠城狐遠遁藏。那反側聞風自請降。今日呵。君側奸邪正未央。討叛除殘氣不揚。恁道滿目烽烟遍四方。俺道禍起蕭牆真可傷。便待命將提兵難攔當。怎把我待斃孤臣來倚仗。〔丑向內跪介〕臣奏陛下。李敬業克取潤州。金陵危在旦夕。裴炎不欲出師。實有同謀之意。今日不斬裴炎。它日必然裏應外合。爲禍不小。〔內〕聖旨道來。侍中裴炎。嚙乏知人。心存助逆。不欲興兵討叛。明與敬業同謀。着武承嗣李秦授押赴市曹。梟首示衆。〔小生旦扮二將軍拿外介生哭扯外介丑淨同押外下生哭介〕哎。怎麼好。不免就上封事。爲伯父稱冤便了。〔哭下末〕好漢子。好漢子。中國畢竟有人。〔歎下〕

## 第五齣 虜俠

〔霜天曉角〕〔小旦扮閨華旦扮侍女隨上〕海棠睡醒。曉日窺妝鏡。翠黛眉灣漢月。青絲髻挽烏雲。〔搗練子〕春寂寞。影徘徊。片月寒生玉鏡臺。無可奈何花落去。似曾相識燕歸來。



奴家可汗之女閨華是也。身長蠻夷。情偏嫵媚。揮絃撥調。楚楚多奇。約鬢暈眉。新新無已。我爹爹因則天皇后臨朝。入京稱賀去了。還不見回來。你看這些時節。海雲無葉。山雪飛花。北里王孫。悵行春之有待。南鄰少婦。歎拾翠之無期。白艸黃榆。何似蘭皋蕙畹。胡琴羌笛。終非子夜前溪。正是青海城頭空有月。黃沙磧裏本無春。好不淒楚人也。

〔六犯清音〕〔梁州序〕蔥山橫黛。榆河開鏡。遙障時侵日影。凭闌無語。自憐身染胡塵。〔桂枝香〕春色臨關盡。黃雲出塞橫。〔甘州歌〕游絲冒落絮。零多情。常自不勝情。〔傍妝臺〕愁聞折柳悲春曲。怕聽吹笳斷夜聲。我想皇都這樣時節呵。〔阜羅袍〕屠蘇送煖。子規弄晴。韶華爭上春風鬢。〔黃鶯兒〕願花神。平分花信。探取一枝新。

〔末扮思摩可汗騎馬丑雜扮從人隨上〕

〔西地錦〕禮樂夷風歸正。衣冠漢制常新。函關回首長安近。恍聞上苑鶯聲。俺思摩可汗朝覲回來。早已到門首了。左右的迴避。〔丑雜應下小旦見介〕爹爹回來了。皇都的光景好麼。說與孩兒知道。〔末歎介〕說他何用。如今皇都這樣光景。有甚好處來。



〔風入松〕俺祇見皇州春色起愁城。白日渾無精景。〔小旦〕爹爹。這等說起來。難道到不如俺這裏。〔末〕俺這裏蠻夷尙識君臣分。〔小旦〕爹爹。這是怎的說。〔末〕孩兒。你那裏曉得。如今女主當朝。更兼奸臣竊柄。滿朝的官。只有裴炎侃侃直言。又被衆人羅織。登時就殺了。〔小旦〕有這等事。可惜可惜。〔末〕他還有一個姪子裴仙先。年方十七。官居寺丞。又要上封事。不知怎麼了。抒孤憤犯顏匡正。草短疏含冤叩闈。憐忠義萃一門。

〔前腔〕〔小旦〕朱雲折檻枉嶙峋。忠赤有誰憐憫。爹爹。你怎麼不救他一救。也學那滿朝的官。做寒蟬聲咽。西風緊。〔末〕呀。我們是夷人。怎好干預朝政。〔小旦〕正是。爹爹。我們管他的甚。趁這時節呵。且莫惜歌殘舞困。還自樂朱圍錦屏。任理亂不須聞。酒樂備在後園。請爹爹拂塵。

〔末〕樂聚南宮宴。  
觴連北斗醇。  
〔小旦〕緩歌將醉舞。  
宜拂繡衣塵。

## 第六齣 直諫

〔秋葉香〕〔老旦扮武后小生扮昌宗淨扮承嗣旦丑扮宮女外雜扮宦官從上老旦〕一統華夷

環向。奈朝端羣小譸張。〔小生淨〕巍巍聖主計周詳。有何事更須酌量。〔小生叩頭

介〕臣張昌宗叩頭。願陛下萬歲。〔老旦〕愛卿起來。〔起介淨叩頭介〕臣武承嗣叩頭。願陛下萬歲。

〔老旦〕我兒免禮。〔起介老旦〕昨日裴炎謀叛。已伏其辜。他姪兒太僕寺丞裴仙先。又上封事請見。要面陳得失。甚是可惡。且召他進來。看他怎麼。傳旨召裴仙先。〔外雜召介生冠帶上〕

〔玉井蓮〕丹心一點奏明光。拚死忠貞無兩。〔外雜〕裴仙先當面。〔生〕臣裴仙先見。〔老

旦〕汝伯謀反。干國之憲。自貽伊戚。爾欲何言。〔生〕臣今爲陛下計。安敢爲伯父訴冤。夫陛下乃先帝皇后。唐家新婦。今先帝棄世。陛下臨朝。理當委任大臣。保其社稷。東宮年長。復子明辟。以塞天人。之望。奈何遽自封崇私室。擅立諸武爲王。誅斥唐宗。自稱皇帝。海內憤惋。蒼生失望。臣伯父忠于唐室。反誣其罪。陛下爲計若斯。臣深痛惜。臣望陛下復立唐家社稷。迎太子東宮。則陛下高枕。諸武獲全。如不納臣言。天下一動。大事去矣。產祿之誠。可不鑒哉。

〔八聲甘州〕乘輿草莽。似炎精息焰。諸呂稱王。神人失望。怎做得幕燕如常。一

時速正乾坤象。片翳無侵日月光。早防。任深宮高枕徜徉。

〔前腔〕〔老旦〕荒唐少年鹵莽。似杞人憂慮。終孺猖狂。〔淨小生〕因仇造謗。這胸中機變非良。〔生〕漢時后族終淪喪。唐室山河莫妄量。試詳看它年產祿堪傷。

〔老旦〕這都是阿黨裴炎的說話。

〔解三醒〕〔生〕我非是一家阿黨。也只爲萬古綱常。由來婦道無相抗。怎臨朝擅奪乾綱。〔老旦〕何物小子。敢發此言。扯他出去。〔外雜扯生介生留介〕天時災異徵非妄。人事兵戈勢已張。〔老旦〕快扯出去。誰聽你虛誑之言。〔外雜又扯生又留介〕非虛誑。速乘時反正。莫自貽殃。〔老旦〕快扯他出去。〔外雜扯生反顧介〕能用臣言。猶未晚也。〔外雜扯生

下介〕

〔前腔〕〔小生淨〕歎無知窮酸魍魎。做當車怒臂螳螂。出言廝挺真無狀。怎饒他伏法雲陽。〔老旦〕他言詞喋喋雖不妄。意氣翩翩甚慨慷。〔小生淨同應介老旦〕須

輕放。〔淨小生又應介老旦〕看青年美質。忍使淪亡。裴仙先着該衙門官在朝堂上勘杖一百。

長流嶺南〔淨〕領旨。

〔老旦〕澹淡春光滿曉空。

不應黃葉久從風。

〔小生〕已知聖澤深無限。

〔淨〕共識皇恩造化同。

### 第七齣 勘責

〔上林春〕〔丑扮李秦授上〕

堪笑狂生意氣豪。遇冤家看他怎了。

懼法朝朝樂。欺公

日日憂。欺公猶自可。莫教撞對頭。那裴炎前日在聖上面前。甚是無理。被我奏他謀反。聖上大怒。登時殺了他。他姪兒還不識時氣。又去上甚麼本。陳甚麼得失。今日發在朝堂。着我勘杖一百。遠流嶺南。我想這個小小後生。喫得多少苦起。重打幾下。送了他性命。有何不可。校尉何在。〔末雜扮二校尉上應介丑〕今日打的犯人。是反賊親姪。又去上了本。聖上極惱的。可做幾下打死了他。〔末雜應介生冠帶外雜押上〕宮門深鎖綠楊天。零落殘魂倍黯然。賈誼上書憂漢室。長沙謫去古今憐。自家裴仙先。直諫忤旨。決杖長流。不免到朝堂受罪去也。

〔北賞花時〕俺把那一片忠心撼九霄。誰道是觸犯天顏起怒濤。由你那萬里瘴烟

遙儘着這鞭箠多少大丈夫那怕那七尺掩蓬蒿。〔生對丑立介丑〕裴仙先你這殺不盡的反賊。不知一些法度。所以造反。你今日既有了罪。如何不跪。〔生〕沒有聖旨在上。難道跪你。〔丑〕快請聖旨過來。〔旦捧旨上生跪介旦〕裴仙先着該衙門官在朝堂上勘杖一百。長流嶺南。〔生跪叩頭稱萬歲介丑〕拿下。〔末雜喊介生從容解衣介〕

〔北後庭花煞〕解下了裹精忠青錦袍。〔除帽介〕除了能敬懼烏紗帽。只道做鯨鯢遭天討。誰承望止鞭笞離聖朝。〔丑笑介〕你爲伯父伸冤。何等英雄。如今在那裏了。〔生〕比你奸邪們位便牢。那能勾千百年常自保。怎如我看微祿值幾毫。視浮生等一毛。史書中上百標。姓名兒後世道。〔丑〕他死在眼前了。尙不自知。還要講甚麼。〔生〕窮通生死都休料。滿拚杖下微軀盡。肯向人間壯氣消。死便也還含笑。〔伏地介〕甘與那龍逢結伴。每日價地下逍遙。〔末雜杖介生作死介末報死介丑〕這是聖旨。不論死活。定要打完的。〔末雜又打至九十八生醒叫天介丑驚喝重打介末雜又打至一百介小旦扮解子上丑向小旦介〕卽刻押赴嶺南。不許遲滯。〔小旦應押生介〕

〔生〕崇山瘴癘不堪聞。

〔小旦〕北望衡陽雁幾羣。

〔丑〕兩地江山餘萬里。

何時重謁聖明君。

第八齣 聞謫

〔亭前柳〕〔旦上〕枝上弄鶯簧。喚醒夢魂香。朦朧勻睡臉。倦怯試羅裳。爲誰瘦損嬌模樣。自覺愁來一日卽爲長。〔如夢令〕樓外殘陽紅滿。春入柳條將半。桃李不禁風。回首

首落英無限。腸斷。腸斷。人共楚天俱遠。奴家幼遭不辰。遠流此地。但見石室烟埋古桂。嵩臺月冷啼猿。有托之萋羅。飄零沒定。及時之桃李。黯淡無顏。一榻清幽。寶篆沈烟裊。終身孤另。翠被曉寒輕。當此春色惱人。好難消遣也。

〔小桃紅〕東風掠鬢。初日凝妝。睡起嬌無力也。暗惜流光。鏡臺羞自對。膏沐爲誰芳。冷落鴛鴦枕。翡翠衾。與那芙蓉帳也。含嬌誰倚傍。轉添惆悵。春日偏能惹恨長。

〔前腔〕香銷鸞鳳。屏掩瀟湘。寒透羅衣薄也。錦瑟淒涼。斷腸芳草碧。牽恨柳絲

黃怕對標梅實唐棣穠與那天桃放也闌干閒自傍。沒些三情況欲捲珠簾春恨長。〔老旦盧母急上介〕

〔下山虎〕心旌飛越。步履倉皇。〔旦見介〕呀。母親爲甚麼事。這等慌張。〔老旦〕嬌倩驚風浪。他一朝白簡飛霜。誰料天顏難抗。致令鍛羽投荒。聞此踟躕欲斷腸。〔旦背悲介〕

〔前腔〕回首長安望。中心暗傷愁聽清猿夢裏長。母親。敢怕信息未真。〔老旦〕他因伯父直諫。被奸臣羅織。立時賜死。就上封事。面陳得失。武后大怒。廷杖一百。流發嶺南。院子適才在街坊上來。親見刺史差人迎接他去了。怎的不真。

〔前腔〕橫行魍魎。屠毒忠良。一室遭羅網。孤身遠謫蠻方。〔背介〕咳。我子母流離。又遇這樣的事。真個屋漏更遭雨驟。行船又被風狂。不是愁人亦斷腸。我心中甚放不下。就要叫院子去迎接他了。蹤跡多飄蕩。雲山渺茫。地角天涯未是長。院子那裏。〔末上〕堂上聞呼喚。階前聽使令。稟老夫人。有何吩咐。〔老旦〕如今裴爺遠來。路上不知怎麼。我差你一路迎接上去。你可卽刻起身。〔末應介老旦〕你聽我道來。



〔一封書〕他翩翩畫省郎。旅服那經驛路霜。你去見他時。對我說我這裏呵。雖越在遐荒。喜春光似洛陽。莫歎天連銅柱蠻烟黑。地接珠崖海氣黃。〔合〕在華堂。盼湘江。一水牽愁萬里長。〔末〕小人見裴爺呀。

〔前腔〕從來志激昂。繞指難柔百鍊剛。料慷慨束行裝。把單車起夕陽。怕甚麼射工巧。伺行人影。颺母偏驚旅客航。小人就此前去。〔合〕離華堂。問湘江。風便那知道路長。

鵬鳥巢南更數千。

明時非罪謫何偏。

榮枯盡寄浮雲外。

哀樂猶驚逝水邊。

### 第九齣 送別

〔菊花新〕〔淨丑外扮一冠服一行衣一野服上〕論交卻憶十年時。駐馬銜杯問謫居。

白日麗南隅。別路青青草細。〔各相見介〕我們這數百人。素與裴太僕情洽金蘭。義輕生死。未

圖犬馬。遠隔參商。同到長亭。送他一程。〔淨丑〕呀。果毅都尉李多祚平日與裴太僕極厚。聞得他費

詔已回。怎麼到不見來。〔外〕李都尉是個有義氣的漢子。決不如此。說話之間。遠遠望見的是李都尉來了。〔小生扮李多祚便服上〕

〔掛真兒〕愁聽啼鳥頻求侶。憐知己剗地分離千里含情。一杯促膝。惆悵青山

綠水。〔與衆相見介小生〕諸兄到此。想是送裴太僕麼。〔衆〕然。〔小生〕呀。諸兄還不知道。那李秦授

害老相公的時節。說老相公有反叛之心。如今諸兄上數百人在此。倘若奸人知道。又好說聚衆謀反了。諸兄到不如請回。下官少間見裴兄時。道達盛意便了。〔淨丑〕雖則如此說。難道獨是兄送得的。〔小生〕下官遠回。尙未相會。還有一事要與裴兄商議。故此潛來。若諸兄昨日一定安慰他過了。何必拘拘在此一送。〔衆〕正是正是。我們如果有心。他日到嶺南去看他便了。猿啼客散暮江頭。一別心知兩地秋。總爲浮雲能蔽日。長安不見使人愁。〔衆下生巾服扮病雜扮從小旦扮解子上〕

〔唐多令〕病骨苦支離。孤身歎路岐。可憐人世隔雲泥。瘴雨蠻烟迢遞。愁似織。淚如絲。〔小生相見介生〕渭城朝雨浥輕塵。客舍青青柳色新。〔小生〕勸君更盡一杯酒。西出陽關

無故人。小弟蒙相公國士之知。感仁兄虛左之遇。自足千古。永戴二天。不意昨日賈捧方回。相公已

羅大辟。仁兄遠謫炎方。既頹太山。復壞喬木。如何是好。〔生顧介〕只有兄一人在此麼。〔小生〕正是。那許多賓客。一齊都來候送。小弟又恐觸奸人之忌。一力阻他們回去了。〔生〕這個見得極到。〔末扮堂候官上〕道叶陶鈞力。恩迴日月光。〔見生叩頭介〕小的是平章事魏玄同老爺差來的。爺說多多拜上。向與老相公交厚。今裴爺遠行。極該親自來送。因朝中有事。特差小官賣驢車一輛。俸金百兩。奉送老爺。〔生〕這驢車我正用得他着。多拜上魏爺。說我都收了。〔末應下外扮王府官上〕夜玉妝車軸。秋金鑄馬鞭。〔見介〕小官是瑯邪王差來的。說不好出城送爺。差小官賣黃金百鎰。彩段百端。以爲驢敬。〔生〕多謝了。爲我啓上大王。說我收了。〔外應下小生〕小弟本該遠送。苦被微官所縛。不能脫身。聊具杯酒。少壯行色。〔把酒介〕

〔傾杯玉芙蓉〕草色青青送馬蹄。行止皆無地。可憐你孤鳳辭巢。匹馬投荒。門外風波。眼底睽違。三洲水淺魚難至。五嶺山高雁到稀。生不遇。令英雄短氣。問驅馳。何年卻向帝城飛。仁兄。你一向因盧公家眷流居嶺南。姻事久羈。如今此去。雖是炎荒辛苦。卻好完此終身大事。〔生〕哎。李兄。小弟心在朝廷之上。全無室家之思。

〔前腔〕嘆惜人間萬事非。揮手從茲去。小弟此行不愁那夜火山妖。毒霧蠻蛇。柱嶺炎蒸。鬼國羅施。只愁異日呵。王侯第宅皆新主。文武衣冠異昔時。生不遇。令英雄有氣。歎驅馳。離筵散處白雲飛。小弟就此拜別。〔別介〕烟照慘平林。孤雲任此心。〔小生〕艱難此爲別。惆悵一何深。〔下介生上驢車行介〕

〔普天樂犯〕柳絲垂。牽愁緒。馬聲驕。嘶長路。我本待頌黃臺反正乘輿。又誰知賦離騷。放逐湘纍。飄零何處。一生忠膽能爲祟。鳳朝陽與孤鶩齊飛。只恨鷹隼張威。〔淨扮將官上〕金壇申將禮。玉節受軍符。〔見生叩頭介〕小官是河南巡撫狄仁傑老爺差來的。說拜上。裴爺。聊具菲儀百金。爲一路盤費。改日回朝。還要上本與裴爺白冤。〔生〕遠勞你了。多拜上你。家老爺。〔淨應下生〕

〔朱奴兒犯〕看衡陽雁飛錦字。聽羅浮猿啼哀淚。此時對景遙相憶。益添我旅思。淒其。遠指竹王祠。烟藏翡翠。逢人嶺外稀。更自傷情處。桃榔椰葉暗蠻溪。〔外丑扮官吏上〕嶺外資雄鎮。朝端寵節旄。〔見生叩頭介〕官吏是嶺南刺史差來迎接老爺的。

〔生〕多勞你們了。你們暫且先回。〔外丑〕要領回書。〔生〕你說我得罪于朝廷。今爲老爺部下編民。不好回得書。到日自來拜謝。〔外丑應下末扮院子上〕天南愁緒絕。臨行意緒長。〔見生叩頭介〕小人是盧老夫人差來接爺的。〔生〕老夫人一向好麼。〔末〕仗庇粗安。〔生〕我一到此。要拜謁老夫人。你隨我同去。〔末應介〕

〔尾聲〕〔生〕南洋漲海人何處。夢斷王孫歸路迷。落日亭亭向客低。

潮州南去接宣溪。

雲水蒼茫日向西。

客淚數行先自落。

鷓鴣休傍耳邊啼。

### 第十齣 壻謁

〔長相思〕〔老旦扮盧母旦同上〕瑣窗寒。怨寂寥。更憶王孫魂轉。踏莎行路遙。〔旦〕

玉樓春。景自饒。我倦尋芳困碧桃。綺羅香漸銷。〔老旦〕春日載陽。出自東方。〔旦〕肅肅

鶉羽。集于苞桑。〔老旦〕所謂伊人。格車乘黃。〔旦〕勞心怛怛。曷維其亡。〔老旦〕我一向爲你標梅待

日。破瓜無期。如今裴郎也謫在嶺南。你的終身事到可完了。但他弱質伶仃。怎耐鞭笞痛楚。豪門安

樂。那禁道路流離。未知他在路上安否何如。又未知何日得到這裏。前日已差院子過嶺去迎他。一去音信杳然。好生放心不下。

〔二郎神〕心如擣。爲征人愁占著草。盡日綿綿思遠道。他青年貴介。怎禁途路  
峒嶢。須知芳草伴人還易老。更風霜有誰相靠。粵雲遙。好教人孤帷望斷征軺。  
〔前腔〕〔旦〕母親你休焦。長沙雖遠曾羈年少。世事茫茫難自料。〔背介〕雖則如此說。  
關山阻隔。知他甚處飄飄。人在夢中何日到。好教我長皺眉梢。〔轉身介〕中庭悄  
聽嬌鶯聲聲若訴無聊。〔生巾服末從上〕

〔轉林鶯〕夕陽影裏斜度鳥。迴瞻鄉路迢遙。老夫人家去此還有多少路。〔末〕過石橋便  
是了。〔生〕藍橋應有裴航棹。〔整衣介〕試征衣山翠拂行鑣。〔到介末〕此間已是裴爺  
少待。〔進報介生〕你看幽居悄悄。蝶懸蛛網無人到。〔老旦對末介〕快請進來。〔願旦介〕  
孩兒你且進去。〔旦應介〕舞榭妝樓處處遮。門前初下七香車。〔下末出請生進介生〕坐相邀。

秦樓逕入。耳畔恍聞簫。岳母請坐。女婿拜見。〔老旦〕行路辛苦。免拜罷。〔生拜介〕江入千峯暮。



花連百粵春〔老旦答拜介〕秦樓憐白髮。楚澤怨青萍。院子快備飯來。〔末應介老旦〕

〔前腔〕風塵荏苒音信杳。教人夢想常勞。今日呵相逢更覺傷懷抱。你數奇未偶。忠信涉波濤。驅馳縲紲。又未審程途安好。挹丰姿。衛郎玉潤。愁破在今朝。賢塔。你已往的事。老身盡知。只是一路上不辛苦麼。〔生〕聽稟。

〔啄木鷗〕嗟鳴鳳。恨鷺鴦。賦就悲生同鵬鳥。喜得管鮑交情。多憐范叔綈袍。因此上虞翻落魄。心猶傲。形容幸不淪枯槁。〔老旦〕這等還好。〔生背介〕暗心焦。屏懸孔雀。何日鵲填橋。岳母一向好麼。〔老旦〕

〔前腔〕悲離缺。折大刀。蒲柳摧殘同露草。欲問我盡日行藏。只看短髻蕭蕭。幸得桃花一樹堪娛老。又歎紅鸞影裏孤星照。今日得你到這裏呵。耀蓬蒿。屏開孔雀。十日鵲填橋。〔末〕稟老夫人。飯已設在後亭了。〔老旦〕請進少坐。

〔老旦〕逆旅相逢處。

江村日暮時。

〔生〕長安如夢裏。

何日是歸期。



第十一齣 計詔

〔生查子〕〔丑扮李秦授上〕孺子犯天威。遠謫投荒裔。只道瘴烟悲。卻赴鴛鴦會。禍兮福所倚。福兮禍所伏。裴仙先違犯聖上。傷觸我們。前日決杖一百。流發嶺南。誰想這賊骨頭。又打他不死。去到嶺南。恰好他原定的妻子正在此處。只當選他去做親。甚是氣他不過。不免往見魏王。商議一計。安排他纔好。迤邐行來。此間已是魏府了。有人在此麼。〔小旦扮內官上〕當年許史宅。昭代帝王家。那一個在這裏。〔丑去鬚趨揖介〕老公公拜揖。補闕李秦授求見大王。〔小旦〕李補闕是有鬚的。如何沒了鬚。〔丑〕老公公不生鬚。小孩兒焉敢生鬚。〔小旦〕這官兒到會講話。俺與你通報便是。〔丑仍上鬚介旦向內介〕大王有請。〔淨扮武承嗣上〕

〔前腔〕帶冕侍黃扉。棨戟開朱邸。尊酒送良時。歌舞娛長夜。〔小旦報介淨〕着他進來。〔小旦引丑進見介〕李秦授拜見大王。〔淨〕補闕少禮。補闕今日到來。有何見教。〔丑〕裴氏伯姪。衝突聖上。觸犯大王。甚是可惡。後來裴炎斬首市曹。袖先卻從薄罰。誰想袖先杖後。畢竟不死。流到嶺南。恰好他定的妻子也在那裏。卻不是到成就了。他的親事。心中甚是不甘。特來啓上大王。須在

聖上面前擯掇一聲。殺了他纔好。〔淨歎介〕你那裏知道。前日召見的時節。我再三勸殺了他。誰想聖意甚是爲他。着實稱贊他。到像有些看上了他的意思。倘若召用了他。如何是好。〔丑〕這也不難。我們就把奉承張昌宗的嘴臉。掇將轉去奉承他便了。〔淨〕他是個蹊蹺古怪的人。如何好奉承的。況且他心懷舊怨。怎麼肯與我們干休。〔丑〕既然如此。下官有一計在此。如今聖上宮中止是張昌宗弟兄侍寢。他們近來也覺有些厭倦。我們及早多進幾個人進去。使聖上應接不暇。自然不思量他了。〔淨〕說得有理。妙妙。只是一時那得有這等豪傑。〔沈吟介〕有了。我見那戶部郎宋之間。丰姿出衆。才學過人。這人去得麼。〔丑〕大王還不知道。他前日獻明河篇求用。聖上道他有口過。不中意他。如何去得。大王。你道這件事那裏用得才學着的。我到訪得有兩個人。一個是御醫沈南璆。一個是和尙薛懷義。現在千金公主家裏。這兩人啊。

〔別銀燈〕論丰姿非凡可擬。況材具如今無比。一朝聖上誠歡喜。是微臣區區孝意。一人在朱門久棲。論親情豈容他自私。〔淨〕好好。正是這等樣爲朝廷。纔見得是個

補闕。這件事明日早朝就要奏聞聖上了。裴仙先那一節。還須要你在意。

〔前腔〕他狂言甚無忌諱。奈聖恩反加寬恕。料來已作炎荒鬼。那恁他如魚得水。這廝少年場妄爲。要留心好尋他事機。〔丑〕領命。

〔丑〕南天瘴癘和。

行矣慎風波。

〔淨〕明朝有封事。

數問夜如何。

## 第十二齣 成婚

〔未扮院子上〕一飲瓊漿百感生。玄霜搗盡見雲英。藍橋便是神仙窟。何必崎嶇上玉京。自家盧府中院子是也。今日俺小姐與裴太僕爺成親。不免在此伺候。但見皎皎明月。煌煌列星。鮮潔潔玉宇雲開。碧澄澄銀河水瑩。香焚百和。拂拂霏霏。正是寶鼎長春。燈上九微。燦燦爛爛。還見瑤臺不夜。繽繽紛紛的杏梁桂棟。掩映琉璃。鮮灼灼的椒閣蘭房。蔽虧繡繡。錦炫金鋪。烟烟燦燦。鳳吐流蘇。帶晚霞。玉朗珠明。陸陸離離。龍啣寶樹迎朝日。更有那妖妖嬈嬈的夜月情。朝雲笑。佳人絕世無雙。合配着濯濯軒軒的春柳態。曉霞標。快婿當年少匹。這壁廂正當貯來金屋。亭亭纔賦標梅。那壁廂恰好。好謫下瑤池。盈盈便欲采荇。焜焜的玉勒金鞭的龍媒麟種。準備那仙子會星橋。玲瓏瓏絕疎。

珠箔的鸞馭鶴輿。專待那嫦娥離月殿。華堂上擺列着鵝笙象板。龍鳴笛。鳳翼簫。一聲聲奏出相和之音。繡閣中陳設着鸞鏡鴛帷。龍鬚席。鳳紋衾。一件件鋪就成雙之象。尊開玄碧。清清湛湛。遙引着蒲澗蘭湖。肴薦芳馨。馥馥芬芬。盡指着香林神草。只見那合歡杯。連理衣。交龍錦。雙絲絹。同功繭。比翼扇。並根粒。行行列列的盡是禎符。又見那合歡結。連理樹。交頸鴛。雙飛燕。同心鳥。比目魚。並蒂花。疊疊重重的悉呈瑞應。晴光漸煖。急釀成氤氳氤氳的一陣麝蘭香。和風乍來。又送到了丁嚙嚙的幾聲環珮響。碧簫裊裊。早是那佳期將近。仙人樓上鳳凰飛。翠杼沈沈。會見那好事非遙。織女橋邊烏鵲起。晶晶的雀屏開處。分明葉葉相當。雍雍的鳳卜占來。真個枝枝相值。人如月。夜如年。歡情洩洩。不羨他神游閨苑三千。朝行雲。暮行雨。笑臉依依。不數那夢到巫山十二。但願璧月夜夜滿。山盟海誓不渝。更祈瓊枝朝朝新。地久天長無量。正是王孫帝女下仙臺。金榜珠簾入夜開。遺惜瓊筵歡正洽。惟愁銀箭曉相催。道猶未了。夫人早到。〔老旦上〕

〔意難忘前〕春色正芳妍。看羣祥既集。二姓交歡。畫屏凝瑞靄。寶扇擁香烟。可

憐桃李徑。更繞鳳皇臺。仙媛乘鸞日。天孫捧雁來。院子那裏。〔末應介老旦〕今日裴爺與小姐成親。

吩咐安排筵席。可曾完備未曾。〔末〕完備多時了。〔老旦〕吉時已到。吩咐掌禮請新人。〔末〕應叫掌禮介。淨扮掌禮上。向內揖念介。〔伏以〕風流才子謫遐方。瀟灑佳人出華堂。燭影輝煌當此際。分明一對好鴛鴦。云云。〔又〕揖念介。鸞車鳳駕初來到。玉樹瓊枝相映耀。金鳴香浮敞玳筵。神仙一對離蓬島。云云。〔生〕巾服且冠帶丑外小生扮從隨上。

〔意難忘後〕蟾宮畔。鵲橋邊。是人世神仙。聽簫聲縹緲。鳳影聯翩。〔生〕且拜照常科。淨念介。〔伏以〕才郎女貌相當。天然吩咐成雙。地久天長難計。五男二女成行。男作公卿將相。女嫁君宰侯王。從此榮華富貴。更兼福壽無疆。云云。〔各送酒照常科〕

〔惜奴嬌〕〔生〕璧月高懸。更彩雲萬朵。畫堂繞遍祥光滿。華燭熒熒星燦。試看孔雀屏間。鳴鳳樓中。于飛雙燕。〔合〕歡宴。隨鸞鶴入青冥。此際裴航堪羨。

〔前腔〕〔旦〕天邊金漢初填。正碧霄萬里。片塵無染。雙星見。桂帳飄飄風煖。試看玳瑁梁間。蘇合香中。雙棲海燕。〔合〕歡宴。看玉杵會藍橋。此際雲英堪羨。

〔鬪寶蟾〕〔老旦〕踟躕。謫下雙仙。是有緣千里。一朝相見。似雙絲綵纈同心金。

篆輝燦。香飄連理盤。光生比目鮮。〔合〕結良緣。從此賦就桃夭。看取歡情無限。  
〔前腔〕〔衆〕聯綿會合雙鸞。是女牀飛集。歸昌相喚。似團團寶鏡。動搖紈扇。璀璨。合歡照四筵。同心影萬年。〔合〕結良緣。從此曲奏關雎。管取歡期無限。

〔錦衣香〕〔生旦〕洛浦邊。天台畔。巫岫巔。江皋岸。紅線姻聯。赤繩緣絆。說甚麼雲來似墨。瘴如烟。且吹簫鳳嶺。合番龍川。〔合〕喜中屏卻從借劍。看批鱗已成奠雁。此日緣非淺。百年姻眷。免絲根蒂從風無斷。

〔漿水令〕〔老旦衆〕最堪誇玉姿郎面。恰相逢桃花婦顏。遙看五嶺作盟山。還將漲海設誓彌堅。〔合〕今日裏天可鑒。休教溝水東西怨。南山上。南山上。鴛鴦不散。長交頸。長交頸。歡慶千年。

〔尾聲〕〔共〕洞房佳氣春應滿。看錦帳香溫夢煖。莫使靈虬促夜闌。

銀漢星迴一道通。

青鸞飛入合歡宮。

若非羣玉山頭見。

會向瑤臺月下逢。

第十三齣 春游

〔逍遙樂〕〔小旦帶丑淨扮侍女上〕隔院春催緊。多少落英相倚恨。青娥紅臉笑來迎。向碧闌干外。赤玉樓前。緩步閒吟。〔集古曲〕枝中水上春併歸。長楊掃地桃花飛。清風吹人光照衣。光照衣。在鳳樓。弄嬌響。發清謳。奴家可汗之女。性喜繁華。情耽絃管。如今春光垂暮。花氣漸闌。趁此晴日好懷。且向園中少步。侍兒們隨我來。〔淨丑老旦旦隨行介〕

〔宜春令〕〔小旦〕穿芳徑。步翠茵。薄羅衣風來自輕。柔情耿耿。爲花長抱三春恨。撲風塵。香褪衣襟。篩斜日。簾移碎影。人都說白草城中春不入。看起我那園中的光景。

呵。算分明。名園金谷。皇州淑景。

〔前腔〕〔衆〕銀題影。玉砌陰。促東風春歸幾程。徘徊對景。隔林啼鳥如相問。飛不到半點紅塵。掃不開幾重綠蔭。郡主。你這等花容月貌。埋沒在這裏。算分明。鸞棲枳棘。花埋幽徑。〔小旦〕且喜今日閒在此。你們把平日學的歌舞。將來開耍一回。〔衆應介〕

〔金字經〕〔吹笛介〕暗飛聲。散入春風滿洛城。曾絕朱纓吐錦茵。茵也麼茵。愁中



柳盡生。想那宋禕風流韻九成。

〔前腔〕〔彈琵琶介〕寄春情。掩抑淒鏘多好聲。袖拂龍門空自生。生也麼生。懷風殊復清。想那發動明君怨未平。

〔前腔〕〔歌介〕動朱脣。春煖江城斜日陰。舌上宮商且雜陳。陳也麼陳。鶯啼漢苑春。想那撫節韓娥度曼聲。

〔前腔〕〔舞介〕試抖身。長袖迴鸞市欲傾。鶴顧低鬟逐上聲。聲也麼聲。衫飄曲未成。想那飛燕翩翩掌上輕。

〔貓兒墜〕〔小旦〕清歌豔舞。飛雪共停雲。莫惜追歡笑語頻。蛾眉好趁漢宮春。〔合〕娉婷。且樂青鏡韶年。白晝芳辰。〔衆〕郡主。你看天色已是晚了。

〔前腔〕開林選勝。浮影忽西沈。傑閣烟含石氣青。一方明月可中庭。〔合前〕錦城絲管日紛紛。半入江風半入雲。

此曲只應天上有。

人間那得幾回聞。

第十四齣 訂訪

〔一翦梅〕〔小生僧扮駱賓王上〕振錫空山蹤跡幽。象外浮游。世外閒游。腰間猶佩舊吳鉤。謀在心頭。恨在眉頭。古來名利若浮雲。人生倚伏信難分。朱門無復張公子。灞亭誰識李將軍。自家駱賓王是也。向與李英公共起義兵。同討武氏。不意英公敗亡。我以計脫。祝髮爲僧。改號無名。避跡嶺南。豈欲暫脫是非。正思永離生死。我想起來。奔走風塵。終爲自迷愛欲。皈依淨土。方能不墮涅槃。打破了幾座愁城。跳出那無邊苦海。神開金葉。塵洗玉池。四大體真無拘束。夜誦靈花。晨踏忍草。二六時常得逍遙。繞禪扉淡淡蓬山青不斷。侵講席泠泠液水碧常流。開關又閉關。那管落花飛梵宇。出定復入定。不知巢燕污袈裟。禮金姿。瞻寶相。百道毫光。映七寶雕牀閃閃。參象座。展蜂臺。千條纓絡。隨五雲錦帶飄飄。金花銀花青蓮花。誰識何時開放。銀鉢玉鉢水晶鉢。忽從甚處飛來。爐焚馥馥芬芬。非雲非霧的旃檀香。瓶注清清淨淨似玉似冰的琉璃水。嶺頭梅萼。燦燦爛爛間曇花。天外猿聲。切切淒淒和梵語。瘴海空山熱。而火宅自晨涼。雷州白日濛。而重昏常夜曉。哎。布衲絲緜。挂着一輪明月。何必紫綬金章。麻鞋竹杖。踏破幾處孤雲。豈羨瑠輪珠履。吐忠義于紙上。皆是

業障緣塵。何如臆藏貝葉。詠月露于毫端。盡屬妄言綺語。孰若吞吐青蓮。吓社鼠城狐。不過毒龍狂象。豈必伏降。牝雞啄燕。亦是水怪山妖。任他伎倆。永斷那無明無無明。自然火內披蓮。收拾了非想非非想。畢竟空中生樹。不住子。不住心。不住天。參透空即是色。住于無住。無生篇。無生鄉。無生觀。看破色即是空。生乃不生。真個六念靜心猿。果然三循祛愛馬。但我道念雖堅。塵緣未盡。杖錫所到。車馬隨來。如何是好。今日少閒。恐又有客相訪。我且閉了菴門。跌坐片時。正是道性深寂寞。世情多是非。〔虛下淨便服扮張說末野服扮俞文俊上〕

〔前腔〕〔淨〕耿耿丹心白日愁。社稷堪憂。狐兔堪憂。〔末〕蒼梧遠竄。幾經秋塵染貂裘。風入驪裘。〔相見介淨〕下官鳳閣舍人張說是也。因不證魏元忠反。忤于張昌宗。被流嶺南。

〔末〕小生江陵布衣俞文俊是也。天后欲改新豐爲慶山縣。朝臣莫敢進諫。我伏闕直言。天后大怒。遠竄此地。張大人。昨與劉將軍相期。往訪裴太僕。此時還未見來。〔淨〕想就到了。〔外扮劉生武巾便服上〕英名振關右。雄氣逸江東。游俠五陵內。去來三秦中。自家鐵騎將軍劉生是也。平生負氣。浪游嶺南。昨張舍人俞布衣相期往謁裴太僕。聞他是個豪俠的人。只索走一遭也。〔相見介末〕我

們在此等久了。劉將軍。我聞駱賓王削髮爲僧。隱跡在此。我輩今日先訪了他。明日同去見裴太僕。  
〔淨〕向來士夫都講道學。如今道學敗了。都學逃禪。若吾輩去訪駱丞。人又好說我們逃禪了。〔外〕這也不妨。〔淨〕但是他改名在此。我們相見時。不必道破他。〔末外〕正是。〔衆行介〕不知香積寺。數里入雲峯。有人在此麼。〔小生上〕是那個。〔開門相見介衆〕上人稽首。〔小生〕諸公何來。〔衆〕特叩禪關。專求指教。〔小生〕山僧形同槁木。心若死灰。何勞諸公枉顧。既到在此。就在小菴坐譚片時。〔淨〕敢問上人。何以爲宗。〔小生〕

〔太師引〕論禪宗淨業開靈鷲。憩龍宮烟花自幽。磬聲鳴巢鳥飛集。優曇樹常掛獼猴。把無名業網來參透。苦海內急忙回首。承諸公枉顧。無以爲款。愧無有芳尊勸酬。空山裏共相邀漱齒寒流。

〔前腔〕〔末〕緣塵業障俱烏有。說法處三生點頭。笑支遁求山隱遠。羨維摩面壁嵩丘。〔外〕香林尙種先生柳。拂青萍氣挾長秋。〔淨〕上人。你已登彼岸。我尙溺迷津。戴南冠愧學楚囚。今日裏逢君。似泛虛舟。〔外〕上人。太僕裴袖先也流在此。吾輩相期訪

他欲偕上人同往。不知尊意如何。〔小生〕諸公青雲貴客。臭味相投。正該相訪。山僧是世外之人。況避跡深山。不得追隨了。〔末〕上人。裴太僕忠肝俠骨。虛左迎賓。正是我輩中人。上人既卓錫此地。豈可不一相識。那裴太僕呵。

〔三學士〕賈傅才高多朗秀。更兼倜儻風流。西園向慕夷門客。東觀羞爲白版侯。取日虞淵遭佞搆。邀杖履好共遊。

〔前腔〕〔外〕抗疏撻鱗真罕有。更兼他意氣橫秋。〔淨〕上人。你高人應下陳蕃榻。我逐客還登謝朓樓。〔小生〕豪杰堪爲方外友。明日裏願共遊。既承諸公相挈。須索同往。〔衆〕明日相候同行便了。

〔淨〕蕭寺房廊竹颭風。

〔末〕幾年辛苦與君同。

〔外〕心中無限不平事。

〔小生〕一宵清話又成空。

### 第十五齣 俠晤

〔卜算子〕〔生帶雜扮院子上〕南越暫羈身。瘴海沈雲黑。它鄉倒屣有佳賓。門外多

車轍。舊國經年別。關河萬里思。歸心惟有夢。掩泣向南枝。下官面奏彤庭。放逐桂嶺。幸岳母向流此

地。得諧秦晉。雖未展報國之心。反得遂有室之願。且喜杖頭頗堪取酒。囊中儘可留賓。座有高人榻。門多長者車。生平志願足矣。院子有客相訪。快來通報。〔雜應介淨小生末外同上〕

〔前腔〕襤褸訪蘭英。下馬炎威失。垂楊一帶遶朱門。遠草俱含碧。〔雜通報介生出

迎進見介生〕諸公飛鸞翔鳳。望重時流。〔小生〕羊質虎皮。實切素想。〔衆〕裴兄俠節雄風。抗取日

之義。英年貴族。虛下風之懷。久願識荆。實忻御李。〔生見小生驚介〕駱兄爲何祝了髮。〔小生〕山僧

無名。避迹久矣。〔生沈吟介〕我知道了。〔外背介〕看他遠心曠度。翩翩豪舉。劉生一腔熱血。今番有

用處了。〔生〕張大人朝廷之上。自大人謫貶。老成彫謝。只有狄梁公一人砥柱中流。其餘碌碌庸才。

國事如之奈何。〔淨〕下官何足挂齒。只是承嗣鳴張。秦授狐媚。竊窺神器。毒流縉紳。我輩深爲痛心。

〔生〕俞先生以布衣伏闕。謫居瘴癘。更爲難得。〔末〕小生怒臂當車。自取戮辱。慚愧慚愧。〔生〕敢問

劉將軍何以便挂冠了。〔外〕下官少負意氣。豈肯北面以事婦人。旣不能借尙方之劍。以斬佞臣。只

索拂衣歸隱。〔生〕上人教振禪林。性超塵外。視我輩之升沈。真是一場大夢。〔小生〕山僧枯槁之人。

何足比數。據山僧鄙見。唐帝王氣方隆。牝雞之鳴有日。螭軀之技將窮。諸公不足爲慮。〔生〕旣辱冒暑枉顧。小園儘可納涼。聊陳雞黍。請教片時。〔衆〕不當奉擾。〔生〕叫院子。快設酒到西園水閣上來。〔雜應介生請衆行介〕薛荔山徑入。荷芰水亭開。〔雜〕稟老爺。酒完備了。〔生送酒介〕

〔書眉序〕西園宴佳客。醪蟻水漿盡浮碧。看池荷跳浪。淚珠傾滴。心哽咽。狐鼠當途。歡宴會羊求相集。〔合〕清泉百尺寒飄栗。且醉碧紗窗北。

〔前腔〕〔衆〕槐陰覆庭屋。翠葆當軒弄金色。碾玉盤朱李。靜沈寒碧。瞻北闕。有日刀頭笑佞倖都冠巾幘。〔合前生〕諸公夕陽西下。野烟如織。景色儘可佐觴。我輩須開懷暢飲。

〔滴溜子〕〔淨末〕你道是你道是園林烟霧如織。又誰知。又誰知繁陰轉移蔽日。罷罷。拚一死五羊城北。〔小生外〕且把人間閒是非。總付浮漚跡。共醉高歌。莫負杯浮琥珀。

〔鮑老催〕〔衆〕鄉關阻隔。炎雲眇眇遮山色。愁腸切切頭應白。喜朋儕共閒歌。



情綢密。黃昏月照歸未得。消愁飲盡杯中瀝。恐杯將盡愁無極。

〔雙聲子〕〔衆〕論交誼。論交誼。習習風生腋。遇知心。遇知心。懇懇盟金石。投車

轉。投車轉。情未極。情未極。拚夜深沈醉。冰盤狼籍。

〔餘文〕〔衆〕竹影桐陰映瑤席。雪藕冰壺瀉玉瀝。可惜情長馬歸急。

萬戶傷心生野烟。

平臺賓客有誰憐。

相逢意氣爲君飲。

愁破方知酒有權。

## 第十六齣 謀歸

〔鳳皇閣〕〔旦上〕兼葭倚玉。曉起邀郎畫翠蛾。青棠新種映絲蘿。堪笑鴛鴦獨宿。更憐那燕巢故土。結髮爲妻子。蒼茫雲海間。沈吟對遷客。歎息未應閒。奴家自嫁裴郎之後。

見他座客常滿。尊酒不空。終日與賓客們往來。但恐那奸邪知道。或把聚衆的名色誣害他。也不可。知。昨日母親教我勸阻他。我想他慷慨好交。一定不肯聽的。這幾時來。我常見他粉榆在念。歸興甚濃。少間待他出來。且把母親的說話勸他一番。若不聽時。到不若隨他回去。那時只好斂迹在家。豈

得復與人來往。或者得以保全。道猶未了。裴郎早到。(生上)

〔前腔〕花明五嶺。北雁歸飛入杳冥。何時不起故園情。喜得佳賓顧問。釀綠蟻牀頭未罄。夫人拜揖。(旦)相公萬福。你在何處來。(生)我倍那賓客們來。(旦)相公。我常聞大臣退廢。當閉門謝過。不宜交通賓客。況且如今法令嚴酷。你終日與賓客往來。只恐那告密的奉承奸佞。不說你結客論交。反說你招亡納叛。以妾論之。及早謝絕。庶可自全。相公。你聽我道。

〔桂枝香〕孤臣匡正。羣兇懷恨。若不計就藏身。只恐那含沙射影。早潛蹤杜門。潛蹤杜門。交游遠屏。莫教開讐。細評論。須知得罪風霜苦。莫負全生天地仁。

〔生〕夫人。你道這些賓客呵。

〔前腔〕廟廊豪俊。山林嘉遯。終不然爲患難相侵。肯廢卻金蘭投分。且招尋友朋。招尋友朋。憑伊構讐。存亡何論。莫勞神。人生自古誰無死。怎負平生結客心。

〔旦〕相公。你與賓客往來。雖是好事。但遠棄墳墓。在此終日宴樂。恐非事體。(生)夫人說那裏話。我

丘隴荒蕪。歸心久切。但恐道路艱苦。不知你與岳母意下如何。(旦)相公所見。這是正理。奴家焉敢

有違。就請母親出來商議同行便了。母親有請。〔老旦盧母上〕

〔海棠春〕憑軒涕泗流。羈望傷千里。〔見介〕女孩兒。你接我出來。有何話說。〔旦〕官人故園興思。欲圖歸計。特請母親商議同行。〔老旦〕哎。此事卻好。只怕被人得知。恐有不便。〔生〕這都在女婿身上。岳母放心。〔老旦〕既是這等。就此收拾起程。

〔長拍〕〔生〕望裏關山。望裏關山。王孫愁緒。白雲飛故鄉何處。〔老旦〕那嶺頭梅樹。幾翻兒心慘流離。山樹轉黃鸝。喜聲聲向枝頭喚人歸去。客裏淒涼誰共語。怎禁得涉水登山道路時。〔旦〕盼垂楊那處。坂舊風色。料難免依依故主。淒其。〔短拍〕〔生〕落魄天涯。落魄天涯。浮雲流水。改村妝潛行嶺陲。去去首重回。棄舊遊幾番縈繫。盼不見晉原迢遞。怎能勾隨風直至。策歸騎返鄉閭。

〔尾聲〕〔共〕遙看故國三千里。無限風波訴與誰。只恐嶺外還將輕騎追。

西原驛路挂城頭。

人自傷心水自流。

日暮征帆何處泊。

烟波江上使人愁。

第十七齣 毒媚

〔雙勸酒〕〔淨扮武承嗣上〕椒房至親。威權日甚。朝朝縱淫。時時獻佞。終教冊立做儲君。難道只位極人臣。俺武承嗣心極狠貪。計工狐媚。俺姑娘于諸姪中最是喜我。常要立我爲太子。無奈狄仁傑他們再三諫阻。我想起來。他們與我非親非眷。不肯也罷了。那張昌宗與俺姑娘相好。也該看親情分上。成就我做個太子也好。如何也教不要立我。〔怒介〕張昌宗。張昌宗。你只與我姑娘在被窩中圖些快活罷了。怎麼也來干預朝廷大事。這幾日來。聞得有個召廬陵王的意思。我心上甚是煩惱。怎得個知心的人兒來解一解悶纔好。〔丑秦授上〕

〔普賢歌〕權門奔走便頭低。一出人前狐假虎威。逢人逞滑稽。隨機搆是非。勢利小人如我有幾。〔笑介〕笑我李秦授。甘爲牛馬走。殺人以媚人。作事堪遺臭。我前日奉魏王之命。打聽裴仙先蹤跡。不惟他竟自回去了。不免報與魏王知道。斷送了他的性命。有何不可。此是魏府門首。不免徑入。大王參拜。〔淨〕補闕少禮。〔丑〕下官有一機密事情。特來稟上大王。〔淨〕俺這幾日心中不樂。你這事兒可與我消得愁。解得悶的麼。〔丑〕怎麼消不得愁。解不得悶。〔淨〕你且說來。

〔丑〕下官前日奉大王之命。差人前往嶺南探聽裴仙先蹤跡。說他帶了岳母妻子。私自逃歸去了。昨又差人到他家裏細訪。果然躲在家裏。如今不若乘此機會。拿來殺了他。卻不是好。

〔大趺鼓〕長流出帝畿。蠻方安置。豈得潛歸。他昭關夜遁。非無意。那五陵報怨。更堪虞。莫教養寇容奸。及賓有魚。〔淨〕他雖然逃走回家。論法止該改配邊遠地方。如何殺

得他。不若吩咐法司官。教他只說罪坐夫男。把裴仙先改流塞外。他的妻子岳母仍舊發回嶺南。那時節妻在南。夫在北。待他孤身上路。叫解子謀害了他。卻不是斬草除根的計兒。〔丑〕妙計妙計。

〔前腔〕〔淨〕王章誰敢違。他逃回鄉國。實犯明威。料今朝羅網難逃避。那怕他插翅向天飛。事到臨頭。管教噬臍。就去與法司說。

急忙拿住莫疎虞。

南北分開夫與妻。

計就月中拿玉兔。

謀成日裏捉金烏。

### 第十八齣 再貶

〔三臺令〕〔老旦生旦上〕故園幸有歸蹤。衰髯還悲斷蓬。〔生旦〕三徑草萊中。堪憐

是白日悲風。〔相見介老旦〕賢婿。關吏無詞。雖得遂首丘之願。家園漸廢。能無起懸磬之悲。如何是好。〔生〕岳母。你看柴戟門牆。何止相如四壁。交知餽贈。還多陸賈千金。況且避難居家。杜門謝客。交游之費已絕。甘脆之供頗饒。這也何須憂慮。

〔沈醉東風〕想當初雲山萬重。賦歸來今朝堪詠也。強似那毒霧炎風。強似那毒霧炎風。更囊金足用。少甚麼翠圍珠擁。〔合〕這歡情自濃。何必三公萬鍾。又何須眉攢兩峯。

〔前腔〕〔旦〕想當初關山萬重。賦閒居今朝堪諷也。強似那宿水餐風。強似那宿水餐風。更旨甘可奉。況兼着瑟調琴弄。〔合前生〕雖如此說。只是小生離羣索居。吞聲忍氣。殊覺悶懷。

〔五供養〕追思感動。意氣由來欲吐霓虹。座賓常自滿。尊酒不曾空。豪蹤堪踵。怎禁得淒涼萬種。交情悲衛展。儉齋歎王戎。便到千年縱醒猶夢。

〔前腔〕〔老旦〕千金自重。事到如今豈得縱橫。狐冰須慎聽。鵬翮莫凌風。休教

輕動。且暫作拘鸞檻鳳。朱家雖任俠。季布卻潛蹤。偷下金雞。再堪豪縱。〔外扮官

淨丑扮校尉同上〕王法無私怎暫違。投荒何故擅歸來。會施免走烏飛計。難免天羅地網災。〔打門進見介〕你們長流嶺外。豈得私自逃回。如今法司知道。把盧氏母子仍發嶺南。裴仙先改流塞外。卽刻押發起程。〔老旦生旦同驚哭介〕呀。怎生是好。

〔玉交枝〕〔生〕驟然驚恐。在須臾你西我東。嘗聞得詩云。南山有桂樹。上有雙鸞鴛。千年長交頸。歡慶不相忘。那鴛鴦猶得時相共。怎教我拆散雌雄。霜風燕塞。枉悲鴻。梅花庾嶺空縈夢。〔合〕知道是何年再逢。怎能勾今生再逢。〔外淨丑催介〕

〔前腔〕〔旦〕別離俄頃。歎今朝渾如轉蓬。也曾聞得詩云。兔絲從長風。根莖無斷絕。無情尙不離。有情安可別。他無情猶似分離重。可教我各自西東。炎蒸粵嶠。瘴烟濃。寒生隴水霜威猛。〔合前外淨丑又催介〕

〔川撥棹〕〔老旦〕心悲痛。看風波平地湧。正于飛燕燕情濃。正于飛燕燕情濃。怎翻成離鸞斷鴻。〔合〕料今生難再逢。要相逢是夢中。〔外淨丑再催介〕



〔前腔〕〔生〕我地北孤身犯朔風。你母子天南路怎通。似伯勞飛燕西東。似伯勞飛燕西東。淚盈盈征衫染紅。〔合前外淨扯生先下旦扯不去哭倒地介〕

〔尾聲〕〔旦〕生離死別真哀慟。〔老旦扶介〕容易裏將人斷送。〔丑〕老夫人。小夫人。請自

寬心。小人們來時。魏王與李補闕雖曾吩咐。教在路上害了裴爺。本官果毅都尉李爺厚賞我們。教一路好好伏侍裴爺與二位夫人。適纔本處官司在此。不得不催裴爺起身。裴爺此去。管取平安。不須挂念。小人在此送二位夫人到嶺南便是。〔老旦旦〕既是這等。謝天謝地了。生死交情方知結客功。

雄飛竄北翔。

雌逝赴南湘。

棄我交頸歡。

別離各一方。

### 第十九齣 私仰

〔似娘兒〕〔末扮可汗小旦扮閨華同上〕山雜夏雲多。臥陰山枕畔橫戈。〔小旦〕樓

臺憑處楊花過。戲拋蓮葯。倦欹寒玉。扇動輕羅。〔末〕絕漠大軍還。平沙獨戍間。〔小旦〕

空留一片石。萬古在燕山。〔末〕孩兒適纔京中人來說。那裴仙先如今改配在我這裏來了。〔小旦〕爹爹就是那爲伯父諫死。要上封事的麼。爲何又配到這裏來。〔末〕他前日上了封事。天后惱他。杖了一百。流配嶺南。如今又因他逃歸。把他妻子依先流到嶺南。他卻改配在此處。〔小旦〕竟把他夫妻都拆散了。可憐可憐。爹爹他爲人怎麼樣。有這等奇禍。〔末〕他少年磊落。直節嶙峋。又好結交豪傑。以此人都忌他。我卻重他。如今要差人去迎接他了。〔小旦〕爹爹他這等好人。還該親自去接他。況且他孑然而來。行李必是蕭條的。我們還該預備館舍。供具待他纔是。〔末〕孩兒說得有理。我卽刻前去。你在家裏打點便是。

〔瑣窗郎〕羨英年壯節堪多。似冰心在玉壺。散財結客。俠比三河。風流儻名傾六輔。更憐他生平忠義。能爲禍。親按轡。迓鳴珂。

〔前腔〕〔小旦〕歎英年壯志蹉跎。受迍邐。遭坎坷。他此行呵。料無家彈鋏。氣足悲歌。我居停下榻。禮應虛左。羨他生平忠義。甘蒙禍。供帳具候。鳴珂。

遠別秦城萬里遊。

雪山漫漫使人愁。

誰能更向青門外。

秋草茫茫覓故侯。

第二十齣 北往

〔天下樂〕〔生淨丑同上生〕世事如花落曉風。玉關孤望杳冥濛。分明更想殘宵夢。故國依然凍水東。竄逐勿復哀。關山凌旦開。往來時屢改。川陸日悲哉。遠別淚空盡。長愁心已摧。三年吟澤畔。憔悴幾時回。我裴仙先遠配北庭。這也罷了。只是我那夫人與岳母。一路不知怎麼好生放心不下。〔淨〕這都是那魏王與李補闕的計較。他們臨行時節。還買囑小人。要在路上謀死老爺哩。〔生驚介〕有這等事。〔淨〕小人怎敢害老爺。況蒙本官果毅都尉李爺重賞。着一路小心伏侍老爺。請自從容前去。〔共行介生〕

〔香柳娘〕恨奸雄計通。恨奸雄計通。九閣莫控。青青草色行相送。歎風波驟逢。歎風波驟逢。零落並枝紅。驚開合樓鳳。〔淨〕老爺。只是路途遙遠些。〔生〕望烟雲萬重。望烟雲萬重。跡逐離鴻。心隨飛鞚。〔暫下末帶小生雜從上〕

〔前腔〕駕雕鞍玉驄。駕雕鞍玉驄。干旄前擁。中原莫道無麟鳳。痛英雄數窮。痛英雄數窮。

英雄數窮。白日貫霓虹。清朝失梁棟。麗晴皋日融。麗晴皋日融。絳節先橫。畫輪飛鞚。〔暫下生淨上〕

〔前腔〕憶鄉關夢中。憶鄉關夢中。不禁恁恁。〔淨〕老爺你看前面爲甚麼有好些官兵來了。〔生望介〕旌旗日暖龍蛇動。我們且避一避。〔末衆上〕望清塵目窮。望清塵目窮。

河抱紫關重。山通玉門迴。〔遇介〕前面來的莫不是裴太僕大人麼。〔生〕小生裴佖先。曾叨任

太僕寺丞。〔末揖介〕下官思塵可汗。特來奉迎。〔生〕小生素不識荆。何敢遠勞。〔末〕昔年下官在光順門仰慕高風。至今渴想。今日車駕遠來。故此親來迎接。〔生〕喜匆匆乍逢。喜匆匆乍逢。

傾蓋披衷。連鑣飛鞚。〔末〕請大人上馬。〔共上馬介〕

〔前腔〕〔生〕嘆飄零轉蓬。嘆飄零轉蓬。窮途誰共。感使君地主能推奉。〔末〕下官雖是夷人。仰賢豪下風。仰賢豪下風。御李幸增榮。班荆更相重。〔生〕不敢。〔合〕把

歸驂並攏。把歸驂並攏。雲罨花驄。烟迷飛鞚。〔小生〕這是裴爺行館。請下馬。〔共下馬介〕

〔生〕明早卽來奉候。〔末〕尙容竭誠奉屈。叫軍校們。好生在此伺候裴爺。〔小生應介〕

〔生〕一從恩譴度瀟湘。

〔末〕塞北江南萬里長。

〔生〕但使主人能醉客。

〔末〕不知何處是他鄉。

## 第二十一齣 南征

〔破陣子〕〔老旦旦外扮老院子丑扮校尉同上老旦〕兩處參辰分散。一般淚雨如傾。

〔旦〕回首燕山人去遠。遙望衡陽雁幾羣。〔合〕江村獨自行。〔老旦〕君去我亦東。銜

杯涕如霰。浮雲一南北。何時重會面。〔旦〕方作異鄉人。贈子同心扇。搖曳發海鴻。連翩出簷燕。春秋

更去來。參商不相見。〔老旦〕孩兒。你夫婿遠流塞外。我母子再謫嶺南。你看一路上紫烟罩樹。青瘴

漫天。好生淒楚人也。〔旦〕母親。愁多似結。淚滴如珠。形影孤單。關山險阻。怎生是好。〔丑〕啓二位夫

人。天氣新涼。路途遙遠。請二位夫人隨行。〔老旦〕

〔漁家傲〕愁脈脈去國離家委路塵。沈沈的象郡。迢遙龍荒絕信。〔旦〕把我鴛

鴦輕離散。帶圍寬盡。〔旦〕憑誰寄庾嶺梅花。怕深山猿淚數聲。幾登臨。萬水千

山。千山中路怎行。〔老旦〕孩兒。悲風瑟瑟。衰草萋萋。都是斷腸光景。

〔剔銀燈〕蕭蕭的朔風吹短髻。王孫草萋萋山徑。〔旦〕一片片雲障着幾重兒  
蒼梧影。一陣陣鴻寄着幾番黃榆信。〔合〕思君胡天粵地。目斷各東西。南北共  
苦辛。〔旦〕母親孩兒記得歸時。也往這條路來。只是如今秋雲障綠。山色溟濛。竟不是當初的光景  
了。

〔攤破地錦花〕望羊城提不起來時景。種種斷魂。聽孤村落葉風聲。〔老旦〕瘴  
癘重重。海霧冥冥。〔合〕溼雲蒸。金縷衣盡沾溼。

〔麻婆子〕〔旦〕別離別離鄉國遠。羈危萬里身。〔老旦〕跋涉跋涉程途險。衰年萬  
里行。〔合〕行行側望苦傷神。珠淚界破胭脂暈。會合無憑准。何日是歸程。

南過猿聲一逐臣。  
回看秋草淚沾巾。

寒天暮雨秋山裏。  
幾處蠻家是主人。

## 第二十二齣 奇偶

〔謁金門前〕〔未帶淨扮從隨上〕黃雲斷。錦繡拂廬霜染。焱拉旌旗天外捲。自覺秋

光歷亂。塞外蕭條望。征人此路賒。邊聲亂朔馬。秋引動胡笳。自家雖是蠻夷。常懷義俠。昨見裴太僕。丰標霞舉。氣節天成。意欲將女孩兒贈了他。今日請他飲宴。酒席之間。喚女孩兒出來送酒。看他意思怎麼。再作區處。叫軍校。裴爺下馬。快來通報。〔淨應介生帶小生雜扮隨從同上〕

〔謁金門後〕王塞關河遠。南望着淚珠如霰。它鄉猶幸逢青眼。稍寬離別怨。

〔淨報介〕裴爺下馬。〔未出迎進見介生〕元帥。昨勞遠接。今荷寵招。不勝愧感。〔末〕大人遠來。下官聊具魯酒。爲大人拂塵。不過酪漿羶肉。無以爲敬。軍校將酒過來。〔末送酒介〕

〔梁州序〕龍城秋早。燕支雲滿。毳帳穹廬列宴。你是高鶩翠鳳。蓬蒿暫屈飛翰。看那盤陳冰鼠。盃瀉蒲萄。綺席香生遍。五原秋草綠。錦如烟。漠漠燕雲淡淡天。  
〔合〕鳴羯鼓。羅華饌。把青城美酒頻頻勸。拚酪酏。樂陶然。

〔前腔〕〔生〕關山阻絕。沙塵飛滿。閭闔金莖隔斷。媿我心懸捧日。何時得奏甘泉。小生旣蒙館穀。又辱華筵。多感中原繡帳。塞外氍毹。寒谷春生遍。〔末〕大人。你我地分

胡越。同爲唐家臣子。僚友之誼。何以爲謝。〔生〕帝城雙鳳闕。在雲端。怎得同瞻尺五天。



〔合前末〕裴大人爲何不肯飲酒。下官有女樂。叫出侑觴何如。〔生〕這等小生痛飲了。〔末〕叫女樂門承應。〔小旦引老旦丑扮侍女鼓吹上〕北望邨連花滿煙。百花開處更堪憐。誰來載酒開金盞。喚取佳人舞繡筵。〔末對小旦介〕孩兒過來。見了裴大人。〔對生介〕這是小女。〔生〕既是郡主。小生當迴避了。〔末〕通家之誼。這也何妨。〔相見介〕老旦丑女樂磕頭。生起介末〕孩兒奉酒。女侍奏樂。〔小旦送酒介〕

〔前腔〕羨相如飛步羣賢。捧金甌半遮羞面。把琵琶撥動。盡成哀怨。〔背低介〕那人在此呵。怎禁胡笳互動。牧馬悲鳴。寄宿無人館。〔轉身介〕平沙開翠幕。雁聲寒。明月無情卻上天。〔合〕迴踏舞團歌扇。把冰絃玉柱頻頻勸。重進酒。樂堯年。〔生作醉出。席背介〕

〔前腔〕羨飛瓊吹落人間。〔偷看小旦介〕盼蘭情平生稀見。奈雲和再鼓。曲終人遠。〔轉對末介〕小生在此。形影相弔。好生淒楚人也。怎禁孤城畫角。別館寒砧。一派秋聲亂。胡塵客鬢老。月空圓。珠樹瓊枝近碧天。〔合前末〕裴大人。下官有一言相告。下官身居

邊裔。向往賢豪。小女質雖醜陋。頗通書史。欲將此女。聊奉箕帚。不知尊意如何。〔生〕小生異鄉逐客。郡主金屋嬌姿。自揣絲蘿。難附喬木。〔末〕我與你俱是大丈夫。意氣相期。死且不惜。一女子何足挂齒。不必固辭。叫女侍快排花燭。你兩人就此拜了天地。〔生小旦拜照常科〕

〔節節高〕〔衆〕金尊對綺筵。赤繩牽。穠桃塞外應開遍。紅絲幔。叶鳳占。三星現。兼葭倚玉真堪羨。雙簾好取懸雙雁。〔合〕莫上龍堆望故鄉。卻疑身在瑤臺畔。

〔末〕女侍們再送酒。

〔前腔〕〔衆〕夷歌捧玉盤。對嬋娟。眉峯巧畫宮妝淺。祥雲遍。瑞氣連。冰輪滿。金輝玉映真堪羨。胡風獵獵飛雙雁。〔合前〕

〔尾聲〕交河白草瑩如練。燦溶溶明霞光爛。〔末〕叫女侍們將笙歌送裴爺。郡主到洞房去。管取于飛效百年。

〔生〕淒淒遊子若飄蓬。

神女知來第幾峯。

〔衆〕月落低軒窺燭盡。

羅幃繡被臥春風。

第二十三齣 寄衣

〔金瓏璫〕〔旦持衣上〕分飛方抱恨。授衣早是秋深。鴻雁至信音沈。我懷人空淚盡。北望枉自傷神。且裁心錦。刀尺傍寒檠。〔菩薩蠻〕蛩聲泣露驚秋枕。羅幃淚溼鴛鴦錦。獨臥玉肌涼。殘更與恨長。陰風翻翠幌。雨澀燈花暗。畢竟不成眠。鴉啼金井寒。奴家自與裴郎分別。再到嶺南。你看又是桂苑香殘。蘭閨寒透。我這裏鬼門雖應苦夜。瘴浦尙不宜秋。他那裏漢月空望。刀環。胡霜怎當劍鏢。教我愁逾斷雁。悲切寒蛩。當此夜長無事。不免製一寒衣。寄去與他少禦寒冷。有何不可。〔縫衣介〕

〔九疑山〕〔香羅帶〕西風送雁聲。空階露凝。深閨猶自覺寒生。長征況復滯邊塵也。〔征胡兵〕塞月當秋冷。胡風入夜緊。應知他此際。怯衣單。誰人記問。〔懶畫眉〕展開鴛綺燦雙文。牙尺金刀翦製新。蘭缸欲暗再挑燈。〔醉扶歸〕細看體制能廝稱。只見我鏡中非是舊時形。那知他腰圍比舊還相近。〔梧桐樹〕情多添線頻。意密增綿襪。萬縷千絲都是縈方寸。春蠶到死絲方盡。〔瑣寒窗〕爲無裳有狐堪憫。

這衷腸似針刺已難禁。又何心忍得拈針。〔大逌鼓〕徘徊夜漸深。寒侵纖指。轉自殷勤。匆匆珠淚將衣潤。〔解三醒〕看到處盡啼痕。此時此意無人省。更何緣投至得征衣白草城。空思忖。空思忖。〔劉潑帽〕幾迴難逐孤月影。到如今怎寄得歸鴻信。

〔尾聲〕堪憐有線無針引。淚銷夜燭又天明。那能勾寒到君邊衣到君。〔外扮劉

生雜扮從隨上行介〕

〔瑣寒窗〕念金蘭遠戍邊庭。命駕今朝萬里輕。裴太僕再謫北庭。好生記念。我今往彼

探望。不免到他家中討取家書寄去。向機中蘇蕙。好覓迴文。嶺頭梅樹。寄將春信。早

來到舊遊三徑叩柴門。〔雜叩門介外〕孤幃應自夢魂驚。〔旦〕外面有人扣門。母親有請。

〔外〕隔牆早啓朱唇。〔老旦上〕

〔東甌令〕長吁氣。剪刀聲。何事相兼直到明。〔見介〕孩兒。爲何夜來不睡。〔旦〕爲裴郎製

一寒衣。〔老旦〕邊秋九月風霜緊。好念征人冷。〔旦〕不知何人在外扣門。〔老旦〕院子何

在〔未院子急上〕青女餘寒漸透。黃梁殘夢初回。〔見介〕老夫人有何吩咐。〔老旦〕朝來忽有扣門人。細問是何因。〔未應出開門見外介〕呀。原來是劉爺。到此何幹。〔外〕我到塞外探望裴爺。特來討一家報。〔未〕劉爺少待。〔進見介〕鐵騎將軍劉爺。要去塞外探望裴爺。特來到此討取家書。〔老旦向旦介〕劉將軍是裴郎好友。既要親到塞外去。須索請他進來相見。〔旦應介老旦向未介〕道有請。〔未出請外進相見介老旦〕敢問將軍因甚到裴郎那裏去。〔外〕二位夫人聽稟。

〔三換頭〕從分雁羣。久無魚信空凝望也。每臨風斷魂。交情難泯。到如今那怕得賦關山程途勞頓。〔老旦〕不知將軍何日起程。〔外〕馬足秋風緊。河梁曉色新。特地前來。爲一紙家書抵萬金。〔旦〕將軍行期既迫。不及寫書。夜來製得寒衣一件。就求將軍寄去。〔劉潑帽〕天涯阻絕鸞皇影。幾番來望斷窮陰。寒衣製就將誰倩。〔付衣介雜收衣介旦〕仗羽翎。莫使那寒威近。〔外〕謹依尊命。就此告別。

舉目蕭條總是秋。

羅衣溼盡淚還流。

行人萬里向西去。

卻閉閒門依舊愁。

第二十四齣 圍獵

〔北醉太平〕〔生小旦帶小生末外雜扮軍校淨丑老旦旦扮侍女戎服上〕陰沙蔽空。校獵

山東。青莖箭控綠沈弓。看旌旗倒北風。千羣胡騎戈鋌擁。兩行鬢首笙簧送。夷

歌一唱鼓蓬蓬。勝當年雲夢雄。〔生〕郡主自家牛羊滿山。馬駝蔽野。客囊無憂羞澀。幸舍不

致空虛。毳帳穹廬。豈減華堂曲室。枉襟韎韜。何必絲竹管絃。況下官麾下。金戈鐵騎之士三千。真個

個是猛將如虎。郡主帳中。羣首鑢耳之女數百。果然是侍女如雲。如今白草正枯。儘堪搜山燒野。黃

塵不起。頗可逐兔放鷹。下官帶軍校在前。郡主帶女侍在後。打圍一番。意下何如。〔小旦〕妾身正有

此意。〔生〕叫軍校隨着我在前隊。叫女侍隨着郡主在後隊。放鷹的放鷹。逐犬的逐犬。〔末〕小的放

鷹。〔生〕鷹有甚麼好處。〔末〕頭圓頂平。頸長臆闊。身重若金。爪剛如鐵。炯炯兩眼。類明珠。斑斑細毛

猶霜雪。響鈴鈴華絆金鑲。旋轉矯若風生。忽蓬蓬青骹素羽。飛翻疾如電掣。驚獸不及奔。噬得那狡

兔無毛。猜禽無暇息。搏得那大鵬點血。〔丑〕小的逐犬。〔生〕犬有甚麼好處。〔丑〕奔騰走百里。昂藏

高九尺。象貌似虎蹲。形體如箭鏑。吠一聲直教雕虎潛形。奔數里直使飛彘滅跡。蹄排着如戈如矛

的利爪。可以截鐵斷金。口列着似刀似劍的剛牙。專能斷鎖齧石。武王旅葵以來無雙。靈公周犬之後難匹。〔生〕就此起身前去。〔生小旦衆上馬行介〕

〔普天樂〕錦模糊羅裙動。鐵兜鍪香雲重。芙蓉帶。芙蓉帶。縮着雕弓。躍騰驤赭汗追風。〔合〕呀。聽清笳鬧鬩。連田野燒紅。翠羽雲旂飛展。飛展金鈿叮冬。

〔北朝天子〕〔生〕軍校。流星劍指空。蜿蜒旗捲風。星羅貝冑真雄猛。〔末〕稟爺。前面是金微山了。〔生〕既如此。把馬放過去。飛黃噴玉。躡孤雲彩虹。鏤金鞭。青絲控。望龍

沙幾重。望金微萬重。遠峯遠峯遠遠峯。〔合〕看二軍爭先買勇。爭先買勇。角弓鳴笳吹動。角弓鳴笳吹動。〔生〕前面是甚麼地方。〔雜〕前面從這一路去。是李陵臺。昭君墓。從

那一路去。是黃花戍。拂雲堆。這幾處都是塞外勝地。〔生〕既是這等。郡主帶侍女往黃花戍拂雲堆去。下官帶軍校往李陵臺昭君墓去。都會聚在受降城便了。〔小旦〕相公請先行。〔生〕草枯鷹眼疾。雪盡馬蹄輕。〔帶軍校暫下小旦女侍〕

〔普天樂〕拂雲堆雲鬢擁。黃花戍花香送。飛塵起。飛塵起。綠鬃蓬鬆。看羅衫裊



裊飄風〔合〕呀聽清笳鬧鬩連天野燒紅翠羽雲旂飛展飛展金鈿叮冬〔暫下生

帶軍校上〕

〔北朝天子〕挂烏號寶弓樹葳蕤繡罽齊齊四校軍威猛叫軍校前面平沙白磧把

犬放過去平沙逐犬塞中原五茸赤精流烏龍種馬卒兒左衝步卒兒右衝選

鋒選鋒選選鋒〔合〕看三軍爭先賈勇爭先賈勇角弓鳴笳吹動角弓鳴笳吹

動〔暫下小旦帶女侍上〕

〔普天樂〕接龍城秋雲滂捲鳴沙秋聲動巾幘溼巾幘溼香汗朦朧一聲聲珮

玦迎風〔合〕呀聽清笳鬧鬩連天野燒紅翠羽雲旂飛展飛展金鈿叮冬〔生帶軍

校上〕

〔北朝天子〕馬騰騰似龍卒桓桓似熊堂堂陣列真雄猛叫軍校把胡鷹放過去孤

飛片雪駭游禽散風搏飛猿搏威鳳罨竿兒掛虹罨罨兒繞虹遠空遠空遠空遠

空〔合〕看三軍爭先賈勇爭先賈勇角弓鳴笳吹動角弓鳴笳吹動〔相會駐馬

淨丑先下介生。叫軍校。一路擒獲的。可都獻上來。〔末獻雁介〕小的獻雁。〔生〕這雁怎麼沒毛的。〔末〕打從雁門關過拔去的。〔生〕怎麼拔去了。〔末〕如今關上抽稅的兇。雁過也要拔毛哩。〔外獻猿介〕小的獻猿。〔生〕這裏塞外。那得有猿。〔外〕有詩爲證。大都秋雁少。只是夜猿多。〔生〕這是閩中的詩。你差用了。〔外〕老爺。如今用差詩的。不知有多少哩。〔生〕休得胡說。〔共〕

〔普天樂〕射鵬還軍聲湧。獵騎歸金鈴動。縈鬢女。縈鬢女。間着羆熊。看榆林幾處烟濃。〔合〕呀。聽清笳鬧鬩。連天落照紅。翠羽雲旂收捲。收捲鼙鼓咚咚。

陰磧茫茫塞草腓。

桔槔原上暮烟飛。

少年獵得平原兔。

馬後橫梢意氣歸。

## 第二十五齣 誣激

〔梨花兒〕〔淨扮武承嗣上〕俺家姑娘忒福大。一言出得便開花。帶挈姪兒也造化。〔丑扮李秦授上〕嚙。這也造化不是耍。〔見介丑〕恭喜大王。變理有功。當此凋零時節。上苑的花都盛開了。甚是可喜。甚是可賀。〔淨〕說那裏話。昨夜俺姑娘要游上苑。做一首詩說道。明朝游

上苑。火速報春知。花須連夜發。莫待曉風吹。所以一夜裏這些花都大開了。這是真天子百靈顯助。若說我甚麼變理。不要說此時沒得花開。便是春天也沒得開了。〔丑〕這畢竟是大王做宰相的還有些功在裏邊。〔淨〕李補闕。我且問你。今日賞花是內宴。我與張昌宗他們。都是聖上的至親。方得侍宴。你何故也來。〔丑〕今日正該下官入直。所以微倖得預盛會。還要面奏一事。正要啟知大王。〔淨〕有甚麼說。〔丑〕裴仙先這廝。我們屢次擺佈他。只是擺佈他不死。如今配在北庭。到做了和順王的宣魯干。財寶甚多。賓客愈衆。只是這京城裏。不知有多少他的門下人在此。時常往來探聽。就是這些內外文武官員。大半與他交厚的。一旦作起反來。甚是可慮。正要尋個計兒害他。虧殺近來有一句讖。說道代武者劉。我一時聽得。眉頭一蹙。計上心來。就把那劉字詳做流放的流字。該應在流人身上。如今奏過聖上。把這些流人盡數殺了。那時節不怕裴仙先不斷送在我手裏。大王。你道此計何如。〔淨〕妙計妙計。畢竟是你們這些讀書人。說來的就有文理。〔丑〕下官虧殺有這些文理。所以做得這官。〔淨〕只是今日花開。這等祥瑞。正要慶賀。殺人是凶事。如何好說得。便到明日奏也未遲。〔丑〕說得有理。說得有理。道猶未了。聖駕早到。〔老旦扮武后。小生扮張昌宗。旦扮宮女。

外末扮官隨上

〔鵲橋仙〕〔老旦〕奎章啓祕。上林呈瑞。慶豫堪誇絕代。〔小生〕簫聲常繞鳳皇臺。

願花下承恩萬載。〔小生淨丑朝見介〕小生起介淨丑跪介。〔臣等恭聞聖藻弘飛。天花隨應。果然

是功侔造化。澤洽林泉。臣等特此稱賀。〔老旦〕這是卿等調燮之功。使朕得恭逢其盛。看酒來。

〔玉芙蓉〕〔小生上酒介〕皇風扇九圍。聖德超千代。看花神奉詔。東帝揚輝。香飄

白雪依旌蓋。色借青陽豔酒杯。〔合〕邦家瑞。喜陽和早回。惟願取萬千長此樂

無涯。

〔前腔〕〔淨丑上酒介〕奇花感睿才。勝事邀行蓋。似橫汾曲奏。在鎬筵開。文移北

斗成天象。酒近南山作壽杯。〔合前〕

〔前腔〕〔老旦賜衆酒介〕堯尊傍日隈。舜樂臨風外。看瓊筵正啓。寶扇橫開。花迎

喜氣何須待。鳥識歡心卻再來。〔合前老旦〕花發寒時。雖是太平有象。狐鳴叢薄。還須儆戒

無虞。近來聞得外邊有識。說道代武者劉。這話可是有的麼。〔淨丑〕不敢上欺陛下。外邊果有此言。

〔老旦〕卿等計議。不知應看甚麼來。〔丑向淨白介〕聖上既是問及。今日就奏了何如。〔淨〕李秦授適纔已與臣說。甚是有見。只因今日慶賀。未敢瀆奏。〔老旦〕但說何妨。

〔前腔〕〔丑〕奸邪犯德威。流竄遭摧敗。是游魂沒主。死命無歸。陛下登極以來。凡所放流。已數萬人。一旦同心爲逆。深足爲慮。識曰代武者劉。正應在流人身上。陛下若不盡殺流人。臣恐爲禍不小。須知有毒防蜂蠆。莫自無端縱虎豺。〔合〕休輕貸。早驅除禍胎。管取那萬年長此樂無涯。〔老旦〕卿之所見。甚合朕心。可卽往流放所在。拘刷流人。除婦女外。悉押赴市曹處斬。〔丑〕領旨。

飛花澹蕩御筵紅。

今日宸游聖藻雄。

睿賞歡承天保定。

瞳瞳日出大明宮。

## 第二十六齣 密報

〔梁州令〕〔小生扮李多祚上〕朝來密旨出楓宸。因讖戮流人。故人何計可全生。裁尺素。遣一介。報邊庭。我李多祚。自與裴太僕相別。滿望聖主賜環。逐臣反旆。不意李秦授這厮。

因識奏殺流人。私意實在太僕。我今修書在此。不免差個勇士。星夜報他。使他早爲之計。勇士那裏。  
〔丑扮勇士上〕一生能擘兩雕弧。虜騎千羣只似無。〔見介〕稟爺。有何吩咐。〔小生付書介〕我這書  
你可快快到北庭。送與裴太僕老爺。〔丑應介小生〕

〔四邊靜〕懷人絕塞魂消盡。憑伊展音問。早度赫連城。速投醴泉郡。〔合〕行行  
苦辛。時時探聽。莫自滯邊塵。兼程好前進。〔丑〕稟老爺。不知還有甚麼吩咐。

〔前腔〕〔小生〕驚看烽火關情緊。全憑這書信。雁帛莫浮沈。鸞音要詳審。〔合前〕  
淚墨灑爲書。將寄萬里親。

書去神亦去。兀然空一身。

## 第二十七齣 遁荒

〔風馬兒〕〔生帶末院子同上〕黯淡彤雲六花驟。凝階掩映梅花瘦。望裏冰山玉塵  
擁簇。夕陰裏遠空如畫。去歲嶺南梅似雪。今年薊北雪如梅。我裴仙先身羈塞北。儘足自娛。只  
是夫人遠隔嶺外。故友各滯天涯。好生懸念。



〔花落寒窗〕想當初燕侶鶯儔。到如今鳳泣鸞愁。交知阻隔。況撇五龍金友。一重怨做兩重連遺。休休。絕塞羈留。怎如王粲登樓。〔外扮劉生雜捧衣隨上〕卿家本六

郡。生長入三秦。劍鋒生赤電。馬足起紅塵。迤邐行來。聞得此間已是裴太僕行館。不免逕入。〔生〕呀。

劉兄因甚到此。〔外〕特來訪兄。〔生〕這等遠勞了。〔外送衣介〕這是你夫人寄來的。

〔前腔〕他念良人紫塞淹留。寄征人針線綢繆。〔生〕荆妻與岳母好麼。〔外〕你那夫人

呵。嬌姿瘦損。不比寒衣豐厚。子和母癯癯相守。〔生哭介〕休休。冷落衾裯。怎能

同典鸚裘。院子快備夜筵。我與劉爺賞雪。〔末應介〕

〔不是路〕〔丑上〕粉散荒丘。踏遍平原到北陬。〔急進遞書介〕生接與外同看介丑傳書

友。教來覲面向君投。〔生作看完介〕呀。禍臨頭。難中霜雪頻來湊。使我去住無依

不自由。叫院子取白金二錠。先打發這勇士去。〔末應遞銀介〕你去拜上李爺。說我知道了。不及

寫回書與你。〔丑應下小旦忙上〕忙來叩。相公爲甚在此着忙。〔與劉生見介〕京中不日就來

殺流人了。眼前生死難參透。定須奔走。〔小旦〕急忙奔走。相公。胡地是我故鄉。不若逃



到那裏去。庶可全生。〔外〕既如此。待我護送你們前去。

〔掉角兒〕〔生〕向異域藏身避仇。只愁那風沙難受。歎萋斐貝錦無休。我英雄氣豈堪僂僂。郡主你呵。檢珍奇。備鞍馬。卸宮妝。更胡服。免走星流。〔合〕黃雲馳驟。望斷首丘。拚韶顏空積自老。永絕刀頭。郡主。你快進去收拾。即刻就要行了。〔小旦末暫

下〕

〔前腔〕〔生〕望陰霾慘澹凝眸。指荒原驚聞刁斗。準備着越劍吳鉤。離天羅一似浮雲出岫。堪歎我生無歸。死無倚。向犬羊。尋儕偶。萬恨千愁。〔小旦帶末雜攜輜重

上〕相公。輜重俱已收拾了。〔合前衆〕快走快走。〔共下〕

## 第二十八齣 追獲

〔淨丑雜扮追兵執兵器上〕月黑雁飛高。流人夜遁逃。欲將輕騎追。大雪滿弓刀。我們因裴太僕逃走。出塞奉都護爺將令。着我們追他。又說把他帶的金銀牛馬。盡數充賞。這一樁大富貴。須索拿他轉來。但願應時還得見。須知勝似岳陽金。〔暫下外生小旦帶末雜扮從俱胡服攜兵器輜重上外〕

雪嶺無人跡。冰河有雁聲。李陵甘此沒。惆悵漢公卿。裴兄。俺與你更闌夜靜。賺出北庭。此間已是塞外了。你看白茫茫一片大雪。好光景也呵。

〔雙調北新水令〕朔風千里度陰山。冷淒淒六花零亂。溟濛迷道路。淅瀝透衣衫。怎顧得艱難。整鞭策無留戀。

〔南步步嬌〕〔生小旦〕黃雲漠漠交河暗。路似王陽險。通隴夜影懸。跋涉程途。幾會經慣。無處可停驂。不由人珠淚盈雙眼。〔暫下追兵上〕燕山雪花大如席。片片吹落軒轅臺。我們趕出北庭。杳無蹤跡。這樣大雪。實是難走。只是都護爺的將令。不可有違。只索趕向前去。正是一心忙似箭。兩脚走如飛。〔暫下外生小旦衆上〕

〔北折桂令〕〔外〕憑着這駿馬雕鞍。早離了虎穴龍潭。爲甚的冒雪衝寒。只因恁手撼天關。舌搖赤電。氣吐琅玕。引起我熱心一片。恨他們橫起波瀾。埋沒恁義膽忠肝。到如今無門控訴。好教我怒氣冲天。

〔南江兒水〕〔生小旦〕匹馬行將久。征途去轉難。更飛花遶遶縈人面。胡笳何處

聲哀怨。長征絕塞程何限。仗你周旋危險。高誼雲天。好教我脚恩非淺。〔暫下追

兵上〕行人趕行人。一程遠一程。我們走了半晌。雖是大雪難行。難道他們帶了這許多人馬。輜重。

到比我們走得快哩。快追上去。快追上去。由他走上雁摩天。脚下騰雲須趕上。〔暫下外生小旦衆

上〕

〔北雁兒落帶得勝令〕〔外〕俺恨的世情交道義寒。俺恨的白首盟須臾變。俺恨的遇崎嶇袖手觀。俺恨的臨禍患將人閃。那些兒片語重丘山。我視驅馳如等閒。也只爲交難斷。忍分開爾我看盤桓。共執轡將前途盼。摧殘。那顧得困胡塵兩鬢斑。困胡塵兩鬢斑。〔小旦〕呀。這處兒是我們平日打獵的所在。離北庭不過三十里。不辨路徑。走了一夜。纔到得這裏。怎生是好。

〔南僥僥令〕關山多路岐。夜色又將闌。馬困寒沙行已倦。怎做得趁雞鳴曉度關。趁雞鳴曉度關。〔追兵上〕去時雪滿天山路。雪上空留馬行處。尋蹤覓跡。遠遠望見一夥胡人。快去問他一個信兒。〔問介〕你們曾見大唐一個官兒。夜半帶着一起人馬。許多行李。逃入胡地。不

知過去幾時了。〔外〕我們是漠南王庭上差往塞下換馬轉來的。天明纔起身。那曉得夜走的官兒。〔追兵〕你既不曉得。我們快追上去便了。相逢不下馬。各自奔前程。〔暫下〕

〔北望江南〕〔外〕呀。漢營中鐵騎將人趕。麾百隊遠臨邊。只聽得搥金伐鼓震祁連。激得我稜稜霜劍頓生寒。俺衝先鋒敢前。衝先鋒敢前。怕甚麼官軍西出過樓蘭。

〔南園林好〕〔生小旦〕聽軍聲相將近前。歎微軀如何保全。嚇得人心驚膽戰。怎脫得這迤邐。怎脫得這迤邐。〔追兵上〕曠野行人絕。相逢知是誰。前面雪深逾丈。絕無人跡。

馬蹄。他們決不會過去。我們方纔遇着那夥人兒。雖是胡人裝束。敢就是他們。也未可知。待我轉去盤問他一番。你們敢就是裴爺麼。〔外〕不是。不是。〔追兵〕那一個到像裴爺的模樣。〔外〕是俺同行之人。那裏是甚麼裴爺。〔追兵細看生介〕呀。果是裴爺。〔跪介〕稟上裴爺。都護府差人迎接爺轉去。〔生〕我已胡服。不轉去了。〔追兵立起介〕爺若不轉去。都護爺就着我們綁轉去哩。〔外怒出戰介〕

〔北沽美酒帶太平令〕我披霜甲仗龍泉。披霜甲仗龍泉。您奮怒臂敢當先。〔追

〔兵〕你是甚麼人。敢打奪朝廷的犯官。若不放棄爺與我。我就抓了你的頭去。〔戰介外〕你這兵

馬休來抵死攔。激得俺不耐煩。猛持戟把弓彎。觀他那旌旗閃閃。不由人髮上衝冠。儘教您突圍挑戰。只落得自投災難。〔追兵〕休得閒說。快快放棄爺來。饒你殘生。遲

則一刀兩斷。〔又戰介外〕你呵若要俺言旋實難。拚老死桑乾賀蘭。呀。女君王誓

無相見。〔又戰追兵殺外介小旦戰被綁介生戰又被綁介追兵〕我們快解他見都護爺去。〔衆押

介〕

〔南尾聲〕〔小旦〕人生聚散真如幻。〔生〕我一片雄心倍黯然。劉兄呵。你刎頸交

情實可憐。〔共下〕

## 第二十九齣 泰回

〔旦扮黃門官〕絳幘雞人報曉籌。尙衣方進翠雲裘。九天闔闔開宮殿。萬國衣冠拜冕旒。自家唐朝黃門官便是。恭遇社稷有靈。文武叶力。太后退居于別殿。皇帝返駕于房州。佞倖若張昌宗。已看授首。奸權若武承嗣。復見亡身。眼見得寰宇昇平。皇圖鞏固。今日聖上反正臨朝。百官齊來慶賀。不免

在此伺候。〔未〕扮張東之小生扮李多祚俱朝服上。

〔賀聖朝〕晨光乍啓。鑾轡祥烟欲傍龍旂。雙瞻御座引朝儀。率舞向丹墀。〔朝賀〕

介旦。百官有事奏事。無事退班。〔未〕臣同平章事張東之有事上陳。〔旦〕就此披宣。〔未〕臣竊惟陛下乾綱復振。泰宇重熙。無任雀躍。但各方流人。非以黜邪伏罪。卽以持正蒙辜。天后復惑于流讖。信李秦授讒言。欲以一切誅之。殊爲可閔。伏乞陛下速降德音。赦流人之罪。嚴秦授之誅。以快天下。臣不勝瞻仰。

〔駐雲飛〕虐過坑儒。蘭桂俱同秋草萎。雨泣流人涕。日上愁雲蔽。嗟。流恨滿山隅。那李秦授呵。王章難恕。伏乞垂慈。少雪英雄氣。萬里無留楚客悲。〔小生〕臣果毅

都尉李多祚奏聞陛下。臣竊惟侍中裴炎。匡正持危。一時就戮。他姪子太僕寺丞裴仙先。因上封事。面陳得失。上干天后之怒。流之嶺南。後復墮奸人之謀。徙之塞外。臣念仙先才兼文武。名震華夷。伏乞陛下廣起廢之途。優褒忠之典。卽行擢用。不勝瞻仰。

〔前腔〕二謝當年。報主生平願不違。死者追無地。生者忠堪許。嗟。削跡歎艱虞。



才堪用世。伏乞垂慈。速把刀環賜。會使夔龍集鳳池。〔旦〕奏事官俱退在午門外候旨。

〔末小生起介〕眼望旌捷旗。〔旦〕耳聽好消息。〔下末小生〕神人仰望。在此一舉。封章雖已進去。不知聖意若何。〔旦捧勅老旦小旦扮宮女持節上行介〕

〔神仗兒〕恩從天至。恩從天至。傳呼虎使。看祥雲影裏。擁出白麻黃紙。宣丹鳳

下金雞。宣丹鳳下金雞。〔旦〕聖旨道來。張柬之所奏。流人准悉赦免。李秦授着所在官司立時

處斬。李多祚所奏裴佖先起授工部尚書。兼幽州帥。李多祚加羽林衛大將軍。卽着賣勅前往。謝恩。

〔末小生叩頭謝恩起立小生接勅介旦老旦小旦下〕

〔滴溜子〕〔末小生〕當日裏。當日裏。豐蔀晝迷。今日裏。今日裏。宸衷天啓。再見君

臣魚水。捧綸音出禁闈。無私天地。彰殫分明。纖毫不渝。

聖代卽今多雨露。擁旄持節遠橫行。

長沙不久留才子。賈誼何須弔屈平。

### 第二十齣 誅佞



〔朝中措〕〔丑扮李秦授外雜扮從隨上〕一封詔下九重天。寒星導馬前。內苑略施計策。少年斷送邊關。自家李秦授。爲害裴仙先。費了殺流人的勅。來到塞外。不想其餘的流人。到都殺了。單走了一個裴仙先。甚是煩惱。被我要在此處的都護身上拿他。如今聞得追他轉來了。今日解來處斬。這番纔是削草除根。可喜可喜。左右。快去催綁裴仙先來。〔外應介生綁淨雜押小旦哭扶老旦從上〕

〔山坡羊〕〔生〕我激昂氣冲霄漢。烈轟轟志清宮殿。虛飄飄斷送一生。急煎煎蚤喪沙場畔。步欲前。行行去不還。胸中萬事。萬事難提遍。做東市遭刑。鷓夷脚怨。堪憐。欲奏廣陵琴曲難。潛然。欲聽華亭鶴唳難。

〔前腔〕〔小旦〕眼睜睜拆開雙燕。苦哀哀卻成孤雁。陰慘慘殺氣晝昏。戰兢兢魂已飛天畔。泉壤間。茫茫去不還。傷心萬古。萬古應無限。做鸞鏡光分。鳳簫聲斷。堪憐。欲似靈河牛女難。潛然。欲會巫山雲雨難。〔淨雜押生見丑介丑〕裴仙先。你是

流人。奉旨應該誅戮。如何私自逃竄。抗拒官兵。今日到此。更有何言。〔生〕我裴仙先生不能爲國家

反正除邪。死當爲厲鬼以殺爾輩。使得反周爲唐。我雖在九泉之下。亦瞑目矣。〔丑〕誰聽你多言。快推出去。斬訖報來。〔淨推轉生小旦抱生哭介〕

〔憶多嬌〕雪影寒。劍影寒。死別生離在眼前。忍見你青鋒送少年。〔合〕兩下相看。兩下相看。血淚渾如湧泉。〔丑〕法場所在。不許閒人喧嚷。〔外應傳介〕

〔前腔〕〔生〕白草寒。白刃寒。人世冥途在眼前。忍見你紅顏誤少年。〔合前丑〕這是甚麼所在。怎麼許人在外啼哭。〔外應傳介旦扮胡女上見小旦介〕奉大王爺之命。請郡主回府。〔小旦〕你先回去。說我就回了。〔旦應下〕

〔鬪黑麻〕〔小旦〕你只爲忠貞流離在邊。誰知道奸雄圖謀有年。今日裏死蒙冤。怎得那巫咸下臨九天。〔合〕分離此間。悲風泣斷猿。若要相逢。除非魂歸夜泉。〔丑〕怎麼這時候還不開刀。快些起鼓。〔外〕就起鼓了。〔旦又上〕大王爺請郡主速回府。〔小旦〕我知道了。〔生〕

〔前腔〕我只爲朝廷挺身建言。因此把微軀甘心棄捐。今日裏死何難。願與那

比干遨遊九淵〔合前旦老旦扯小旦先下淨作行刑介末急上〕報報報。稟老爺。有聖旨到。〔小生扮李多祚捧勅雜扮從急上小生〕

〔繞地游〕纔離金殿飛馬交河畔。只爲金蘭敢辭勞倦。〔先吩咐開生綁介〕聖旨已

到。跪聽宣讀。皇帝詔曰。朕惟彰善瘴惡。帝王之明訓昭垂。棄德崇奸。經傳之炯戒具列。朕今再承統緒。用示勸懲。茲爾原任太僕寺丞裴仙先。乃故侍中裴炎之姪。助伯驅邪。濱危進諫。向時雖治以罪。朕心實憫其忠。今據羽林衛大將軍李多祚奏爾才兼文武。名振華夷。特起授爾爲工部尙書。兼幽州帥。裴炎顧命元老。死節忠臣。贈益州大都督。各處流人。當茲朝廷大慶。悉准放還故鄉。捕闕李秦授。附從邪逆。已犯不赦之條。殘害忠良。允伏橫分之典。着令所在官司。卽行處斬。庶幾神人胥快。激厲攸關。謝恩。把李秦授拿下。〔生冠帶與小生相見介雜綁丑介生〕小弟得保微命。復叨顯官。皆出兄恩。何以爲報。〔小生〕這是爲國。非弟私情。何以言報。裴兄。李秦授這廝。今日聖旨殺他。大快人心。兄請正坐了。就決了他。使小弟得以快睹。〔生驚介〕小弟此身方纔離得法場。豈有就坐在上邊監斬別人的事。恐無此理。〔小生〕聖旨道。李秦授着令所在官司卽行處斬。裴兄。你旣兼幽州帥。此處

正是你管下的地方了。你若不殺他。更推與何人。〔生沈吟介〕既如此。小弟得罪了。〔揖小生正坐介〕綁李秦授過來。〔雜帶丑過跪介〕李秦授當面。〔生〕李秦授。你這附從邪逆。殘害忠良的賊。我且問你。我有何得罪與你。前日把我夫婦分開南北。今日又要把我性命斷送沙場。你爲我一個人。造此無稽之言。不知枉害了多少性命。我看你當初在朝堂中看打。適纔坐在上邊監斬。何等無狀。何等軒昂。今日事到如此。亦有何言。〔丑〕老爺。近來世上的事。大率番覆不常。比如適纔李秦授坐在上邊監斬老爺。誰想一時間就撥將轉來。老爺到監斬李秦授。如今或者又是個聖旨到來。依先着李秦授監斬老爺。也未可知。不若早殺了些。省得後來懊悔。〔小生生〕哇。休得胡說。〔丑〕是不敢。老爺永世坐在上邊斬秦授。秦授永世綁在這裏做犯人。〔小生〕你看這廝。還是奉承張昌宗武承嗣的故態。

〔玉胞肚〕〔生〕權門鷹犬。慣逢迎。常工脅肩。看好謀。嘻笑藏刀。更讒言。貝錦滔天。已從歡會拆鴛鴦。險做冤魂托杜鵑。

〔前腔〕〔小生〕昏衢坑塹。設機謀無端逞奸。只因你一字胡皺。可憐他萬命含

冤。祇恁千載肆鷹鷂。誰識今朝泣杜鵑。〔生〕就推出去。斬訖報來。〔外斬丑獻頭介小生〕

妻兄。小弟還有一事奉告。〔生〕願聞。〔小生〕兄雖連姻塞外。夫人羈跡嶺南。今兄宦游在此。莫戀新歡。遂拋舊好。

〔前腔〕微時故劍。怎教他沈埋在淵。那白頭溝水堪悲。更屢屢富貴須憐。黃雲何日駕雙鸞。紅淚休教染杜鵑。〔生〕李兄。你看小弟豈是薄倖的人。

〔前腔〕微風紈扇。歎年來分開合歡。怎禁他夢斷黃沙。忍教他悶損朱顏。榆關有日會雙鴛。桂嶺何須怨杜鵑。吩咐中軍官。差官一員。點兵一哨。備帶車馬金帛。卽往嶺南。迎接夫人與盧太夫人前來赴任。〔淨應下小生〕小弟就此告別了。〔生〕小弟纔得與兄相會。豈忍遽別。〔小生〕王事靡盬。不敢久留。〔生〕既然如此。吩咐衆將官排列隊伍。護送李爺入塞。〔衆應〕

忽聞漢詔還冠冕。

始覺殷王解網羅。

日比皇朝猶自暗。

天齊聖壽未云多。

第三十一齣 迎內

〔胡搗練〕〔老旦旦同上〕六花淅淅灑窗楞。去人無信〔旦〕兩地分離。指望同歸故里。誰知道永絕今生。〔老旦〕孤城廓外送王孫。〔旦〕別後清霜點鬢根。〔老旦〕儒行公才更何在。〔旦〕欲將修短問乾坤。母親。裴郎一去。杳無音信。不意李秦授這斷。又奏誅流人。我想起來。裴郎一定不免了。如何是好。〔悲介〕

〔綿搭絮〕蛾眉愁鎖。異國歎飄零。白骨胡塵。正是青閨夢裏人。最傷心。月冷黃昏。痛殺天闔誰叩。薤露難聞。頓教我紅粉成灰。怕聽松窗雪打聲。怕聽松窗雪打聲。

〔前腔〕〔老旦〕殘年衰鬢。風浪頻驚。望斷黃雲。絕塞誰招楚澤魂。最傷心。母子浮萍。〔內作鵲噪介〕旦。母親。昨夜燈花結蕊。今朝鵲噪簷前。我們這般光景。有甚好處。〔老旦〕須信燈花沒准。鵲噪無憑。遙把那淚滴窮泉。怕聽蕭蕭打葉聲。怕聽蕭蕭打葉聲。〔淨小生雜扮官卒上〕

〔滿江紅〕雪滿長途。折梅傳遠信。一路行來。問說老爺眷宅在此。不免逕入。〔見叩頭介〕老



旦旦〕你們那裏來的。〔淨〕將官奉裴爺差遣。帶領兵馬。迎接太夫人夫人赴任。〔老旦旦對語介〕怎麼有這等事。〔淨〕如今朝廷反正。一應流人。盡行赦免。李將軍又保奏老爺。官加工部尙書。兼幽州帥。拜官之日。奉旨殺了李秦授。就差將官們來的。〔老旦旦〕感謝天地。你們外面伺候。我收拾了。明日早行。〔老旦〕

〔擻拍〕震雷霆潛龍再騰。需雨露枯葦復生。喜氣盈盈。喜氣盈盈。一紙家書。萬兩黃金。破鏡仍圓。缺月重明。多僥倖。免卻呻吟。車似水。馬如輪。

〔一撮棹〕喜夫婿光生在覆盆。喜奸雄一似日潰春冰。還自省。我兩口歎伶仃。誰承望歲月主恩深。書報天中赦。人從海上聞。真個是六翻起青雲。

桂月雙眉久不描。

殘妝和淚污紅綃。

丈夫鵲印搖邊月。

寒谷冰隨煖氣銷。

第二十二齣

□□

〔行香子前〕〔生小旦同上〕玉珮珊珊。錦綬翩翩。縈心處望眼懸懸。〔生〕郡主。下官思



那日與你永訣。自分魂飛白刃。身掩黃沙。不料又有今日。只是那鐵騎將軍爲我身死。深爲痛傷。  
〔小旦〕正是。這都是相公一生忠義之報。平日結客之功。〔生〕這也不敢。還有一件。我前日差人去請盧氏夫人與岳母。怎生還不見到。好生放心不下。〔小旦〕不久一定就到了。〔老旦旦淨小生雜從上〕

〔行香子後〕胡雲冉冉。塞草芊芊。正得意。重相會。喜綿綿。〔相見介生〕夫人。這是和

順的郡主。下官在此虧殺那和順王週全。幸不落莫。〔旦笑介〕還是虧他的郡主哩。〔末扮可汗上〕雲沈塞上妖氛斷。雪照回中探騎閒。〔見介〕下官聞得夫人到此。特來稱賀。〔生〕多謝。

〔山花子〕當時失路誰青眼。謝居停。屈意週全。借鷓鴣一枝暫安。今日裏人月同圓。〔合〕更堪誇交盟不寒。孟嘗結客得益歡。信陵虛左興未闌。倒雁迎賓。隻手扶天。

〔前腔〕〔衆〕忠貞節俠殊堪羨。任摧殘。赤膽常懸。總浮沈壯心自堅。今日裏夷夏同瞻。〔合前〕

〔舞霓裳〕今逢再造盛明年。盛明年。恩榮喜至五雲端。五雲端。共看聖澤深無阻。且自稱觴慶壽樂鈞天。早漏洩春光一線。猛聽得鳥弄歌聲雜管絃。

〔紅繡鞋〕霏霏瑞靄爐煙。爐煙。熒熒獨映珠簾。珠簾。鳴鳳管。吸龍川。歌扇軟。舞衣斑。娛舜日。樂堯天。

〔意不盡〕莫教清漏催銀箭。一任嬌歌逐寶筵。興來重整。又何妨十日醉平原。

白芷動芳馨。

清香入杳冥。

曲終人不見。

江上數峯青。

節俠記終

# 敘錄

六十種曲，一名繡刻演劇十本，不著輯人姓氏，卷首弁語後僅署曰閱世道人。封面題『汲古閣訂』，蓋爲明毛晉之刻本。閱世道人豈即毛晉之別號歟？世人嘗題此書爲毛晉所輯，亦不爲無因也。原刻初印本，每種傳奇卷前皆有白紙墨印封面，題曰『繡刻××記定本』。〔博惜華先生六十種曲版本考〕每種卷首原無撰著人名字，今爲一一增題。關於版本，已詳排印緣起，不重述。

雙珠記，明沈鯨撰。鯨號湔川，浙江平湖人。所作除雙珠外，尚有分鞋、鮫綃及青瑣三記。雙珠絃王楫事，「前半之主要情節，出於輟耕錄卷十二貞烈墓條所載千夫長李某與一部卒妻郭氏事，下半截概爲作者虛構而成者。」〔青木正兒中國近世戲曲史〕此記「通部細針密線，其穿穴照應處，如天衣無縫，具見巧思。惟每人開口，多用駢白，頭面雷同，且中有未盡合口吻者，乃爲美玉之玷。」〔梁廷樞曲話〕內中賣子、投淵諸齣，今崑劇中猶有演者。本記除六十種曲外，無他種版本。博惜華先生藏有六十種曲初印本。

尋親記，明人撰，作者姓名未詳。富春堂刊本元人戲文周羽教子尋親記，題「王錢重訂」，與本書完全相同，祇辭句間稍異耳。實乃一書。大約「王錢」卽本書之修訂者，猶馮夢龍之於殺狗記也。春燕記作者汪鏐，或作王鏐（曲品卷上），不知卽是此人否。又吳瞿安先生臞菴筆記（載小

說月報第六卷第六號）

謂尋親乃吳人范受益作，不知何据。本記敍周羽子瑞隆尋親事，一情事與

雙珠骨幹大同，穿插處則減於雙珠。

（姚華菴室曲話）

「詞雖稍俚，然讀之可以風世。又有後尋

親（案傳奇彙考，謂係嘉興姚子懿撰）盡收入前記所未結諸色。余曾見演者，亦復可觀焉。」

（李調元雨村曲話）

內中遣青殺德，出罪府場，金山送學，跌包復學，茶訪飯店諸節目，今尙演唱。而

後尋親中之後金山，亦有演者。版本除六十種曲外無他本，且無初印本可得。

東郭記，明孫仁孺撰。（另有汪道昆、徐復祚撰之說，均不足信。）仁孺字里未詳，當爲萬曆間人。（說詳

菴室曲話）

本記「刺取孟子七篇中人爲角色，更最截孟子語爲每齣名目。描寫世態，窮極形

相，不翅溫犀然海，千奇百怪無遁形也。其曰東郭記者，則以孟子云，齊人有一妻一妾，乞餘東郭

墻間，傳奇以齊人爲姓名，齊王賜號東郭君故。」

（蔣瑞藻花朝生筆記）

「此記雖極爲滑稽，然不陷

於惡謔，結構巧妙，關目富於起伏，針線亦密，曲辭亦輕妙可喜，且近人之曲律易知以之置於六十種曲中，曲律最善者之列，蓋當行之作也。」（中國近世戲曲史）除六十種曲外，有白雪樓原刊本，吳瞿安先生擬刊入奢摩他室曲叢中，惜尙未出。

金雀記，明人撰，作者未詳。因收場詩有「無心子燕市重編」之句，遂有疑無心子爲作者別號者。臞菴筆記謂夢花生作，不知何据。此劇敘潘安擲果豔事，「穠豔之中，頗有滑稽風流，寫晉代文士之風氣，稍得神似，爲典雅之喜劇中成功作品也。」（中國近世戲曲史）惟以窘於事實，「苦無

丑淨，至強以左太冲、張孟陽當之，亦不善挪虛步，閱之輒不滿人意。」（曲話）內中覓花、庵會、喬

醋、醉圓四節目，今尙有演唱，而以喬醋一齣（按卽第二十八齣「臨任」）爲最。無別種版本。

焚香記，明王玉峯撰。玉峯松江人，其名不詳。一敘王魁桂英事，此故事爲宋元以來最流行於劇場上的東西，宋人已有戲文，元劇亦有尙仲賢的王魁負桂英。玉峯此戲，則站在傳奇必須以圓圓的原則上，添出種種的幻局，成了一本『王魁不負桂英』。（鄭振鐸先生插圖本中國文學史）「此記關目布置，用筆疏密，不得其宜，宜疏處反冗慢令人倦，宜密處反草草一過，淡然無味。」（中國近世

戲曲史今猶演唱者，祇陽告（即第二十六齣「陳情」）一齣耳。除六十種曲外，有玉茗堂評刻本。

荆敘記，傳明寧獻王權撰。「明鬱藍生曲品題柯丹邱撰，黃文暘曲海目仍之，蓋舊本當題丹邱先

生，鬱藍生不知丹邱先生爲寧獻王道號，故遂以爲柯敬仲耳。」（王國維曲錄）案徐渭南詞敘錄

著錄王十朋荆敘記有兩本，一爲「宋元舊編」，一爲明李景雲編，因亦有疑此本卽係李編者，

然無確證，今姑從王說。權爲太祖第十七子，「洪武二十四年就封大寧，永樂元年改封南昌，晚

慕沖舉，自號臞仙，涵虛子及丹邱先生均其別號。撰太和正音譜，明程明善收嘯餘譜中，今存。雜

劇十二本皆不傳。僅正音譜中存其目而已。」（彙稽室曲話）明史有傳（太祖諸子列傳二）荆

敘敘王十朋錢玉蓮事，列來傳說甚多，（見甌江逸志、聽雨筆記、南窗閒筆等書）但都爲傳會之談，不盡

可信。「此記曲本不佳，惟以藩邸之尊，而能洞明音呂，故一時傳唱，偏於旗亭。實則明曲中尙居

中下乘也。赴試，閨念、憶母諸折，全摹則誠舊套，而出詞平實，遠遜琵琶，不獨結構間多可議焉。」

（吳瞿安先生中國戲曲概論）今崑劇所演，有議親、繡房、別祠、送親、參相、改書、脫冒、見娘、梅嶺、開眼、拜

冬、上路、男舟、女舟、敘圓諸齣，惟後半與本書文辭不同，排場亦略異，想係後來修改者。傳本除六

十種曲本（北平圖書館藏有初印本）外，有富春堂刊本、李卓吾批評本、暖紅室刊本等多種。霞箋記，明人撰，作者未詳。敍李彥直與青樓女子張麗容愛戀之事。各家記載極妙。曲品列入「附中中品」，並云：「此卽心堅金石傳死者生之，分者合之，是傳奇體，搬出甚激切，想見鍾情之苦，但覺草草，以才不長故。」今無演者，亦無他本流傳。

精忠記，傳明姚茂良撰，茂良字靜山，武康人，生平不詳，著有雙忠、金丸、精忠三記。謂係姚茂良撰者，據曲品所云也。然曲品復有「武康姚靜山僅存一帙，惟視雙忠」之語，精忠是否姚撰，前後不侔，疑莫能明。惟梁廷柵曲話、王國維曲錄俱稱姚撰，今姑從之。所敍爲岳飛破虜救國事。「曲詞質樸遒勁，以關目情節勝，壯烈悲憤，令人不覺裂眦。」（中國近世戲曲史）「宋元戲文中有秦檜東窗事犯一本，元雜劇亦有秦太師東窗事犯一本。南詞敍錄於著錄那本宋元戲文以外，於『本朝』之下，又有岳飛東窗事犯一本，下注『用禮重編』。此精忠記也許便是用禮重編的一本。」（富春堂刊本的岳飛破虜東窗記與六十種曲本的精忠記大部相同，當卽係一書。六十種曲本似經改編。）（插圖本中國文學史）今無演者。本書初印本，馬廉曾有收藏。



浣紗記，明梁辰魚撰。辰魚字少白，號伯龍，崑山人。爲最初著崑劇劇本之作者。以例貢爲太學生。風

流自賞，修髯美姿容，身長八尺，好輕俠，善度曲，爲一時詞家所宗。世所謂崑山腔，自魏良輔始，而

伯龍獨得其傳。著浣紗記傳奇，梨園子弟多歌之。豔歌清引，傳播戚里間。白金文綺，異香名馬，奇

技淫巧之贈，絡繹於道。歌兒舞女，不見伯龍，自以爲不祥也。其教人度曲，設大案西向坐，序列左

右，遞傳疊和。（見焦循劇說引芳齋詩話及蠲亭雜訂）浣紗亦名吳越春秋。（據藝苑卮言）敘吳越興亡事，

而以范蠡西施爲中心人物。「王元美詩所云：『吳閬白面冶遊兒，爭唱梁郎雪豔詞』是已。」（朱

彝尊靜志居詩話）當此記「初出時，梁遊青浦，屠緯真爲令，以上客禮之，卽命優人演其新劇爲壽。

每遇佳句，輒浮大白酬之。梁亦豪飲自快。演至出獵，有所謂『擺開擺開擺擺開』者，屠厲聲曰，

此惡語，當受罰。蓋已預儲滂水，以酒海灌三大盃。梁氣索，強盡之，大吐委頓。次日不別竟去。屠每

言及，必大笑以爲得意事。」（沈德符韻曲雜言）案此「南普天樂與北朝天子一套，爲伯龍所創

作。朝天子中一句如擺開者，本難下筆，統計七字須成兩疊語。古今以來能完美者極少。黠者往

往用南曲中朝天子以易之，殊失南北夾套之意。」（吳瞿安先生顧曲塵談）屠氏此舉未免過於惡

作劇，浣紗雖非最上品，然較之屠氏所作的曇花諸記，則固在乎其上。在屠氏眼中看來，或仍嫌未盡典雅吧。」（鄭振鐸先生專奇的繁興）歷來各家對於此記之評衡，則臧否互見。如朱彝尊曰：「傳

奇家曲別本，弋陽子弟可以改調歌之，惟浣紗不能，固是詞家老手筆。」（靜志居詩話）徐復祚

曰：「無論其關目散緩，無骨無筋，全無收攝。卽其詞亦出口便俗，一過後便不耐再咀。然其所長，亦自有在。不用春秋以後事，不裝八寶，不多出韻，平仄甚諧，宮調不失，亦近來詞家所難。」（三家

村老委談）

但近人吳瞿安先生則曰：「今按其詞韻律時有錯誤。如第二折玉胞肚云，感卿贈我

一縑絲，欲報慚無明月珠，以支虞同協。第七折出隊子云，八九寸彎彎兩道眉，盡說輕盈，略覺胖些，以齊微與車斜同協。皆誤之甚者也。至打圍折朝天子每支換韻，迎施折三換頭二曲，一云這其間只是我不合我來溪邊獨行，一云這壁廂只得把那壁廂暫時承領，誤作一句。不知琵琶原文爲兩句協韻，此又大舛律者也。惟曲白研鍊雅潔，無殺狗、白兔打油鉸釘之習，在明曲中，除四夢外，當推此種爲最矣。」（曲選）又呂天成曰：「浣紗羅織富麗，局面甚大。第恨不能謹嚴，中有可減處，當一刪耳。」（曲品）但鄭振鐸先生則云：「實則其病乃在太簡率，並不在太『冗長。』」

我們只見其敍事描情過於匆匆，卻不曾見其有何動人之處。所敍者於國家大事爲多，頭緒過於紛繁，敍述遂至不能謹嚴。」（傳奇的繁興）劇中越壽、回營、養馬、打圍、寄子、拜施、分紗、准美、採蓮諸節目，今尚有演者。本書版本，除六十種曲本外，有富春堂刊本、文林閣刊本、怡雲閣湯海若批評本、李卓吾批評本等。

琵琶記，明高明撰。明字則誠，一字東嘉，温州瑞安人（或云永嘉平陽人）。以春秋中至正乙酉（五年）第授處州錄事，後改調浙江闡幕都事，轉江西行臺掾，又轉福建行省都事。初方國珍叛，省臣以則誠溫人，知海濱事，擇以自從。後仍以江西福建官佐幕事，與幕府論事不合。國珍就撫，欲留寘幕下，不從，即日解官，旅寓鄞櫟社沈氏，以詞曲自娛。明太祖聞其名，召之，以老病辭歸，卒於寧海。」（王國維宋元戲曲史）「既卒，有以其記進。上覽畢曰：五經四書如五穀，家家不可缺；高明琵琶記爲珍羞百味，富貴家豈可缺邪？其見推許如此。」（黃溥言明中今古錄）或云明高枏撰，實誤；亦有謂則誠元本止於書館相逢，賞月掃松爲朱教諭所補，亦非。說詳曲錄。「則誠著琵琶記的時代，當在元末，不在明初。據姚福青溪暇筆所載，則則誠之作琵琶記，在避地於鄞之櫟社以後，當

是至正十年以後的事。但姚說或未可信。朱元璋召則誠時，他辭以老邁，則琵琶之作或當在至正初元以前。（插圖本中國文學史）

琵琶記敘蔡伯喈事。則誠「見劉後村有『死後是非誰管得，滿村聽唱蔡中郎』之句，因編琵琶記用雪伯喈之恥。」（青溪暇筆）蓋伯喈故事，當時已極流傳於民間，宋人戲文中，早有趙貞女蔡二郎之作，祇情節不同耳。則誠殆欲糾正伯喈不忠不孝之評，與王玉峯之使王魁不負桂英正相同也。

歷來評論曲詞之語甚多。如徐渭云：「食糠嘗藥，築墳寫真諸作，從人心流出，嚴滄浪言『水中

月中影』最不可到。」

（南詞敘錄）

呂天成云：「其詞之高絕處在布景寫情，真有運斤成風之

妙，串插甚合局段。苦樂相錯，具見體裁，可師可法，而不可及也。」

（曲品）

王國維云：「獨鑄偉詞，

其佳處殆兼南北之勝。」

（宋元戲曲史）

吳瞿安先生云：「記中佳處固多，而迂拙滯鈍，用韻夾雜

處，亦復不少。」

（曲選）

鄭振鐸先生則云：「則誠此記，正是戲文中的黃金時代作品的好例，一

面並不曾棄卻民間的渾樸質實的風格，一面並具有詩人們本身所特長的鑄辭造語的雋美

與想像，描寫的深入與真切，因此，琵琶記便成了戲文中第一部最偉大不朽的著作。」〔插圖本中

國文學史）

李漁復以乞食尋夫齣，不宜使趙氏獨行，試行刪改，改本見閒情偶寄中。

此記舊說相承，皆謂有所託諷，然無確證，不足憑信。約記之，凡有四說：有云諷蔡生者，有云諷鄧啟者，有云諷王四者，亦有云諷蔡卡者，姚華菴猗室曲話輯引甚詳，不具錄。此作既爲南曲第一偉構，於是對於作者寫製時之苦心，發生種種有趣之傳說。劇說引「雕邱雜錄云：『則誠琵琶記，閉閣謝客，極力苦心，歌詠久則吐涎沫不絕，按節拍則腳點樓板皆穿。』書影云：『虎林昭慶寺僧舍中有高則誠爲中郎傳奇時几案，當拍處痕深寸許。』靜志居詩話云：『則誠填詞，夜案燒雙燭，填至喫糠一齣，句云：糠和米本一處飛，雙燭花交爲一洵，異事也。』道聽錄云：『琵琶乃詞曲之祖，嘗見李中麓寶劍記序云：永嘉高明初編琵琶時，坐高樓中，每夜秉二絳燭於前，詐云神助，以冀其傳。曲成自歌，疊足爲節，樓板至有足痕。』此雖概屬無稽之言，亦以此可見自昔皆以此記爲作者煞費心血之神來手筆也。」〔中國近世戲曲史〕

記中稱慶南浦、墜馬、辭朝、闢糧、搶糧、請郎、花燭、賞荷、剪髮、拐兒、賞秋、描容、別墳、盤夫、彌陀寺、廊會、

書館、掃松諸節目，今崑劇均有演奏。版本甚多，毛聲山批本（即第七才子書）隨處可得，惜多刪改。此外有陳眉公評本、暖紅室覆刊陳批本、玩虎軒刊本、凌濛初刊本、董氏影印本等。

南西廂（原名西廂記）傅明李日華撰。日華之生平不詳。曾有人誤以此李日華爲萬曆時之李

君實。君實嘗自辨之。（見紫桃軒雜綴）「南詞敘錄」宋元舊編」中有鶯鶯西廂記一本，「本朝」

下又著錄李景雲編的崔鶯鶯西廂記一本。未知此李景雲是否即「斗膽翻詞」（曲品語）的李

日華？舊本「西廂記」有「嘉靖萬年春」語，似作於嘉靖間。但百川書志卻記錄着「海鹽崔

時佩編集，吳門李日華新增。凡三十八折。」此崔時佩的生存時代自當在嘉靖以前。（插圖本中

國文學史）但吳瞿安先生則竟謂：「吾鄉崔時佩，疾西廂原文，不便於吳騷清唱，因將王詞改作

南曲，時人未之知也。同時李日華好填詞，輾轉得崔作，竄易己名，付之管絃，於是人知實甫（日

華字）有南西廂。時佩轉湮沒無稱，卽世所傳南西廂刻入汲古六十種者是也。梁伯龍南西廂

題辭云，崔割王腴，李奪崔席，俱堪齒冷，蓋卽指此。」（曲選）蓋彼尙不知「近忽發見富春堂刊

本，正和百川書志所言相同。凡係李日華增入者，下皆注「新增」二字。則日華原是極小心的

忠厚人，竭力欲保全崔本面目，本不想竊攘他。至於幾個古本異同如何，李景雲是否卽李日華，則今日尙不能決定。（鄭振鐸先生中國文學史資料叢刊）本記敘張珙與崔鶯鶯故事，係將王實甫西

廂北劇改爲南詞者。歷來評論，殊多誹議。李漁直毀之曰：「千金狐腋，剪作鴻毛；一片精金，點成頑鐵。」又曰：「玷西廂名目者此人，壞詞場矩度者此人，誤天下後世之蒼生者亦此人也。」（細情

偶寄）

李調元曰：「增損字句以就腔，已覺截鶴續鳧。」（雨村曲話）吳瞿安先生亦曰：「其詞庸劣

鄙俚，至無足道。」又曰：「西廂之所以改爲南曲者，以王實甫北詞，止便於絃索，而不利於笙笛，

止便於弋陽俗腔，而不利於崑調雅奏。日華卽以北詞之句讀，改作南詞之音律，可謂煞費苦心，

顧以字句之勉強，本宮套中不能聯絡者，往往借別宮調中與北詞原文句法相類之曲任填一

曲，乃至套式前後，高亢不倫。」（韻曲塵談）實爲至當之言。明末騷隱居士曾爲之辯護曰：「不知

其翻變之巧，頓能洗盡北習，調協自然，筆墨中之爐冶，非人官所易及也。」（衡曲塵談）今崑劇中

演奏之遊殿、鬧齋、惠明、寄柬、跳牆着棋、佳期、拷紅、長亭諸齣，均此本詞也。傳本除六十種曲外，尙

有富春堂刊本、西廂六幻本、暖紅室翻刻六幻本等。



幽閨記，一名拜月亭。（南詞絃錄「宋元舊編」作蔣世隆拜月亭）傳元施惠撰。「惠」（一云姓

沈）字君美，杭州人，居吳山城隍廟前，以坐賈爲業。公巨目美髯，好談笑。詩酒之暇，惟以填詞和曲爲事。（鍾嗣成錄鬼簿）幽閨，自來多傳爲君美之作。（如何良俊四友齋叢說、王世貞藝苑卮

言、王伯良曲律、沈德符顧曲雜言、臧懋循元曲選序、王奕新傳奇品、黃文暘曲海目、梁廷枏李調元諸家之曲話等）惟錄鬼簿不言其作南戲，曲品亦有「無的据」之語，因此近人若王國維、

鄭振鐸先生、日本青木正兒等俱有存疑之論。但其爲元人手筆，則似無可疑者。本劇寫蔣世隆、王瑞蘭離合悲歡事，「本關漢卿拜月亭雜劇」而作。記中拜月一折，全襲原文，故爲全書最勝處。

餘則頗多支離叢脞。明人盛稱結盟、驛會兩折，亦未見佳。結盟折惟雁兒落一支差勝，顧亦襲元  
鄧玉賓小令、驛會銷金帳六支，情文亦生動。（中國戲曲概論）「至若其曲辭，語語本色，不失於文

飾，真爲南曲中一大傑作，足與琵琶比肩。（中國近世戲曲史）明何良俊極推稱此曲，譽之爲出琵琶記上，同時王世貞駁之，謂爲不及琵琶。嗣後，沈德符、徐復祚、左袒何氏、王驥德、呂天成亦駁斥

之，臧懋循則又譏笑兩家。「要之，取拜月者，稱其聲調之入弦索與其辭之質實而餘味豐富，取

琵琶者，稱其辭之文雅。是卽『本色派』與『文辭派』之論爭也。（中國近世戲曲史）今崑班演者，有大話上山問嘍，走雨踏傘，捉獲虎寨，招商串戲，請醫諸節目。版本甚多，有文林閣刊本，凌氏朱墨刊本（董氏涉園有影印本），李卓吾批評本，羅懋登注釋本，陳眉公批評本，暖紅室翻刻明世德堂本等。

明珠記，明陸采撰。陸采字子元，號天池，自號清癡叟，長洲人。曲品云：「明珠係天池之兄，給諫陸燾具草，而天池踵成之者。」又錢謙益列朝詩集云：「子元年十九，作王仙客無雙傳奇（卽明珠）。」  
 兄弟餘（按卽陸燾）助成之。是此記之寫作，其兄弟餘不無微功也。「子元少爲校官，弟子不屑守章句，作曲旣成，集吳門教師精音律者，逐腔改定，然後妙選梨園子弟登場教演，期盡善而後出，性豪蕩不羈，困于場屋，日夜與所善客劇飲歌呼，年四十而卒。」（列朝詩集）此記根據唐薛調小說劉無雙傳而作，敘王仙客與劉無雙悲歡離合之事。雖經教師逐腔改定，但仍多失律處，蓋訂譜固非教師輩所能從事也。（曲選）「當時梁辰魚激賞此記，且以其第二十齣仙客與侍女探蘋結婚場面未段，單舉儀式而缺敘舊之語爲不足，於其後補入五百餘言，收入江東

白苧卷上。

（中國近世戲曲史）

而清初李漁又以其第二十五齣煎茶爲不自然，「改使采蘋入驛，

令主婢相會，得知仙客消息，情理更屬周到，通折改易賓白，不易原詞一字，尤爲得體。今存笠翁

集中。

（曲選）

至於其辭，鄭振鐸先生謂爲「頗圓瑩可愛」。

（插圖本中國文學史）

徐復祚更稱之

曰：「明珠卻絕有麗句，其聲價當在玉玦上。」

（三家村老委談）

惟王驥德曰：「事極曲麗，第曲白

類多蕪葛。」

（曲律）

今無演者，傳本除六十種曲外，亦未見他本。

玉簪記，明高濂撰。濂字深甫，號瑞南，浙江錢塘人。玉簪寫潘必正陳妙常事，「通體爲少年兒女的

熱戀，或卽或離，或聚或散，是那樣的嬌嫩若新荷出水，是那樣的綺膩若蜀錦甌網。事本張于湖

誤宿女貞觀。

（見國色天香燕居筆記諸書）

（插圖本中國文學史）

惟用韻夾雜，句讀錯誤，「記

中寄弄，耽思諸折，文彩固自可觀，而律以韻律，則不可爲訓。」

（曲選）

寄弄（卽今盛演之琴挑）

中之朝元歌四支，所用諸韻，竟是荒謬絕倫，「真文」韻中而雜以「庚亭」之「清」「聽」「侵

尋」之「心」，無怪歌者輒宛轉以叶之，而無一人能唱得到家矣。

（見韻曲塵談）

今崑班演者有

茶鼓、琴挑、問病、偷詩、姑阻失約、催試、秋江等齣，均爲生旦之精采戲。本書版本亦多，有文林閣刊

本、廣慶堂刊本、繼志齋刊本、陳眉公評本、一笠菴評寧致堂刊本、凌初成改訂本（易名喬合衫襟記）萬曆間白綿紙印本（名三會貞文菴玉簪記，疑爲原刊本）。

紅拂記，明張鳳翼撰。鳳翼字伯起，號靈虛，江蘇長洲人。嘉靖六年生，萬曆四十一年卒，年八十七。與弟獻翼、燕翼並有才名，號「三張」。嘉靖四十三年舉人。會試不第。晚年以鬻書自給。「伯起文學品格，獨邁時流，而以詩文字翰交結貴人爲恥。乃榜其門曰『本宅紙筆缺乏，凡有以扇求楷書滿面者銀一錢，行書八句者三分，特撰壽詩壽文，每軸各若干。』人爭求之。自庚辰（卽萬曆八年）至今，三十年不改。」（沈蕢近事叢殘）曲品於其所著平播記下云：「伯起衰年倦筆，粗具事情，太覺單薄，似受債帥金錢，聊塞白雲耳。」則似併戲曲亦出售者。所著傳奇凡七本：除平播外，紅拂、祝髮、竊符、灌園、屢屐、虎符共刻，函爲陽春六集。（見顧曲雜言）紅拂爲少年時作，尤侗謂爲「新婚伴房，一月而成。」（引見劇說）敘李靖紅拂妓事，全本唐杜光庭小說虬髯客傳，而又牽合孟榮本事詩中所記樂昌公主破鏡故事以成之。致徐復祚有「增出徐德言合鏡一段，遂有兩家門，頭腦太多」之惜。（三家村老委談）本記初脫稿，卽傳誦一時，惜協韻時有通假處。「紅拂佳曲

甚多，骨肉勻稱。但用吳音，先天、簾、織，隨口亂押，開閉罔辨，不復知有周韻矣。」此固伯起自知之也。沈德符嘗以此問之，彼曰：「子見高則誠琵琶記否？余用此例，奈何訝之？」（俱見顯曲雜言）今無演者。傳本有玩虎軒刊本、富春堂刊本、李卓吾評本、陳眉公評本、凌氏朱墨刊本、暖紅室刊本等。還魂記一名牡丹亭，明湯顯祖撰。顯祖字義仍，號若士，又號海若，自號清遠道人，稱其居曰玉茗堂。江西臨川人。嘉靖二十九年生，萬曆四十五年卒，年六十八。（據吳修續疑年錄）年二十一舉於鄉，三十四中進士。時相欲召致門下，不應。除南太常博士，尋遷南禮部主事。萬曆十八年疏劾首輔申時行，謫爲廣東徐聞典史。後遷爲浙江遂昌知縣，用古循吏治邑，縱囚放牒，不廢嘯歌。二十六年上計投劾歸，不復出。里居二十年，病卒。（見明史卷二百三十、明史稿卷二百十七、列朝詩集丁集十二）顯祖爲人，志氣激昂，風骨遒勁，晚年「所居玉茗堂，文史狼藉，賓朋雜坐，雞埒豕圈，接跡庭戶。在其間詠歌自得，悠然有度世之志。胸中魁壘，陶寫未盡，則發而作詞曲。」（列朝詩集）「人或勸之講學，笑答曰：『諸公所講者性，僕所言者情也。』」（靜志居詩話）「酷嗜元人院本，自言篋中收藏，多世不常有，已至千種。有太和正音譜所不載，比問其各本佳處，一一能口誦之。」（曲錄引姚士粦見）

〔編〕以此朱彝尊稱之曰：「義仍填詞，妙絕一時。語雖斬新，源實出於關、馬、鄭、白。」〔靜志居詩話〕

所作傳奇凡五種：紫釵、還魂、南柯、邯鄲（合刊稱玉茗堂四夢）紫簫。顯祖諸劇，大抵天才橫溢，

難繩律法。王驥德評之曰：「婉麗妖冶，語動刺骨。獨詞句平仄多逸三尺。然其妙處，往往非詞人

工力所及。」又曰：「其才情在淺深濃淡雅俗之間，獨得三昧。」又曰：「臨川湯奉常之曲，當置

『法』字無論，盡是案頭異書。所作五傳，紫簫、紫釵、第修藻豔，語多瑣屑，不成篇章。還魂妙處種

種，奇麗動人，然無奈腐木敗草，時時纏繞筆端。至南柯、邯鄲二記，則漸削蕪類，俛就矩度。布格既

新，遣辭復俊。其掇拾本色，參錯麗語，境往神來，巧湊妙合，又視元人別一蹊徑。技出天縱，非由人

造。使其約束和鸞，稍間聲律，汰其贅字累語，規之全瑜，可令前無作者，後鮮來哲。二百年來，一人

而已。」又曰：「臨川尚趣，直是橫行；組織之工，幾與天孫爭巧，而屈曲警牙，多令歌者咋舌。吳江

（按指沈璟）嘗謂寧協律而不工，讀之不成句，而謳之始協，是爲中之之巧。曾爲臨川改易還

魂之不協者，呂吏部玉繩（鬱藍生尊人）以致臨川。臨川不懌，復書吏部曰：彼惡知曲意哉！余

意所至，不妨拗折天下人嗓子。」（曲律）沈德符曰：「湯義仍牡丹亭一出，家傳戶誦，幾令西廂

減價。奈不諳曲譜，用韻多任意處，乃才情自足不朽也。」(韻曲雜言)梁廷柅曰：「玉茗四夢，牡丹

亭最佳，邯鄲次之，南柯又次之，紫釵則強弩之末耳。」(曲話)王氏以法論，故以邯鄲、南柯爲圓

熟之筆，而置於還魂之上。然以才氣論，則還魂爲最，固無疑義焉。

還魂記敍柳夢梅杜麗娘事，「着意發揮懷春慕色之情，驚心動魄，且巧妙疊出，無境不新，真堪

千古矣。」(曲品)「曲詞清新，逸出蹊徑之外，穠麗淡白，隨境變化手法，不獨自由自在，驅使筆端，

顯示入神妙技，且科白亦用意周到，善於描寫人物性格，盡其委曲。至若結構，針線綿密，事件展

開，絕無不自由處。」(中國近世戲曲史)此記情節，悉出作者構想，殆無所本。惟略受六朝女子再生

傳說之影響，(見顯祖自撰題辭)初無諷刺影射之意也。若世傳此劇刺曇陽子之說，(見靜志居詩

話、劇說)實爲穿鑿之談。

此作負名太盛，於是傳說紛起。「相傳臨川作還魂記，運思獨苦。一日，家人求之不可得，滿索乃

臥庭中薪上，掩袂痛哭，驚問之，曰：「填詞至賞春香，還是舊羅裙句也。」(劇說)「若士居廬甚隘，雞

棲豚棚之旁，俱置筆硯。玉茗一樹，高出檐際，茂而不花。譜牡丹亭初成，召伶人演之，是夕花大放。



自是無歲不開。（楊恩壽詞餘叢話）而關於女子耽讀之傳說尤多。若馮小青「冷雨幽窗」一詩，最傳人口，清吳炳特作療妬羹以播諸聲歌。吳吳山三婦共評，刊本流傳至今。「婁江女子俞二娘酷嗜其詞，斷腸而死，故義仍作詩哀之。」（靜志居詩話）清蔣士銓復作臨川夢傳之。他若「內江一女子，自矜才色，不輕許人。讀還魂而悅之，逕造西湖訪焉，願奉箕帚。湯若士以年老辭，女不信。一日，見若士幡然一翁，女因投於水。」（劇說引黎澹雲語）「杭州有女伶商小玲者，於還魂記尤擅場，嘗有所屬意，而勢不得通，遂鬱鬱成疾。一日演尋夢，隨聲仆地，視之已氣絕矣。」（劇說引珊瑚絨衛堂開書）鄒弢三借廬筆談又記有揚州女子因讀還魂記成癖，臨死遺言，以記為殉。類此者甚夥，不暇一一記也。

今猶見奏演者，有勸農、學堂、遊園、驚夢、尋夢、冥判、拾畫、叫畫、問路等齣，而弔打、圓駕兩齣亦偶有演者，於驚夢中又有添出堆花、詠花兩套者。版本甚多，有玉茗堂本、石林居士刊本、王思任評本、沈際無評本、柳浪館刊本、冰絲館刊本、吳吳山三婦評本、陳眉公評本（改名丹青記）、暖紅室刊本及各種改本。（詳見後頤園改本條）

紫釵記，明湯顯祖撰。本唐蔣防小說霍小玉傳，而作詩人李益與霍王女小玉之情事者。「惟不及

李益就婚盧氏事，強易悲劇爲團圓，未免有損于小玉傳纏綿悱惻的情緒。」（插圖本中國文學史）

結構亦有冗漫之嫌。「詞藻精警，遠出香囊，玉玦之上四夢中以此爲最豔矣。余嘗謂工詞者或

不能本色，工白描者或不能作豔詞。惟此記穠麗處實合玉溪詩，夢窗詞爲一手，疏雋處又似貫

酸齋，喬孟符諸公。惟記中錯律處頗多，自葉譜出世後，已盛行一時。其不合譜處改作集曲者，十

有六七。其聲別有幽逸爽朗處，非尋常洞簫、玉笛可比。」（中國戲曲概論）王君九先生亦有改本，

（祇十四折）載集成曲譜中。今尙演奏者祇折柳陽關一齣耳。傳本有玉茗堂本、柳浪館刊本、竹

林堂刊本、暖紅室刊本及臧晉叔改本

邯鄲記，（一名邯鄲夢）明湯顯祖撰。成於萬曆四十一年，（據自序）時已年六十四矣。本唐沈既

濟小說枕中記而作，敘盧生黃粱一夢事。元馬致遠雜劇邯鄲道省悟黃粱夢與盧生事無關，此

記非模仿馬氏之作也。惟第三齣度世（今俗稱三醉）則參用馬致遠呂洞賓三醉岳陽樓雜

劇事。而第三十齣仙圓亦由元曲脫胎，梁廷枏已言之矣。（見曲話）「臨川傳奇，頗傷冗雜。惟此記

與南柯直捷了當，無一冷語。增一折不得，刪一折不得。非張鳳翼、梅禹金輩所及也。記中備述人世險詐之情，是明季宦途習氣，足以考萬曆間仕宦況味。蓋臨川受陳眉公媒孽下第，因作此洩憤，且藉此喚醒江陵耳。（中國戲曲概論）今猶演唱者有掃花三醉、番兒、雲陽法場、仙圓四齣。傳本除六十種曲外，有玉茗堂本、柳浪館刊本、閔刻朱墨本、臧晉叔改本、暖紅室刊本等。

南柯記一名南柯夢，明湯顯祖撰。本唐李公佐小說南柯太守傳而作，敍淳于棼夢入大槐安國事。南柯與邯鄲均爲記夢中一生事，闡揚作者出世的人生哲學。今尙演唱者祇花報、瑤臺兩齣耳。傳本有玉茗堂本、明萬曆刻本、柳浪館刊本、沈際飛刊本、陳眉公刊本、臧晉叔改本、閔刻朱墨本、暖紅室刊本等。馬廉曾藏有六十種曲初印本。

北西廂（原名崔鶯鶯待月西廂記）元王實甫撰。傳元關漢卿續。歷來對於西廂作者，本有種種辯論。或謂關作，或謂王作；或謂關作王續，或謂王作關續。（見曲錄）今王作已成公論，關續（相傳首四本十六折爲王撰，末本四折爲關續）則猶有疑義。故茲刊書首，依鄭振鐸先生之指示，僅題王作，未言關續。實甫名德信，大都人。一事實不概見，王靜菴謂其由金入元，與關漢卿同。

說可從也。正音譜評其詞：『如花間美人。』又云：『鋪敘委婉，深得騷人之趣。極有佳句，若玉環之出浴華清，綠珠之采蓮洛浦。』所作雜劇十三種。（見錄鬼正音）今存二種。（吳瞿安先生沅劇研究）一爲麗春堂，一卽西廂。西廂爲全五本之雜劇，非傳奇。六十種曲將此廁於南詞之間，實屬不倫。然明人固多不明其結構，而誤以傳奇視之也。敘張生與崔鶯鶯之西廂故事，始於唐元稹之會真記，此後爲詩、爲詞、爲曲，不在少數。金董解元之西廂記諸宮調出，面目一變。迨王實甫敷衍爲全五本之雜劇，於是而傳徧萬人矣。自來評者，罔不推崇，不暇細錄。王世貞謂「北曲當以西廂壓卷」，（藝苑卮言）洵非溢美之詞。而盛名之下，傳說以來，「世傳實父作西廂，至碧雲、天黃花地，西風緊，北雁南飛，構思甚苦，思竭，撲地遂死。」（梁廷樞曲話）亦猶琵琶之有「燭花交」，還魂之有「玉茗盛開」也。刻本至夥，今可考者亦近三十種，以徐文長評點本、王伯良校注本、陳眉公評本、李卓吾評本、王思任評本、六幻本、凌初成朱墨本、毛西河評本、金聖歎評本（卽第六才子書）爲最著。

春蕪記，明汪錢撰。錢字劍池，錢塘人。春蕪記敘宋玉情事，卽自登徒子好色賦發想者。今無演者。除

六十種曲外無他本。

琴心記，明孫柚撰。柚字梅錫，江蘇常熟人。琴心鼓司馬相如與卓文君事。曲品不載，黃文暘曲海目及曲錄均列之爲無名氏之作，惟徐復祚謂係孫柚撰。徐氏三家村老委談曰：「邑人孫梅錫，柚作琴心記，亦有織句。」又徐氏花當閣叢談曰：「孫柚者亦有才情，與余善。性粗豪，不修曲謹，喜飲，喜樗蒲。居藤溪，蕭然一室，無儋石儲，而好客不衰。嘗取司馬長卿以琴心挑文君事作傳奇，名琴心記，亦俊逸可喜。第頭腦太亂，脚色太多，大傷體裁，不便於登場。曲亦時有未叶，以故反不若梁長浣紗之傳。然較之宣城之嵌寶揀金，臨川之字覘句鬼，則大有逕庭矣。每欲取而改訂之，有志焉而未逮也。」今無演者。本書初印本較多，馬廉及傅惜華賀昌羣諸先生均有藏度。

玉鏡臺記，明朱鼎撰。鼎字永懷，崑山人。玉鏡臺鼓晉溫嶠事。譜此事者，前有關漢卿溫太真玉鏡臺雜劇，後有范文若花筵賺傳奇。青木正兒謂花筵賺勝此記，鄭振鐸先生則盛稱此記，謂「雖亦爲寫悲歡離合的劇本，卻全異於一般的戀愛劇。國家的大事，佔據了家庭變故的全部。雖本關漢卿的溫太真玉鏡記，卻比之原劇，面目全殊。其間新亭對泣，聞雞起舞，中流擊楫諸齣，至今讀

之，猶爲之感興。桃花扇與此劇正是同類；惟桃花扇充滿了淒涼悲楚，而此記則尚有陽剛銳厲之氣魄，是興國而非亡國的氣象。」（插圖本中國文學史）今無演者。傅惜華先生藏有初印本。

懷香記，明陸采撰。敘賈謚女偷香私贈韓壽事。采以明珠名，此記不爲人所重。傅惜華先生藏有此記初印本。

綵毫記，明屠隆撰。隆字長卿，又字緯真，號赤水，鄞縣人。「舉萬曆五年進士，除穎上知縣，調繁青浦。時招名士飲酒賦詩，游九峯三泖，以仙令自許。然於吏事不廢，士民皆愛戴之。」在官僅七年。「歸益縱情詩酒，好賓客，賣文爲活。詩文率不經意，一揮數紙。嘗戲命兩人對案，拈二題，各賦百韻，咄嗟之間，二章並就。又與人對弈，口誦詩文，命人書之，書不逮誦也。」（明史文苑傳）其天才有如此者。所作傳奇凡彩毫、曇花、修文三記。彩毫記敘李白事，曲品謂爲赤水自況也。「選事不精，文復板滯，似更下於浣紗。」（插圖本中國文學史）「不足以描寫仙骨飄飄磊落不羈之李白人格。曲詞多藻彩而少本色，賓白用駢體。」（中國近世戲曲史）李調元謂「其詞塗金績碧，求一真語，雋語，快語，本色語，終卷不可得。」（雨村曲話）此乃確切之評也。今無演者，亦無他本流傳。

運甃記，明人撰，作者未詳。「寫陶侃事，所敍晉室南渡，北方淪沒，諸賢同心努力於支危局諸事，極慷慨激昂之致，和朱鼎的玉鏡臺記異曲同工。」（插圖本中國文學史）今無演者。亦無他本。賀昌羣先生藏六十種曲初印本。

鸞鏡記，明葉憲祖撰。憲祖字美度，一字相攸，號桐柏，別號六桐，又號榭園居士，亦號紫金道人，餘姚人。嘉靖四十五年生，萬曆二十二年中舉。越二十五年，萬曆四十七年始中進士。官至工部郎中。以私議魏忠賢生祠事，削籍。崇禎十四年八月六日卒，年七十六。生平好度曲，每一曲脫稿，即令人習之，刻日呈伎。袁于令爲其弟子，吳炳之作亦求其教正，然後行世。所作傳奇有鸞鏡記、雙豔記、四豔記、金鎖記、玉麟記五種。「諸記皆出之以鏤金錯彩，過於眩目的辭藻，也足以使人不感得舒服。」（插圖本中國文學史）鸞鏡記敍溫庭筠與魚玄機婚姻事。「其人雖爲史上人物，其事則爲虛構。事情分三面，關目雖稍嫌散漫，登場人物不多，布置整頓，中間點出賈島，破情節之平弱而收效果，亦可謂一佳構之作也。」（中國近世戲曲史）曲品評曰：「曲中頗具憤激。」黃宗義曰：「賈島以發舒二十餘年公車之苦。」（外舅葉公改葬墓誌銘）此蓋不平之作也。今無演者。亦無



他本。

玉合記，明梅鼎祚撰。鼎祚字禹金，安徽宣城人。少時卽有詩名。及長，棄舉子業，盡力詩文，撰述甚富。萬曆末年卒，年六十七。鼎祚與湯顯祖有交誼，玉茗堂集中寄梅之詩及尺牘甚多，所撰玉合記題辭，亦多敍與梅之舊交。鼎祚所作傳奇，有玉合記、長命縷等。玉合敍，唐詩人韓翃與其妻柳氏事。（本孟堅本事詩及許堯佐章臺柳傳）「爲詞家所賞。」（靜志居詩話）「士林爭購之，紙爲之貴。曾寄余，余讀之，不能也。徒逞博洽，使聞者不解爲何語，何異對驢而彈琴乎？」（三家村老委談）蓋本記「賓白盡用駢語，餽釘太繁，其曲半使故事及成語，正如設色骷髏，粉捏化生，欲博人寵愛難矣。」（顯曲雜言）無怪「從玉合以後，駢儷派便趨於絕路。湯顯祖、沈璟出，遂把這陳腐風笨的作風，如狂飆之掃落葉似的，一捲而空。」（插圖本中國文學史）惟吳瞿安先生則大加稱賞：「此記文情穠麗，科白安雅，較澆紗爲純粹。其結構緊嚴，亦較玉茗還魂、紫釵差勝。學人填詞，究與才人不同。」（曲選）蓋別有見地也。今無演者。傳本除六十種曲外，尚有富春堂刊本，世德堂刊本及李卓吾評本等。

金蓮記，明陳汝元撰。汝元字太乙，會稽人。著有金蓮記及紫環記兩本。敍蘇軾宦遊浮沈，閨中風流事。鄭振鐸先生謂爲通俗之作也。（見插圖本中國文學史）今無演者，亦無他本。

四喜記，明謝讜撰。讜字海門，上虞人。敍宋郊宋祁兄弟俱臻貴顯事。「郊以救蟻獲中狀元，乃是『因果劇』的常套。中入貝州王則叛亂事，蓋故以引起劇中波瀾者。」（插圖本中國文學史）今無演者，亦無他本。

三元記，明沈受先撰。受先字壽卿，里居事蹟年代俱不詳。所著有三元、龍泉、嬌紅、銀瓶四記。（據曲錄。曲品則於銀瓶未著姓氏。）曲品云：「壽卿蔚以名流，雄乎老學。語或嫌於湊插，事每近於迂拘。然吳優多肯演，行吾輩亦不厭弄。」三元記敍馮商還妾生子，其子馮京連中三元事。馮京宋史有傳，連中三元，亦係事實。其父還妾事，見羅大經鶴林玉露。南詞敍錄「宋元舊編」部有馮京三元記，殆爲此記之前身。「此記曲文中多雜詩語，賓白亦多文語。上半本關目結構略佳，然天上一場後，冗漫不足觀。此劇後半，其病最甚。」（中國近世戲曲史）今無演者。馬廉及傅惜華先生均藏有本書初印本。吳瞿安先生有富春堂刊本。

投梭記，明徐復祚撰。本書作者，向不知爲何人。趙景深先生從徐氏花當閣叢談及王應奎柳南隨筆考知其爲徐復祚之作。按趙說是也。花當閣叢談曰：「庚戌成紅梨後，遂燒卻筆硯。既而閱楚記胡楚恩事，因思死生禍福不宰之讒慝，亦寧關乎口語，固自有天公主之。乃復理鉛槧，爲投梭記謝幼輿折齒事。」柳南隨筆曰：「徐復祚工詞曲，若紅梨投梭……諸本至今流傳於世，然不知其爲陽初作也。」姚華彙綺室曲話及傅惜華先生近撰六十種曲版本考俱云徐撰，可知是說似無疑義矣。徐復祚字陽初，號慕竹，自號陽初子，又號洛誦生，常熟人。「博學能文，尤工詞曲。」錢宗伯題其小令，以高則誠爲比。「柳南隨筆卷一」自云張鳳翼爲其妻之世父，往往就之受曲學指導者。又其曲爲臧晉叔所愛（俱見委談）。然則當爲萬曆間人，但曲品不載，或其作在萬曆之後歟，抑爲遺漏歟。所作傳奇有投梭、紅梨、宵光劍、梧桐雨等。投梭敘謝幼輿折齒，元縹風守節事。「筆墨雅潔，情詞婉妙。」（劇說）今無演者，亦無他本。

鳴鳳記，傳明王世貞撰。（曲海目、曲錄）明人曲品，曲律中具不言世貞有此作。劇說則云：「相傳鳴鳳傳奇，弇州門人作，惟法場一折，是弇州自填詞。」疑莫能明，今姑仍題王作，以俟考證。王世貞字

元美，號鳳洲，又號弇洲山人，太倉人。年十九，中進士。以父忬因事爲嚴嵩所殺，棄官歸。嵩敗後，隆慶初，乃伏闕訟父冤。後累官刑部尙書。始與李攀龍、狎主文盟，爲後七子之中心。攀龍死，世貞獨霸文壇者近二十年。（插圖本中國文學史）「萬曆十八年卒，年六十五。戲曲非其所長，但其著藝苑卮言評戲曲之論，識見甚高，爲後世讀曲家所重。此記取材於嘉靖間丞相嚴嵩及其子世蕃弄權橫暴之當時時事者。登場人物太多，事極複雜。」（中國近世戲曲史）似以楊繼盛爲中心，又以鄒應龍爲中心。頭緒紛繁，各可成篇，分則成爲獨立的幾段，合則僅可勉強成爲一劇耳。中心乃爲某事，並非某人，像這種的政治劇，在當時殊少見。傳奇寫慣了的是兒女英雄，悲歡離合，至於用來寫國家大事，政治消息，則鳴鳳實爲嚆矢。（插圖本中國文學史）所謂「鳴鳳」大約取義於首齣下場詩「丹鳳朝陽一齊鳴」歟。相傳此記「初成時，命優人演之，邀縣令同觀，令變色起謝，欲亟去。弇洲徐出，邸抄示之，曰：嵩父子已敗矣，乃終宴。」（劇說）至於曲詞，則多排偶之句，描景寫情，常未能宛曲或深刻。「河套一折，膾炙人口。然白內多用駢儷之體，頗礙優伶搬演。」（曲話）「其最大的缺點，則爲所寫的前後八諫臣，其面目都無甚懸殊，其行徑也大相類似，頗給

我們以雷同之感。」（插圖本中國文學史）今所演者爲辭閣、嵩壽、喫茶、夏驛、寫本、斬楊、醉易、放易、丐辱、醉二等齣。但丐辱、醉二兩齣，記中無此情節，想係後人添加者。傳本除六十種曲（傅惜華先生藏有初印本）外，尚有李卓吾評本。

飛丸記，明人撰。作者姓字無考。敘易弘器與嚴世蕃女玉英事。今無演者。馬廉曾藏本書初印本。紅梨記，明徐復祚撰。一本元張壽卿紅梨花雜劇，「譜趙伯疇謝素秋事，頗爲奇豔。明曲中上乘之作也。中記南渡遺事，及汴京殘破情形，大有故國滄桑之感。傳奇之作，大抵言一家離合之情，獨此記家國興衰，備陳始末，洵爲詞家異軍。記中錯認、路敘、托寄諸折，淒迷哀感，雖狡童、禾黍之歌，亦無以過此。而葉懷庭止取訴衷一折，且云紅梨才弱，一二曲後，未免有捉衿露肘之態，此言亦覺太過。訴衷折固佳，必謂他折皆捉衿露肘，殊失輕率。且其時尚無曲譜，而亭會三錯、詠梨數折，皆用犯調，穩愜美聽，又非深於音律者不能。雖通用琵琶格式至多，不免蹈襲，顧亦無妨也。」（中國戲曲概論）今尙演者有亭會花婆、三錯三齣。傳本有洛誦生原刻本、萬曆間刊本、閔刻朱墨本、陶氏影印本、巾箱本、傅惜華先生藏有六十種曲初印本。

八義記，明徐元撰。元字叔回，錢塘人，生平不詳。曲品於孤兒記下云：「近有徐叔回所改八義，與傳稍合，然未佳。」則徐氏當爲萬曆間人。八義敘程嬰公孫杵臼事，蓋本於元人南戲趙氏孤兒記（有富春堂刊本）而潤改者。二記異處極多，然大致尙多相同。世界文庫特將二記校勘，標其異處，重付刊印，當爲定本矣。（元初又有紀君祥趙氏孤兒雜劇，亦傳此事。）今尙演者，有趙勸、鬻桑、評話、鬧朝、撲犬五齣。無他種版本流傳。

西樓記，明袁于令撰。于令原名晉，又名韞玉，字令昭，一字梟公，號籀庵，吳縣人。爲明末諸生。「居因果巷，以一妓女事，褫革衣衿。順治乙酉，蘇郡紳士投誠者，浼袁作表齋呈。以京官議敘荆州太守。十年不調，監司謂之曰：『聞君署中有三聲，弈棋聲，唱曲聲，骰子聲。』袁答曰：『聞明公署中亦有三聲，天平聲，算盤聲，板子聲。』監司大怒，揭參落職。」（小說考證引顧丹五筆記）後年逾七旬，尙

強作少年態，喜談閨中事。晚年寓浙江會稽，忽染異疾，不食者二十餘日而卒。（孟心史先生西樓記

考引三岡識略）其卒當在康熙十二年（甲寅）。（據西樓記考）所作傳奇有西樓記、金鎖記、玉符記、

珍珠記、肅霜裘等。西樓記敘于叔夜、穆素徽事。相傳此記乃作者之自傳。袁棟書隱叢說曰：「沈

同和雄豪一鄉，凡新到妓女，必先爲謁見。穆素微者，頗有才貌，且年甚少，循例謁沈。是時適有文會，袁生亦在焉。席半，袁頗眷穆，穆亦心許之。私語移時，沈爲不懌，促之入座，終席而罷。袁生自是怏怏失志，如崔千牛之於紅綰妓也。有門下客馮某者，喜任俠，有膽力，慷慨自負，以必得素微爲報。是日，沈與穆同遊虎邱，馮單身徑造沈舟，負穆而去。沈甚不平，爲與訟焉。袁生之父懼，送子繫獄。袁生於獄，惆悵無聊，爲作傳奇。『袁』乃『于鵠切』也。西樓至今尙在吳江縣城外。〔但据西樓記考則知西樓實在蘇州因果巷附近四通橋，而沈同和之別業則在吳江鎮西張家濱。〕此記「頗負盛名，歌場盛傳其詞。然魄力薄弱，殊不足法。惟俠試北詞，尙能穩健。而收尾不俊，已如強弩之末，蓋才不豐也。卽世傳楚江情一曲，亦鈔襲周憲王舊詞，籀庵不過改易一二語而已。而能傾動一時，殊出意外。」〔中國戲曲概論〕其錯夢一折殆流傳最盛，故傳說亦多。清初宋犖篤廊偶筆曰：「籀庵與人談及西樓記，輒有喜色。一日出飲歸，月下肩輿過一大姓門，其家方燕賓，演霸王夜宴。與人云，如此良夜，何不唱『繡戶傳嬌語』？」〔案此乃錯夢詞〕乃演千金記耶。籀庵聞之狂喜，幾至墮輿。〔梁廷博曲話引〕吳陳琰曠園雜志曰：「袁籀庵與數客謁合肥公，久之不出，



使人報曰：『平昔未相識，不便接見。』袁大不懌。少頃，公出，長揖曰：『從來不認得于叔夜。』

此錯夢語。

舉座絕倒。」

（劇說引）

如此傳誦之錯夢，亦有謂係他人代作者。漁磯漫鈔曰：『袁韞玉

西樓記初成，往就正於馮猶龍。馮覽畢，置案頭，不置可否。袁惘然不測，所以而別。袁歸，躊躇至夜，

忽呼燈持百金就馮。馮曰：『我固料子必至也，詞曲俱佳，尙少一齣，今已爲增入矣。』乃錯夢也。

袁不勝折服。是記大行，錯夢尤膾炙人口。」

（小說考證引）

未免言之過甚。焦循辨之曰：『西樓爲

馮所改之本，名楚江情，刻墨慈齋諸劇中。凡改處，皆自標於闌上。至錯夢一齣，極口贊其神化不

可思議，未嘗有改易之說。則錯夢正出袁手，不可誣也。」

（劇說）

案馮夢龍善改劇，其重訂諸作，

文辭曲律，兩俱精美，所改者共有十餘種之多。夤夜納金之說，殆以此而生歟。西樓今尙演唱者，

有樓會拆書，玩箋錯夢，俠試贈馬諸齣；更有癡池一齣，演池同失素徽後之癡態，不見原作中，想

乃後來所增益者。

碩園改本還魂記，改者碩園，不詳其姓氏。亦無他本流傳。至於所以改者，則以「記中錯律處頗多，

度曲家多棘棘不上口，因有爲之刪改者。吳江沈寧庵（環）首爲筆削，更名合夢記，屬山陰呂

玉繩轉致臨川，臨川不懌。其後有碩園刪定本，臧晉叔刪改本，墨憨齋改訂本（易名風流夢），皆臨川沒後行世。雖律度諧和，而文辭則遠遜矣。清初鈕少雅有格正還魂二卷，取此記逐句勘核九宮，其有不合，改作集曲，使通本皆被管絃，而原文仍不易一字。可謂曲學之健將。不獨臨川之功臣也。（中國戲曲概論）

繡襦記，明徐霖撰。此記作者，曲品作無名氏。曲海目作鄭若庸，今已知其誤矣。顧曲雜言僅言「化治間人」。靜志居詩話作薛近竟，不知何據。薛之里居亦不詳。周暉金陵瑣事則謂爲徐霖作。鄭振鐸先生因徐霖以作曲名，認繡襦乃徐作爲最可靠。今從鄭說。徐霖字髯仙，又字子仁，應天人當正德時，爲南京曲壇祭酒。金陵瑣事云：「徐霖少年，數遊狹斜，所填南北詞，大有才情，語語入律。武宗南狩時，伶人臧賢薦之於上，令填新曲，武宗極喜之。余所見戲文繡襦，三元梅花，留鞋，枕中，種瓜，兩團圓，數種行於世。」又云：「武宗屢命以官，辭而不拜。終更事變，拂衣遂初。既歸，而名益震，詞翰益奇。又幾二十年，竟以隱終。」繡襦記敘鄭元和、李亞仙事。一本唐白行簡小說李娃傳，並榜採前人雜劇而作者。先於此記，作李娃之事者，有元高文秀 鄭元和風雪打瓦罐（今佚）。

石君實之李亞仙詩酒曲江池及明周憲王李亞仙花酒曲江池雜劇比較之，此記最爲忠實。演述原作小說之情節者。（中國近代戲曲史）其佈局排場，遣辭用語，均臻上乘。「豔而不流於膩，質而不入於野，其濃淡深淺之致，恰到好處，正是曲文至高之境地。尋常傳奇，其悲歡離合，不外番邦作亂，妖賊逞兵，以致情人離散，鴛侶失羣。繡襦則全部皆只寫鄭李之事，並不節外生枝，一無刀兵，二無逃亡，反反覆覆只實寫着二人的倦戀與悲遇，其間更插以極動人的父子、母兒間的至情。敘寫又極深入，描畫更爲逼真，實嘉靖以後，描寫技術已臻最純熟的境地。時代的產品。即以同時代的浣紗、鳴鳳較之，也遠爲不及。」（插圖本中國文學史）而其中「鵝毛雪一折，皆以乞兒家常口頭語，鎔鑄渾成，不見斧鑿痕跡。」（顧曲雜言）尤爲難得。靜志居詩話曰：「中伯嘗填玉玦詞，以訕院妓，一時白門楊柳，少年無繫馬者，羣伎患之，乃釀金數百，行薛生近竟，作繡襦記以雪之，秦淮花月，頓復舊觀。」其事之有無，固不可必，但此劇流傳之盛，亦可見一斑。今尙演者，有樂驛、墜鞭、入院、扶頭、賣興、當巾、打子、收留、教歌等齣。刻本有李卓吾評本、陳眉公評本、凌氏朱墨刊本、暖紅室刊本。

青衫記，明顧大典撰。大典字道行，吳江人。「美丰儀，登第甚少」（按隆慶二年中進士）曾一就教吾越，以閩中督學使者棄官歸田。工書畫，多姬侍，兼有顧曲之嗜。所蓄家樂，皆自教之。晚年無疾，爲人作一書與郡公，投筆而逝，亦一奇也。」（曲律）所著傳奇，有青衫記、葛衣記、義乳記等。青衫雖爲「敷演白樂天琵琶行之詩意，然並非直接自詩中構想者，所据馬致遠雜劇青衫淚處不少。」（中國近世戲曲史）此記文辭結構，俱未見佳；其牽強處，眞堪噴飯，祇收場稍爲穩健耳。今無演者，亦無他本。

錦箋記，明周履靖撰。履靖字逸之，號螺冠，秀水人，喜刻書。錦箋鉞梅玉、柳淑娘私通事，情節亦未見高明。今無演者。傳本尚有繼志齋刊本、玉茗堂評本、開明圖書館藏有六十種曲初印本。

蕉帕記，明單本撰。本字槎仙，會稽人。著有露綬記、蕉帕記兩傳奇。蕉帕記鉞西施死後化爲白狐事。「關目太類兒戲，間有可厭之淫褻情狀，結構亦蕪雜，遂不入雅人之賞。」（中國近世戲曲史）惟「詞頗精警，用本色處至多。又摹寫招討公子胡連，愁狀可掬。明人作劇，輒不長於科誦，此記猶可發粲，勝禹金，亦水多矣。獨諸折尾聲，喜增多一句，作尾雙聲，破舊格十二板之例，實不可爲法，知音

者不應爾許也。」（曲選）今無演者。刊本尚有文林閣本。

紫簫記明湯顯祖撰。取材與紫釵記同，但情節則與紫釵異，不過略借其二三事蹟爲關目之骨子而已。不若紫釵之仍原作而敷演者。紫釵記自序述其刊行紫簫之故甚詳，「往者余與所遊謝九芝、吳拾芝曾粵詳諸君度新詞爲戲。未成，是非蜂起，訛言四方，諸君子有危心，略取所草，具詞梓之，以明與時無與。記初名紫簫，實未成，亦不意其流行之如是也。南都多暇，更爲潤刪訖，名紫釵。」所謂是非蜂起者，据顧曲雜言，謂係「人目爲譏刺宰相」也。本記「辭藻穠麗，幾字字嘔心鑿腎以出之，故頗多晦澀語及費解語。通闕平仄句法，完全不合律度。臨川晚年，欲重續此曲未果。歿後，零星詞曲稿本，悉被三子開遠焚去，此記卽在劫中，殊可惜矣。」（曲選）有富春堂刊本，吳瞿安先生藏有六十種曲初印本。

水滸記明許自昌撰。自昌字玄祐，吳縣人。與「陳眉公諸人交往，構梅花墅，聚書連屋。又好刻書。所作傳奇有水滸記、橘浦記、靈犀珮、弄珠樓及報主記等。惟水滸記流傳最廣。水滸記敘宋江事，皆本水滸詞，曲甚婉麗，結構極完密，像劉唐醉酒等幕尤精悍，有生氣。」（插圖本中國文學史）惟「好

用駢綺之筆，與殺伐之水滸劇不相稱。曲辭無論矣，卽茶店老媪，時述四六駢體之白。又如梁山泊軍士敍梁山泊形勝，近三頁餘之獨白，宛如一篇長賦。（第九齣）難免不倫之譏。（中國近世戲曲史）今尙演者，有借茶、劉唐、前誘、後誘、殺惜、放江、活捉等齣，拾巾一齣，亦偶有演者，惟不多觀耳。梅花墅原刊本，今亦尙有流傳。

玉玦記明鄭若庸撰。「若庸字中伯，號虛舟，崑山人。早歲以詩名吳下，趙康王聞其名，走幣聘入鄴，客王父子間。王爲庇供帳，賜宮女及女樂數輩。康王薨後，乃去趙，居清源。年八十餘卒。」（顧曲塵

譏）所著傳奇，有玉玦、大節二種。玉玦敍王商與其妻秦慶娘悲歡離合事。「典雅工麗，可詠可歌，開後人駢綺之派。每折一調，每調一韻。」（曲品）而其用韻，又未嘗不守德清之約。（見三家村老

委談）是以用韻之諧，爲時所膾炙所乏者，生動之色耳。（見顧曲雜言）蓋本記「故事太多」，（南詞

敘錄）幾類「用類書爲之」。（元曲選序）王驥德謂：「玉玦句句用事，如盛書櫃，番使人厭惡。」（曲律）

徐復祚謂：「其好填塞故事，未免開餽釘之門，辟堆垛之境，不復知詞中本色爲何物。」（三家村老委談）諸家所言的中肯綮，惟「結構甚爲嚴密，無一字無照應，無一人無下落」。（插圖本中國文學史）

而「靜躁貞姦，交互相比，排場毫不拙劣，又能工于收束事件，決非凡手。」（中國近世戲曲史）今無演者。除六十種曲（馬廉曾藏有初印本）外，尚有富春堂刊本。

灌園記，明張鳳翼撰。本史記田敬仲世家，「敍齊世子法章與莒太史敫女之情事，結構雖不足稱善，然製衣授衣等齣，亦可愛而不乏情味。後馮夢龍不滿其情節，刪改正之。」（中國近世戲曲史）作

新灌園傳奇。灌園記今無演者。傳本除六十種曲（鄭振鐸先生藏有初印本）外，尚有富春堂本。種玉記，明汪廷訥撰。廷訥字昌朝（曲品作昌期）一字無如，自號坐隱先生，無無居士，清癡叟，休寧人。官鹽運使。耽詩賦兼愛填詞，結環翠亭，酒讌琴歌，與湯養仍、王伯穀諸人游。」（靜志居詩話）作

有環翠堂樂府十八種，今所知所見者祇十五種。惟據周暉續金陵瑣事，此等俱爲陳所聞（字蕙卿，曾編刻南北宮詞紀）所著，而書坊汪廷訥皆刻爲己作。確否固不可知。惟陳所聞北宮詞紀中有陳所作贈汪之套曲，陳與汪爲好友，則可斷言也。種玉寫霍中孺事。「雖本漢書，而殊多裁翦。」（曲選）「關目雜亂，多不自然處，又乏精彩，非佳構也。」（中國近世戲曲史）今無演者。除六十種曲外，尚有環翠堂原刊本。



雙烈記，明張四維撰。「四維字治卿，號五山秀才。」（曲品作午山）元城人。嘗和陳所聞以曲相贈答。（見南宮詞紀）（插圖本中國文學史）所作傳奇有雙烈記、章臺柳、雙烈、斨、韓世忠和梁紅玉事。本宋史韓世忠傳敷演之。「英爽生色。」（曲品）甚能動人。但結構則未見嚴密，有過於草率之嫌。曲辭本色，雖漸趨整齊，而仍帶前期氣息。（見傳奇的繁興）今無演者。別無他本。

獅吼記，明汪廷訥撰。爲翠環堂樂府中最負盛名者。「斨陳季常妻柳氏奇妬事，是絕好的一部喜劇。」（插圖本中國文學史）取材於宋人隨筆，東坡有詩曰：「龍邱居士（卽季常）亦可憐，談空說有

夜不眠，忽聞河東獅子吼，拄杖落手心茫然。」河東獅子指柳氏，蓋東坡借傳登錄語以調之者。（見錢評方小說考）作者採取此種逸話，而誇張其妬狀，關目甚佳，「備極醜態，總堪捧腹。」（曲品）

其中梳妝、遊春、跪池、三怕四齣，今猶盛演不替。鄭振鐸先生有六十種曲初印本，「原刻本（卽環翠堂本）昔王靜安先生曾藏之，今則歸於日本京都帝國大學矣。」（傳惜華先生與玉軒叢書出志）

義俠記，明沈璟撰。「璟字伯璜，號寧菴，世稱詞隱先生，吳江人。」（曲錄）「萬曆二年弱冠中進士，入仕，自吏部郎轉爲光祿寺丞。適有忌者，壯年辭官歸鄉郊居，放情詞曲，精心考察，殆三十年。客至

每談必聲律，娓娓剖析，終日不置。」（中國近世戲曲史）璟「深通音律，善於南曲，所編南九宮譜，爲作曲者的南圭。又有南詞韻選，所選者也以合韻與否爲上下。璟影響極大，凡論詞律者皆歸之。他論文每右本，以樸實不失真爲上品，以誇飾雕斲爲下。在當時日趨綺麗的曲風中，他確是一位挽救曲運的大師。」（插圖本中國文學史）曲品謂爲「此道賴以中興」，誠非虛語。顧曲雜言更謂：「梁伯龍、張伯起、俱吳人，所作盛行於世，若以中原音韻律之，俱門外漢也。惟沈寧庵恪守詞家三尺，如庚清真、文桓、歡寒山、先天諸韻，最易互用者，斤斤力持，不少假借，可稱度曲申韓。惟其所作，則非盡滿人意，「未免庸率。」（曲律）所作傳奇凡十七種，總名屬玉堂傳奇，惟散佚殆盡，不皆可見。今猶得讀者，祇義俠、埋劍、雙魚、桃符數種而已。義俠爲今所知者中最著名之一，敘武松事，「情節與水滸傳所敘者無大出入，惟增出武松妻賈氏爲不同耳。大約生旦的離合悲歡，已成了傳奇的定型，故硬配上一個幼年訂婚的賈氏吧。」（插圖本中國文學史）「曲詞用本色語，極爲平實，『激烈悲壯，具英雄氣色。』（曲品）然比之水滸傳之描寫，其生動之致，不及遠甚。」（中國近世戲曲史）蓋「作者才情自淺，故雖處處用力，卻只得個平正而已。論清才雋語是說

不上的。」（插圖本中國文學史）今崑腔「文班」演者，有打虎遊街、誘叔、別兄、挑簾、裁衣、捉奸、服毒、顯魂、殺嫂等數齣，而「武班」中又有十字坡、快活林等，惜未見其辭，恐非仍演寧菴舊曲也。除六十種曲外，有富春堂刊本、文林閣刊本。

千金記明沈采撰。采名練川，吳縣人。事蹟不詳。「名重五陵，才傾萬斛。」（曲品）所作有千金記、還

帶記、四節記三種。「千金寫韓信事，當卽南詞敘錄所著錄的韓信築壇拜將。錢遵王注南詞敘錄此本上云：『追賢一齣乃元曲』正和曲品的『韓信事佳，寫得豪暢，內插用北劇』的話相

合。」（插圖本中國文學史）「第二十二齣北追，完全蹈襲元金仁傑蕭何月下追韓信之第二折者。

此記雖以韓信爲主，然描寫項羽處極有力，因之其結構分爲兩頭對立，缺少『一篇之主腦』

（開情偶寄）此其最短處也。『事業有餘，閨闈處，太寥落』（曲品）是亦一失也。」（中國近世戲曲史）今

所演者，有鴻門、撇斗、追信、拜將、別姬、烏江等齣。六十種曲初印本流傳者尙多，馬廉、傅惜華先生

北平圖書館均有度藏；此外，有富春堂刊本、世德堂刊本。

殺狗記，傅明徐、明馮夢龍訂定。嘸字仲由，淳安人。洪武初徵秀才，至藩省辭歸。嘗自「言曰：『吾

詩文未足品藻，唯傳奇詞曲，不多讓古人。蓋自知之審矣。其小令滿庭芳「比於張小山，馬東籬亦未多遜。」（靜志居詩話）而殺狗曲辭，「鄙陋庸劣，直無一語足取，有才者不宜如是也。或者殺狗久已失傳，後人僞託仲由之作，驛入歌舞場中耳。」（顧曲塵談）惜無確證，未能貿然武斷。

姑從舊說。馮夢龍，字猶龍，一字子猶，（曲品作耳猶）吳縣人。「崇禎時，官壽寧縣知縣，未幾即歸，值乙酉之變，清軍侵江南，福王降，遂殉節焉。所居曰墨憨齋，嘗取古今傳奇彙集而刪改之，且更易其名目，共十五種，一曰墨憨齋定本。每曲又細訂板式，煞費苦心，其書固可傳也。」

（顧曲塵談）「顧曲者無不重之，卽原作者也很心折。」（插編本中國文學史）六十種曲每種卷首均

無撰著人名字，惟於一種還魂記前加「碩園刪定」四字，又於殺狗前加「龍子猶訂定」五字。是殺狗之爲馮改，當無疑義。「此曲根据元蕭德祥楊氏女殺狗勸夫雜劇而作，不僅劇中骨子相似，且曲辭亦有蹈襲痕跡。梁廷柅曰：『殺狗記惡劣之甚者。元殺狗勸夫四折中，已覺鋪敘無力，況伸爲全部。無怪其一覽無餘味也。』（曲話）非酷評也。」（中國近世戲曲史）今無演者。六十

種曲初印本，鄭振鐸先生、傅惜華先生均有度藏，此外有暖紅室刊本。

玉環記，明初人撰。作者姓名不詳。一本元喬夢符兩世姻緣雜劇，敍韋皋與妓女玉簫兩世姻緣事。南詞敍錄著錄明初戲文有玉簫兩世姻緣一種，大約卽係此記。「本書排場緊張，文辭極爲本色，是這時代的第一流作品。」（插圖本中國文學史）今無演者。除六十種曲（傅惜華先生藏有初印本）外，有富春堂刊本及慎餘堂刊本。

龍膏記，明楊珽撰。珽字夷白，錢塘人。著龍膏記及錦帶記。龍膏「敍張無頗得起死藥，龍膏於袁大娘，以治元湘英疾，得成姻緣事也。祇是一本習套的戀愛傳奇。」（插圖本中國文學史）今無演者，亦無他本。

贈書記，明人撰。作者姓名不詳。敍談塵與賈巫雲姻緣事。今無演者。亦無他本。北平圖書館及傅惜華、鄭振鐸兩先生，均藏有本書初印本。

白兔記，元人撰。作者姓名不詳。南詞敍錄著錄，題爲劉智遠白兔記，列入「宋元舊編」中，殆爲元末人所作。敍劉智遠事。此故事來歷甚古，宋人五代平話之漢史平話中，已有此情節；金有無名氏劉智遠諸宮調，元有劉唐卿李三娘麻地捧印雜劇。（已佚）「白兔詞極古質，味亦恬然，古色

可挹。」(曲品)但吳瞿安先生則謂「讀之幾乎令人欲嘔。」(顧曲塵談)蓋各有見地也。今尙演者，有賽願、養子、出獵、回獵、送子、五齣。除六十種曲外，有暖紅室刊本。另有富春堂刊本，面目全異。當係晚明人之改本。(據插圖本中國文學史)世界文庫特將兩種對照刊印，極便研究。

香囊記，明邵璨撰。(曲海總目提要作丘濬撰，誤。)作者事蹟不詳。南詞敍錄云：「香囊乃宜興老生員邵文明作。」劇說引說楛云：「邵宏治荆溪人，作香囊傳奇。」文明與宏治，恐一爲名，一爲字。宜興與荆溪爲鄰縣，地略同。曲品有「常州邵給諫」之語，蓋當是別人。(中國近世戲曲史) 敍宋張九成、張九思兄弟事。此曲開明曲中駢綺一派之端，占戲曲上重要地位。徐渭曰：「以時文爲南曲，元末國初未有也。其弊起於香囊記，邵文明習詩經，專學杜詩，遂以二書語句，勻入曲中，賓白亦是文語。又好用故事，作對子，最爲害事。經子之談，以之爲詩且不可，況此等耶！」(南詞敍錄) 徐復祚亦曰：「香囊以詩語作曲，處處如煙花風柳，麗語藻句，刺眼奪魄。然愈藻麗愈遠本色。」(三家村老委談) 今無演者。傳本有世德堂本、繼志齋本、李卓吾評本。六十種曲初印本北平

圖書館有收藏。

曇花記，明屠隆撰。明史文苑傳：「隆遷禮部主事，西寧侯宋世恩兄弟事隆，宴游甚歡。刑部主事俞顯卿者，險人也。嘗爲隆所詆，心恨之。計隆與世恩淫縱，隆等上疏自理，并列顯卿挾仇誣陷狀，所司乃兩黜之，而停世恩俸半歲。」曇花，敍木清泰事，相傳卽借此以洩憤者。當時沈德符曰：「近年屠作曇花記，忽以木清泰爲主，嘗怪其無謂。私問馮開之祭酒，馮笑曰：『木』字增一蓋成『宋』字，『清』字與『西』爲對，『泰』卽『寧』之義也。屠晚年自恨往時孟浪，致累宋夫人被醜聲，侯方嚮用，亦因以坐廢，此懺悔文也。」所謂宋夫人被醜聲者，蓋「西寧夫人有才色，工音律，屠亦能新聲，頗以自炫。每劇場輒闌入羣優中作技，夫人從簾箔見之，或勞以香茗，因以外傳。」

（俱顯曲雜言） 劇中盧相公卽指吳縣相公，孟豕韋卽指俞顯卿。（見曲品）「或曰：『屠隆家有曇花閣，取佛氏優鉢曇花以爲名。』」（曲海提要卷七）然竊按之，屠隆嘗卜居於寧波南門內日湖月湖之邊，名曰『娑羅館』，庭植娑羅樹，其樹明末清初尙存，張岱陶庵夢憶記其事。劇中所謂曇花，爲此種娑羅樹之轉用，非作者有寓自欲成道之意歟。果若是，賓頭盧之風僧及山玄卿之狂道，似作者自影。屠隆甚好道釋，晚年修仙爲人所惑云。（列朝詩集丁六）故其所作彩毫、曇花二記皆



關仙佛。」(中國近世戲曲史)「曇花其辭穠麗，頗多餽釘語，通本結構，又似西遊取經，且貪襲仙佛語，致有晦澀不明處，實非詞家正則。余又有曇花卻冗，分上下二卷，刪原文十之三四，雖便歌場，仍不免晦澀之病。」(曲選)「此劇關目繁冗不堪，登場人物，陸續成隊，應接不遑，狂譟熱鬧，混雜無類，可謂戲文中一怪物也。曲品評之曰：『其詞華美充暢，世情極醒，但律以傳奇局，則漫衍乏節奏耳。』信得當也。又此戲於體例上，出一新例，即以賓白演之之處甚多。常終折無一曲。蓋事件過多，欲使劇中情節迅速過渡之必要上所生之現象，此殆爲他例所不見，亦一怪也。」(俱中國近世戲曲史)今無演者。除六十種曲外，尙有天繪閣刊本，臧評朱墨本，吳瞿安先生藏有原刻本，槧工精巧絕倫，且折折有圖。

四賢記，明人撰。作者姓名未詳。曲海總目提要謂「流傳已久，當係元人之筆。」亦無確據。絃元烏古孫公一家四賢事。今無演者，亦無他本。

節俠記，明人撰。作者姓名未詳。絃斐仙先事，本太平廣記。「力抗武后爲節，豪結諸番爲俠，合以標名。」(曲海總目提要)今無演者，亦無他本。